

ANTONII MATTHAEI JC.

IN ILLUSTRIS ACADEMIA ULTRAJECTINA ANTECESSORIS

COMMENTARIUS

ad

LIB. XLVII, ET XLVIII. DIG.

DE CRIMINIBUS

DISERTA EST BREVIS, ET SUCCINCTA IURIS MUNICIPALIS INTERPRETATIO

EDITIO PRIMA FLORENTINA

IN SEX VOLUMINIBUS DISTRIBUTA

ET ADNOTATIONIBUS AUCTA

THOMAE NANI JC.

IN TICINENSI ARCHIGYMNASIO IURIS CRIMINALIS
ANTECESSORIS.

VOL. II.



FLORENTIAE 1824.

EX TYPOGRAPHIA IOSEPHI PAGANI.

Super. Permiss.

Perspicuo poteris fonte levare sitim.
A. Nauger. Lus. ix, vers. ult.

T I T. V.
DE EXTRAORDINARIIS
CRIMINIBUS

CAPUT V.

De Partu Abacto.

- | | |
|---|--|
| <p>1. <i>Ob nimiam civium multitudinem an liceat abortus facere?</i></p> <p>2. <i>Abactio partus publicumne an extraordinarium crimen sit?</i></p> <p>3. <i>Respondetur ad obiecta.</i></p> | <p>4. <i>Quid si non medicamentis, manuque abortus factus sit?</i></p> <p>5. <i>Si mater nisi abortu facto servari non possit, an liceat eo casu abortum facere?</i></p> |
|---|--|

Hoe titulo plura quidem extraordinaria crimina proponuntur, sed quoniam de nonnullis aut egimus, aut acturi sumus alibi, ideo in praesentiarum tantum de abacto partu, de scopelismo, de ruptis aggeribus, de circulatoribus disseremus, singulis criminibus singula tribuentes capita.

Grave scelus est partus abactio: nam si coelibes odio legum digni visi. quod reip. civem dare nollent, quid in eos statuendum, qui civem conceptum antequam lucem aspiciat, enecant? Quare dolco virum sapientissimum Platonem *Lib. v. de legib.* censuisse, procreationem liberorum, si nimis affluat in civitate, prohiberi posse. Aristoteles quoque *Lib. vii. Polit. cap. xvi* censuit, ad multitudinem evitandam foetum conceptum abigi posse, donec sensum et vitam acceperit: ceterum ubi vivere atque sentire coeperit, tum nefas esse eum attingere. Platonem quid moverit, non est obscurum: nempe quod sanxisset in civitate sua numerum civium quinquies mille et quadraginta, tanquam is numerus sufficiens esset, et ad depellendum vicinos iniuriantes, et ad subveniendum laborantibus. Ab huius sententia non alienus fuisse videtur Hippo-

Arist. 2. Po-
lit. 8. et 3.
Polit. 2.

damus Milesius, qui, Aristotele teste, civitatem desinivit decem millibus civium. Babylonem vero, cuius ambitus quadrata figura tantus erat, ut vix toto triduo pedestri gressu conficeretur, gentem magis, quam reip. esse existimavit idem Aristoteles. Perinde ac si resp. numero civium, ac non potius imperio atque obsequio eorum, ipsaque civili societate contineretur. Nam quid de republica Romana dicemus, in qua Tiberii principatu censa fuisse legimus, quinquies ac decies millies centena millia, ac praeterea centum ac decem millia civium, qui pene toto orbe dispersi erant. praeter servos, provinciales, ac socios, quorum numerus centuplo maior fuit? Quid de Persarum imperio, quod cxxvii. provincias complectebatur? Quid item hodie de immensis Hispanorum, Aethiopum, Tartarorum, Turcarum, Chinensium imperiis? his videlicet propter praegravem magnitudinem reip. nomen adimemus? aut ad coercendam luxuriantem hominum multitudinem imperabimus, ut procreatione abstineant, aut conceptos exponant, abigant, enecent? Hoc quisquis tentet, eum planissime *theomachein* dixerimus, ac praepotenti rerum naturae vim facere. Itaque Platoni Graeco viro et sapienti quidem, longe hac parte anteferimus Germanorum sensum, apud quos, teste Tacito, numerum liberorum finire, aut quenquam ex agnatis necare flagitium habebatur: plusque boni mores, quam alibi bonae leges valebant. Quid tamen si nimia civium multitudo propter seditiones domesticas necessario exoneranda sit, quid faciendum? Id apes intuentes discemus, quae examina aestate emittunt, cum alveus ea non capit: itidem prudentem reip. gubernatorem, colonias seu examina civium mittere alia in loca oportet, cum eos genitale solum non capit. Nec deterreatur, quod coloniae multae parentes urbes potentia excesserint; veluti Tyrum Carthago, Massylia Phocaeam, Syracusae Corinthum, Cyziceni, ac Byzantini Milctum, hodieque Veneti Patavium; ob quam causam in Graechi legibus inter perniciosissimam numerat Velleius Paterculus, quod extra Italiam colonias posuisset; praestat enim vel sobolem ge-

nitrici civitati praeesse, quam vim rerum naturae fa-
 cere: exitusque huius rei, cum incertus sit, Deo opt.
 max. committendus est, cuius providentia plerum-
 que evenit, ut quae maxime vitata volumus incom-
 moda, in ea etiam inviti atque ignorantes incidamus.
 Immotum enim illud Homericum: *Iovis autem perfici-
 ebatur consilium.*

Vallej. libn.
 histor.

His praemissis videamus, rectene Marcianus in *L. 4 h. tit.* abactionem partus extraordinarium crimen fe-
 cerit, exilio temporali vindicandum, cum Ulpianus
 in *L. si mulierem 8. D. ad L. Corn. de sicar.* ad pu-
 blica retulerit, exilioque perpetuo puniendum cen-
 suerit quae poena olim fuit Legis Corneliae de sica-
 riis, *L. 3. §. pen. D. eod.* Prima specie videri poterat,
 distinguendum esse, utrum mulier accepta pecunia
 partum medicamento sibi abegisset, an post divortium
 odio mariti: ut priori casu Lege Cornelia rei capita-
 lis damnetur: posteriore extra ordinem. Ita enim Ci-
 cero, in oratione pro Cluentio Avito scripsit, Mile-
 siam quandam mulierem, cum esset in Asia, quod
 ab heredibus secundis accepta pecunia partum medi-
 camentis sibi abegisset, rei capitalis esse damnatam:
 de ea autem quae post divortium visceribus suis vim
 intulerat, ne inimico iam marito filium procrearet,
 optimi Imperatores rescripserunt, temporali exilio
 puniendam, *L. Cicero 39. D. de poen.* Verum non pla-
 cet haec distinctio: quantulo enim improbius est, quae
 pecuniam accepit, cuius sacra fames est, illa, quae
 odio mariti deliquit? Adhaec cum legibus, non exem-
 plis iudicandum sit, qui potest res quam Cicero in A-
 sia iudicatam refert, partem distinctionis facere? Non
 enim ius eo loco proponit Cicero, sed exemplum dun-
 taxat, seu rem indicatam. Rescripto Imperatorum ius
 proponi non inficior, sed id ipsum quomodo sit con-
 ciliandum cum *d. L. si mulierem*, videndum est. E-
 xistimo autem rectius nos facturos, si ex *L. 38. §. qui
 abortionis D. eod.* distinguamus, homo fuerit, quod
 eiectum est, nec ne: ut priori casu capital sit, et Le-
 ge Cornelia vindicetur; posteriori non aequae. Hanc
 distinctionem communi calculo doctores probant, in-

Gomes. 5.
 resol. 3. n.
 31. Farin. q.
 192. n. 334.
 Covar. 1. var.
 resol. 10. n.
 20. et in cl.
 si sariosus
 part. 1. §. 3.
 Carrer tit.
 de homicid.
 §. 2. n. 14.
 Duar. de tit.
 de extr. cri-
 min. cap. 2.

Cuiac. 29.
obs. 6. Mor-
næ ad l. c.
ff. ad l. A.
quil.

terque eos etiam viri excellentes ingenio atque doctrina Franciscus Duarenus, et Iacobus Cuiacius. Confirmatur autem verbis JC. in. d. L. 38. *Qui abortionis, inquit, aut amatorium poculum dant, etsi dolo non faciant, tamen quia mali exempli res est, humiliores in metallum, honestiores in insulam amissa parte bonorum relegantur: quod si eo mulier, aut homo perierit, summo supplicio adficiuntur.* In hoc responso, tamen si verbum, *homo*, plerique referant ad eum, cui poculum præbitum est; rectius tamen meo quidem iudicio faciemus, si infinitam significandi vim tribuamus, referentes id non tantum ad eos, quibus pocula amoris, aut abortionis præbentur; sed et ad foetum, qui iam homo erat, cum abigeretur. Homo autem intelligitur, qui formatus est: informis foetus spes magis hominis, quam homo. Ad stipulantur LXX. interpretes sacri codicis, qui cum Moyses *Exod. 21. v. 22.* ita sanxisset, *Certantibus hominibus, si percusserit unus illorum mulierem gravidam, ita ut eiciatur foetus eius, nec tamen sit exitium* (Pagninus et Iunius vertunt, *mors*) *omnino multatur, prout imposuerit ei maritus ipse mulieris, et per iudices dato. Sin autem exitium sit, tum reddes vitam pro vita:* Legem exposuerunt paulo plenius in hunc modum: *Si rixati fuerint viri, et percusserint mulierem prægnantem, exieritque foetus eius, siquidem informis, multa multabitur percussor. Si vero iam formatus, dabit animam pro anima.* Quibus verbis propositam ab interpretibus iuris distinctionem aperte confirmant, docentque voculam *mors* cum ad matrem, tum ad foetum referendam esse: foetui porro mortem tam illatam intelligi, cum iam formatus fuit, non cum informis. Cuius rei rationem ulteriorem si quis requirat, occurret ei Aristoteles, qui *Lib. 11. de gener. anim. cap. III.* scribit, vivere conceptum utero semen, primum ut planta, dein ut animal, postremo ut homo, ordineque successivo aut generari, aut infundi animas, vegetantem, sensitivam rationalem. Occurret eidem Augustinus in *c. Moyses 32. quaest. 2.*, *Moyses tradidit: si quis percusserit mulierem in utero habentem, et abortiverit.*

si formatum fuerit, det animam pro anima: si autem informatum fuerit, multetur pecunia, ut probaret, non esse animam ante formatam. Itaque si iam formato corpori datur, non in conceptu corporis nascitur cum semine derivata. Nam si cum semine et anima existit ex anima, multae animae quotidie pereunt, cum semen fluxu quodam non proficit nativitati; sed si proprius respiciamus, videbimus, quid sequi debeamus. Contemplemur facturam Adae: in Adam enim exemplum datum est, ut ex eo intelligatur, quia iam formatum corpus accipit animam. Nam potuerat animam limo terrae admiscere, et sic formare corpus. Sed ratione infirmabatur, quia primum oportebat domum compaginari, et sic habitatorem induci. Anima certe, quia spiritus est, in sicco habitare non potest, ideo in sanguine fertur habitare. Cum ergo corporis lineamenta compacta non fuerint, ubi erit anima? Hactenus Agustinus, cuius sententiam si probare times, improbatur enim Physicis non infimi nominis, brevius et modestius cum Hieronymo respondere poteris in c. sicuti d. 32. quaest. 2. Semina paulatim formantur in uteris, et tandiu non reputatur homo; donec elementa confecta suas imagines membraque suscipiat. Vel potius ad principes medicorum Hippocratem atque Galenum recurre, qui et ipsi foetum informam pro animali agnoscere non videntur: tantum abest, ut pro homine. Verba Galeni haec sunt: At vero ad primam animalis constitutionem rursus orationem revocemus, quae ut et ordinate, et perspicue simul procedat, universam foetuum fabricam quatuor temporibus dividamus. Primum erit illud, quo vel in abortu, vel in dissectione, seminis species adhuc apparet, quo tempore admirabilis in omnibus Hippocrates, animalis constitutionem nondum foetum appellat, sed genituram. Ubi vero sanguine fuerit repletum corque et cerebrum, et iecur indistinctam adhuc et informem, quandam tamen coagulationem, et magnitudinem alicuius momenti prae se tulerint. Secundum esse id tempus censendum est, cum videlicet substantia foetus carnea iam, et non amplius seminalis appareat.

Galen. 2. semina. 9.

unde neque genituram amplius talem formam appellari ab Hippocrate invenies, sed, ut dictum est, foetam. Tertium sequitur tempus, cum et tria principia videre exquisite possumus, et reliquorum omnium membrorum descriptio, ac quasi delineatio apparet: evidentior est trium principiorum formatio; partium ventris obscurior; longe vero his omnibus obscurior brachiorum et crurum distinctio conspicitur. Haec enim posterius, sicut Hippocrates vocat, ramificantur: hoc vocabulo, quam ad ramos proportionem habent, significare volens. Iam vero quartum et extremum illud tempus est; cum brachia et crura distincte absoluta cernuntur: neque amplius foetum, sed infantem id, quod in utero gestatur, divinus appellat Hippocrates, cum eum et palpitare, et moveri ut animal iam perfectum inquit.

Covar. in d.
elem. Chas
an. ad cons
Burg. rubr. 1
verb et iu-
ribus eorum
n. 22. Conf.
Farin. quaes.
239. n. 132.

Hactenus Galenus. Ex cuius oratione apparet vix recte nonnullos nostri ordinis tradidisse, formari marem diebus XL., feminam LXXX., licet pro parte Plinii auctoritate defendere se possint, assignantis maribus diem XL., feminis xc., nam si quarto et extremo demum tempore quod utero conceptum est, infans vocatur, cum iam brachia et crura distincte absoluta cernuntur, cum palpitare et moveri ut animal perfectum incipit, praedictum tempus non sufficit, cum mares moveri soleant circa tertium mensem, feminae circa quartum. Primum certe et secundum tempus Hippocrati Galenoque memorata, nequaquam sufficiunt, ut partum formatum occidisse quis, ultimoque supplicio dignus videri possit.

Quamquam vero superior distinctio multis magnisque auctoribus placuit, non desunt tamen, qui, ea reiecta, disputant, abacti partus crimen tantum extra ordinem, non etiam poena gladii puniendum. Horum argumenta duo sunt. Prius: nulla lex nominatim superioris distinctionis meminit. Fateor: colligi tamen potest ex mente et sententia JCI in d. L. 38. §. qui abortionis D. de poen. et est commodissima ad conciliandum d. L. 4. de extr. crim. cum d. L. 8. D. ad L. Cornel. de sic. Posterius: Lex Cornelia hominis caedem vindicat: non est autem foetus homo, antequam edatur, L. 1. §. 1. D. de ventr. inspic. L. 14. C. de fidei.

Libert. Respondeo: Is qui in utero est interim pro nato, interim pro portione viscerum matris habetur, prout alia atque alia fuerit proposita materia. Pro iam nato habetur, quoties de commodo ipsius agitur: non habetur, quoties ipsius incommodum aut commodum extranei in re versatur. In praesenti quaestione neque de commodo eius, neque de incommodo proprie agitur: magis tamen de commodo, quoniam haec sententia, quae capite punit abactores, omnibus illis salutaris est, quos nasci iubet sine fraude. Et quid obstat, quaeso, quo minus eum, qui iam formatus est, atque movetur, hominem vocemus, tametsi adhuc in utero matris delitescens, in primis cum Theologis omnis abactio caedessit, etiamsi foetus nondum perfecte formatus sit? Tertullianum audiamus in *Apologet.* *No-bis*, inquit, *homicidio semel interdicto, etiam conceptum utero, dum adhuc sanguis in hominem delibatur, dissolvere non licet. Homicidii festinatio est prohibere nasci, nec refert, natam quis eripiat animam, an nascentem disturbet. Homo est, qui est futurus, etiam fructus omnis iam in semine est.* Audiamus Moysen, qui *Gen.* 38. testatur, Deum Opt. Max. occidisse filium Judae, quod semen destinatum fratris nomini in terram effudisset. Nemo igitur obiciat, benigniorem sententiam in dubio amplectendam. Sic satis lenes sumus: frequentia sceleris exigit, ut poena capitalis sanciat. Et tamen sic quoque multos multasve criminis huius reos videbimus. Gallia id experta est, cuius scriptor nobilis Thuanus *Lib.* xix. *historiarum* testatur: tametsi Henrici II. lege capital factum esset, nullam tamen fere hebdomadem abiisse, quin una pluresve huius sceleris reae essent, adeo, inquit, malus pudor in verecundo et impotenti sexu supplicii terrorem, et quod omni corporis poena gravius est, conscientiae morsus vincit (1).

(1) Existimat Auctor Marcianum in *L. 4. de extraor. crim.* abactionem parius crimen extraordinarium facisse exilio temporali vindicandum, Ulpianum autem in *L. 8. ad Leg. Cornel. ad Sicar.* ad publica retulisse exilioque perpetuo puniendum consuisse. Veram

- 4 Porro habet superior distincto atque poena locum, non solum cum medicamentis partus eiectus est, sed et cum vi manumque id factum. Nam si quis percusserit

et si antiquo iure poena Legis Corneliae de Siciariis aquae et ignis interdictio fuerit certum tamen est sequioribus temporibus insulae deportationem cum omnium bonorum aemptione memoratae poenae substitutam fuisse, ac demum humiliores capite plecti coepisse. Vid. L. 3. §. 5. D. ad leg. Corn. de Siciar. et Paul. recep. sent. Tit. 25. §. 1. Si itaque Ulpianus in cit. L. 8. abactionem portus ad publica crimina retulisset poenam Legis Corneliae secundum rationem suorum temporum vindictam non exilium, sed vel insulae deportationem, vel capitis poenam memorare debuisset. Praeterea illud animadverti oportet Ulpianum in L. 8 nullam exilii perpetui mentionem facere: ait enim = *Nam in exilium Praeses Provinciae exigit*, ac rursus quoniam eadem lex de exilio temporali intelligenda sit nullam esse iuris rationem quae impediatur, praesertim cum Marcianus in cit. L. 4. ob eandem facti speciem exilium temporale memoret ex rescripto Severi, et Antonini, quod Ulpianum ignorasse verosimile haud est. Ulpianus ergo in cit. L. 8 poenae a principali rescripto irrogatae, Marcianus et poenae et rescripti in cit. L. 4. expresse meminit. Neo quidquam obturbant Paulus in L. 38. §. 5. et Triphonius in L. 39. pr. D. de poen. Nam ille non agit de muliere quae sibi vim infert ut abigit, sed de alio poculum abortitionis mulieri dante; hic vero loquitur de Muliere milesia ideo rei capitalis damnata quod partum sibi medicamentis ipsa abegisset, facti species, quam Paulus memorat in cit. L. 38. graviolem poenam expostulavit, cum mali exempli res esset poculum abortitionis dare, quo facile Mulier perire posset ac inde eriminis gravitas non tam ad foetum, quam ad ipsam Mulierem proguantem, cuius vita in discrimen adducitur rationem habet. Verba porro ipsius legis: *Quod si eo Mulier, aut homo perierit* infinitam significandi vim habere, ac etiam ad foetum esse porrigenda. Auctori adferri haud possum. Perpetua et constans enim fuit Romanorum letorum, qui Stoicorum placitis erant addicti, doctrina partum nondum edictum hominem non esse, sed mulieris tantum portionem, vel viscerum. Vid. L. 1. §. 1. D. de inspic. ventr. et L. 9. D. ad Leg. Falcid. Quod adeo verum est ut iuris fictione opus esse debuerit, qua in nonnullis factis speciebus qui in utero est pro homine et nato haberetur, Capitalis autem sententia quam memorat Triphonius inpr. cit. L. 39. de poen. in ea Regione fuit promulgata, quae cum esset Atheniensium Colonia ipsorum instituta regebatur. Illud porro certum est Athenis, et in Colonia Atheniensium Peripateticorum doctrinam viguisse qui foetum veluti hominem considerat. Vid. Ramos de errorib. Tribon. circ. poen. parrie. Verum ad Romanorum instituta laudatus letus in ead. L. 39. sermonem convertens cum Marciano et Ulpiano testatur ab optimis Imp. i. e. Severo et Antonino fuisse rescriptum, ut temporali exilio coerceretur si qua visceribus suis post divortium, quod praegnans fuit, vim intulerit. Atque haec ea tempora respiciunt quibus Romae Stoicorum principia maxime valebant. Hodie apud omnes

mulierem praegnantem, aperte lex ea distinctione utitur: Et si ipsa mulier, motu violentiori abortioni causam praeberit, poena subiacebit. Res tamen temperanda ita, si dolo malo, et a sciente praegnantem esse, huiusmodi quid factum erit: ceterum si aut mulier ignoravit se praegnantem, aut is qui percussit, mitior poena pro modo admissi infligi poterit. Quod temperamentum legibus aut rationum momentis confirmare nihil attinet, cum consentaneum atque consequens sit illis, quae diximus in prolegomenis de natura criminis, quaeque infra dicturi sumus *ad tit. de poen.* Sed quaeritur quid sit dicendum, si mater salva esse non possit nisi abortu facto, an impune eo casu eiicere conceptum liceat? Puta certum est ex partione obituram matrem, aut ita periculose ea decumbit, ut nisi potiones valide purgantes, aut copiosior venae sectio adhibeantur, spes salutis decollatura sit. Responderunt nonnulli, impune eo casu abortum fieri posse; verum quoniam sententiam non satis idoneis rationibus confirmant, videndum est, an ad eorum diligentiam adici aliquid possit. Praeterquam igitur quod dici poterat, iure fieri, quod ob tutelam vitae atque corporis sit,

Mar. Soe.
Felin in c.
si aliquis de
homicid. Co.
var. de clemp.
si furios.

fere cultiores gentes ita res diiudicanda videtur, ut si extraneus improbo consilio causa abortus extiterit, teneatur leg. Cornel. de Sicar., qua omnes tenentur, qui per se, vel per alios fecerint ut homo periret. *Conf. L. 15. D. ad leg. cornel. de Sicar.* At si maritus ipse futuram prolem quodammodo abhorrens suae coniugis abortum, ac simul filii sui necem consulto procuraverit, non video quid eum eximere possit, a censum leg. Pomp. de parric. quae vitam hominis ab eorum insidiis tuetur, inter quos sanguis communis est. Nec pariter video, cur in eandem legem non incidere mulier dicenda sit, si ipsa dolo malo immaturum foetum expellere tentaverit, expulerit etiam. Homo namque est, qui talis futurus est, nec refert, natam disturbes animam, an nascentem, perfectum an designatum filium, et civem familiae ac reipublicae tollas. Accedit iura omnia, quae *congnata* vocat, unicuique competere statim ac is pertinet ad speciem humanam, ad quam et is referendus est, qui utero Matris sic delitescit, ut probabile existentiae suae indicium praeclere non desinat. Cur igitur non erit homicida, qui prohibet, quominus lucem vivus adspiciat, qui vivus in utero latebat? Cur non erit parricida impius ruptor staminum vitae illius, quem proprio sanguine concepit?

L. 3. D. de iust. et iur., amorem a se ipso incipere, esseque, ut veteri Graecorum proverbio fertur, *gonu onemes eggyteron*: illud in primis considerandum est, quid prudentia dictet, si plures in periculo constituti sint, et omnibus succurrere nequeas, cui potissimum succurrendum? Hanc dubitationem sapientes partim humanitate, partim utilitate dirimunt. Humanitate, si, ex. gr. in mari aut equi pretiosi iactura sit facienda, aut vilis servuli; dictat enim humanitas, servulum anteferendum equo, quamlibet pretioso. Utilitate, si periclitentur sapiens et stultus: quo caso utilitas publica flagitat, sapientem potius eripiendum periculo, quam stultum; cum ille reip. prodesse possit, hic ad nullam rem sit utilis. Praeterea, si in eodem periculo sint senex, atque invenis, seni potius succurrendum, quam inveni; quoniam ut Plato ait *ix. de Legib.*, senior non parvo intervallo iunioribus praeponendus est, et apud Deum, et apud homines, qui feliciter victuri sunt: Et ut Calistratus ait *in L. 5. D. de iur. immun.*, semper in civitate nostra senectus venerabilis fuit, maioresque nostri pene eundem senibus, quem magistratibus honorem exhibuerunt. In consilio quoque senis plus esse reip. subsidii, quam in manu iuvenis, certum est, firmavitque pater Poetarum, qui Agamemnonem inducit, non decem sibi Aiaces, sed decem Nestores optantem. His consequens est, si in periculo sint mater atque infans, etsi tenella aetas maiorem sui commiserationem cieat, matri tamen potius subveniendum, quam infanti: cum et aetatis reverentia id exigit, et mori pro parentibus liberos potius, quam illos pro his aequum sit. In officio enim tribuendo, si contentio quaedam fiat et comparatio, principes sunt patria et parentes: proximi liberi, totaque domus, ut Cicero ait *1. Offic.* Quod si igitur infanti iam nato, praeferenda tamen mater est, quanto promptius id affirmandum si natus nondum sit? in primis eo caso, quo mater nisi venae sectione copiosa, aut medicamentis vehementer ad deliciendum stimulantibus non potest convalescere, cum foetui, nisi pereat, pereundum tamen sit matre demortua: nisi forte fingas ea iam

maturitate esse, ut mortua matre Caesar nasci possit. Verum sententiam hanc valde premitid, quod ex Aristotele diximus in prolegomenis, de malorum electione, propositis duobus malis, quorum alterum triste sit, alterum turpe, sine haesitatione triste eligendum esse. In praesenti autem quaestione istiusmodi vertuntur mala: triste est mori; sed turpe abortum facere: cur non ergo moriatur potius mater, quam sciens abortum facit? Et alioqui sapientes praecipunt, suum cuique incommodum esse ferendum potius, quam de alterius commodis detrahendum: adeo, ut si vir fortis fame laboret, tolerare extrema potius debeat, quam ignavo auferre panem. Respondeo, venire hic in contentionem non triste cum turpi, sed cum tristi nominus triste: nam medicamentum dare salutis causa matris, non est dolo malo abortum procurare, sed potius utrumque triste aut matri pereundum esse, aut foetui: ita tamen ut tristius sit perire matrem: minus triste non aspicere lucem foetum: cur igitur ex utroque, quod minus est, eligere non liceat? Sic enim etsi mater pestilentia laboret, pereundumque sit aut ipsi, nisi mammam praebet, aut parvulo si praebcat, rectius respondetur, matris potius, quam parvuli habendam rationem.

CAPUT II.

DE SCOPELISMO.

- | | |
|---|---|
| 1. Quid sit scopelismus? | et de tituli vel signi impositione? |
| 2. An scopelismi intelligendus Job. 5. 23. | 3. Quomodo moribus occurratur minis: et an cautio, de non offendendo legibus probari possit, contra Gomesium? |
| 3. Quae poena scopelismi, et an capite puniri possit, contra Riminaldum disputatur. | |
| 4. Quae sint scopelismo adfinita? | |

Tantum de crimine abacti partus, sequitur scopelismus. Nam de dardanariis desserimus *Lib. seq., tit. ad L. Jul. de ann.*: de saeculariis, et directariis *tit. de furib. baln.* de proditis instrumentis alienis *tit. ad L. Corn. de fals.* Scopelismus nihil aliud est, quam lapi-
De Crimin. Tom. II.

Pined
eum ad Job.
cap. 5.

dum positio; cum inimicus in praedio inimici lapides ponit iudicio futuros, cum qui agrum istum coluerit, malo leto periturum insidiis eorum, qui lapides posuerunt. Hoc Arabiae crimen est, ut sunt quaedam maleficia certis provinciis quasi pecularia, velut apud Hebraeos olim, esus carnis suillae, et alia multa: apud Aegyptios violatio caepae aut porri: apud alios caedes ciconiae capital. Et de scopelismo quidem Iohannes Pineda intelligit verba illa Iobi, *Cum lapidibus agri erit foedus tuum* videturque iuari hoc argumento, quod secundum doctorum virorum coniecturas, habitaverit Iobus in Arabia, aut certe in Arabiae confinio. Habitavit enim in terra Hutzii, infestosque habuit Arabes et Chaldaeos latrones, quae res patriam domiciliumque arguit. Verum ubicunque habitaverit Iobus, seu in ipsa Arabia, seu in eius confinio, nil nisi coniectura est, et infirma quidem, quam adducit Pineda; nam cur crimen magis per superiora verba, quam providentiam divinam intelligamus, cum hac loquendi figura et alibi Spiritus Sanctus usus sit, ad denotandum curam summam et sollicitudinem, qua Deus per sanctos Angelos tueri suos, et mala ab eis averruncare solet? Ita enim rex David *Psalm*o xci. canit: *Curam tui mandavit Angelis suis, uti te custodiant in omnibus viis tuis: uti manibus suis gestent te, ne in lapidem offendas pedem tuum.* Est autem longe verisimilius eodem loquendi modo Eliphaz quoque Themanitem usum, cum de providentia divina et cura atque custodia piorum hominum agat, constetque Iobum, ubi ubi habitaverit, Hebraeum tamen fuisse, ex familia et posteris Heber prognatum, cum post Noachu ab Ezechiele *cap.* xxv. iungatur Danieli; Moysesque *Genes.* xxiii. Hutzum memoret primogenitum Nachoris, secundogenitum Buzum, a quo denominatus videtur Baraceel Buzita amicorum Iobi quartus.

3 Sed haec quidem Theologis relinquamus accuratius excutienda; crimen ipsum videamus quemadmodum coërceatur. Hanc rem inquit Ulpianus *in. L. 9. D. h. tit.*, Praesides exequi graviter solent usque

ad poenam capitis; quia est ipsa mortem comminatur. Hic quaesitum; verba *usque ad poenam capitis*, quomodo sint accipienda, utrum includant capitis poenam, an excludant, ita ut graviter quidem animadvertat iudex, attamen intra poenam capitis? Posteriore modo interpretatur Riminaldus Iunior, nec non Maranta; priore Menochius. Riminaldi argumentum hoc est, quod conatus non puniatur poena capitis: at *scopelizein*, non est eadem facere, sed comminari dumtaxat, aut conari eadem. Verum refragatur Riminaldo vis verborum; refragatur ratio adiecta verbis, Particulae enim *usque ad*, etsi ancipitis sint significationis, sicut et Graccorum *mechri*, atque *achri*, ita ut alias includant, alias excludant: praesenti tamen loco includant poenam capitis, non excludunt. Inepta enim, aut certe minus elegans foret oratio JC., si voluisset poenam a Praeside infligendam consistere intra capitis supplicium: haec vero elegans prorsus; *Graviter hoc crimen exequi Praesides solent, usque ad poenam capitis*: id est, etiam capitali supplicio irrogato. Iam ratio adiecta nonne idem evincit? Ideo Praeses graviter rem exequitur usque ad poenam capitis, quia et res ipsa mortem comminatur: quaeso, nonne inepta foret ratio, si infra animadversionem capitalem Praeses, se contineret? Obiectioni enim tacitae voluit JC. occurrere in hunc modum: Nemo existimet durius hoc esse quod dicimus: nam cum res ipsa mortem comminetur, durius videri non debet, si quod quisque comminatus est, id patiatur. Accedit et illa ratio, quam Menochius ex Petro Grinito adducit, quod nimirum veteres hoc admissum instar sacrilegii puniverint: sacrilegium autem capitale esse nemo ignorat. Postremo publica utilitas interpretationi nostrae suffragatur. Habet *scopelismos* tantum timorem: ut nemo accedere ad agrum audeat colendi causa, dum timet quisque crudelitatem eorum, qui lapides posuerint. At publice interest agriculturam non deseri, turbari vero nullo modo. Quamobrem et vetant iura indicati servandi causa capere servos aratores, boves aratorios,

Riminald. n.
l. imperium
de iurisd. n.
161. Marant.
part. 4. dist.
n. 33. 64
Menoch.
de arb. cas.
86. n. 22.

Crinit. lib 8.
de honest.
discipl. cap.
20.

instrumenta aratoria, *L. exequutores 7.*, et *L. seq. C. Quae res pign. obl. non poss.* Et Imperator Fridericus II. in *Constit. de statut. et consuet.*, eum qui rusticis molestus fuerit bovesque aut vomeres abstulerit, imperiali animadversioni subiacere vult, praeter infamiam et quadrupli poenam laesis inferendam. Actio quoque de tigno iuncto, ad villas, vineasque producta: item feriae messium vindemiarumque causa institutae arguunt, quantae curae sit legumlatoribus agricultura, quae si negligatur, fame laborandum sit populo, ut Romanis quidem contigit: qui cum Italianam hortis nemoribusque occupassent, externae opis indiguerunt vitaeque eorum, ut Tacitus ait, quotidie per incerta maris ac tempestatumolvebatur: gloriantibus Aegyptiis, victorem orbis populum suis tamen opibus ali sustentarique: suo in flumine vel abundantiam Romae, vel famem esse. Quod ad argumentum Riminaldi attinet, id prorsus infirmum est; nam ut probet quod est in quaestione, adducit id quod non minus est controversum: nempe conatum criminis non puniri ordinaria poena: quod axioma moribus quidem firmatur, iure Romano disputabile est, imo falsum, ut ostensuri sumus *Tit. de Sic.* Sed et illi ipsi, qui hoc axioma nobis excuderunt, fatentur tamen in atrocibus nudum conatum puniri capite. Atqui atrocius crimen est, lapides ponere necem comminantes; eius rei timore negligi agriculturam, magno reip. damno, nemine audente ad eos agros accedere.

- 4 Ad fine scopelismo crimen est, si quis rebus suis, vel sibi obligatis, vel debitis, quas alius possidet, antequam eas per iudicem evicerit, titulum suum, vel signum imposuerit; quod fecit, poenam sustinet publicationis bonorum, *L. 1. et 2. C. ut nem lic. sin. iud. auctor. sign. reb. impon. alie.*, *Nov. 17. cap. 15.* Cuiacius in *parat. C. eod.* etiam ultimum supplicium irrogari scribit *Nov. 164.*, quod in ea constitutione non invenio: nam verba epilogi ista *Publicationem bonorum, iuxta et supplicium formidantes capitis, si sancta nostra transgressi fuerint*, non ad eos, qui titulos imponunt, sed ad Magistratus, qui istuc vindicare ne-

Tacit. 3. annal. Plin. in Paneg.

glexerint, respicere videntur. Titulus nihil aliud est, quam praescriptio nominis, signum, character, seu *aposphragisma* anuli signatorii. Signum mobilibus, titulus immobilibus imponebatur, ut Iustinianus Imp. innuit in *Praefatione d. Nov. 164.* Et titulus in tabula proponebatur, quae tabula, si alieno praedio imposita fuerit, confringitur ad caput eius qui fecerit *ex Nov. 28. cap. 5.* Item si quis praedio, quod possidet, ad deterrendum adversarium, qui id vindicaturus erat, titulum potentioris imponat quod qui facit; causa cadit, vel si iniusta eius causa fuerit, plumbatis caesus damnatur in metallum, *L. un. C. de his qui pot. nom. tit. praed.* Item si quis praedio suo, vel alieno titulum Principis imposuerit, aut vela regia suspenderit: suum quidem praedium amittit: alienum autem, si fuerit plebeius extremo supplicio adficitur, honestior deportatur, amissa etiam libertate, *L. 1. et 2. C. ut nem. priv. tit. praed.* Potest etiam concurrere iniuriarum iudicium, si quis non debitoris domum; tanquam debitoris signet iniuriae faciendae causa, aut debitoris quidem absentis, sed sine permissu eius, qui concedendi ius potestatemque habuit, *L. si iniuriae 20. D. de iniur.*; nam et qui appellat tantum quasi debitorem eum, qui debitor non est, iniuriarum tenetur, *L. 15. §. si quis non debitores D. eod.* Potentior vero quis dicatur, recte reliquit Menochius arbitrio iudicis definiendum (1).

Menoch. 8.
praesumt. 29
n. 58.

Porro tametsi hodie qui scopulos ponant nulli sint, 5 nihil tamen frequentius, quam minae atque terrores; cum homines violenti aut verbis, aut scriptis denun-

(1) Potentes esse videntur qui honoribus et dignitatibus pollent. Neque enim, quod post glossam Cuiacius quoque putavit in *specim. histor. cit. L. unic.*, potentes accipiendi omnes qui opibus et gratia pollent, quique in aliquo fastigio divitiarum, vel popularis aestimationis sunt. Hanc interpretationem adiuvat Textus in *L. 4 §. 3. D. de re milit. Non omnis qui litem habuit, et ideo militaverit exactorari iubetur: sed qui eo animo militiae se dedit, ut sub obtentu militiae pretiosorem (i. e. pertiosorem, seu molestiorem) se ad adversario faceret. Vid. Iac. Gotofr. Com. ad Cod. Theod. sub. Tit. de his qui potent. nom. titul.*

tiationibus vulnera, flammæ, letum denique ipsum minitantur, adeo ut hi, quibus tristes literæ missæ sunt, vix tecto excedere, nedum agro aut itineri se credere sine comitatu ausint. Coloni quoque aut a dominis expulsi, aut adiectione ab aliis victi, gravia plerunque cum victoribus, tum ipsis dominis prædiorum minitari solent. Adeo autem invaserat hic morbus Italiani atque Germaniam, ut nobilis aliquis, comitatus duobus tribusve famulis auderet sæva atque atrociam; imo bellum denuntiari civitati. Inde natæ constitutiones Germanorum de pace tenenda et eius violatoribus: inde cautio de non offendendo. Nam si homo ferox atque minas exequi solitus iustam timoris causam præbeat, aut multæ dictione, aut captis pignoribus, aut carcere, aut exilio cogitur cavere datis fideiussoribus, nonnunquam iureiurando, de non offendendo adversarium. Et si mutuus metus sit, utrumque causa cognita iudex cavere cogit. Qui vero violata fide, atque cautione adversarium læserit, is extra ordinem modo capite, modo mitius pro qualitate admissi punitur. Hanc satisfactionem sane utilissimam, ut probet legibus quoque consentaneam esse, multa adducit Gomesius, sed parum ad rem facientia. Præcipua hæc sunt. Si quis vim sibi fieri metuat, non ad Ecclesiam confugere debet, sed adire iudicem, et legitimum postulare præsidium, *L. 5. vers. nam si quis C. de his qui ad eccles. confug., L. si super q. C. de transact., L. servus 6. C. Quod cum eo qui in al. pot.* Præsidii autem quid aliud adferre possit iudex adversus malum impendens, nisi forte cautionem de non offendendo? Adhæc prospicere debent Præsides, ne humiliores a potentioribus iniuriis adficiantur, *L. 6. §. ne potentiores D. de off. præes., Nov. 17. cap. 3.* Vindicare ergo non solum factam iniuriam debent, sed et occurrere infectæ: quemadmodum non factum solum damnum sarciri iubent, sed et caveri de infecto, *L. 4., et tot. tit. D. de dam. inf.* Postremo iure Pontificio expressum est, ut si mulier timeat, vim et sævitiam mariti, possit officio iudicis exigere de non offendendo satisfactionem *c. literas in*

Const. crim.
Carol. V. art.
175. Transi-
sal. lib. 2
tit. 21. art.
7. Mornac.
in l. 4. §. si
quis C. de
his qui ab
Eccles.

Gomes. 3. re-
sol. 6. n. 15.

fn. de restit. spol. Ex his argumentis postremum nihil ad leges Romanas, de quibus solis quaerimus, an satisfactionem hanc prodiderint. Priora quoque necessariam arguendi vim non habent: vim enim et iniuriam prohibent Praesides interdictis magis et denunciationibus, quam cautione exacta: reddunt autem ei interdicta mitiorem, cum poena praesens sit, si quis ea violaverit. *Plaut. in Asin.*

Nequeon ego te interdictis facere maksuetam meis.

CAPUT III.

De Nili Aggeribus non rumpendis:

- | | | |
|---------------------------------------|--|---|
| 1. <i>Perfossio aggerum Nili cur</i> | | <i>loquentes ad alia flumina produci possint?</i> |
| 2. <i>Quare poena huius criminis?</i> | | <i>An capite puniendi qui aggeres</i> |
| 3. <i>De usu, et an leges de Nilo</i> | | <i>privatos ruperunt!</i> |

Quemadmodum scopelismum Arabiae crimen fuit, ita raptiochematum Aegypti. Aegyptus enim quia non pluvis, sed incremento Nili foecundatur, placuit aequam Niloticam aggeribus coerceri atque dispensari, ne effundatur ante quam incrementum xii. cubitum excesserit. Qui vero ante constitutum tempus rupto aggere fluentia rivuloſve ullos derivaverit, aut commata, atque diacopos, qui in aggeribus fiunt, violaverit, is extra ordinem punitur. Punitur et ille, qui arborum sycaminonem, vel ut alii malunt, sycamorum ceciderit: his enim arboribus aggeres Nili colligebantur, atque firmabantur adversus vim atque impetum fluminis. Cur autem in Aegypto potius, quam in aliis provinciis huius rei habita sit ratio, caussa non alia est, quam quod Aegyptus horreum esset populi Romani, navibusque ab Alexandria Romam frumenta comportarentur. Unde et Caesares peculiarem Aegypto Praefectum dederunt: ne si violentiorem ea provincia Praesidem nacta esset, fames Italiam atque urbem premeret.

Poena, ut Ulpianus testatur, extra ordinem infligitur, pro conditione personarum, et admissi mensura:

An. xvi. ?
Vid Plin. 6.
c. 2.

vel metalli, vel alterius operis publici, *L. pen. D. de extr. crim.* Constitutio vero Honori et Theodosii rumpentem aggeres flammis consumi iubet, eo loco, quo vetustatis reverentiam, et propemodum ipsius imperii adpetierit securitatem: consocios autem et consortes deportari vult: sic ut nunquam supplicandi eis, vel recipiendi civitatem vel dignitatem, vel substantiam licentia tribuatur. *L. un. C. de Nil. agg. non rump.* Hoc rescriptum cum Ulpiani responso componit Accursius ita: quasi Honorius et Theodosius loquantur de eo, qui aggeres Nili ruperit: Ulpianus de eo, qui ruperit aggeres privatorum. Ut enim idem scribit in *d. L. pen. verb. Niloticam*, circumdabant et privati agros suos aggeres, ut inundante Nilo, aquam superfusam diutius continerent. Quae compositio verbis Ulpiani non satis quadrare videtur; planiusque atque promtius dicemus, intendi poenam huius criminis ab Honorio et Theodosio in *d. L. un.*, flammisque exuri eos, qui olim poena metalli, vel operis publici coercebantur. Quippe Ulpianus etiam de diacopis loquitur: sunt diacopi, ut Cuiacius notat, instrumenta, quibus dividuntur aquae derivandi gratia, *paracto diacoptein*. Latini incisa vel incilia dicere videntur; incile enim, ut idem Ulpianus definit, *L. 1. §. 5. D. de Riv.*, est locus depressus ad latus fluminis, ex eo dictus, quod incidatur. Inciditur enim vel lapis, vel terra, unde primum aqua ex flumine agi possit. Quod si igitur diacopi ad latus fluminis sunt, utique Ulpianus de ipso Nilo eiusque aggeribus in *d. L. pen.* agit, non de aggeribus in agro privato factis. Idque et inde evidenter apparet, quod loquatur de aggeribus, qui aquam Niloticam dispensant: non dispensant autem sed continent dumtaxat, quos fingit aggeres Accursius; de his ergo Ulpianus non loquitur (1).

(1) Nili aggeres nemini licebat praeter morem et praeter fas aliquae ratione corrumpere. Quod quidem triplici ratione fieri posse Ulpianus in *cit. L.* indicare videtur. Primum enim vel aggeres isti rumpebantur et dissolvebantur publico crimine, non etiam ad pri-

Quod ad usum attinet, non male Accursius, atque ³ ante eum Hugolinus adnotarunt, etsi leges de Nili aggeribus loquantur, tamen earum sententiam, intuitu publicae utilitatis, ad alia flumina posse produci; meritoque miror Rebuffum scripsisse, hanc constitutionem de Nili aggeribus non rumpendis; quod localis sit, in Gallia vix reperire locum: cum inveniam iam olim Carolum Magnum aggerum Ligeris curam gessisse; praecepit enim *Capit. lib. 4. c. 10.*, ut iidem aggeres diligenter conficiantur. Et Rebuffus ipse fatetur, si quis Rhodani vel Lisarae ripas rumperet, eum capitis aditurum periculum. Itaque cum incisis ripis, vel aggeribus quorundam fluviorum, Gallia quoque subiecta sit inundationis incommodis, non video, qui non constitutionis sententia in Gallis locum reperire possit. In Italia quoque hoc crimen exerceri tradit Menochius, testatus Patavii statuto, eum, qui Padi quosdam aggeres ruperit, ultimo supplicio adfici. In Belgio sane nostro hoc iudicium acriter exercetur, estque in primis severa Omlandorum lex, eum qui aggerem maris ruperit, suffocari iubens eodem quem perforarii loco. *Lib. vii. Tit. ult. art. lxi.* Eo amplius Frisii eos quoque, qui quid subriperint, vinculisque coerceri volunt: utque cespites aggeribus extruendis suppetant,

Rebuff. in
proem. ad
const. reg.
gloss. 5. n.
114. Argent.
ad Censuet.
Brilan. art.
55. gloss. 1.
n. 2. Thaum.
lib. 117. p.
600. in su.
Menoch. 2.
de arb. iud.
cas. 386 Vid.
Coler. decis.
171.

vatum aliquem usum. Secundum crimen erat, si quis ad usum suum arbores, quibus aggeres illi colligabantur, excidisset: sic enim fiebat, caesa arboribus, ut aggeres paulatim dissolverentur. Tertium et postremum crimen est, de qua laud. Theod. Constit. loquitur, si quis videlicet, non expectato iusti nilotici incrementi initio ad irrigationes agrorum suorum furtivis mentibus commata et diacopos fecisset. Hoc autem crimine vetustatis reverentiam, et prope modum ipsius Imperii adpeti securitatem ait. laud. Imp. Aegyptii enim ipsas incrementi nilotici mensuras venerabantur: neque fas erat Regibus et Praefectis ad Nilum navigare cum cresceret. *Plin. lib. 5. Cap. 9* Sacerdotem quoque implorantem misericordiam per incrementa Nili, tanquam rem sacram memorat Apuleius *lib. 2* Securitatis vero vocem in hac Lege pro annonae abundantia quae ipsa videlicet securitatis publicae causa est, accipiendam esse recte observavit Gotofred. ad *Cod. Theod. h. t.* Notum quippe frumentum aegyptiacum Constantinopolitanae civitati adfectatum, si minus large procederet (pariter ut Romae si africani commeatui cessarent) seditionis causam saepe fuisse.

vetant eos, qui proxima praedia habent, propriis arare, spatiumque xv. decempedarum relinqui ad eam rem liberum praecipiunt, qui secus fecerit, xx. equitibus aureis multatur. *Instr. van dyckesaken anni mdcxiv. art. 34. et seqq.* Severius nostrae leges, quae capite plecti iubent eos, qui cataractas et incilia fluminum spoliarent, aut materiam firmandis aggeribus Leccae fluminis interverterint, ut patet ex forma, seu legibus aggeris Leccae, vulgo *Lechendiik*, nec non ex Edicto Ordinum in fures, et vagabundos facto §. ii.

4 Videtur tamen res temperanda hoc modo, ut capitis supplicio adficiatur, qui aggeres marinos, aut saltem totius provinciae ruperit: mitius puniatur, qui privatos, paucorum forte possessorum. Quanquam in ea parte Gelriae, quam Bataviam vel Betuam dicimus, cum Drielenses perfodisset aggerem, qui ad Kirckvvi-gios pertinebat, pronuntiatum est a Scabinis Zulichem-sibus: Universos, qui aggerem perfodissent, esse reos capitis, corporis ac bonorum suorum, secundum acta literarum suae ditionis, tam recentia, quam vetusta: ut referet vir Cl. Iohannes Isaacius Pontanus, historiae Gelricae nuper editae *Lib. ix.* Bernardus quoque Zypaeus testatur *Lib. viii. notit. iur. Belg. Tit. de agg. non rump.*; licet aggeres privati perfossi sint, reos tamen criminis interdum morte puniri, si damni magnitudo, aliaeve circumstantiae id suaserint. Et merito: nam si incendiarii capite puniuntur propter periculum, et quod flammis, aut ruentium tectorum fragore facile etiam homines opprimi possint, ut supra *Tit. de dam. iniur. dat.* diximus: cur non et aggerum perfossores capite puniantur, cum vis fluminis in agros immissi hominesque pecudesque, ac villas trahere soleat? Nequaquam ergo poena aequo gravior videri debet. Similiter circa eos, qui materiam munien-dis aggeribus destinatam interverterint, distinguendum; ut et aggeris utilitas, et materiae quantitas et anni tempus, multum ad levandam exasperandamve poenam posse putemus. Nam si quis tempore non necessario paucos fortasse palos, aut fasces vimineos abstulerit, durum sane foret, illic capitis poenam irrogare.

Vid. Collei
d, decia. 171.
Ranchb 2
quaest. 27. u.
h. 28.

CAPUT IV.

DE CIRCULATORIBUS.

- | | |
|--|--|
| 1. <i>Circulator unde dictus, et quid sit?</i> | 4. <i>De circumforaneis, qui imperiti artis medicamenta vendunt?</i> |
| 2. <i>De his qui serpentes circumferunt?</i> | 5. <i>Quae actiones cum accusatione concurrant?</i> |
| 3. <i>De his qui superstitione mentes terrent?</i> | |

A circumferendo circulatorem derivat Accursius, cum acirculo debuerit: est autem circulus nihil aliud; quam circumstantium corona. Circulator vero vir lingua procax, coetus atque circulos miscere doctus, praestigias quasdam, aut officias faciendo, quem Graeci *agyrten* vocant, quod nimirum, circum fora aberrans tunicatum popellum congregare soleat. Nec recte igitur in *L. 6. §. 1. D. de Excusat. tut.* verbum *periodeutai*, quo Modestinus usus est, *circulatores* vertit, quisquis vertit; medici enim *periodeutai* non circulatores ibi sunt, sed circuitores, qui nimirum non in umbra educant studia sua, sed aegros circumeunt, medicinac faciendae gratia. Estque omnis circulator etiam circuitor: non contra omnis circuitor, etiam circulator. Ex circulatorum igitur genere sunt illi, qui serpentes circumferunt et proponunt: quorum metu si cui damnum datum fuerit, pro modo admissi actio datur, *L. ult. D. h. tit.* Quid enim si quis consternatus fugerit, res eius perierint, membrum ruptum, laesumve fuerit, utique actionem dari aequum est. Per actionem recte Accursius accusationem extraordinariam intellexit: id enim et rubricae consentaneum est, et arguunt verba, *pro modo admissi*: nec tamen inficior etiam actionem dandam, qua damni aestimationem persequamur, cum aut causa damni, aut certe occasio proficiscatur ab eo, qui serpentes proposuit. Quod si homo liber perierit, nonnulli actionem aedilitiam in aureos cc. reddendam existimant, ex ea parte *Edicti* quae vetat canem, verrem, aprum, lupum,

Menoch. de
arbit. cas
366.

Papon.lib.1.
tit. 1. art. 6.

Gell. 9. cap.
2.

aliudve quod noceret animal, habere qua vulgo iter fit, *L. qua vulgo* 42. *D. de aedil. ed.*, quorum sententiam quanquam improbat Menochius, hactenus tamen admitti potest, ut dicamus, concurrere cum accusatione actionem aedilitiam posse. Nam et Aediles generaliter de quocunque animali loquuntur, quod sive solutum, sive alligatum noceret, *L. et generaliter* 41. *D. eod.*: et JC: licet in *d. L. ult. de extr. crim.* tantum de serpentibus loquatur; sententia tamen eius responsi ad alia animalia noxia produci potest. Circulatoribus praeterea adnumerandi videntur, qui leves hominum mentes superstitione numinis terrent qui ex rescripto D. Marci in insulam relegantur, *L. si quis aliquid* 30. *D. de poen.*: idque rescriptum Paponius recte, atque eleganter produxit ad eos; qui ementitas sanctorum reliquias circumferunt, aut officias faciunt, ut imagines nutu, fletu, risu, sudore leves vulgi mentes terrent. Paulus tamen hoc genus hominum ad vaticinatores refert, *Lib. 5. sen. tit. 21. §. 1. (1)* Adhaec circumforanei huic capiti subiei possunt; qui nulla medendi arte instructi, vendunt tamen misellae atque imperitae multitudini pharmaca, characteres, susurros, ad depellendos hominum pecudumque morbos, aut evitendam a segete ventorum grandinumque lapidationem: non solum plebis, in primis rusticae, exhaustientes loculos sed et magna cum generis humani perniciem, cuius imperitissimi sunt, profitentes. In quos aptari poterant, quae Herodes Atticus quondam dixit in eos, qui barba et pallio ementiebantur philosophos: Dolori mihi et aegritudini est, quod istiusmodi animalia spurca atque probra nomen usurpant nobis

(1) En verba Pauli in *cit. tit. 21. lib. V. sent §§. 1. 2.* = *Vaticinatores qui se de plebis adsimulant idcirco civitate expelle placent, ne humana credulitate publici mores ad spem alicuius rei corrumpant, vel certe ex eo populares animi turbarentur Ideoque primo fustibus caesi civitate pelluntur: perseverantes autem in vinculo publica conficiuntur, aut in insulam deportantur, vel certe relegantur* = *Qui novas et usu, vel ratione incognitas religiones inducunt; ex quibus animi hominum moveantur, honestiores deportantur, humiliores capite puniuntur.*

lissimum, et medici appellantur. Athenienses autem nomina iuvenum fortissimorum Harmodii, et Aristogitonis, qui libertatis recuperandae gratia Hippiam tyrannum interficere adorsi erant, ne unquam servis indere liceret, decreto publico, sanxerunt; quoniam nefas ducerent, nomina libertati patriae devota, servili contagio pollui. Cur ergo nos patimur nomen medicinae illustrissimum in hominibus deterrimis exordescere? Laudetur itaque iure optimo Ulpianus in *L. 1. §. medicos D. de extr. cognit.*, negans incantatores atque exorcistas medicorum numero habendos, tamen si sint, qui hos sibi profuisse cum praedicatione affirmant. Quod vero Imperat. Constantinus in *L. 4. C. de malef. et mathem.* rescripsit, *Nullis criminationibus implicanda esse remedia humanis quaesita corporibus, aut in agrestibus locis innocenter adhibita suffragia vendemiis atque messibus*: idemiusmodi sit excutiemus *Tit. ad L. Corn. de sicar.*, ubi de maleficis quoque et mathematicis acturi sumus.

Concurrere potest actio Legis Aquiliae, si circumforaneus imperite medicamentum dederit; non enim debet affectare id, in quo intelligit, vel intelligere debet audaciam suam, atque imperitiam periculosam aliis futuram, *L. dem. 8. D. ad L. Aquil.*: actio in factum praetoria, si circulator occasione damni dederit, *arg. §. ult. in fin. Inst. cod.*: actio aedilitia, si circulator animal nocens habuerit, qua vulgo iter fit, in solidos ducentos, si homo liber periisse dicetur; sin vivat nocitumque ei sit, quanti bonum aequum iudiei videbitur: ceterarum rerum, quanti damnum datum factumve sit, dupli, *d. L. qua vulgo 42. D. de aedil. ed.*

T I T. VI.

DE SEPULCRO VIOLATO.

CAPUT I.

- | | |
|--|---|
| 1. <i>Qui d sepulcrum, quid monu-
mentum?</i> | <i>non erat, an impune erui po-
test?</i> |
| 2. <i>Quid sit violare sepulcrum?</i> | 6. <i>Si humatus sit, quem humare
fas non erat, an impune ef-
fodiatur?</i> |
| 3. <i>Cuncil. L. 2. h. t. cum. L. 27.
D. de iniur.</i> | 7. <i>An medici cadaver sectionis
caussa impune effodere possint?</i> |
| 4. <i>De magnitudine huius crimi-
nis.</i> | |
| 5. <i>Si illatus sit mortuus, quo ius</i> | |

Sepulcrum est, ubi corpus, ossave hominis condita sunt, nec enim totus, qui sepulturae destinatus est locus religiosus fit, sed quatenus corpus humatum est, *L. 2. §. sepulcrum D. de relig. et sumt. funer.* Monumentum est, quod memoriae servandae gratia existit: in quod si corpus, vel reliquiae inferantur, fiet sepulcrum; si nihil horum, erit inane sepulcrum, quod religiosum non est, *L. 2. §. monumentum, L. 6. §. ult., L. 42. D. de relig. et sumt. fun., L. 7. D. de rer. divis.* Quod si pluribus locis corpus humatum sit, ille solus fiet religiosus, ubi caput conditum est: nec enim ratio admittit eiusdem hominis plura esse sepulcra, *L. cum in diversis 44. D. de relig. et sumt. fun.*

Violat sepulcrum, qui quemcunque sepulturae lo-
cum violat, *L. 2., L. 3. §. 2. sepulcri D. de sepul. viol.,* veluti qui diruit, *d. L. 2.:* qui terram evellit, saxa, vel quid aliud aufert *L. 4. et 5. C. eod.:* qui infert mortuum in sepulcrum, cum ius inferendi non esset, *L. 3. §. si quis 3. D. h. tit., L. 8. §. in locum D. de relig. et sumt. fun. (1):* qui sepulcrum inhabitat, inaedificat, *d. L.*

(1) Hinc si quis in hereditarium sepulcrum inferat, quamvis heres sit, tamen potest sepulcri violati teneri, si forte contra voluntatem testatoris intulit: licet enim cavere testatori ne quis eo inferatur, ut rescripto Imp. Antonini cavetur. Servari enim voluntatem eius oportere ait Ulpianus in cit. *L. 5. h. t.*

§. in pr., et §. si quis in sepulcro, et §. pen. D. h. tit. qui cadavera spoliavit, d. L. 3. §. adversus eos, *Diff. Decis.*
 L. ult. D. h. tit., L. 4. in fin. C. eod., L. ne corpora 38. *6 cap. 44 n.*
 D. de relig. et sumt. fun. Nam quod ad ornamenta atti- *18 Quintil.*
 net, quae cum corporibus conduntur, non sunt qui- *decl. 369.*
 dem ea religiosa, cum non recte faciant, qui con-
 dunt; si quis tamen abstulerit ea dolo malo, nihilomi-
 nus in hoc crimen incidit, L. et si quis 14. §. non au-
 tem D. de relig., L. 4. §. non fit locus D. ad L. Jul. pecul.,
 d. L. 3. §. adversus D. de sepul. viol., L. 5. C. Theod.
 eod. Incidit etiam in hoc crimen, qui ossuarium deie-
 cerit, id est, aediculam, qua ossa lecta conduntur, tan-
 quam ea pars, aut certe appendix sepulcri sit, arg. d.
 L. 2. §. sepulcrum, L. ossa 8. D. de relig. et sumt. fun.,
 L. ult. D. de sepul. viol.

Item qui statuam in monumento positam disiecit, *3*
 vel abstulit, L. 2. D. eod., nam et Solon poenam con- *Cic. 2. de leg.*
 stituerat in eum, qui aut bustum, aut monumentum,
 aut columnam violasset, deiecisset, fregisset, ut Ci-
 cero refert: et Ulpianus testatur in L. is qui in puteum
 11. §. si quis de monumento 2. D. Quod vi aut clam.,
 ea quae sepulcri ornandi causa apposita sunt, sepul-
 cri esse videri. Nec obstat, quod Paulus respondit in L.
 27. D. de iniur., si statua patris mei in monumento po-
 sita saxis caesa sit, non sepulcri violati, sed iniuriarum
 agendum. Aliud enim est disiecere statuam, vel au-
 ferre; aliud contumeliae gratia saxis cadere: illud
 sepulcri violati, hoc iniuriarum iudicio vindicatur.
 Frustraque adeo in haec res retorquet Accursius, dum
 primo distinguit, utrum monumentum, in quo sta-
 tua posita erat, religiosum fuerit; nec ne: ut illo casu
 sepulcri violati agatur, hoc iniuriarum: dein, utrum
 in monumento statua posita saxis caesa sit, an iuxta
 monumentum collocata: ut ob illam sepulcri violati,
 ob hanc iniuriarum agatur, cum manifestum sit, nec
 Ulpianum in d. L. 2. de inani monumento loqui, nec
 Paulum in d. L. 27. de statua iuxta monumentum, sed
 in monumento posita. Postremo, qui facit quo minus
 quis funeretur, aut quo minus inferat in eum locum,
 in quem inferendi ius est, sepulcri violati tenetur.

arg. d. L. 38., et L. seq. D. de relig. et sum. fun., L. sepulcri 8. D. de sepul. viol., L. ult. C. eod.

- 4 Merito autem haec accusatio introducta est, quia reip. interest, cadavera non iacere insepulta, et quae sepulta sunt, ea viventium iniuriis, atque vexationibus non esse obnoxia. Quare et gravioribus criminibus violatio sepulcri adnumeratur, L. 3. C. de epise. aud., et veteribus visum sacrilegii instar, vadere impia audacia ad busta defunctorum, et lapides caespitemve evellere, extrahere, ossa mortuorum, ut Imperator Iulianus testatur in L. 5. C. h. tit. Elegantissimi haec de re sunt Phocylidae versus, quos non possum, quin adscribam.

Terram impartire insepultis cadaveribus.

Nec tumulum mortuorum refodias, neque non aspectabilia

Solis monstres, divinamque iram accersas,

Inhonestum hominis compagem resolvere.

Et mox e terra speramus in lucem prodituras.

Defunctorum reliquias; postea vero Dii erunt.

Neque Graecorum dumtaxat et Romanorum is sensus fuit, sed et aliorum gentium. Scythas cum bello persequeretur Alexander Magnus, iique retrocederent, roganti Alexandro quando fugiendi finem essent facturi, responderunt, cum ad maiorum sepulcra ventum esset, tum experturum Alexandrum: quemadmodum Scythae pugnarent. Aegyptii insigni magnificentia sepulcra construebant, quanquam in domorum aedificationem ineuoriosi forent. Si quidem sepulcra defunctorum domos sempiternas quoniam apud inferos infinitum sit tempus, vocabant. At domos ipsas, velut diversoria opinabantur, argumento vitae brevioris, ac momento transeuntis. Borussi veteres adeo superstitiose curabant mortuos, ut etiam nummos tanquam viaticum defuncto daturi, in sepulcrum proiicerent; et panem quoque atque lagenam cervisia plenam capiti cadaveris adponerent, ne anima defuncti esuriret, sitiretve, ut refert Iohannes Meletius in epistola ad Georgium Sabinum. Fuerunt tamen et contra gentes, quae aut nullam, aut exiguam mortuorum rationem

ducerent. Lotophagi eos in mare abiiciebant, nihil interesse existimantes, humone, an aqua, an igne dissolverentur. Colchi pellibus insutos ex arboribus suspendebant, teste Aeliano *Lib. 4. cap. 1.* Sabaei corpora defunctorum atque stercus ducebant. Regesque ipsos in sterquilinia abiiciebant. Troglodytae mortui cervicem pedibus alligabant, et raptim cum risu atque iocis efferebant, nullaque loci habita cura, mandabant terrae, ad caput cornu caprinum affigentes. In Hircania erant, qui canes nutrent, quibus vita functos vorandos obicerent. Persarum quoque Magis, tametsi sapientes audirent, in more fuit, non ante corpora suorum humare, quam essenta feris lacerata. Verum horum immanitatem atque stultitiam quis non excretur? cum ab humanitate nihil alienius sit, quam homini mortuo negare terram. Cumque inter poenas, quas Deus Opt. Max. idololatriis dehuntiat, minitetur etiam post mortem eorum ossa exurenda a Rege Iosia 1. *Reg. 13.* cumque ipse Iosias divinae voluntatis exequutor, vetuerit ossa moveri eius prophetae, per quem id denuntiatum fuerat, 2. *Reg. 23.*, satis intelligimus, nefas esse ossa cineresve mortuorum vexare (2).

Sed hic de duabus speciebus quaeri potest, si quis mortuum intulerit, quo inferre ius non erat, isque fuerit eiectus, an eiiciens in crimen sepulcri violati incidat? Et si quis eruerit cadaver eius, quem humare fas non erat, an poena religionum laesarum puniendus? Quod ad

(1) Ex iure Gentium voluntario deberi et corporum mortuorum sepulturam opinatur cl. Hugo Grotius de iur. bell. et pac. lib. 12. Cap. 19 num. 1. Equidem, ut ceteros omitam, lactantius ultimum illud et maximum pietatis officium esse ait peregrinorum et pauperum sepulturam et eorum, qui adpervacaneam ipsam facerent, impiam vocat sapientiam. *Divin. Inst. lib. 6. Cap. 12.*, inde pulchra illa apud Ulpianum interrogatio. *Quis enim sine pietatis intentione alienum cadaver funerat?* L. 14 §. 7 in fin. D. de reliq. et sumt. fun. Quamobrem Leo Imperator rectissime edixerat leges civiles non ea modo, quae communi subditorum vitae prosint praescribere: verum de iis etiam, qui iam vitam inierunt, humanae miserationi convenientia decernere debere: Quae autem defunctorum corpora ignominiae contumaliaeque exponant, ac per quae communi hominum naturae dedecus atque turpitudine concilietur, nequaquam in leges esse includenda. *Novel. Constit. 53.*

priorem attinet, videbatur dicendum cessare crimen, eo quod inferendo in locum alienum invito, vel ignorante domino, non fiat is locus religiosus, *L. 2. §. pen. et ult. D. de relig. et sumt. fun.*, *L. 2. C. eod.*, et per consequens nec religio violatur. Quod id, quod alius in nostro fecit, cum ius faciendi non haberet privata auctoritate recidere possimus, *L. quemadmodum 29. §. 1. D. ad L. Aquil.*, *L. ult. §. si ad ianuam D. Quod vi aut. clam.*, per consequens et mortum sine nostra voluntate illatum erueret. Quod ipse ille, qui in alienum intulit, cum ius inferendi non haberet, sepulcri violati teneatur, *d. L. 3. §. si quis 3. D. h. tit.*, per consequens non possit adversus alium habere hanc accusationem: quemadmodum qui ipse furti actione tenetur, adversus alium eam actionem non habet, *L. 12. §. 1.*, *L. 14. §. is autem D. de furt. L. 4. D. Naut. caup. stabul.* Nec obstare videtur, quod *ex L. ossa 8. D. de relig. et sumt. fun.* adduci poterat, etsi in alieno corpus conditum sit, transferri tamen non posse absque permissu Pontificum, per consequens in crimen incidere eum, qui id fecerit: Respondetur enim *ex ead. L. 8.* incidere quidem in crimen eum, qui ossa sine permissu Pontificum transfert, non tamen in crimen sepulcri violati, seu iniuriam, ut aperte JC. ibidem docet: Neque vere, quisquis facit sine permissu Pontificum, quod permissu Pontificum factum oportuit, is illico sepulcri violati, tenetur: Argumento est, quod nec corpora defunctorum per vicos, aut oppida transvehere liceat, sine permissu Pontificum, aut Principis; et tamen in eum, qui contra fecerit nullam poenam statutam esse D. Marcus rescipit, *d. L. 3. §. non perpetuae D. h. tit.*

6 Quod ad posteriorem attinet, sine haesitatione respondēt interpretes, non teneri sepulcri violati eum, qui extraxerit cadaver hominis, quem sepelire fas non erat: veluti, si quis extraxerit cadaver improbi foeneratoris, qui poenitentiam in vita non egerit; hunc enim sepeliri in loco dedicato vetant canones, *C. quanquam de usur. in 6.*, et *clem. 1. eod.* Possis etiam exemplum ex iure civili petere, quo cautum

Decia. d.
esp. 44. n.
11. Far. qu.
20. n. r31.
Quiut. de
clam. 299.

est, ut ne corpora damnatorum humentur, nisi peti-
tum atque permissum fuerit, et nonnunquam non
permittitur, maxime maiestatis causa damnatorum,
L. 1. D. de cadav. puni. Si quis igitur cadaver damna-
ti sine permissu humatum erucrit, non tenebitur
sepulcri violat, maxime si damnatus perduellio-
nis fuerit; perduellis enim hostili in rempublicam
animo est: sepulcra autem hostium nobis religiosa
non sunt, *L. 4. D. h. tit.* Famosi quoque latrones furca
figuntur illis in locis, ubi grassati sunt *L. capitalium*
28. §. *famosos D. d. poen.* Quare si quis suffixum no-
ctu sustulerit humaveritque, impune cadaver extrahi
poterit. Sed in primis terra negatur parricidae, quem
maiores cūleo insutum voluerunt, ut caelum super-
stiti, terra mortuo eriperetur. Hunc igitur exceptum
si humaveris, aliusque rursum effoderit. absurdum
profecto foret crimen intentare effodienti. Quod autem
nonnulli scripserunt, etiam publicae utilitatis intuitu
denegandam sepulcri violati accusationem, si medici
vel scholares cadaver extraxerint anatomes causa, id
nequaquam probandum est. Publicae enim utilitati
satis fieri potest sectis cadaveribus damnatorum, ut
nihil necesse sit sacrilega impietate vadere ad sepulcra
mortuorum. Quod si damnati desint, non privata au-
ctoritate effodienda cadavera, sed eorum permissu, ad
quos eius rei potestas pertinet.

Decia. d.
cap. 44. n. 17.
Coler. dec:
117.

CAPUT III.

DE POENA.

- | | |
|---|---|
| 1. Quae sit poena huius crimi-
nis? | 5. An lex poenalis extendi pos-
sit? |
| 2. Particulae usquead, includant,
an excludant? | 6. Poena e. vel cc. aurcorum,
an dividenda inter fiscum et
actorem? |
| 3. An hoc crimen publicum fa-
ctum sit <i>L. 4. C. h. tit.</i> | 7. De concursu quid iudicandum? |
| 4. Quae iudicia cum hac accusa-
tione concurrant? | 8. De usu huius tituli. |

Rei huius criminis, si corpora ipsa extaxerint, vel
ossa eruerint, humilioris quidem fortunae homines
summo supplicio adficiuntur: honestiores in insulam

Goler. d. loc.
Thuan. lib.
86. p. 166.

Coler. d. loc.
Thau. lib 86.
p. 166.

Menoch. 1
de arb. cas.
80 n. 129. et
cas. 387. u.
13.

deportantur, alias autem relegantur, aut in metallum damnantur, *L. ult. D. h. tit.* Summo etiam supplicio adficiuntur, qui cadavera spoliunt vi armata, et more latronum, ut D. Severus rescripsit: qui vero sine armis, adversus eos usque ad penam metalli proceditur, *L. 3. §. adversus D. h. tit.* In quo rescripto dictionem, *usque ad*, exclusive capiendam existimat Menochius, ita ut poena intra metalli coercitionem consistat, eo quod eandem significationem habeant hae particulae in *L. 1. D. An per al. caus. appell.* Verum constantiam maiorem non sine causa hic requirimus. Idem enim Auctor eadem verba aliter accepit in *L. 9. D. de extraord. crim.*, ubi de scopelismo agitur, et recte quidem, ut ad eundem tit. cap. 2. demonstravimus: cur ergo nunc, quasi derepente immutatus, contrariam significandi vim attribuit? Adhaec falsum est, quod existimat, excludendi potestatem haec verba habere in *d. L. 1. D. An per al. caus. appell.*; habentimo et eo loco vim includendi. Cum enim JC. dixisset, causam capitalem agi non posse per procuratorem, subiicit, confestim; etiamsi non capitis, sed minor poena sit infligenda usque ad relegationem, non posse causam agi per procuratorem: plane si pecuniaria causa sit, ex qua ignominia sequitur, per procuratorem agi posse. Quis autem non videt, eum JC. pecuniariam poenam opponat relegationi, eundem hoc vel, non posse causam per procuratorem agi, etsi relegendus duntaxat reus sit? Cum igitur includendi vim habeant eae particulae in *obj. L. 1., in d. L. 9. adhaec in L. absen. 5. D. de poen.*, non video, cur praesenti loco excludendi potestatem eis tribuere debeamus.

Est et alia poena, quam Constantinus Imp. infligit, *L. 4. h. tit.*, nempe decem librarum auri fisco inferendarum, in eum, qui corpora sepulta, aut reliquias contrectaverit, aut saxa, marmora, aliamve materiam abstulerit fabricandi, vendendive causa: viginti autem librarum in iudices, qui vindicare hoc crimen neglexerint, *L. 3. C. eod.* (1) Severius coërcet Iustinus

(1) Extat in Cod. Theod. sub h. t. non Constantini, verum Com-

creditorum, qui debitoris sepulturam impediit: nam et libras L. fisco inferre iubetur, et ius crediti amittit, et si minus idoneus sit, extra ordinem corpore punitur, *L. ult. C. eod. (2)* :

stantis Imp. integra constitutio in Sepulcrorum violatores quam sic Tribonianus efformavit = *Si quis Sepulcrum violaturus attigerit, locorum iudices, si hoc vindicare neglexerint; non minus, quam viginti librarum auri in sepulcrorum violatores statuta poena mulcentur, ut eam largitionibus nostris inferre cogantur.* Vid. cit. *L. 3. C. h. t.* Porro ex memorata Constantis constitutione tria potissimum eruantur. I. Sanguinis poenae in sepulera demolientes statutas pecuniariam substituit = *Factum solitum sanguine vindicari multae infictione corrigimus*. II. Eum, qui Sepulcrum laesuras attigit viginti libras auri fisco cogi inferre = *Quod si aliquis contra sanctionem clementiae nostrae sepulcrum laesuras attigerit, viginti libras auri largitionibus nostris cogatur inferre*. III. Locorum iudices, qui vindicare hoc crimen neglexerint, non minus nota, quam statuta in sepulcrorum violatores poena coerceri = *locorum autem iudices, si haec observare neglexerint, non minus nota, quam statuta in sepulcrorum violatores poena grassetur*. Iacob. Gothof. in *Com. ad cit. Const.* existimat nota ibi significari cognitam: puta sanguinis poenam, quam ipsa Constitutio memorat in *pr.* Ast pace tanti Viri mihi magis arridet sententia eorum, qui ipsam vocem nota ad infamiam referunt. Haud enim verosimile est laudatum Imp. sanguinis poena, quam pro Sepulcrorum violatoribus e medio sustulerat, voluisse coerceri Iudices, qui hoc crimen vindicare neglexerint, ac si gravius in eorum negligentia, quam in ipsa Sepulcrorum violatione scelus deprehendatur. Citata vero *L. 4. C. h. t.* Constantil edictum est ad Populum romanum emissum, quo poena sanguinis, quae *priscæ severitatis* ibi vocatur, confirmata perspicitur: ita quidem ut multam insuper pecuniariam ei adiungat, et sic utramque iam poenam coniungat, quarum alteram, multam, inquam, Constantinus frater eius, altera abrogata constituerat. Crescente scilicet Romae Sepulcrorum Violatorum pertinacia, sanguinis poenam, quam Constantinus abrogaverat. Constantinus reduxit in alia constitutione quae est tertia *Cod. Théod. h. t.* mox et multam hoc edicto adiunxit, et ut *accederet* iussit, minorem tamen ea, quam Constantinus in cit. *L.* statuerat. Ubi enim poena sanguinis est, ibi deductio multa esse oportet, quae severitate poenae plus satis pensatur. Iure itaque laudatus Gothofred. erroris arguit Quincium, qui fortasse Basilicorum auctoritate innixus in cit. *L. 4. pro decem pondo auri* legendum putat *viginti pondo auri*. Vid. Gothofr. *ad cit. Leg.*

(2) At Iustinianus *Nov. 60. Cap. 1.* huiusmodi creditores, qui non verentur debitoris morientis domum ingredi, et pignus aliquid sumere, aut signa rebus imponere, aut funus quovis modo impedire, praeter infamiam, quam subeunt, et praeter crediti amissionem, ac publicationem tertiae partis honorum ex leg. *Jul. de vi priv.* et decreto Imp. Marci, *L. 7.*, et 8. *D. de vi priv.*,olvere iubet hereditas defuncti tantumdem, quantum erat debitum: Statuit praeterea

- 5 Et prior quidem constitutio, etiam publicum videtur facere crimen dum ait *Sive quis propria sepulcra defendens hanc in iudicium querelam detulerit, sive quicumque alius accusaverit, vel ad officium nuntiaverit*: accusandi ergo ius tribuit omnibus, quemadmodum et Praetor actionem popularem dat cuivis e populo *d. L. 3. D. h. tit.* Unde merito miramur, cur placuerit Triboniano reliquisque compilatoribus hoc crimen proponere libro XLVII. Pandectarum, cum transferendum videatur in Librum XLII. Nisi forte distinctio adhibenda est, ut qui sepulcrum privatum seu familiare violaverit, is puniatur extra ordinem, quia non est defuturus accusator: qui vero publica coemeteria spoliaverit, hunc quivis e populo accuset, quia publica iniuria est. An magis dicendum, sepulcri violati accusationem per se publicam non esse, sed fieri publicam, si titulo criminis commutato, sacrilegii accusetur reus, aut violentiae; quoniam haec crimina sepulcri violati accusationem concurrere possunt (3)?

- 4 Concurrit, ut modo diximus, cum hoc crimine sacrilegium: nam et Iulianus in *L. 5. C. h. tit.* testatur, veteres sacrilegio proximum hoc crimen iudicasse: et laesarum religionum reos vocat sepulcrorum violatores Tacitus *Lib. III.*, et Ulpianus atque Marcianus in *L. 1., et 4. D. ad L. Jul. pecul.* pecuniae sacrae iungunt religiosam: facit ergo tam haec, quam illa sacrilegium. Concurrit etiam iudicium publicum Legis Juliae de vi publica, illa parte, qua cavetur de eo,

ut sequatur iudices, eorumque officia triginta librarum auri poena, si quid horum neglexerint: provinciales autem quinque si neque ipsi ad hoc institerint, denuntiatione qualibet facta. Demum Nov. 215. Cap. 5. iubet cautiones, quas solent creditores, a defuncti hereditibus, vel ab eius fideiussoribus, parentibus, consanguineis et coniuge intra novem dies exigere, quibus iusta solvantur, nullius esse momenti.

(3) Proposita distinctio non probatur; nam memoratum Constantii Edictum, ut verba innuunt, scriptum est non de publicis, sed de propriis. i. e. privatis sepulcris, quorum violatio vindicatur ab iis, quorum interest, et his cessantibus, ab aliis.

Conf. Dec.
1. cap. 41 n.
63.

Qui fecerit, quo minus qui funeretur, sepeliaturve : quia et qui sepulcrum violat, facit quo minus quis sepultus sit, *L. 8. D. h. tit.*

Unde apparet, falsum esse vulgatum illud doctorum axioma, quo dicunt, extensionem legis poenalis non admitti: Est enim lex Julia penalis: ea loquuta est nominatim de eo, qui fecit, quo minus quis funeretur, sepeliaturve, *L. 5. D. ad Jul. de vi publ.* Macer tamen JC. in *d. L. 8.* aperte Legem Juliam producit ad eum, qui fecit, quo minus quis sepultus sit, tanquam eadem utriusque facti sit ratio. Sed eo axioma commodius atque pluribus agemus sub *Tit. de poen.* Illud nunc notandum, non aliter Legem Juliam de vi publica habere locum, nisi aut armis, aut coetu, turba, concursu, seditione sepulcra violata sint, non etiam si quis clanculum atque sine armis cadavera vexaverit: ita enim vis publica a privata distinguitur, quod illa armis, aut turba et seditione fiat; haec sine armis, §. *item lex Julia de vi Inst. de publ. iud.*, nisi forte verius, quasdam violentiae species graviores, etsi sine armis committantur, Legi tamen Juliae de vi publica subiici. Concurrit denique actio pecuniaria ex Edicto Praetoris, quae ei datur, ad quem iniuria pertinet, in id quod aequum iudici videbitur, dum ne minoris condemnet, quam in aureos centum. Si non erit, ad quem pertineat, popularem Praetoractionem dat in aureos c. sepulcro violato: in ducentos sepulcro inhabitato inaedificatove, facitque actio condemnatum infamem, *L. 3. pr. §. si quis §. qui de sepulcri, §. si ad plures, §. si is cuius interest, L. 6. L. 6 quaesitum est io. D. h. tit.* Poena autem ista centum ducentorumve aureorum, utrum actori cedat tota, an partem faciat fiscus quaeritur? Dividendam esse inter fiscum et actorem nonnulli scribunt; eo quod id JC: in quaestione non dissimili responderit de poena c: aureorum, quam petimus populari actione ab eo, qui non vindicata nece defuncti tabulas testamenti aperuit; *L. lege Cornelia 26. §. ult. D. de SC. Silan.* Accedit eo, quod ubi iniuria est, ibi poena esse debeat, *L. ult. D. de litig.* At iniuria sepulcro violato ad utrumque

pertingit, et fiscum et actorem: quamobrem poena quoque inter utrumque dividenda est. Vereor tamen ut haec sententia diligentius excussa subsistere possit: nam poenam eius, qui non vindicata nece defuncti testamentum aperuit, recitavit, descripsit, dividi inter fiscum et actorem, non mirum, cum id disertis verbis Praetor edixerit: non idem eduxit de sepulcri violati poena, quin contra edixit, se actionem c., vel ec. aureorum dare velle ei qui agere volet; verisimile ergo totam actionem, vel ut planius loquar, integrum actionis emolumentum voluisse Praetorem ad actorem pertinere. Hoc amplius Ulpianus cum in *d. l. 3. §. Divus h. tit.* retulisset, Hadriani rescripti statutam esse poenam xl. aureorum in eos, qui mortuos in civitate sepeliunt; adiecit, *quam poenam fisco inferri iussit*: quibus verbis innuere videtur diversum placuisse Praetori de poena, c. vel ec. aureorum. Quod autem de iniuria adfertur ex *L. ult. D. de litig.*, id infirmum est: proprie enim loquendo haec iniuria neque fisci, neque actoris est, sed heredis, aut eius qui defunctum necessitudine attingit: qui si agere nolit, tunc demum actio popularis datur.

7 De concursu actionis huius praetoriae cum accusatione quaeritur, an si quis accusaverit reum, adhuc sepulcri violati agere possit? et contra si egerit ex Edicto, an eo amplius accusationem instituere liceat? Iacobus Lectius in brevi quidem, sed non ineleganti commentariolo ad Macrum de publicis iudiciis existimat licere: Adducit *L. 9. D. h. tit.*, ubi cum JC. scribit, de sepulcro violato actionem quoque pecuniariam dari, particula (*quoque*) indicio est, non tolli accusationem per actionem, non retro actionem per accusationem. Adducit etiam *L. un. C. Quand. civ. act. crim. praei.*, ex qua quod sumitur argumentum, id validis foret, si constaret ante sepulcri violati crimen publicum factum esse lege Constantini: infirmum prorsus erit, si id Constantinus publicum non fecit: quoniam *d. l. un.* non loquitur de criminibus extraordinariis, sed publicis. Reliqua, quae adducit Lectius, parum ad rem faciunt. Nec sane sententiam eius temere pro-

Lect. in exp.
l. 8. et et 5.
N. h. tit.

haberim; praeterquam enim, quod non satis liquet, an crimen hoc publicum factum sit; etiam *d. L. un.* non de quacunque actione loquitur, sed ea, quae de re familiari competit: haec cum publico iudicio ita concurrere potest, ut alteri per alterum praeiudicium non fiat. Diversum obtinet in illis actionibus, quae meram vindictam continent, *L. 7. §. 1. D. de iniur.*, sepulcri autem violati actio meram vindictam continet, *L. 6. et poen. D. h. tit.*; consumet ergo actio accusationem, et contra accusatio actionem. Nec obest *L. 4. C. h. tit.*; quod enim dicit, accedere poenam praesae severitati: id intelligendum de poena decem librarum auri fisco inscendaram, non de accusatione, atque actione praetoria, cumque id ipsum singulari iure constitutum sit, et poena decem librarum accedat praesae severitati, non est producendum facile ad consequentias (4).

Quod ad usum attinet, sunt qui exiguum huius tituli usum esse scribunt, eo quod hodie non in privato, sed in publicis coemeteriis cadavera humentur; huic enim consequens esse, ut coemeteriorum violatores magis sacrilegii, quam propriis criminis rei fiant. Verum non video, cur non, ut olim, ita hodieque extraordinaria accusatio concurrere cum crimine sacrilegii possit: nec animadverto, si quis ex edicto Praetoris experiri velit, cur id sit ei demegandum: non enim si minus frequentatur actio, idcirco sublatam prorsus dixeris. Recte Angelus Aretinus quodam loco scripsit, non idcirco sublatas Leges, quod populus aliquandiu eis usus non sit: cum fieri possit, ut aut longo tempore casus eiusmodi non evenerit, aut nemo ex ea lege sibi reddi postulaverit. Tum demum antiquantur leges, cum populus diu contrario iure usus est, *L. de quibus 32. D. de Legib.*

Clar. 5. sent.
§. fin in fin.
Rebuff. in
proem. ad
const. reg.
glos. 5. n.
12. Dam-
hond prax.
erim c. 109.
conf. Farin.
d. quæst. 20.
n. 114.

(4) Adversus Auctoris sententiam, actionem scilicet pecuniariam consumere accusationem, et contra, dubium moveri potest ex *L. 9. D. h. t.* ubi satis ait de Sepulcro violato actionem quoque pecuniariam dari; nisi tamen quoque id tantum innuere velit, ut sit in arbitrio actoris adversus sepulcri violatorem vel crimen intendere, vel civiliter agere.

TIT. VII.

DE CONCUSSIONE

CAPUT I.

- | | |
|---|---|
| <p>1. Quid sit concussio, quantumque distet a latrocinio, et rapina?</p> <p>2. Quae species concussionum?</p> | <p>3. Utrum concussio privatorum dumtaxat crimen sit, an et eorum, qui in aliqua administratione sunt positi?</p> |
|---|---|

Concussio, quam *diaseismon* Graeci appellant, nihil est aliud quam terror injectus, pecuniae, vel rei aliquius extorquendae gratia. At cum terrorem iniiciant etiam latrones, et qui eunt aliena ereptum bona, in ipso limine huius capitis videndum, quid intersit inter raptorem, et concussorem: Raptor est, qui vi rem eiusve possessionem domino aufert; Concussor qui non tam aufert, quam terrore injecto efficit, ut sibi pecunia, vel res aliqua a dominio volente detur: nam et raptorem ab eo, qui metum intulit ita separat Ulpianus in *L. item si cum* 14. §. *qui vim D. quod met. caus.*, quod alter invito domino rem per vim auferat, alter a domine eandem consequatur. A latrocinio vero facilius separatur concussio: latro enim quasi latero dictus est, quod obsideat latera viarum, atque ex insidiis spoliet, aut iugulet: Concussor autem esse potest, etsi neque vias obsideat, neque iugulet, neque spoliet. Evidentior etiam inter concussorem et sycophantam differentia est: ille terrorem iniicit, his caliditate atque fallacia utitur. Species hae in iure reperiuntur: Si quis simulato Praesidis iussu pecuniam, vel rem consequutus sit, *L. L. D. h. tit.* Si quis pecuniae vel rei extorquendae gratia accusationem, aut testimonii dictionem comminatus sit, *L. 2. D. h. tit.* Si metator, qui hospitia militibus, aut officiis praebenda designat, eo praetextu homines concusserit, *L. illicitas* 6. §. *illicita*, et §. *ne tenuis D. de offic. praes.* Si centurioni, qui tyrones exercet atque imbuunt milita-

ri disciplina, veteranus vel non tyro evitandi tyrocinii gratia aliquid dederit, *L. 3. C. de cond. ob. turp. caus.* Si in officio aut administratione constitutus per terrorem extorserit privato venditionem alicuius rei *L. pen. C. de his quae vi met. caus.* Haec concussionis species atque exempla in libris nostris reperiuntur: quod autem nonnulli adiciunt *L. un. C. si quan. praed. pot., L. principalibus 33. D. de reb. cred., L. un. C. de contr. iud.,* id parum recte ab eis factum arbitror: concussio enim pecuniae extorquendae gratia fit: in adductis autem legibus, aut de terrore iniectione non agitur, aut si agitur, pecunia tamen extorta non est; veluti in *all. L. un. C. si quan. praed. pot.* de terrore agitur, non pecuniae, sed nuptiarum extorquendarum gratia (1).

Porro sunt qui existimant hoc crimen a privatis ³ dumtaxat committi: eum, qui cum imperio et potestate est, si huiusmodi quid faciat, non concussionis, sed publici iudicii repetundarum reum fieri, *arg. L. 1. D. h. tit., L. eadem 6. §. lege Julia D. ad L. Jul. repet.,* quorum sententiam nequaquam probare possum. Quis enim non videt *L. pen. C. de his quae vi met. caus.* aperte loqui de his, qui in administratione sunt? Adhaec qui adiuvant militares viros, de quibus *d. L. 6. §. illicita D. de off. praes.,* quis dixerit omnino sine administratione esse? Iam tribunus militum, aut centurio de quo in *d. L. 3. C. de cond. turp. caus.,* nonne in administratione militari positus est? Metator quoque, qui hospitia curat, utique administrationem aliquam habet. Sed et in sacris, cum Joannes Baptista interrogantibus militibus respondet, *Neminem concutiatis, neque calumniam faciatis, et contenti estote stipendiis vestris:* quis deierare ausit, gregarios dumtaxat eos fuisse, nec quomquam in administratione positum? Postremo quid absurdi, si dixerimus, quantum ad personas in administratione ali-

Menoeh. 2.
arb. cas. 342
n. 11. Paria.
qn. 111. n.
u. 42. et 43.

Lnc. cap. 5^v

(1) Concussionis quoque species est: si exequutores litium spertularum nomine aliquid amplius a quacunque persona percipiant, quam legibus declaratum est. Vid. *Nov. 124. Cap. 8.*

qua positas, concurrere cum accusatione extraordinaria iudicium publicum repetundarum, cum concurrat etiam in quibusdam speciebus publica accusatio Legis Corneliae defalsis? Nihil sane absurdi video, nec ullum periculum, ne confundatur concussio cum pecuniarum repetundarum crimine; cum hoc latius multo patcat, pertineatque etiam ad eas pecunias; quas quis citra terrorem accepit, quo magis, aut quominus officium faceret.

CAPUT II.

DE POENA.

- | | |
|--|--|
| <p>1. Quae sit concussionis poena et quando ultimum supplicium infligendum?</p> <p>2. Quae indicia cum hac accusa-</p> | <p>tionem concurrant, et in specie an concurrat actio metus?</p> <p>3. Uno horum iudiciorum electo, an perimantur reliqua?</p> |
|--|--|

Concussionis convictus non solum rem ablatam restituere, tenetur, sed eo amplius extra ordinem arbitrio iudicantis punitur, *L. 1. D. tit. L. 3. C. de cond. ob turb. caus. L. pen. de calum.* : at si terrore metuve iniectio is, qui in administratione positus erat, rei venditionem expresserit; venditor et rem recuperat, et pretium retinet, *L. pen. C. de his quae vi met. caus.* Poena quanta sit extra ordinem infligenda, non exprimitur; sed cum concurrat cum hac accusatione et Lex Cornelia de falsis, cuius poena in liberis deportatio est, in servis ultimum supplicium, *L. 1. §. ult. D. ad L. Corn. de fals.*, intelligimus, pro qualitate admissi nonnunquam et capitis poenam infligi posse. Idque Paulus confirmat v. *Sent. xxv. §. qui insignibus* Exemplum suppeditat criminalis Caroli V. constitutio cxxviii., quae gladio feriri iubet eum, qui iuris alicuius, vel rei extorquendae gratia hominum violentorum factioni se adiunxerit, aut ad hostes transierit. Militantium quoque concussionem plerique morte vindicaverunt, cuius rigoris causam ex Valerio Max. reddere possumus istam: *Quod aspero et abesse castigationis ge-*

Valer. 2. esp.

vere militaris disciplina indiget, quia vires armis constant; quae ubi a recto tenore desciverunt, oppressura sunt, nisi opprimantur. Inter leges quoque militares Modestinus istam enumerat, ut quisquis a Duce rem prohibitam fecit, aut mandata non servavit, capite puniatur, *L. 3. §. in bello D. re milit.* Itaque plus satis elementer Caesar cum C. Avieno egisse videtur, quem, cum et milites Populi Romani contra rempublicam instigasset, et rapinas per municipia fecisset, ignominiae causa ab exercitu removit, atque ex Africa abesse, quantumque posset, proficisci iussit. Nisi dixeris non ideo levius cum Avieno actum, quod ignominiae causa missus fuerit cum potuerit post missionem apud suum iudicem reus concussionum, atque rapinarum fieri: *L. 4. §. ingnominia missus D. de re milit.*

Hircineom;
de bell. Afr.

Concurrit cum hac accusatione actio privata ex Edicto de calumniatoribus in eum, qui ne per calumniam negotium faceret, pecuniam accepisse dicetur, intra annum in quadruplum eius pecuniae; post annum in simplum, *L. 1. pr. et §. pen. L. pen. D. de calumn.* Concurrit conditio ob turpem, vel iniustam causam in simplum, *L. 3. C. de cond. ob turp. caus.* Concurrit actio quod metus causa, et ipsa intra annum in quadruplum, post annum in simplum; sed tamen post annum vix. concurrit; quia intra annum quidem datur, etsi alia actio sit: post annum vero non nisi causa cognita, si alia actio non sit, *L. 1., L. 9. §. 4. L. 14. §. 1. et 2. D. Quod. met. caus.* Nec obest, quod obicitur ex *L. 7. D. eod.*, timorem alicuius vexationis non contineri Edicto quod metus causa: non posse ergo eam actionem cum accusatione concurrere, cum omnis qui concutitur, vexetur. Recte enim glossae levem ibi vexationem intelligendam ceusent, cuius vanus sit timor: ceterum si gravior sit vexatio, veluti, si cum in servitutem peterer, minatus quis sit se instrumenta status mei interversurum, utique et actio quod metus causa locum habet, *L. 8. §. 1. D. eod.*, et meo quidem iudicio, concussionis iudicium; iniicitur enim terror pecuniae extorquendae gratia. Quamobrem nullo mo-

Doneli. 15.
com 40.

do viri facundiasimi Hug. Donelli sententiam probare possum, qui inter hoc iudicium, et actionem quod metus causa id iteresse existimat, quod ad iudicium concussionis sufficiat levior metus: ad actionem ex edicto requiratur atrocior. Cui distinctioni non solum terroris verbum, sed et criminalis iudicii natura repugnat. Ex legibus publicorum iudiciorum concurrat cum hac accusatione Lex Cornelia de falsis, qua parte punit eos, qui in accusationem innocentium coierint, quive ob accusandum vel non accusandum, denuntiandum vel non denuntiandum testimonium pecuniam acceperint, *L. 2. D. h. tit., L. 1. pr. et. §. 1. D. ad L. Corn. de fals.* quive altioris ordinis insignia usurpaverint, aut militiam confinxerint terrendi concutiendive causa, *Leos qui 27. §. ult. D. eod., Paul. d. tit. 25. §. qui insignibus.* Concurrat etiam Lex Julia repetundarum, quoniam hoc crimen non solum a privatis, sed et iis, qui in administratione positi sunt, committitur, ut superiore capite probavimus, atque eo amplius elucescit ex *L. 1. §. 1. et §. pen. D. de calumn.* Adhaec quia cum concussione concurrat actio ex Edicto de calumniatoribus: cum hac autem Lex Julia repetundarum, *d. §. 1.*, consequens est, et cum concussione crimen repetundarum concurrere. Postremo si iudex accipiat in publica, vel privata, vel fiscali causa, de repetundis tenetur: id ipsum autem sordidam concussionem JC. vocat *ind. §. pen.*

- 3 De hoc concursu paucis ita iudicandum, si actione quis expertus fuerit, non tolli accusationem extraordinariam, et contra, utique si actio rei persequutoria fuerit: nam si poenalis, vix est, ut et quadrupli, et extra ordinem reus damnari possit, secundum ea quae de concursu plurium iudiciorum diximus. *Tit. de furt.* Nec adversantur *L. 1. h. tit., d. L. 3. C. de cond. ob turp. caus. L. pen. D. de., calumn.*, si intelligas, rebus ablatis in simplum restitutis adhuc extra ordinem reum puniri posse, at restituto quadruplo non posse. Ad accusationes vero quod attinet, una electa, reliquae perimuntur: nam nec pluribus legibus quicumque reus fieri potest ob idem admissum, et absur-

dum ob idem admissum eundem bis coërceri *L. Senatus 14. D. de accusat. L. 17. §. si ante iudicem D. de iniur., L. 7. §. 1. D. de iur. patron.*

TIT. VIII.

DE ABIGEIS

CAPUT I

- | | |
|---|---|
| 1. Abigeus qui sit? | 4. Quot muli, atque arini? |
| 2. Equi appellatione, an equa continetur? | 5. Quae praeterea requirantur, ut hoc crimen commissum dicatur. |
| 3. Quot coprae requirantur? | |

Abigei fures improbiore sunt, estque eorum obiter facta mentio superius *ut. de furt.*, sed quoniam compilatores iuris peculiari nota atque rubrica eos dignos censuerunt, nos quoque eadem, quam praecunt, via insequamur. Abigeos, quos haec inscriptio vocat, eos abactores Paulus nuncupat *Lib. v. Sent. tit. xviii.* nec non Imperatores Theod. et Valentinianus in *L. consensu 8. C. de repud. Jul. Frim. Lib. vi., Donat. in Andelph.* Abigeatores Licin. Rufinus in *Collat. Leg. Mo saic. et Rom. tit. de abigeat.* Ipsum crimen abigeatus vocatur in *L. 2. D. h. tit., L. 5. §. qui desertioni D. de re milit.* Est autem abigeus, qui dolo malo equum, bovem vel unum abegerit, porcus quinque vel quatuor, oves vero decem; qui intra hunc numerum constitit, fur magis est, quam abigeus, *L. 1. §. ult., L. pr. D. de abig., L. aut facta 16. §. quantitas D. de poen.* In hac descriptione primo quaeri potest, equi appellatione an et equa contineatur? nam Paulus *d. tit. 18.* aperte duas equas requirit. Verum praeterquam quod eam Pauli sententiam variis modis corruptam autumat Cuiacius, illud quoque dici poterat, ut maxime corrupta non sit, tamen eo ipso quo in liberos nostros relata non est, eam displicuisse iuris conditoribus,

nec vim atque auctoritatem in respondendo habere
 3 posse Etenim boves quoque duos Paulus exigit, hisque equas comparat: Callistratus autem in *d. L. ult.*, cum responderit bovem unum sufficere, satis innuit, equam quoque sufficere unam. Secundo, cum Callistratus nullam fecerit caprarum mentionem in *d. L. ult.*, dubitari de numero caprarum potest. Sed in hac dubitatione, quoniam de capris nihil in iure contractum est, tuto Paulum sequi poterimus, qui capras quoque decem exigit; et alioquin, quantum ad pretium attinet, parum inter utrumque animal interesse.
 4 Tertio disputari de mulis atque asinis potest, maioribusne, an minoribus animalibus adnumerandi sint? Nam si magnitudinem spectes infra quidem equos sunt, at supra sues: quod si pretium expendas, muli etiam in deliciis locupletiorum habentur: asinorum vero non magnum pretium est. Plaut. in *Aulul.*

*Ego faxim muli pretio qui superant equos,
 Sicut viliores Gallicis canteriis.*

Arist. 2. gener. animal.
 8.

Non male igitur fortasse fecerit, qui medio inter equos suesque loco posuerit, ut cum equus unus, porci quinque vel quatuor abigeum afficiant, mulos duos, asinos tres abegisse sufficiat. Est enim et pretium muli maius, et ut experientia docet, Aristotelesque scribit, corporis quoque mole asinum superat. Quod autem Romae olim atque etiam odie muli pretio equos superent, id luxuriae magis, quam rectae aestimationi adscribendum. Equus animal et aratro aptum, et bello utile; ad utrumque ineptus mulus: recta igitur ratione, si aestimes, infra equum mulus est.

Porro non exigimus, ut quis eadem temporis momento constitutum numerum abegerit; etiam qui saepius, abegit, licet semper unum vel alterum pecus, abigeus tamen est, *d. L. ult. §. qui saepius*. Illud exigimus, ut dolo malo pecora abacta sint: nam si quis iusta ratione ductus, quasi sua abduxerit, neque color criminis quaesitus sit, ad civilem examinationem remittendus est, *d. L. 1. §. ult. D. h. tit.* Exigimus etiam, ut de grege, armento, aut stabulo, vel pascuis domitium pecus abastum sit: ceterum si quis boves aberrant-

tes, vel equos in solitudine relictos abegerit, non est abigeus, sed fur potius, *L. 1. §. 1. D. h. tit.*

CAPUT II.

DE POENA.

- | | |
|--|--|
| 1. Quae abigeorum poena? | } en ludus gladiatorius intelligendus? |
| 2. Qui a stabulo abigunt, utrum lenius an plenius coercendi? | |
| 3. In <i>L. 1. pr. h. per gladium</i> , | |

4. Quae iudicia concurrant?

Poena abactoribus non omnibus una infligitur: nonnulli ad gladium, ad bestias, vel in metallum damnantur; alii opere publico, relegatione, ordinis ademptione coercentur. Prioris classis sunt, qui cum gladio abigunt, *L. 1. §. quanquam, L. 2. D. h. tit.*; sunt enim latrones magis, quam fures, *L. 1. quis domum 9. §. Imperator D. locat.*: qui abigunt maiora animalia, equos vel boves, *ead. L. 1. §. sed et qui porcam*: qui abigunt in ea regione, ubi frequentius maleficii est, *d. L. 1. pr. h. t. iunct., L. 16. §. pen. D. de poen.* exempli gratia in Hispania; erant enim Hispani olim maximi abigei, ut Cuiacius notat. Posterioris classis sunt reliqui, qui neque gladio abegerunt, neque maiora animalia, neque in ea regione, ubi frequentius maleficio est: hi vel in opus publicum, et nonnunquam temporarium dantur, vel si honestiores sint, relegantur, aut ordine moventur, *d. L. 1. pr. et §. quanquam D. h. tit.* in eodem numero censendi videntur receptores abigeorum, quos Traianus extra terram Italiam decem annis relegari iussit, *L. ult. §. ult. D. h. tit.* Sed de uno genere abigeorum dubitatur, utrum plenius, an lenius coercendi sint, nempe de iis, qui e stabulo abigunt. Callistratus in *L. ult. §. 1. D. h. tit.* respondit: Eum quoque plenius coercendum, qui a stabulo abegit domitum pecus, non a silva, nec grege. Cuiacius contendit legendum, *lenius*, non *plenius*, auctoribus Graecis: eamque emendationem Caiac. in perat. et 6 argumento firmat isto, quod eo plenius quisque sit obs. 8.

De Crim. Tom. II.

Justin. lib. 2.

coërcendus, quo maiorem habet delinquendi facultatem: facilius autem e pascuis, aut silva quam e stabulo abigi potest pecus. Hac ratione puniuntur etiam gravius fures nocturni et balnearii, quam diurni: effractores nocturni, quam diurni, *L. 1. et 2. D. de fur. baln., L. 2. D. de effract. et expil.* Et apud Scythas nullum scelus furto gravius; quippe sine tecto munimentoque pecora et armenta habentibus, quid salvum esset, si furari liceret? Graecorum nomina Quiacius tacet, sententiam et verba adfert ista, *Ille vero lenius punitur, qui e stabulo abegit domitum pecus, non a silva, nec grege.* Cum qua sententia concordat alia, quae habetur in *Eclog. Basil. lib. 1x. Tit. xxv. cap. II. Qui ex grege vel silva domitum pecus abigit, acrius punitur.* Haec argumenta viri doctissimi sunt, cui tamen quo minus assentiar, Latini codices, in primis Florentinus, faciunt, in quibus constanter scriptum est *plenius*, non *lenius*. Adhaec Rufinus testatur, non solum illos atroces esse, qui a pascuis abigunt, sed et qui e stabulo. *Atroces inquit, pecorum abactores plerumque ad gladium, vel in metallum, nonnunquam autem in opus publicum dantur. Atroces autem sunt, qui equos et greges ovium de stabulo, vel de pascuis abigunt, vel si id saepius, aut cum ferro conducta manu faciunt.* Hactenus Rufinus, ex cuius verbis concordiae aliquam rationem inter Graecos Latinosque possis inire: nempe et plenius coërcendum, qui a pascuis abegit, vel silva, quia ibi delinquendi maior copia, et nihilominus eum, qui a stabulo abegit, si nimirum abegerit maiorem numerum, aut id fecerit ferro, per effractionem, et conducta manu. Nec adversabitur huic conciliationi, quod Callistratus dicit in *d. L. ult. Plenius coërcendum, qui a stabulo abegit domitum, pecus, non a silva, vel grege*; verba enim; *non a silva vel grege*, non sunt accipienda, ut ad poenam referantur, sed stabulum: quo facto sensus responsi erit iste: Licet non a silva vel grege abegerint, sed a stabulo, plenius coërcendi sunt, si nimirum id fecerint ferro, aut vectibus effregerint fores. Nam si sine vi, et per negligenciam domini ingressi fuerint, lenius coërcendi sunt.

Ref. in coll.
Leg. 5. de, et
R. in Tit.
de abig.

Illud quoque controvertitur, *gladii verbo*, in re- 3
 scripto Hadriani, utrum ludum gladiatorium intel-
 ligere debeamus, an ultimum supplicium gladio ir-
 rogandum? Cuiacius ludum intelligit, et recte. Inte-
 grum enim Hadriani rescriptum ex Licino Rufino, d. Cuiac. 14-
 tit. de abig. restitutum ita habet: *Ideoque puto apud* obs. 10.
vos quoque sufficere genus poenae, quod maximo huic
maleficio irrogari solet, ut ad gladium abigei dentur,
aut si quis tam notus et tam gravis in abigendo fuit,
ut prius ex hoc crimine aliqua poena affectus sit, hunc
in metallum dari oportere. Hoc rescripto Hadrianus
 gravio rem gladio cum faciat metalli poenam, necesse
 est, ut per gladium intellexerit ludum gladiatorium.
 Non desunt tamen, qui ita existimant, neque sensis-
 se Hadrianum de ludo, et ut fortasse senserit, non
 tamen hodie per gladium, ludum intelligi debere. Non
 sensisse probant ita: Ulpianus in h. L. tit. dicit *cum*
durissime puniuntur abigei, ad gladium eos damna-
ri: Ergo in rescripto Hadriani gladius, quo, cervix
 resecatur, non ludus est intelligendus: alioqui non
 foret ea durissima poena. Non debere intelligi hodie
 sic demonstrant, Rescriptum Hadriani, ut ut fortasse
 loquutum fuerit de ludo, relatum tamen est in libros
 nostros a Justiniano, cuius aevo ludi gladiatorii iam
 erant sublati lege Constantini C. de gladiat.: ne igitur
 verbum gladii otiosum sit, gladium materiale
 intelligi iubent, Verum qui priore argumento utun-
 tur, suomet iudicio tanquam sorices produnt nun-
 quam se Rufinum, integrumque Hadriani rescriptum
 inspexisse. Qui posteriore, ii frustra timent ne gladii
 verbum otiosum sit; cum et ludis antiquatis, id tamen
 verbum nos doceat, quanta huic crimini poena de-
 beat, Quamquam et pro certo sumunt, quod Cui-
 acius eis non largitur, qui cruenta quidem gladiato-
 rum spectacula a Constantino sublata fatetur, ludum
 negat: qua de re forte plura dicturi sumus infra,
 tit. de poen.

D. Fab. 2. se-
 mestr. 11.
 San. 5. dec.
 tit. 9. def 9.

Concurrit cum hac accusatione extraordinaria iu- 4
 dicium publicum de vi, si abigeus ferro, aut condu-
 cta manu grassatus sit. Concurrit et civilis actio, ut

inquit, non exprimit *L. un. 1. C. h. tit.*, puta actio furti, vi bonorum raptorum, condictio furtiva, actio ad exhibendum, rei vindicatio (1). De quo concursu quid sit iudicandum, et quae actiones quibus preiudicent, iam non difficile erit statuere ex iis, quae supra diximus *Tit. de furt.*

TIT. IX.

DE PRAEVARICATIONE

CAPUT I.

- | | |
|--|--|
| 1. <i>Prævaricator unde dictus?</i> | 5. <i>An prævaricetur advocatus, cum cognitis secretis alterius, ad alterum transit?</i> |
| 2. <i>Prævaricatoris definitio?</i> | |
| 3. <i>An reus quoque, vel advocatus eius prævaricetur?</i> | 6. <i>An nuntiatores, et procurator fisci in hoc crimen incidant?</i> |
| 4. <i>An et in privatis iudiciis hoc crimen committatur?</i> | |

Praevaricatores a praetergradiendo appellatos tradit Festus; a varia certatione Labeo, *L. 1. D. h. tit. L. 4. §. pen. D. his qui not. infam.* Labeo porro Ciceronem au-

1. Actionem civilem in abigeos cum accusatione concurrere nec exprimit nec inquit *L. unic. C. h. t.*, uti Auctor existimat; in ea enim illud tantummodo statutum reperitur ut *abacti animalis accusatio non solum cum inscriptionibus, sed etiam sine ea observatione proponatur*. Quid vero, si Quis pecora, de quorum proprietate faciebat controversiam, abegit? Ulpianus in *L. 1. §. ult. h. t.* refert Satorhini sententiam scribentis ad examinationem civilem remittendum esse, sed hoc ita demum probandum est, si laudatus lectus, si non color abigeatus quaesitus est, sed verè putavit sua iustis rationibus ductus. Idipsum comprobatur, illustratque Paulus lib. 5. *Sent. Tit. 18. §. ult.* = *Si ea pecora de quibus quis litigat, abegerit ad forum remittendus est, atque ita convictus in duplum vel in triplum furis more damnatur*. Pro triplum autem legendum quadruplum recte adnotavit Cl. Schultingius ad h. §. Si enim furis more damnatur, certum est furti nec manifesti actionem comparatam esse in duplum, manifesti vero in quadruplum §. 5. *Inse. de oblig. quae ex delict. nasc.* Propositam a Schultingio correctionem adinvit quoddam fragmentum libri quem ipse Paulus scripsit *de poen. pagan.*, quod reperitur in collatione mosaicar et romanar. leg. h. t. §. 6. = *Paulus libro singulari de poenis paganorum sub titulo de abigeis dixit Itaque Divus Pius ad concilium Baeticæ rescripsit. Qui pecora, de quibus litigabat abegit, ad forum remittendus est; et si victus fuerit, in duplum, vel quadruplum condemnandus.*

etorem habere videtur cuius in *Partit. orat.* haec sunt verba *Defensor autem verbi vim ex nomine ipso reperiet, quod significat, cum qui in contrariis causis quasi varie positus esse videatur.* Verum, utraque notatio, nisi fallor, ad rem dumtaxat alludit! vera autem originationis est, quam Ulpianus tetulit, *d. L. 1. h. tit., et L. 212 D. de V. S.* Praevaricator à varicando et vato dictus est. Vari autem homines sunt obtortis plantis, a varicibus dicti Nonio. Ridicule Accursius, ut alia multa, a varietate sermonis dictos attulnat, quod infinita effundant verba. At cur à varicando dicti praeveraricatores? Quia similes varicantibus: ut enim hi obtortis plantis incedunt; ita in accusationibus obtorti praeveraricatores, et hinc et illinc stare videntur. Confirmat etymon Plinius cum ait: *Arator nisi incurvus, praeveraricatur: inde translatus hoc crimen in forum, et Plantus in Menuechmis;*

Accursius in l.
10. § ult. B.
de uerbal. ed.

Plin. 12. cap.
19.

*Non equidem mihi te advocatum pater adduxi;
sed viro!*

Hinc stas; illinc causam dicis

Est igitur praeveraricator, qui causam adversario donat, et ex parte actoris in partem rei concedit, *d. L. 112. de V. S.* vel qui colludit cum reo, et tralatitiae munere accusandi fungitur, proprias quidem probationes dissimulando falsas vero rei excusationes admittendo, *L. 1. §. praeveraricatorem 6. D. ad SC. Turpil.* Sed etsi praetereat diceñda, praeveraricator est. *Plin. 1. Epist. xx. Frequens mihi disputatio est cum quodam docto homine et perito, cui nihil aequè in causis agendis ut brevitas placet, quam ego custodiendam esse confiteor si causa permittat: alioqui prevaricatio est transire dicenda: prevaricatio etiam cursim et breviter attingere, quae sunt inculcanda, in-infingenda, repetenda. Nam plerisque longiore tractatu vis quaedam et pondus accedit.* Hoc amplius, qui in recusandis iudiciis bonos reiciit, malos retinet, praeveraricatorem se pròdit, ut scribit Asconius in *divinat.* Qui vero desistit ab accusatione, abolitione non impetrata, non praeveraricator, sed tergiversator est, poniturque ex *SC. Turpiliano poena* v.

librarum auri, *L. 3. §. ult. D. h. tit., L. 1. pr. et §. 7., L. 6., L. 13. D. ad SC. Turpil.*

- 3 Ex superioribus descriptionibus aliquot nascuntur dubitationes: nam, cum in priore actoris, in posteriore accusatoris fiat mentio; quaeri potest, solusne actor vel accusator praevaricetur, an et reus? Reus quidem impune videtur causam donare adversario, nec ullam poenam constitutam legimus in eum, qui perire iudicio festinat, quanquam non recte facit, quisquis vitae et salutis prodigus est: at advocatus rei, si causam donet adversario, et ipse praevaricari videtur: quoniam circa advocatum non distinguunt leges, utrum accusatori an reo patrocinium praestat, *L. 1. pr. et §. ult., L. 3. §. quod si advocato D. h. tit., iunct. L. 1. C. de advoc.*, sicut nec Plinius loco iam ante adducto distinguit: et uterque tam rei, quam accusatoris advocatus, iurat de causa omni fide atque integritate peroranda, *L. rem non novam. 14. §. patroni C. de iud.* Quod autem in descriptione praevaricatoris, solius accusatoris fit mentio, id ideo factum credimus, quod verbi proprietas tantum ad accusatorem pertineat: at rationem si spectemus atque rem ipsam, etiam rei advocatus in hoc crimen incidere potest.

- 4 Secundo, cum dicimus accusatorem praevaricari, qui cum reo colludit quaeri potest, an de utroque iudiciorum genere id sit intelligendum, tam de extraordinariis, quam de publicis? Cuiacius quidem apertis verbis scribit, si privato iudicio actor causam suam reo donaverit, nullum eum contrahere crimen: sunt autem extrordinaria crimina privata. Cuiacium sequitur Lectius. Rationem discriminis in eo collocant, quod publicorum criminum coercitio ad publicam causam spectet, cui fraudem facere flagitium sit: privata iudicia iis dentur, ad quos ea res pertinet; ideoque unicuique ius suum negligere, atque etiam remittere liceat. Haec ratio nequaquam me deterret, quo minus ab illis dissentiam. Nam praeterquam quod JC. in *L. 1. §. praevaricatorem D. ad SC. Turpil.* non distinguit inter publica et privata crimina, claris verbis responsum est, *Advocatum sive pu-*

Cuius 9. obs.
40. Lect. lib.
1. ad Macrum.
in l. 7. D.
h. tit.

blico, sive privato iudicio praevaricatus sit, hoc est; prodiderit causam, extra ordinem puniri solere, L. 1. in fin. L. 3. §. D. h. tit. Ex quo loco satis superque apparet, non solum in publicis, sed et extraordinariis criminibus exercendis praevaricationem admitti posse. Neque dixeris hoc responsum de advocato duntaxat, non de accusatore loqui. Nam eum advocatus extra ordinem puniatur, qui privato iudicio praevaricatus est, absurdum sane foret accusatorem stellionis, termini moti, receptatoris, concussoris, et similibus, impune cum reo colludere. Tametsi enim crimina privata sunt, reip. tamen interest, horum quoque criminum reos extra ordinem puniri: Quod autem attinet ad rationem diversitatis a Cuiacio. et Lectio allatam, ea tantum ad civilia, non ad criminalia iudicia pertinet. Civili iudicio actori licet perfunctorie agere, quia persequitur id quod sibi abest; criminali nequaquam, quia licet ad ipsum iniuria pertineat, reip. tamen interessè videtur, eum qui semel reus factus est, ex fide peragi. Non adducam etiam pro sententia mea stabilienda *L. pen. D. h. tit.*; ea enim non de privatis criminibus sed publicis loquitur, extra ordinem exercendis, i. e. non observatis solemnibus publicorum iudiciorum, *L. ordo 8. D. de publ. iud.* Idque et inde apparet, quod, *JC. in d. L. pen.* legis mentionem facit. publica autem crimina lege constituta sunt, non privata et extraordinaria. Advocati autem praevaricatio utroque iudicio et civili, et criminali videtur extra ordinem puniendâ, *d. L. 1. in fin. d. L. 3. §. 2. D. h. tit.* Neque vero superioribus obest, quod *ex L. 1. D. de his not. infam.* arguitur: Qui in iudicio publico praevaricationis causa quid fecit, infamia notatur: Ergo privato iudicio, seu extraordinario impune praevaricari licet. Ex antecedenti enim non hoc, sed illud duntaxat sequitur; Ergo, qui privato iudicio praevaricatus est, non notatur infamia. Neque id mirum; non enim extraordinaria crimina omnia infamant, sicut publica; sed ea duntaxat, ex quibus si civili iudicio ageretur, reus condemnatus fieret infami, *L. infamem 7. D. publ. iud.*

5 Tertio quaeritur, an ille quoque advocatus in crimen praevaricationis incidat: qui cum clientem suscepisset, cognitis instrumentis eius, atque causae secretis eidem renuntiat, et in adversarii castra concedit? In hac quaestione distinguendum, utrum controversia iudicio disceptanda in iure, an in facto consistat. Si in iure, nullum videtur advocatus crimen contrahere, nec fraus sit ulla clienti, cum causae istius secreta sint nulla. Quod si in facto consistat causa, placet quod Bartolus scripsit, et post eum Alciatus, eum qui id fecit, non tam praevaricationis reum fieri, quam incidere in Legem Corneliam de falsis, eo capite quo cavetur, ut poena falsi coërceatur ille qui instrumenta alicuius, penes se deposita, prodiderit adversario eius, *Leg. 1. §. is qui deposita D. ad L. Corn. de falsis*: nam et procurator alicuius si id fecit, humilior in metallum damnatur, honestior in insulam relegatur, publicata dimidia parte bonorum, *L. 38. §. si quis instrumentum D. de poen.* Nec obest, quod religione iurisiurandi obstringantur patroni causam malam atque desperatam deserere, etiamsi in ipso demum certaminis fervore talem esse cognoverint, *L. 14. §. patroni C. de iud.*: non enim de eo hic loquimur, qui religionis reverentia et conscientiae stimulis id facere adactus est; sed de eo, qui dolo malo stimulavit se patrociniū velle praestare, dein causae secretis perspectis transfugit ad adversarium: hic enim prodit secreta atque instrumenta litigatoris, non minus atque procurator, vel is, cuius fidei atque custodiae ea instrumenta commendata fuerant. Sed nec obest, quod ex *L. 1. et 2. C. de advoc. fisc.* obicitur, solos fisci advocatos prohiberi patrociniū praestare privato in ea causa, in qua fisco ante patrocinati fuerant: reliquos ergo advocatos id facere non prohiberi: animadvertendum enim in *d. L. 1. et 2.* non de transfugientibus tractari, sed de dimissis, exacto nimirum biennio officii sui, de quo *L. sancimus 12. C. de advoc.* Et privati ergo advocatum, si non callide atque perfidiose renuntiaverit, sed a litigatore dimissus sit, adversario eius operam dare posse, fatemur: transfu-

Bart. ad h.
rubr. Alciat.
in p. l. 112.
de V. S.

gam sine crimine posse negamus; sibi enim imputare debet litigator, si patronum, cui omnia causae merita perspecta sunt, dimiserit, cum potuerit, aut debuerit certe cogitare, quid sit eventurum. Quod si advocatus in adversariorum castra non transeat, deserat tamen clientem ut causam donet adversariis, hoc casu non accusatio falsi, sed aut praevagationi, aut certe tergiversationis instituetur. Vide Plinium Iuniorē v. *Epist. iv. et xiv. (1)*.

Quarto atque ultimo quæri potest, an quod de accusatore hic dicitur, id idem producendum sit ad nuntiatiorem, ad edictum (2), vel procuratorem fisci, ad fisci advocatum? Quod ad procuratorem fisci attinet, distinguendum inter ius Romanum et mores. Iure Romano procurator fisci neque accusabat, neque causam fisci perorabat, sed id fiebat a fisci advocatis. Advocatus

(1) Plinius in *cit. Ep. iv.* avaritiam Tuscilli Nominati causidici notat, qui Vicentinos, a quibus grandem pecuniam acceperat, fefellit, et in *cit. Ep. xiv.* causam et iudicium ipsius Tuscilli, quem exitum habuerit, pernarat. Iuvat modo exponere quæ defensionis quæ sententiæ fuerit summa, demum quid ipse Plinius exoptabat ut de huius questionis obiecto lege caveretur: *Non fidem sibi*, en summa defensionis, *in advocacy sed constantiam defuisse*; *et recedisse ut acturum*, atque etiam in curia visum; deinde *sermonibus amicorum perterritum recessisse*. Defensionem sententiæ sequitur, cuius hæc summa = *Melius quidem Nominatum fuisse facturum, si causam Vicentinorum eodem animo, quo suscepserat, pertulisset*; quia tamen in hoc genus culpæ non fraude incidisset, nihilque dignum animadversione admisisse convinceretur; *liberandum*: *Vicentinis, quod acceperat, redderet*. Vtrum, post hæc Plinius hanc auro, cedroque dignam sententiam protulit: *Oportet quidem, quæ sunt inhonestæ, non quasi illicitæ, sed quasi pudenda, vitare* incundum tamen, *si prohiberi publicè viderent, quod nunquam tibi ipse permisisses*; *Erit fortasse, imo non dubie huius propositi mei et minor laus, et obscurior fama, quum amnes ex necessitate facient, quod ego sponte faciebam*.

(2) *Edicti* Iustiniano dicuntur defensores Civitatis, ceu patet ex *Novi 15. Edicti* in primis publicas pecunias curabant et persequuntur. *Plin. lib. x. Epist. xvi.* = *Edictus nomine Amisenorum Civitatis petebat apud me à Julio Pisone denariorum circiter 40. nulla donda ei publice ante natos viginti, et Bule, et Ecclesia consentiente* Eodem in sensu *Edicti* mentionem facit *Cicero Epist. ad Famil. 56. lib. 13.* = *Mylasii et Alabandenses pecuniam Cluvio debent. Dixerat mihi Euthydemus se curaturum, ut Edicti Mylasii Romam mitterentur.*

Cuiac. in pa-
rat. Dig.

Menoc. 2. de
arb. caus
324. n. 15. et
seqq. Farin.
de inquis. q.
4. n. 17.

ti ergo, non procurator, incidebant in crimen prae-
varicationis, *L. 3. C. de advoc. fisc.* Moribus vero mul-
tarum provinciarum, ille qui procurator fisci, vel pro-
curator generalis vocatur, accusat, et fisci causas o-
rat: quare si collusorie id fecerit, praevaricator est:
Quod ad nuntiatores criminum attinet, hos Cuiacius
nomipatim definitioni inclusit, cum praevaricationem
definit; collusionem accusatoris vel nuntiatoris cum
reo. Et recte; iubentur enim adsistere notoriis suis;
L. 6. §. nuntiatores D. ad S. C. Turpil., et si accusa-
tor desit, ipsi in iudicium venire debent, exsequutu-
ri crimina, quae nuntiaverunt, *L. Divus 6. D. custod.*
et exhib. reor, *L. 1. C. de curios. et station.* Apposite
quoque Menochius et Farinacius tradiderunt, paro-
chianos, vel Ancianos, qui secundum statuta tenentur
nuntiare vel accusare crimina, teneri poena huius
criminis, si cum reis colluserint: veluti, si non omnes
detulerint, si non omnium testium nomina ediderint:
Eo amplius Farinacius producit ad chirurgos et ton-
sores, qui vulnere non deferunt secundum statuta
multorum locorum: cuiusmodi et statutum nostrae ci-
vitatis, *Rubr. xxxii. §. ult.*, quod non solum chirurgis,
verum etiam cauponibus, in quorum tabernis rixa
temulentorum commissa est, istam nuntiandi neces-
sitate imponit.

CAPUT II.

DE POENA.

1. Iudicium praevaricationis du-
plex, et quae utriusque poena?

2. Hanc omnis praevaricatio es-
tra ordinem punitur:

3. Quae poena rei corruptantis

accusatorem?

4. Si quis adversarium praevari-
cationis accusare nolit, an re-
stituendus in integrum adver-
sus rem iudicatam?

Praevaricationis iudicium duplex est, publicum et
privatum. Publicum in accusatorem, qui iudicio pu-
blico non ex animo egit. Privatum in eum, qui crimen
extraordinarium donavit adversario: item in advoca-

tam, sive ille publico, sive extraordinario iudicio praevaricatus sit, *L. 1. in fin., L. 3. pr. §. 1. et 2. D. h. tit. (1)*. Publico iudicio praevaricationis causa quid fecisse convictus, adiciebatur eadem poena, qua reus adficeretur, si non per praevaricationem, absolutus esset, *L. pen. D. h. t.*, quare et infamis fiebat, *L. 1. L. 4. §. pen. D. de his qui not. infam.*, nec alios accusare poterat, *L. 5. D. h. tit.* Privato iudicio praevaricationis causa damnatus extra ordinem puniebatur, nec fiebat infamis: unde et accusandi ius eum retinuisse verisimile est, *d. L. 1. in fin., d. L. 3., L. 5. D. h. tit., d. L. 1. de D. his qui not. infam.* Hodie vero omnes praevaricatores extra ordinem puniuntur, *L. 2. d. h. tit. (2)*.

Nec impune est reo, adversarium ut colluderet induxisse: in omnibus enim causis, praeterquam in

(1) Aliter publicum et privatum praevaricationis iudicium distinguit Macer in *cit. L. 3. h. t.* Scilicet ex sententia laudati leti praevaricationis iudicium eatenus publicum est, quatenus lege lula publicorum cavetur, ut non prius accusetur qui Accusatori dicat se eodem crimine ab alio accusatum et absolutum, quam de prioris accusatoris praevaricatione constiterit et pronuntiatum fuerit. *Huius ergo*, inquit Macer, *praevaricationis pronuntiatio publici iudicii intelligitur*. Verum ipsa in publico iudicio praevaricationis accusatio publica non est, Auctore eodem Mucro, *quia neque lege aliqua de hoc re cautum est: neque per Senatus consultum, quia poena quinque auri librarum in desistentem statuitur, publica accusatio inducta est*.

(2) Ulpianus in *cit. L. 2. h. t.* hodie iis, qui praevaricati sunt, poenam iniungi extraordinariam testatur. Verum ne Ulpiani testimonio adversetur testimonium Pauli affirmantis in *L. 6. cod. tit. Imp. Septimii Severi*, eiusque filii Antonini Caracallae rescripto cautum esse, ut in criminibus, quae extra ordinem obliantur, praevaricatores eadem poena adficerentur, qua tenerentur si ipsi in legem commisissent, qua reus per praevaricationem absolutus est. Ulpianum de eo qui iudicio extraordinario. Paulum de eo qui publico iudicio praevaricatur egisse existimo eum Cl. Icto Michaeli Leggio in adnot. ad h. 1. Nec mihi eam, quam laudato Auctori, afferunt difficultatem verba *cit. L. 6. Quae extra ordinem obliantur*, ac si essent delenda, ut ipsa proponit, cum minime congruant eum his quae sequuntur = *si ipsi in legem commisissent*. Seimus enim, Auctore ipso Paulo, in *L. 8. de pub. iud.* ordinem excercendum publicorum capitalium in usu esse desuisse, durante tamen poena legum. Hinc, relata Pauli verba: *quae extra ordinem obliantur* ad ordinem publici iudicii excercendi, qui in usu esse desuit, non ad poenam legis, quae datat, referri oportere nemo non videt.

sanguine, is qui adversarium corruptit, ex SC. pro vitio habetur, *L. ult. D. h. tit.* Sanguinis causae excipiuntur, quia ignoscendum putaverunt ei, qui sanguinem suum qualiter qualiter voluerit redemptum *L. 1. D. de ben. eor. qui ant. sent.* Rescinditur etiam sententia, qua reus per praevaricationem adversarii absolutus est; licetque alii ex integro reum peragere, dummodò probet ante prioris accusatoris praevaricationem, *L. 3. §. 1. D. h. tit., L. 1. C. de advoc. 1., L. si quis homicidii 11. C. de accusat. div. iudicior.* In qua probanda; si defecerit, etiam calumniae periculum subibit *L. 1. C. de advoc. div. iudicior.* Quare si quis calumniae poenam reformidans de advocati perfidia conqueri nolit, in integrum restitutionem ei necessariam esse Duarenus existimavit, arg. *L. minor 18. §. 1. D. de minor.,* cuius sententia non displicet, si ad minores restringatur: nam quantum ad maiores vereor, ut clausula Praetoris, *Item si qua alia mihi iusta causa videbitur*, ad hanc speciem produci possit. A maioribus enim provocatio exigitur: quae si interposita non fuerit, nec probetur praevaricatio, rebus iudicatis standum est, arg. *d. L. 1. C. de advoc.*

T I T. X.

DE RECEPTATORIBUS.

CAPUT I.

1. Qui receptatores?

2. An caupines et stabularii incidant in hoc crimen?

3. An maritus, uxor, parentes;

liberi, cognati, adfines?

4. Qui privati criminis reum suscepit, an teneatur?

† **F**stet receptatio extraordinarium crimen: eiusque reus sit, qui latrones vel alios maleficos sciens dolo malo suscepit, occultaverit; quive, cum adprehendere posset, pecunia accepta, vel subreptorum parte, dimiscrit, *L. 1. D. de recep., L. 1. et 2. C. de his qui latr. Dixi, sciens dolo malo; quoniam qui igna-*

Statut. Fils
l. 2. c. 9.

Tus suscepit, aut hoc fine, ut susceptos proderet, non incidit in hoc crimen, *L. 3. §. non tantum D. de inc. a ruin. naufr.* Qua ratione recte ab interpretibus traditum est, cauponem vel stabularium, qui hospitio subitario latrones recepit, excusari: neque enim eligit sibi viatores, nec repellere potest iter agentes, *L. un. in. fin. D. furt. adv. naut. caup. stabul.*, crediturque adeo nescire, cuius generis atque vitae sint illi quos suscepit. Hoc amplius, etsi sciens quis latronem recepit, poena tamen ei aut mitigatur, aut remittitur. Mitigatur poena illis, apud quos latro adfinis vel cognatus conservatus est, *L. 2. D. h. tit.*, credo quod non tam dolo malo id fecisse videantur, quam amoris et affectionis vi victi: eoque argumento, et mulieri subventum memorat Chassanaeus, quae latronem amasium suum receptaverat. Remittenda prorsus videtur poena liberis atque parentibus, marito atque uxori: nam si poena mitigatur ei, qui cognatum, aut adfinem receptaverit, utique prorsus remittenda erit marito atque uxori, qui sunt adfinitatis principium, atque omnis fortunae socii: liberis atque parentibus, quorum est arctissima necessitudo, summa affectio, atque ex quibus reliqui cognationis gradus propagantur. Uxorem certe excusant interpretes, non solum si maritum latronem receptaverit, sed etsi perduellem. Videtur tamen superior doctrina restringenda ita, ut excusentur supradictae personae, si tantum receptaverint, non etiam partem subreptorum perceperint, aut societatem scelerum contraxerint, arg. *L. comparantem 10. C. ad L. Fab. de plag.*, *L. vim. passam 29. §. mulierem D. ad Jul. de adult.* Et est ratio sane evidens: non enim si amoris affectus cogit interdum suscipere maritum, aut parentem latronem, idcirco etiam societatem probri contrahere cogit, cum huic avaritia, non amor causam praebet.

Diximus porro in definitione receptatoris, *vel alios maleficos*. Etsi enim utrumque responsum huius tituli loquatur tantum de latrone, rubrica tamen Codicis nec non constitutiones subiectae de aliorum quoque criminum reis loquuntur. Illud non satis expedi-

Chass. rubr.
§. 6. n. 12.
Moruae. in
omni ad tit.
7. lib. 2.
Pand. Diss.
Francis. p. 2.
tit. 21. §. 8.
Vid. Decia.
7. cap. 34.
n. 11. et 12.
Parin q. 113.
a 280 Me-
loch. de arb.
cas. 384. n.
7 et 9 Glig.
rubr. de var.
ju. 7. 10. n. 2.

tum, de publicorum dumtaxat criminum reis hoc sit intelligendum, an et de reis criminum privatorum? Videtur de utrisque hoc intelligendum, nam et rubrica Codicis generalis est, adductis speciebus id probari potest, Abigeatus enim crimen privatum est; puniuntur tamen et receptatores abigeorum, *L. ult. §. ult. D. de abig.* Et qui furem celat punitur, licet furtum crimen publicum non sit, *L. qui vas 48. §. 1. D. de furt.*; quemadmodum et qui raptorem, cum tamen rapina quoque privatis delictis adnumeretur, *L. 3. §. non tantum D. de inc. ruin. naufr.*

CAPUT II.

DE POENA.

- | | |
|----------------------------------|----------------------------|
| 1. Legum varietas de poena re- | legum. |
| ceptatorum. | 3. Respondetur contrariis. |
| 2. Tentatur conciliatio eorumdem | |

¹ De poena huius criminis non sine causa haesitatur, quippe cum varie responderit legum conditores. In *L. 1. D. h. tit.* scriptum est, pessimum esse genus receptatorum, sine quibus nemo diu latere possit, et ideo perinde puniendos, atque latrones, quos susceperint. In *L. 1. D. h. tit.* sancitum, ut par poena reos atque receptatores eorum expectet. In *L. 3. §. si quis quem 12. D. de SC. Silan.*, is qui servum facinoris noxium celaverit, in ea causa habetur, ac si lege, quae de sicariis lata est, facinoris noxius esset. In *L. 3. §. non tantum D. de inc. ruin. naufr.* et *L. crimen 9. C. ad L. Iul. de vi* cum dicitur, non minus delinquere receptatorem, quam aggressorem, satis innuitur pari utrumque poena plectendum. In *L. un. C. de crim. pecul.* rescriptum est, eadem poena adficiendum peculatorem, et qui sciens peculatori sinum prae-buerit. Contra in *ead. L. 1. in fin. C. h. tit.* rescriptum est, eos, qui latrones occultaverint, aut supplicio corporali, aut dispendio facultatum pro iudicis aestimatione plectendos: unde consequitur, non abscisso ca-

Stat. Amste-
l. 20. §. 17.
Grot. manud
l. 3. c. 52. §
Watheeling

dem poena adficiendos esse, qua adficiuntur ipsi latrones. Et in *L. ult. §. ult. D. de abig. receptatores* abigeorum decennali relegatione puniuntur, cum ipsi abigei ad gladium dentur, vel metallum, vel opus publicum *L. 1. §. 1. D. eod.* In *L. vim. passam. 39. §. mulierem D. ad L. Jul. de adult.* mulier ob latronum societatem exulare inbetur, cum tamen ipsi latrones capital faciant. In *L. Metrodorum 40. D. de poen.* Metrodorum quod hostem fugientem sciens suscepisset, in insulam deportari placuit: cum tamen ipsi hostes deprehensi aut vita priventur, aut in servitutem abripiantur. Postremo in *L. congruit 13. D. de off. praes.* in genere solum dicitur, Praesidem receptatores coercere debere: quae generalis oratio ad coercitionem extraordinariam respicere videtur.

Haec legum atque constitutionum varietas ita conciliari poterit, si per distinctionem dicamus, mitius puniri eum, qui tantum recipit latronem vel alterius criminis reum, non etiam societatem scelerum turpisque lucri cum eo contraxit: eadem autem poena adfici eum, qui societate scelerum contracta recepit. Hoc enim longe gravius; duplexque admissum esse videtur et recipientis, et participantis spolia atque rapinas. Crimen tamen maiestatis excipiendum videtur; vix enim est, ut non maiestatem violet ille, qui perduellem cibo tectoque iuvit, cum violet ille, qui hostem iuvit, sunt autem perduelles hostium numero. Sed duo sunt, quae huic sententiae opponi possunt, alterum ex *d. L. 39. §. mulierem D. ad L. Jul. de adult.*, 5 alterum latronibus contraxerat, exulare dumtaxat iubetur; In *d. L. Metrodorum* similiter Metrodoro exilium dumtaxat irrogatur, cum tamen hostem ille suscepisset, quae species laesae maiestatis est, *arg. L. 4. D. ad L. Jul. maj.* Respondeo ad prius: sexus fragilitatem id fecisse videri, ut mulier, quae societatem cum latronibus contraxerat, exulare iuberetur, vir idem si commisisset, ultimum supplicium irrogatum foret. Nam et alioqui sequior sexus, propter infirmitatem, fere mitius punitur, ut apparet ex *L. si adulterium 38. §. 1. et 2. D. ad L. Jul. de adult.*,

Nov. 134. cap. 10. L. 5. §. *ad filias C. ad L. Jul. mai. L. 6. D. ad L. Jul. pecul.* Possis etiam dicere, non tam ius, quam exemplum et rem iudicatam proponi in *obj. L. 39.*: non autem exemplis, sed legibus esse iudicandum, *L. nemo 13. C. de sent. et interloq.* Idemque respondere possis ad *L. Metrodorum D. de poen.*: in primis cum id responsum sumtum sit ex Libro 111. decretorum Pauli. Quod si ea responsio minus placet, suspicari possis coniectura admodum probabili, hostem, quem Metrodorus susceperat, cognatum eius, aut adfinem fuisse, eamque ob causam mitius cum eo actum: nam alioqui certum est, occuluisse, aut iuvisse quoquomodo hostem inter capitales fraudes haberi. Idque adeo placuit Platoni *Lib. XII. de legib.* ut etiam cum qui exulem, seu quemvis huiusmodi fugientem suscepisset, mori voluerit. Quippe, inquit, quem civitas amicum sibi vel hostem decreverit: eundem sibi quisque similiter existimare debet. Et, ut Cicero ait in *Sallustium*, quantum quisque reipublicae studet, tantum etiam amicis nobis, aut inimicis esse debet (1).

(1) Ex Legib. in hoc *Cap.* ab Auctore in medium prolati, si *L. 1. C. de his qui latron.* etc. excipiat, illud de poena Receptatorum statui posse existimo ut par poena reos, atque receptatores eorum expectet, si vel lege, vel edicto Praetoris ob admissum facinus ecria poena fuerit constituta. In latrones, sicarios, peculatores atque in eos qui adversus legem Iuliam vim aduiserant iudicium publicum, et certam poenam fuisse statutam scimus; item in eum, qui ex incendio, naufragio, ruina, rabe, nave expugnata quid rapuisse, recepissee dolo malo, damnavit quid in his rebus dedisse dicetur, in quadruplum in anno; post annum in simplum Praetor iudicium dedit. *Vid. L. 1. D. de incend. ruin.* etc. Ast crimen abigeatus extraordinarium erat, neque iudicii forma, neque poena ad illud coercendum lege fuerat praescripta. Hinc non mirum, si Abigeorum receptatores non eadem poena, qua ipsi abigei, adirentur. Verum omne huius iuris systema destruere videtur cit. *L. 1. C. de his qui latron.* etc. Ibi enim generatim statuitur ut eos qui secum alieni criminis reos occultando, cum eamve sociarunt: participes et reos poenae expectet. dein extraordinaria poena aut supplicii corporalis aut dispendii Facultatum pro qualitate personae ex iudicis aestimatione adversus Latronum susceptorem proposita reperitur. Neque haec inter unam, alteramque cit. *Leg.* partem antinomica conciliatur proposita ab Auctore distinctione inter

T I T. XL.

DE FURIBUS BALNEARIS.

CAPUT I.

- | | |
|---|-------------------------------------|
| 1. Qui fures nocturni? et cur improbiore? | 4. Qui directarii? |
| 2. Qui fures balnearii? | 5. Magi an aliquid possint, obiter? |
| 3. Qui saecularii? | 6. Qui homolochi? |

Quamquam de furibus prolixè actum est *Tit. de furt.*: de effractoribus etiam atque expilatoribus, *Tit. de vi bonor. raptor.*; praesenti tamen capite quaedam furum genera separatim nobis attingenda sunt: nempe nocturni, balnearii, atque *ex L. 7. supra de Extr. crim.* saecularii, et directarii, de quibus ideo specialim tractatur, quia improbiore sunt. Nocturni dicuntur, qui noctu furantur: qui, quia interdum plerumque dormiunt, ut noctem vigilare possint, et dormitatores appellantur *Plaut. in Trinum.*

eum, qui tantum recipit latronem vel alterius criminis reum, non etiam societatem scelerum, turpisque lucri cum eo contraxit, et eum, qui, societate scelerum contracta, recepit. Etenim ex eo ipso quod quis alieni criminis reos occultaverit societatem ipsius criminis argui declarant in eadem *Leg. Impp.*, quemadmodum observavit *Iacob. Got. in Comment. ad Cod. Theod. sub cod. tit.*: *Nempe etsi a crimine sit occultator alienus, societatem tamen criminat, dum occultat, fatetur et subit.* Praesumptione scilicet iuris et de iure criminis societas a Rei occultatore contracta intelligitur ob id ipsam quod cum occultaverit. Melius igitur est et ipsius legi interpretationi convenientius animadvertere eandem ex duabus Legibus esse conflata ex prima scilicet et secunda, quae habentur in *Cod. Theodos. sub h. t.* In priori, quae ab *Impp. Valentiniano, Valente et Gratiano ann. 374.* lata fuit poena reum occultanti eadem, quae ipsi reo absque ulla criminum distinctione imponitur; in posteriori autem, quae ad ann. 383. referenda est, *Gratiano, Valentiniano et Theodosio Impp.*, ita priori derogare placuit, ut latronis susceptorem supplicio corporali, aut dispendio facultatum pro qualitate personae, ex iudicis aestimatione plectendum esse voverint.

mira sunt,

*Ni illic homo' st aut dormitator, aut sector zonarius
Loca contemplet, circumspectat sese, atque aedis
noscitat.*

*Credo edepol, quo mox furatum veniat, speculatur
loca.*

Et post:

*Properas, an non properas abire actutum ab his
regionibus*

*Dormitator, priusquam ego hic te iubeo multari
male.*

Graeci vocant interdium dormientes. Hesiod. in oper.
et dieb.

*Et canem dentibus acutis nutrito, nec parcas cibo,
Ne quando tibi interdium dormiens vir facultates
auferat.*

Cuiacius caprimulgos non ineleganter appellat, a
caprimulgo, ave, quae noctu ubera caprarum mul-
gere dicitur; unde et Graecis *aigotholes* nuncupa-
tur: Quanquam et peculatores comicis *molgoi* dicti,
et *amolgoi*, a mulgendi consuetudine, ut Cae-
lius Rhodiginus observat. Esse autem fures noctur-
nos diurnis graviore, duplici argumento proba-
tur; quorum alterum a copia alterum a terrore atque
periculo desumitur. Copiam furandi noctu maiorem
esse, incerta per quietem familia, manifestum est.
Sunt autem furta, ut *tit. de abig.* demonstratum, eo
gravius animadvertenda, quo maior est furandi copia,
atque occasio. Terrorem vero cum incutit, tum tene-
brae argent, formidatque eo magis paterfamilias, quo
incertior est, ad furandum dumtaxat, an et occidendum
dormitator venerit. Postremo et vis plerunque atque
effractio cum hoc furto coniuncta est: quare merito
gravioribus furtis nocturnum adnumeratur. Fures
bathenarii sunt, qui in balneis vestimenta lavantium
subripiunt; quorum manus furtificae ut vitarentur,
capsariorum usus invaluit. Sunt autem capsarii, qui
mercede servanda in balneis vestimenta conducunt,
L. 3. §. ult. D. de off. praes. vigil. Alio sensu capsarii
servi dicti, qui pueris in ludum literarium euntibus

Cuiac. 15.
obs. 31.

Cael. Rhod.
6. lect. 6.

libros portabant, *L. si collectaneus* 13. *D. de man. vind.* improbiores autem balnearios habitos vel inde apparet, quod Vibennium infamaturus Catullus, furem balnearium vocaverit, hocque probum iuxta pathicum scelus collocaverit. *Epig. XXIV.*

O furum optime balneariorum

Vibeni pater, et cinaede fili!

Adstipulatur autem et eadem ratio, quam modo aduximus, quod nimirum eo gravius animadvertatur furtum, quo maior est delinquendi facultas; Est vero maxima in balneis, tum propter turbam, tum quod per se difficile sit, simul et lavare, et vestimenta custodire. Qui enim vestimenta posuit; nihil ad custodiam habet praeter oculos, quos si vel paulisper detorqueat, iam furandi facultas suppetit. Neque vero arcere furem e balneo potest, cum et quis sit ignoret, usus balnearum publicus sit, *Plaut. in Rudent.*

Scin tu? etiam qui it lavatum

In balnea, ibi cum sedulo sua vestimenta servat,

Tamen surripiuntur; quippe, qui quem illorum

observet falsus est:

Fur facile quem observet, videt: custos quod fur sit, nescit.

Adiicit Aristoteles et istam rationem quod contumelia furto balneario mixta sit, eaque redeat partim ad rempublicam, partim ad eum, qui sua furto perdidit. Ad rempublicam, quod ea convitiis atque maledictis proscindatur, furto, in publico conventu facto. Ad eum cui furtum factum est, quod ab omnibus derideatur, dum nudus cogitur discedere domum. Hanc ob causam Graecos quoque ait morte punivisse furtum in balneis, in foro, in palaestra factum, cum in domo privata factum punirent duplo. Saccularii sunt, non tantum quos Plautus sectores Zonarios. Graeci *balantiotoniōys* nuncupant, qui in turba et circulis hominum incautorum loculos secant, verum etiam, qui vetitas in sacculo artes exercentes, partem subducunt, partem subtrahunt, *L. saccularii* 7. *D. de extr. crim.* Subducendi verbum ad magicas artes refert, subtrahendi ad manum agilitatem, quae

Arist. sent.
29 probl 14.

tanta est nonnullis hominibus, ut ingenium omne in digitos abiisse videatur. His proximi sunt directarii, qui in aliena coenacula se dirigunt, furandi animo, *d. L. 7. de Extr. crim.* unde et diaetarii aliquibus dicti, a diaetis, in quas se iuferunt (1). Apertularii etiam et confectores cardinum vocari possunt; nihil enim tam obseratum, occlusum, obsignatum est, quod non aperiant, itaque latenter se inferunt, ut Gygis anulum habere videantur, cuius pala ad palmam conversa a nullo cernantur, ipsi cernant omnia: quod et ipsum magiae suspicione non caret. Ac licet magos nihil posse putaverit Plinius, eius tamen sententia a multis iam confossa est, et vel sola lege XII. Tab. refutari potest. Neque enim verisimile foret, Decemviros de frugibus alienis excantatis legem condituros fuisse, si non comperissent, posse fruges alienas excantari. Non quod ipsi murmuri et verbis insit aliqua efficacia, sed quod hostis humani generis, non nisi horrendo carmine pronuntiatio maleficos adiuuare velit. Si igitur messes satae carminibus alio traduci possunt, qui minus aut salvo sacculo pecunia subduci, aut sine crepitu claustra cardinesque confici? Nec tamen omnia iucantationibus adscribenda: fiunt interdum ea ingenii membrorumque agilitate, ut ad astantium oculos fallant, cuiusmodi praestigiatores vulgus ignarum pro magis habet. Huius farinae videntur fuisse duo illi, quos Epigrammaticus Poeta exagitat quorum alterum Hermogenem, alterum Luscum appellat. Ceterum, praeter eos quos enumeravimus, veteres inter improbiore fures etiam *bomolochos* numerant, qui circum aras delitescentes clam oblata suffurabantur. Horum in libris nostris nulla mentio, eo quod Christiani Imperatores clausis fanis sacrificia atque oblationes istas prohibuissent, *L. 1., et tot. tit. C. de pagan. et sacrific.* In crimen autem sacrilegii incidit, quisquis rem sacram ex loco sacro ab-

Plin. 3 nat.
histor. 50.

(1) Verum in sensu iuridico *Diaetarii* sunt, qui custodiae gratia navibus praepouuntur Vid. *L. 1. §. 3. D. Nautae caupon* etc.

atulerit, ut nihil necesse sit, novam criminis appellationem requirere.

CAPUT II.

DE POENA.

- | | |
|--|--|
| 1. Quae poena saeculariorum et reliquorum furum? | } 3. De cuncursu publici iudicii cum extraordinario. |
| 2. An et quando ultimo supplicio | |

Poena furibus supra memoratis gravior extra ordinem infligitur, et, ut Ulpianus loquitur in *d. L. 7. de Extr. crim.*, plus quam fures puniuntur. Saccularii enim, et directarii, aut ad tempus in opus publicum dantur, aut relegantur, aut fustibus castigati dimittuntur, *d. L. 7.* In furibus nocturnis, et balneariis puniendis eadem ratio observanda, ut ne is, qui iurisdictioni preaest, poenam operis publici temporari egrediatur; si tamen telo se defendant, vel effringant aedes, aut horrea, etiam in metallum damnari possunt, *L. 1. D. de furib. baln.* Miles autem in furto balneario adprehensus, ignominia mitti debet, *L. 3. D. eod.* Apparet igitur, etsi nox, balneum, forum aggraveut crimen, non tamen in tantum id exasperari, ut ultimum propterea supplicium furi infligi debeat, contra quam Graecis visum, qui ut superiore capite dictum, furtum in conventu publico factum, veluti in foro, in balneis, in palaestra, morte plectebant. Sed rectius Romani: ut ut enim in balneis vestimenta lavantium, in foro locali incautorum subripiantur, manet tamen illud, nullam esse proportionem inter vitam et vestimenta, inter caput et erumenam. Ne nox quidem sola sufficit, ut reus capite plectatur, si non vis, aut effractio accesserit; nam et lex divina non generaliter furem nocturnum, sed nocturnum effractorem occidere permittit: et ius civile ita demum permittit, si telo se defendat, parique ei sine periculo non possit, ut iam occupavimus dicere *supra tit. de furt. cap. 3.* Sane si saecularii et

directarii artibus magicis usi fuerint, publico iudicio rei fieri possunt capitis, *L. 3. et 13. D. ad L. Cornel. de sicar., L. 4. et seqq. C. de malef. et mathem.* Et quia eo casu duo crimina concurrunt, furtum, atque incautatio, recte dixeris, si ob furtum extra ordinem punitus fuerit reus, adhuc publico iudicio reum fieri posse incantationis, seu magiae, *arg. L. 2. D. privat. del.*

TIT. XII.

EXPILATE HEREDITATIS.

CAPUT I.

- | | |
|---|---|
| 1. Cuiusmodi sit haec accusatio? | mens? |
| 2. An cum aliis actionibus concurrere possit? | 4. An haeres coheredem huius criminis reum facere possit? |
| 3. Qui non incidant in hanc cri- | |

Huius criminis reus fit, qui rem haereditariam mobilem, ante aditam hereditatem, vel post aditam, antequam ab herede res hereditariae possessae essent, interverit. Si possessae iam fuerint, urti crimen contrahitur: antequam possessae fuerint, non aequè; quia non est, possessor, cui furtum fiat; nec iacens hereditas, quantum ad possessionem, vicem defuncti sustinet, *L. 2. et ult. D. Expil. hered., L. 1. §. Scevola D. Si is qui testam. lib. es ius, L. hereditarie 68., et seqq. D. de furt. (1).* Et ideo in locum deficientis actionis dari

(1) Atque hoc est, quod inquit Ulpianus in *cis. L. 1. §. 15. h. t.* Idcirco autem hereditati furtum non fit: quin possessionem hereditas non habet, quae facti est, et animi, sed nec heredis est possessio antequam possideat, quia hereditas in eum id tantum transfundit, quod est hereditatis; non autem fuit possessio hereditatis. Nec aliquid traditae sententiae officit *L. 70. U. de furt.* Ibi enim Marcellus refert Iuliani doctrinam tradentis his casibus hereditarium rerum fieri furtum, et heredi quoque actionem furti competere posse. Scilicet quinam sint hi casus in praemissis legib. 68. et

dicitur haec accusatio, *Lult. C. h. tit.*, non quod cum nulla actione concurrere possit: concurrat enim cum rei persequutoris; petitione hereditatis, et ad exhibendum; sed quod detur in locum deficientis poenalis actionis furti, *L. 2., L. 3. D. h. tit.*; *L. 4. C. eod.* Et in *L. 3. C. famil. hercisc.*, non ideo denegatur accusatio expilatae hereditatis, quod deficientibus actionibus aliis instituatur, sed quod adversus coheredem tantum prodita sit familiae herciscundae actio, non etiam accusatio, ut mox dicturi sumus. Nec obest, quod in *L. si 12. C. Ex quib. caus. infam. irrog.* expilatio hereditatis furtum improbius vocari videtur; non enim expilatio furtum vocatur improbius; sed hoc dumtaxat vult Imperator, expilatorem; licet fur non sit, infamiam tamen furis improbius sustinere.

Sed etsi maxime ante aditam hereditatem, vel adprehensam ab herede possessionem res aliquae interceptae fuerint, tamen personae nonnullae faciunt, ut accusatio haec locum non habeat. Servus enim testamento liber esse iussus, si ante aditam hereditatem subripuisse quid dicetur, non hoc iudicio, sed ex Edicto Praetoris in duplum convenitur, quoniam ut servus, propter spem imminentis libertatis, coerceri nequit; *L. 1. §. 1. D. Si is qui testam. lib. es ius.* Uxor quoque huius criminis rea fieri nequit: cum enim socia sit rei divinae atque humanae, idcirco neque furti tenetur; sed rerum amotarum vindicatione; ad exhibendum actione; *L. 5. D. h. tit.*, *L. 4. C. eod.*, *L. quamvis 17. C. de furt.*, *L. heres 33. D. de neg. gest.*, *L. 1. D. rer. amot.* Rerum quidem amotarum, si vivo marito devortii consilio res amoverit, *d. L. 1.* vindicatione et ad exhibendum actione, si post mortem mariti, *d. L. 4.* Et quia frequentes uxorum fraudes erant, idcirco et

69. *cod. tit.* satis declaratur I. cum defunctus rem pignori dederit aut commodaverit. II. cum in re hereditaria usufructus alienus sit. In utroque autem casu res, quae ad hereditatem pertinet, surrepta est, dum alius possidebat, et ob hanc possessionis, qualis sit, interventionem, quae quidem furtum est, furti agere heres potest; ipse licet hereditatis possessionem nondum adquisierit.

Cuiac. 14. olim constitutum, ut inventarium rerum marito con-
 obs. 38. Mor- scriberetur: quod ius neglectum ab Imperatore Justi-
 nac. in L. niano Leo restituit Nov. 110., ut nisi intra tres menses
 1. D. de pact. uxor inventarium confecerit, nihil eorum, quae abes-
 dot. Utr. se sibi queritur, petere possit. Optat etiam in usum
 rubr. 25. art. sui seculi id ius revocari Cuiacius: quae enim non ho-
 5 Zutph tit. die mulieres inquit, post mortem mariti arculas diri-
 3. art. 5. piunt, et convasant mobilia omnia, quaecunque mo-
 Transis. lib. riens reliquit, etiam in fraudem filiorum? Verum mo-
 1. tit. 7. art. ribus nostris plenius huic malo occursum videtur, qui-
 tit. Mech. tit. bus non tantum uxor, verum etiam maritus superstes
 15. art. 40 cogitur inventarium conficere omnium bonorum: nec
 41. desunt tamen coniuges improbi, qui nonnunquam et-
 tiam de frivolis rebus peierare ausint.

4 Eadem porro societatis ratio efficit, ut nec heredi
 adversus coherendem detur haec accusatio, *L. 1. C. h.*
tit., L. 3. C. fam. hercis., ad quod tamen confirman-
 dum videamus, ne frustra adducatur *d. L. 1.* Poterat
 enim quis extimare, idcirco in eo rescripto denegari
 heredi adversus coheredem expilatae hereditatis accu-
 sationem, quod heres ipse coheredi suo tradisset cla-
 ves communis arcae: quibus traditis, possessio rerum,
 quae in arca sunt, translata censetur. *L. clavibus 74.*
D. de contr. emt., §. item si quis merces inst. de rer.
divis. possessione autem adprehensa ab heredibus,
 non committitur hoc crimen. Ita inquam, existimare
 aliquis poterat; verum, quia in dubio leges intelligen-
 dae sunt de eo casu, de quo magis dubitari poterat,
L. 1 §. ult. D. de municip. 2. idcirco magis probo in-
 terpretationem Cuiacii existimantis in *d. L. 1.* tertium
 arcae possessorem claves tradidisse non utrique heredi,
 sed alteri. Hoc casu iustior dubitandi ratio, an quo-
 niam alter possessionem nondum adprehendit alterum
 cui tradita est, si arcam expilaverit, expilatae hereditatis
 accusare possit? Et respondetur, non obstante ista dubi-
 tandi ratione, non posse. Decidendi ratio haud alia videretur,
 quam quae ex vi societatis petitur: communicatur enim dominium rerum hereditariarum adita hereditate,
 etsi alter heres possessionem nondum adprehenderit, *L. cum heredes 23. D. de adq. vel amitt. poss.*

Cuiac. 20.
 obs. 27.

Communio autem seu societas, ut furti actionem impedit, ita videtur etiam impedire accusationem expilatae creditatis, *L. merito 51. D. pro soc.* Quid tamen si evidens dolus coheredis sit, nonne eo saltem casu expilatae hereditatis accusari potest? Id Duarenus sensisse videtur, ducto argumento *L. rei communis 45. et seqq. D. pro soc.* socius socio furti non tenetur, quoniam qui partis dominus est, iure potius suo uti, quam furti consilium inire creditur; si tamen manifestum sit dolo eum res communes amovisse, tenetur: Ergo etsi manifestum sit coheredem dolo malo res hereditarias amovisse, expilatae hereditatis iudicium in eum dandum est. Verum haec ratiocinatio non recta esse videtur: non enim si socius ob dolum evidentem furti tenetur, idcirco coheres quoque ob manifestum dolum expilatae hereditatis tenetur: sed ex antecedente illud consequitur, coheredem quoque, si res hereditarias amoverit, furti teneri. Et hoc quidem satis probabile; nam et Lege Aquilia tenetur coheres coheredi, *L. et puto 16. §. denique L. famil. hercisc.*, qui minus furti? Et in *d. L. 45. D. pro soc.*, cum dixisset JC. socium a socio furti conveniri posse, subiicit, idem in omnibus bonae fidei iudiciis dicendum esse: est autem familiae herciscundae actio bonae fidei: igitur furti actio cum ea concurret. Hoc autem concesso, furti actione teneri coheredem, illud ultro consequitur, non teneri expilatae hereditatis, quoniam ut ab initio dictum, expilatae hereditatis iudicium datur deficiente poenali actione, *L. ult. C. h. tit.* Dices: Furti quidem actio competit, cum uterque possessionem rerum adprehendit: sed cum alter possessionem nondum adprehendit, qui potest alterum, a quo adprehensa est, convenire furti, eum in iustum possessori fiat? *L. si homo 25. D. de usucap.*, *L. 1. §. Scaevola D. Si is qui testam. lib. es. ius.* Respondeo quidem hereditati furtum non fit, sed postquam adita est, sufficit unum ex coheredibus possessionem adprehendisse; rem autem adprehensam si post dolo malo amoveat, furti tenetur coheredi, non enim praecise necesse est, ut possessor fuerit, qui furti agit; nam et cum creditori res pignolata

Dua. in eum.
ad h. tit.

libet

Menoch de
arb. cas 30.
n. 7.

subrepta est, dominus quoque furti agit, tametsi pi-
gnus non possederit, *l. itaque 12. §. sed etsi D. de
furti*: Menochius, qui in eadem cum Duareno sententia
est; etiam in rem praesentem adducit; *l. duo fratres
78. D. de adq. her.*, verum ea nihil prorsus ad rem:
quae enim consequutio: Unus ex pluribus heredibus
non debet in re hereditaria plus sua parte dominatio-
nem interponere. Ergo si contra fecerit: expilatae he-
reditatis tenetur? Nulla: quoniam non de crimine ex-
pilatae hereditatis ibi tractatur, sed an ille, qui rebus
communibus usus est, videatur eo ipso alligasse se he-
reditati fratris defuncti, cum quo bona communia ha-
buerat.

CAPUT II.

DE POENA.

- | | |
|---|---|
| 1. Quae sit huius criminis poena?
Et an corporalis infligi possit! | tem; an amittat legatum! |
| Item an furti appellatione con-
tineatur expilatio hereditaria? | 3. Si tertius expilator res legata
abstulerit, an liberetur heres? |
| 2. Si legatarius expilet heredita- | 4. Quae actiones cum accusatio-
tione concurrant. |

De poena huius delicti nihil nominatim expressum
est in libris nostris, neque sane necesse fuit, cum cri-
men sit extraordinarium, poenamque extra ordinem
infligat iudex; pro qualitate admissi modo gravio-
rem, modo levio-rem. Interpretes tamen effecere, ne prorsus
ieiuni essemus in hoc capite, dum disputant, an pro-
cedere iudex ad poenam usque corporalem possit; sunt
qui id negant, existimantes, non posse iudicem exce-
dere poenam relegationis; sunt contra qui affirmant,
argumento a latrone atque fure ducto. Nam quemad-
modum famosus latro furca figitur, ita famosum alie-
narum hereditatum expilatorem furca figendum Bal-
dus scripsit. Et quemadmodum fure alii corporaliter
puniri possunt, ita etiam expilatores non famosi cor-
poraliter puniri possunt. Ratio, quia furti verbo la-
trō accepto expilatio hereditatis continetur imo fur-

Color. decir.
100.

Auld. in 1.
de hisu. 3.

C. de furt
Glos in d. 1.

tum improbius vocatur in *L. si te C. Ex quib. caus. infam. irrog.* Hinc multis placuit statuta de furto loquentia, etiam de crimine expilatae hereditatis intelligenda esse. Qua re fiet, ut si statutum simplex furtum capite puniri iubeat, sit etiam capite puniri puniendus expilator hereditatis, tametsi nihil eoruni concurrat, quibus admissa atrociora fieri solent. Ego affirmantem quidem sententiam verissimam duco, sed alio confirmandam argumento. Nam quod illi arguunt a furto ad crimen expilatae hereditatis, id inepte ab eis fieri, ex praecedenti capite intelligi potest, ubi demonstravimus, aliud furtum esse, aliud expilationem hereditatis; nec in *L. si te C. Ex quib. caus. infam. irrog.* expilationem hereditatis furtum improbius vocari, sed eandem dumtaxat infamiam expilatoris irrogari, quam fur improbius damnatus sustinet. Quare nec placet consecretarium illud, quo dicunt, statutum de furto loquens, esse etiam intelligendum de expilatione hereditatis. Nam cum omnia statuta stricte sunt interpretanda, secundum doctores, tum in primis ea quae dura rigida nimis, atque odiosa sunt. Huiusmodi autem esse statuta, quae cum finibus inclementius agunt, quis ausit negare? Quo igitur alio argumento probabimus, posse expilatorem puniri corporaliter, cum nihil de poena expressum sit? Quasi vero difficile sit vel ex ipsa definitione extraordinariorum criminum id demonstrare: Sunt extraordinaria crimina, quae extra ordinem arbitrio iudicis coercentur, alia gravia, alia levia *L. hodie 13. D. de poen. L. 1. §. 1. D. de Expil. et effr., L. 3. D. ad SC. Turpil.*; nec quidquam adicitur, ex quo colligi possit, intra corporis coercionem iudicium continere, se debere: quin contra et corporalem, poenam et pro re, nata ultimum supplicium infligi posse, aperte responsum est *L. ult. D. de iniur., L. 3. §. poena D. stellion., L. 1. D. de furib. baln., d. L. 1. §. ult. D. de effr. expil., L. sacculari 7., L. sunt quaedam 9. D. de extr. crim.; L. 3. §. adversus D. de sep. viol., L. 7. §. ult. D. L. Jul. repet., L. 6. D. ad L. Jul. pecul.* cur igitur dubitemus, posse etiam expilatorem hereditatis corporaliter puniri?

Illud etiam in hoc capite attingendum fuit, si lega-

de his. Jas. in
l. 1. C. de
serv. fugit.
Caus. ad
cons. Burg.
l. §. 5. n. 7.
Gomes. 3.
resol. 5. n. 16.
Menoch. d.
d. cas. 306.
n. 2. et 3.

tarius hereditatem expilaverit, an praeter coercionem extraordinariam privetur etiam legato? Constitutio-
nem anim *Cod. penult. h. tit.* varie interpretantur Glos-
sographi, fatentur vel intelligi posse de tertio, qui he-
reditatem expilavit, vel de ipso legatario: Si de ipso le-
gatario intelligamus, sequetur eum non propterea le-
gatum amittere, quod hereditatem expilaverit. Quo ca-
su opponunt *L. 5. non dubium C. de legat.* Et respon-
dent recte sub distinctione, ut si ipsas res legatas subri-
puerit, eas perdat; sin res alias, non propterea per-
dat legatum. Nam et heres si res aliquas hereditarias
supprimerit in fraudem creditorum, aut legatariorum,
non totam hereditatem amittit, sed res, quas suppres-
sit, in duplum restituere, aut hereditati imputare te-
netur, *L. ult. §. licentia C. de iur. delib.* Est tamen ve-
rius *d. const. pen.* intelligendam de eo casu, quo ter-
tius hereditatem expilavit; quo casu quaeri potest, si
ipse res legatae fuerint ablatae, an liberetur heres?
Et est relatum, si res legata sine facto heredis perie-
rit, liberari heredem interitus speciei debitae, *§. si res
legata Inst. de legat., L. si ex legati 23. D. de V. O.,
L. si servus 108. §. si servus D. de Leg. 1.* Quod si non
compareat, atque id sine culpa heredis, contigerit,
cavere debet heres de ea restituenda, ubi copiam ade-
ptus fuerit restituendi, *L. cum res §. itaque et seqq. D.
eod.* Res autem subrepta non tam periit, quam dispa-
ret: cavebit igitur heres, quam primum in potestatem
reversa fuerit, se eam restitutum. Ipse quoque lega-
tarius res subreptas a quovis possessore vindicare po-
terit, quoniam dominium statim a morte testatoris in
eum transit, *L. legatum 80. D. de Leg. 2., L. a Titio
64. D. de furt.*

- 4 Concurrent cum hac accusatione, poenalis quidem
actio nulla *L. ult. C. h. tit., L. 2. D. eod.*; rei tamen per-
sequutoriae duae, petitio hereditatis, et actio ad ex-
hibendum, *d. L. 2. et 3. D. eod.* Hereditatis petitio da-
tur adversus eum, qui pro possessore possidet, *L. re-
gulariter et seqq. D. de hered. pet.* Possidet autem pro
possessore expilator; quare res ablatas una cum fructi-
bus perceptis, nec non iis, quos negligentia sua non

percepit, restituere tenetur, *L. 25. §. 4. L. eod. (1)*. Menech re-
med. recup.
poss 13.n.39
 Quesitum est, an etiam interdicto heres recuperare possessionem rerum ablatarum possit, ex *L. ult. C. und. vi?* Et licet nonnulli existiment, locum interdicto esse, si antea ditam hereditatem res ablatae sint; verius tamen est, interdictum non dari. Etenim interdictum istud recuperandae possessionis est, nec nisi de rebus immobilibus competit: heredi autem adipiscenda, non recuperanda possessio est, *L. eum qui 26. D. de vi et vi arm.* Accedit quod Imp. *d. L. ult.* iis consulere voluit, qui vindicationem duntaxat, non interdictum habebant. Heredes autem habent interdictum Quorum bonorum; igitur ad hos *d. L. ult.* non pertinet.

TIT. XIII.

STELLIONATUS.

CAPUT I.

- | | |
|--|---|
| 1. <i>Stellionatus unde dictus, et quid sit?</i> | cum <i>L. 3. §. 1. h. tit.</i> |
| 2. <i>Enumerantur species.</i> | 5 <i>An stellio, qui sine periuro affirmat pignora vel rem vendendam suam esse?</i> |
| 3. <i>Qui duobus obligavit omnia bona an incidunt in hoc crimen?</i> | 6. <i>Quae praeterea species huc referantur ab interpretibus?</i> |
| 4. <i>Canceliatur <i>L. 21. de falsis.</i></i> | |

Stellionatus a stellione versutissimo lacertae genere dictus est, quo nullum animal fraudulentius homini invidet, ut Plinius scribit. Alciatus observat. Ipsum animal, quod stellati guttis distinctum sit, stellionis nomen meruisse videtur. Accusantur autem stellionatus, qui improbius fraudavere, si crimen aliud non sit, quod obiciatur. Quod enim in privatis iudiciis praestat nobis actio de dolo, id in criminibus accusatio stellionis, *L. 3. §. 1. D. h. tit.* Species in libris nostris memorantur istae; Si quis rem alii obligatam, ²

Plin. 30. nat.
hist. 10 Ale.
1. parerg. 46.

{1} Vide potissimum *L. 20. §. 12. D. de petit. hered.* cum *L. 1. C. de his, quib. ut indigus* Consulq; etiam *el. Fabr. in Rational. ad cit. L. 20.*

Sand. 5. tit.
2. def. 1.

dissimulata per calliditatem priore obligatione, alii
distraxerit, vel permutaverit, vel in solutum dederit,
L. 3. §. 1. D. h. tit., vel obligaverit, *L. 1. et ult. C. eod.*, (1).
Si quis rem alienam pignori dederit, *L. 2. C. eod.*, *L.*
tutor 16. §. 1. D. de pign. act. Si aes pro auro pignori
dederit, *L. 1. §. ult.*, *L. si quis 36. pr. D. de pign. act.*
Si quis merces supposuerit, vel obligatas averterit,
vel corruperit, *d. L. 3. §. 1. et ult. D. h. tit.* Si creditor
pecuniam non numeratam acceperit, vel numeratam
iterum exegerit, *L. si fideiussor 29. §. in omnibus D.*
mand. Et generaliter, si quis imposturam fecerit vel
collusionem in necem alterius, *d. L. 3. §. 1. D. h. tit.*
Hae species partim extra dubitationis aleam positae
sunt, partim habent de qua disputetur. Nam primo
3 quod dicimus, eum, qui rem alii oppignoratam alii
obligaverit, stellionem esse, utrum de singulis tan-
tum rebus intelligendum est, an et de universis bonis?
Angelus censuit de singulis tantum rebus intel-
ligendum esse, non de universis bonis: alioqui, in-
quit, turbabimus commercia, cum nihil sit frequen-
tius, quam obligari duobus, vel pluribus universa
bona. Verum huius sententia merito cordatis omni-
bus displicuit; ad summam enim quid interest, utrum
res singulas, an universa bona duobus obligaveris,
cum tam hoc, quam illo casu insignita admittatur
fraudolentia; imo aliquanto improbius sit decepisse
in obligatione universorum bonorum, quam certa-
rum rerum. Quod autem ille timuit commerciis, ne
forte turbentur, is metus vanus est. Cur enim magis
turbentur, si stellionatus accusetur, qui fraudulen-
ter versatus est in obligandis omnibus bonis, quam
si accusetur, qui in rebus certis; cum etiam frequen-
tius obligentur duobus, vel pluribus res singulae,
quam universa bona?

Aug. in L. 1.
C. h. tit.
Christ. 7. §.
6. n. 20. Ge-
nos. 3. 18-
sol. 7.

Secundo queri potest, quam recte dixerimus stel-

(1) Scilicet Creditori tenetur actione furti, quia venditione vel permutatione ius, possessionemque eius intervertit; vid. *L. 66. pr. D. furt.*: Emptori vero stellionatu; nam hic non habet aliud cri-
men, quod obiciat.

lionem esse, qui rem eandem duobus in solidum vendidit, vel obligavit, cum Paulus in *L. qui duobus* 21. *D. ad L. Cornel. de fals.* responderit, poena falsi coercendum, qui duobus in solidum eandem rem diversis contractibus vendidit? Non potest autem stellionatus accusari, qui falsi potest, cum stellionatus obiciatur deficiente alterius criminis appellatione. Admodum difficulter haec obiectio expeditur, Veteres distinxerunt, utrum eadem res duobus appignoratata, an vendita sit: priore casu, qui fecit stellionatus accusatur; posteriore falsi. Fateor Paulum in *d. L.* 21. loqui de eo, qui vendidit; Ulpianum in *d. L.* 3. de eo qui oppignoravit: verum quam reddemus differentiae rationem inter vendentem, et oppignorantem? eadem utriusque videtur esse fraudulentia, Adhaec Ulpianus non solum loquitur de eo, qui duobus eandem rem in solidum obligavit, verum etiam de eo, qui rem alii obligatum alii distraxit: quantum igitur abest, quo minus videatur etiam sensisse de eo, qui rem alii ante venditam, alii postea distrahit? Ex recentioribus Cuiacius contendit, nullum esse discrimen inter venditionem et pignus, alioque modo distinguendum censet. Qui callide, inquit, priorem obligationem, vel venditionem dissimulat, stellio est: qui vero aperto dicit, non esse eam rem alii venditam, vel oppignoratam, is in crimen falsi incidit. Quibus verbis innuere videtur stellionatum dissimulatione callida, falsum mendacio contrahi. Verum nec haec conciliatio subsistere potest, quoniam utraque lex generaliter loquitur, nullo facto discrimine inter mendacium, et callidam reticentiam. Nec iuvant Cuiacium verba Ulpiani quibus innititur, *dissimulata obligatione per calliditatem*: dissimulat enim non solum qui reticet, sed et qui mentitur, ipsisque mendaciis calliditas inesse potest: imo et dissimulatio callida veris rerum aestimatoribus mendacium est. Ita convivam qui lentisco iacturam dentium dissimulabat, mentitum Poeta dixit vi. *Epigr.* LXXIV.

Medio recumbit imus ille qui lecto.

Calvam tripilem seg mentatus unguento,

Acours. in d.
L. 21. de fals.
Bart in d.
L. 3. h. tit.

Cuiac. 15.
obs. 21.

*Foditque tonsis ora laxa lentiscis,
Mentitur, Esculane: non habet dentes.*

Sed hoc quidem eluderet facile aliquis, dicendo, Poetam verbi proprietatem sequutum non esse, sed extendisse latius significationem: aliis igitur utemur argumentis nempe rogabimus, unde auctor distinctionis probet, falsum expresso mendacio contrahi? Nam cum leges dicunt, falsi poena coërceri eum, qui testamentum, vel quas alias tabulas celavit, suppressit. *L. 2. L. 7. L. 16. D. ad L. Corn. de fals., L. eum qui 14. C. eod.*; unde probabimus hoc intelligendum de eo, qui per mendacium, atque interrogatus negavit tabulas penes se esse, vel exstare, non etiam de eo qui callide dissimulavit. Cum dicitur in *L. si creditor 15. C. eod.* falsi teneri creditorem, qui colludens cum debitore, alii vendidit rem pignoratam; unde probabimus hoc de mentiente, ac non potius de dissimulante intelligendum? Iam quod dicit, callida dumtaxat dissimulatione stellionatum contrahi, nonne id prorsus evertitur per *L. ult. D. h. tit.* qua responsum est, eum qui peieravit pignora sua esse, stellionem esse? Hic sane aqua haeret Cuiacio, itaque respondet, ut non tam respondisse, quam non obmutuisse videatur. Ait: Periurium plus est, quam falsum, cuius tamen nullum legibus proditum crimen est, nulla accusatio, nulla poena, si quis per Deum peieraverit, et ratione huius periurii per se tantum ea lex non subiicit periurium crimini stellionatus, sed quod deficiente crimine falsi, par sit non minus eum teneri crimine stellionatus, qui peieravit pignus suum esse, quam qui simulavit. Intorta sane responsio, ut solet eorum qui sunt deprehensi. Quid enim, si periurii nulla accusatio (quamquam hoc quoque falsum), ideoque qui peieravit pignora sua esse, falsi teneri non debet? nonne id absurdum, cum publico iudicio teneatur qui sine periurio mentitus est, non teneri eum, qui mendacio periurium adiecit? Quid autem istud, periurium plus est, quam falsum? utrum gravius crimen, an res toto genere diversa? Fatemur equidem periurium a falso distinctum esse, de falso

periurio posse misceri, atque qui si mistum fuerit, non idcirco perimatur falsi accusationem, id vero mordicus defendimus. Quare, si qua hic conciliandi ratio datum, veriore iudicaverim, quam veteres adduxerunt, quamque Hottomannus etiam suffragio suo probasse videtur: ut nimirum ille solas incidat in Legem Hottom. 5.
obs. 26. Corneliam de falsis, qui rem eandem duobus in solidum diversis contractibus vendidit, non etiam qui oppignoravit, aut qui oppignoratam alii, alii dixtraxit. Quod si causam requiras diversitatis, fatebor, aliam nullam esse, quam quod Hadriani constitutione nominatim hoc fuerit expressum, ut vendens duos poena falsi teneretur: de reliquis speciebus cum eadem constitutio tacuisset, extimarunt Icti disputandi rationem sibi sequendam esse; ut neque impunitae essent, quia id absurdum; neque tamen publico iudicio vindicarentur, quia constitutio deficiebat: igitur extraordinariam stellionatus accusationem dandam censuerunt.

Tertio, cum stellionatus teneatur, qui pignora sua esse peieravit, queri potest, an ille quoque stellio, qui sine periurio mentitus est, aut callide adsimulavit sua esse, seu qui sciens dolo maiorem alienam pignori dedit: nec non ille, qui sciens rem alienam ignorantem vendidit? Dubitandi ratio, quod in *L. 1. 2., et tot. tit. C. Si alien. res pig. dat. sit.* simpliciter responsum sit, rei alienae oppignorationem non valere, nec quidquam adiectum de poena, qua teneatur qui id fecit; quodque in *L. 2. D. de contr. emt.* scriptum sit, constare emptionem et venditionem, si res aliena distracta sit. Quod ad oppignorantem rem alienam, generaliter responsum est in *L. 2. C. h. tit., et Ltutor 16. §. 1. D. de pign. act.* stellionem esse: sive ergo periurium adiunxerit, sive sine periurio fecerit, stellionatus poena locum habet. Nec puto quenkum dicturum esse utrumque responsum restringendum ad speciem propositam *Lult. h. D. tit.* Quod ad vendentem attinet, quandoquidem eadem est improbitas vendentis rem alienam, quam obligantis, non video cur impune hoc abire debeat. Accedit quod *JC. in d. L. 3. §. 1. D. h. tit.,* generaliter responderit, stellionem esse, qui imposturam fecit, vel col-

De Crimin. Tom. II. 6

lusionem in necem alterius: imposita autem, qui sciens ignoranti vendit rem alienam. Nec obest, quod constet venditio rei alienae *d. L. 28.* Constat enim propter utilitatem, ut si bona fide facta fuerit, usucapere rem possit emptor: sin mala, empti actionem habeat in id quod interest: quae empti actio non illico excludit accusationem stellionatus: sicut nec per contrariam pignoratitiam accusatio tollitur cum res aliena pignori data est *L. si rem alienam §. D. de pign. act*

Quarto atque ultimo loco, cum JC. in *d. L. 3.* generaliter dixerit, qui imposturam fecerit, vel collusionem in necem alterius, stellionem esse, videndum, quae praeterea species huc referri possint. Et arbitror, recte ab interpretibus relatas istas. Si vendituro maius pretium offerras, non tanquam empturus, sed ut alium hiantem iudicas: Si divitem te simules, ut eo grandius aes alienum conflare possis: Si nuncies alii tristitia, veluti hostis adventum, ut praedium vilius vendat et proiciat: Si rem venalem doloso exornes, ut emptor cupidus insaniat. Quod autem subiiciunt nonnulli huic accusationi eos quoque qui instrumenta alterius prodiderint, aut suppresserint, literas aperuerint, laceraverint, quive pretio corrupti testimonium perhibere recusaverint, id non recte ab eis factum videtur, cum incidant hi in Legem Corneliam de falsis *arg. L. 1. §. 2., L. 16. §. 2. D. ad L. Corn. de falsis (2).*

Gomes. u.
cap. 7. Me-
noch de arb.
iud. cas 301.
al cas. 383.

(2) Si quis rem alienam vendiderit, emptio est et venditio, quamvis res emptori auferri possit. Vid. *cit. L. 28. D. de contr. emt.* Sed rei alienae oppignoratio non valet, et contractus minime subsistit. Fit inde ut in priori casu indemnitati emptoris provvisum sit actione, quae oritur ex ipso emptiois venditionisque contractu: In posteriori vero decepto Creditori non alia actio in promptu sit, quam de dolo, quae subsidioria est, ordinaria deficiente. Atqui quod in privatis iudiciis est de dolo secus, hoc in criminibus stellionatus persecutionem esse ait Ulpianus in *cit. L. 3. §. 1. h. t.* Ergo in priori casu stellionatus persecutio ideo non obinet, quod in privato iudicio actio de dolo non sit.

CAPUT II. DE POENA.

- | | | |
|---|--|--|
| 1. <i>Quae poena criminis?</i> | | liberatur hoc crimine? |
| 2. <i>De rei defensionibus obiter.</i> | | 4. <i>An condemnatus fiat infamatus?</i> |
| 3. <i>An satisfaciens creditoribus?</i> | | |

Poenae opus metalli excendere non debet in plebeiis; in his autem, qui sunt in aliquo honore positi, ad tempus relegatio, vel ab ordine motio remittenda est, *d. L. 3, poena D. h. tit.* Iudicium autem poenale, ut superiori capite dictum cum hoc crimine concurrere nullum; rei persecutoria concurrere possunt, *d. L. 3. §. 1. D. h. tit. L. 1. §. ult., L. 16. pr. et §. 1. D. de pign. act.*

Quibus defensionibus reus uti possit, neque superioribus titulis attigi, neque praesenti attingerem, nisi *L. 1. C. h. tit.* id suaderet. Nam ex descriptionibus criminum sponte defensiones reorum elucescunt: quia si quidquam defuerint ex illis quae ad criminis substantiam requiruntur, id reo ad defensionem prodest. Ex gr., Stellio est, qui sciens dolo malo imposturam facit, vel collusionem in necem alterius, si ea impostura alterius criminis titulo careat. Hinc colligimus cessare hanc accusationem, si posterior creditor sciat rem iam alii obligatam; aut emptor, esse rem alienam quae venditur, quoniam sciens non fraudatur (1): Cessare, cum prior contractus fuit ipso iure nullus: Cessare, cum pignus sufficit utrique creditori., *L. 36. §. ult. D. de pign. act.* Sed *L. 1. C. h. tit.* et aliam defensionem tribuit reo qua possit dicere, se utrique creditori satisfacisse, ideoque nullam superesse criminis instituendi causam. Haec vero defensio eiusmodi est, ut non leviter offendere videatur. Poenitentia enim non videtur esse modus legitimus perimendi criminis, ut

(1) Scilicet stellionatus crimen non committitur absque ignorantia Creditoris, cum res pridem apud alios obligatae, pignoris, sive hypothecae iure obligantur. Vid. *L. ult. Cod. h. t.*

de furto respondit Ulpianus in *L. qui ea mente 65. D. de furt.*, de rapina Gaius in *L. pen. D. de vi bon rapt.*, de fuga Caelius in *L. quis sit fugitivus 17. §. 1. D. de aedil. ed.* Et absurdum sane foret latronem, raptorem, furem, abigeum, peculatorem liberari poenitentia, rerumque ablatarum restitutione. Cum enim qui delinquant, et privatos laedant, et republicam, utique utrisque satisfacere debent; illis quidem rerum ablatarum restitutione: huic vero ex solutione poenae. Sed responsum est recte iam olim a glossographis, regulariter quidem reum non liberari poenitentia, esse tamen quaedam crimina, quae poenitentia rerumque ablatarum restitutione perimantur: idco Ulpianum in *d. L. 65.* non in universum dixisse, crimina non perimi poenitentia, sed furtum non esse tale crimen, quod poenitentia perimatur. Ex iis autem, quae poenitentia perimuntur nominantur sequentia: Stellionatus *d. L. 1. C. h. tit.* Crimen incestarum nuptiarum, haecenus tamen, ut remittatur poena incesti, abstinenti tali matrimonio, si nec dum reus postulat sit *L. si adulterium 38. §. iidem Pollioni D. ad L. Jul. de adult.* Falsi crimen a tutore conductis vectigalibus contractum; nam si ultro et vectigali et pupillis satisfecerit, accusatione liberatur, *L. un. C. ne tut. vel cur vectig. cond.* Et qui iudicem corrumpit, si id ultro fatetur veniam meretur, *Auth. novo iure C. de poen. iud. qui mal. iud. seu Nov. 123. cap. 2.* Non adduco etiam speciem *L. qui falsam 19. D. ad. L. Corn. de fals.*, eam enim de imperfecto crimine accipiendam verius est. Quod si quis roget, cur, in his speciebus poenitentiae locus datus sit, vix puto aliam posse dari rationem, quam clementiam iuris conditorum.

- 4 Est et aliam hoc tit. difficultas de infamia, quam condemnato huius criminis irrogari negat *L. 7. D. h. tit.*, affirmat *L. quid ergo 13. §. ult. D. de his qui not. infam.* Utramque responsum quemadmodum conciliandum, dicemus *Lib. seq. tit. de poen. cap. de infam.*

TIT. XIV.

DE TERMINO MOTO.

CAPUT I.

1. *Terminus unde dictus, et quid significet?* 3. *Crimen termini moti qui incurrant?*
 2. *Termini veteribus sacri.* 4. *Quid arbutum, quid novale?*

Qui *terminon* Graecis, terminus Latinis dicitur, literae unius mutatione, ut Dionysius scribit: terminemque etiam Graeca consuetudine Ennius dixit, verbis a Festo proditis. Dionys. lib. 2

Et *Ingenti vadit cursu, qua redditus termino est.*

Hortatore bono prius, quam iam finibus termino est.

Significat autem haec vox cum fines ipsos, atque lapides finales, tum Deum, in cuius tutela fines agrorum esse putabant: cui ex instituto Pompilii sacra quotannis fiebant, a Confinibus, quae sacra terminalia dicta, caesa enim agna vel porca lactente ad dapes conveniebant, supplices cantantes termini laudes. Idem tamen Dionysius scribit, sacrificasse veteres termino, non animatum aliquod, neque enim pium esse cruentare lapides; sed pultes et liba, atque alias quasdam fructuum primitias, cum agnam caesam aperte inuat Horat. *Epod. 11.*

Vel agna festis caesa terminalibus.

Terminos porro idem Pompilius ita sacros esse voluit, ut si quis eos exarasset, vel populisset, et ipse, et boves sacri essent, ut volenti eum occidere tanquam sacrilegium, et securitas adesset, et purgatio pollutionis. Apud Graecos quoque fines Iovi terminali sacros fuisse, vel ex Platonis lege intelligi potest, quae exstat *Lib. viii*, *Nemo, inquit, fines atque terminos agri moveat, nec civis vicini, nec finitimi peregrini, si agri extrema possideat, sed putet id esse verum*

quod dici solet , *Hic immobilia movet , malitque unusquisque saxum ingens movere , quam parvum lapidem iureiurando a diis firmatum , quo amicitiae et inimicitiae terminentur. Alterius enim Iupiter contribulis , alterius hospitalis est testis.* Hebraei publica et solemnī maledictione devovebant , eum qui fines propulisset , ex lege divina , *Deut. xxvii.* Nec dubium apud plerasque gentes poenam in terminorum violatores constitutam fuisse , cum ex iure gentium terminorum positio descendat , ac praeter Tartaros , et extremos Finmarchos vix alii sint , qui non limite agros signent.

- 3 Contrahit porro crimen termini moti ille , qui terminos finium caussa positos propulit , avulsit , exaravit : item qui finium obscurandorum gratia faciem locorum convertit , puta , *ex arbore (1) arbustum , ex silva novale , aut aliquid eiusmodi faciendo. L. 2. et 3. D. h. tit.* Fines intellige quinque pedum spatium , quod inter confines agros relinqui liberum Lex Manilia voluit , ad circumducendum aratrum , *L. pen. et ibi. Alciatus C. fin. reg. , L. 3. 4. , et ult. C. Th. eod.* Per abustum autem intellige non pumillam arborem , ut barbari interpretantur , sed vitem abusitivam , seu vineam maritatum arboribus. Novale est terra nunc primum praecisa , vel quae anno cessavit , et uno nomine vervaetum et veteretum dicitur , *L. silva 30. et ibi DD. D. de V. S.*

CAPUT II.

DE POENA.

1. Quae poena termini mori ? | ria C. Caesaris an concurras
2. Actio popularis ex Lege agraria | eum accusatione ,

- 1 **M**odus poenae ex conditione personae , et mente facientis statuitur. Splendidiores ad tempus relegantur ;

(1) Iacob. Curtius *Conjecturar. iur. civ. lib. 3. Cap. 16.* animadvertit in *cit. L. 3. §. 2. h. t.* vulgo legi *ex arbore* , verum legendum *ex arvo*.

alii ad opus publicum dantur (1); Servi, si inscientibus dominis dolo malo fecerint, capite luunt, nisi dominus dominave multam sufferre maluerint. *L. 2. L. 3. §. 1. D. h. tit.* Qui autem per ignorantiam et fortuito lapides finales furati sunt, eos verberibus decidere sufficit, *d. L. 2. in fin.*

Confer. Menoch. cas. 93. Stat. Francis. lib. 2. c. 6. §. 20. Omland. lib. 7. §. 52. Coler. dec. 45.

Est et ex Lege agraria Caii Caesaris actio popularis, qua reus in terminos singulos quos eiecerit, locove moverit, quinquaginta aureos in publico dare iubetur, *d. L. 4. D. h. tit.* De qua tamen actione dubitatur, utrum concurcat cum accusatione, an vero sit antiquata, postquam extra ordinem in reos animadverti coepit? Accursius distinguit varie; sed recte Bertr. Argentreus censuit cum distinctionibus suis rem involvere magis, quam explicare. Ipse existimat frustra operam insum in conciliandis legibus diversorum temporum atque auctorum, quarum aliae ab aliis abrogentur. Ego vero Cuiacio nostro assentior ducenti, concurrere actionem popularem cum accusatione, nec per hanc antiquatam esse illam. Quod autem Modestinus respondit in *L. 1. D. h. tit., terminorum avulsorum non multam pecuniariam esse, sed pro conditione admittentium coercitioni transigendum*, id minime movet; particulae enim non, sed, usurpatae sunt pro istis, non tantum, sed etiam. Quae ratio loquendi, nec insolens aliis auctoribus, nec infrequens JC. est. Usus est Livius lib. xxvii. Non enim receperunt Arverni eum, deincepsque aliae Gallicae utque Alpinae gentes, sed etiam sequutae sunt ad bellum. Usi JC. in *L. sed etsi 25. §. sed et fructus D. de hered. petit. L. 5. D. de servit. pred. urb., L. 1. §. quotidiana D. de aq. quotid. et aestiv. L. 5. §. domum L. de iniur.* usum autem et Modestinum eodem modo in *L. 1. D. h. tit.* Graeci arguunt, dum de utraque poena, et pecuniaria, et extraordinaria loquuntur. Vide *Eclog.*

(1) Verum poenam operis publici biennium excedere non debere colligatur ex Hadriani rescripto, quod refert Callistratus in *L. 2. h. 1.*

basil. Lib. 38. tit. de term. mot., Harmenop. *Lib. 6 tit. 9.* Concurrit et aliud poenale iudicium cum hac accusatione *ex L. 4. C. fin. reg.*, ex qua qui ante sententiam iudicis loca invasit, cum quaestionem finalem detulisset, tanta agri parte multatur, quantum alteri adimere tentavit. Eo amplius etiam in Legem Iuliam de vi incidit, qui locum alienum propulsis terminis invaserit, *L. 5. C. fin. reg.*, cum qua coniuncta unum effecit rescriptum, ut ex Frontino demonstravit Cuiacius. Intenditur autem poena huius criminis constitutione Ill. ordinum huius provinciae adversus colonos, qui si terminos agri conducti obscuraverint, prima vice dampnantur ad aestimationem eius portionis, quam finibus obscuratis intercipere annixi sunt. Iterum convicti, praeter aestimationem exilio perpetuo multantur. Quod si mutatis finibus agrum, vel partem agri, maiorem quinque pedum spatio, abstulerint, quod solet fieri, cum agri non limitati, non mensi locantur, tum pro qualitate admissi (restituta Sabini sententia, qui existimabat etiam, fundi furtum fieri) tanquam fures agri terrae laqueo puniuntur. Vide *Const. Ord. vulgo Placcaet teghens de huysluyden art. 20.*

TIT. XV.

DE COLLEGIIS ET
CORPORIBUS.

CAPUT I.

- | | |
|--|--|
| 1. Collegium quid, et quot personis constet? | 1. Quid intersit inter collegium, et corpus atque universitatem? |
| 2. Cohabitatio collegiarum an necessaria? | 5. Cur collegia sine Principis permissu contrahere non liceant? |
| 3. An necessaria arca communis atque sigillum? | 5. Enumerantur collegia licita. |

1 **C**ollegium est plurium personarum eiusdem potestatis et muneris, rerumque ad id pertinentium societas, Principis auctoritate firmata. Plures personas cum

exigit definitio, id cum minimum de tribus intelligendum auctore Neratio in *L. Neratius* 85. *D. V. S.* Est enim collegium quasi universitas; ad hanc autem constituendam dualem numerum minime sufficere palam est. Adhuc si inter duos de rebus ad collegium pertinentibus dissensio oriatur, quis altercationis finis erit nisi per tertium componatur? quemadmodum de dissensione duorum arbitratorum Ulpianus respondit in *L. item si unus* 17. *§. principaliter D. de recept.* Et alioqui universitatis cuiusque hæc est natura, ut pleraque fiant de consensu maioris partis; at ex duobus constare collegium fingas, neque maiorem, neque minorem partem in eo reperies. Nec multum officit, quod adducitur ex *L. collegarum* 173. *de V. S.*, *L. 14. et 46. de admin. tut.*, *L. 101. D. de solut.*, collegarum appellatione contineri, qui sunt eiusdem potestatis; posse autem et duos eiusdem esse potestatis, veluti duo Consules, duo Praetores, aut Duumviri, seu Magistratus municipales, tutores, coheredes. Fatemur enim usu quidem ita obtinuisse, ut et duo qui eiusdem potestatis atque muneris sunt, collegas invicem se vocent, veri tamen collegii naturam minimum tres requirere asserimus. Cohabitationis nullam fecimus in definitione mentionem; nam quod Accursius et Bartolus tradunt, ea re differre collegium a corpore, quod collegae cohabitent; qui sunt eiusdem corporis, possint etiam separatim habitare; id nequaquam verum est, ac solis prope monachorum collegiis convenit. Sed neo illos probo, qui substantiam collegii in tribus consistere dicunt, sigillo, arca communi, communibus negotiis Ex quibus postremum agnosco: nam cum collegium certi alicuius finis gratia contrahatur, utique communia cuique collegio negotia atque tractatus esse necesse est; et sigillum, arca communis, quid faciunt quaeso ad collegi, substantiam, cum hodieque collegia sint, neque sigillum, neque arcam communem habentia? Dices; Atque Gaius in *L. 1. D. Quod cui univ. nom. testatur*, proprium esse collegiorum, ad exemplum reipublicae, habere arcam communem, ares, et syndicum; Respondeo: quantum ad arcam at-

accur. *L. 7.*
verb. colle-
gium. *D. Q.*
cui. *univ.*
nom. *L. os. 1.*
c. 7. n. 5x.
Bartol. ad h.
subr. 3.

Paris. quae
113. n. 227.
Decian. 7. c.
30. n. 22.

finet, non est id proprium in quarto modo, ut cum Logicis loquar, sed eiusmodi quod abesse tamen a subiecto possit: non enim coguntur collegia omnia et semper habere arcam communem, sed possunt si velint, collegia illicita non possunt: licitorum ergo hoc proprium. Dices etiam: Ergo nequidquam compilatores inscriptionem fecere de collegiis et corporibus, siquidem inter corpus et collegium nihil interest. Alciatus nihil interesse existimat in d. L. Neratius scribens, varia duntaxat esse nomina, quae eandem universitatem designant: collegium, corpus, militia, commilitium, societas, thiasus, ordo, conventiculum, sodalitium. Verum sententiam eius minime probare possum, quin contra existimaverim inter collegium et corpustantum interesse, quantum inter genus et speciem. Corpus, universitas, genus esse videtur, collegium species; nam civitatem corpus recte vocabis: collegium non nisi ducta verbi significatione, ut in L. 1. C. de Iud. et caelic: similiter universitatis verbo in iure saepe significantur civitates: collegii verbo non aequae, Vide §. universitatis Inst. de rer. divis., L. 6. §. 1. D. cd., L. 1. 2. et seqq. D. Quod, cui. univ. nom., L. mutum. 9. §. animadvertendum D. Quod met. caus., L. sed si hac 10. §. qui manumittitur, D. de in ins. voc. L. 1. §. servum D. de Quaest. Ipsae porro civitates respublicae vocantur, et tacrina, quod collegiis nullo modo quadrat; d. L. §. 10. qui manumittitur, L. 2., et L. 8. D. Quod. cuj. univ. nom., L. 6. §. 1. Ut legat. seu fideic. serv. caus. cav., L. pen. §. 1. D. de reb. auct. iud. poss., L. 5. §. 1. D. ad L. Jul. de vi publ., L. 3. C. Qui pot. in pign.

5 Postrema verba, *Principis auctoritate firmata*, non Alciat. et Brech. d. L. Neratius regulariter prohibita, nisi si quae nominatim permittantur (1): Prohibitionis causam Alciatus, Brechaeus, Doar. ad h. tit.

(1) In summa autem: ita Marcianus in L. 3. §. 1. h. t. nisi Senatusconsulti auctoritate, vel Caesaris Collegium, vel quodcumque tale corpus viderit: contra senatusconsultum et mandata, et constitutiones collegium celebrat.

et Duarenus ad metum factionum, aliaque huiusmodi incommoda referunt: Cuiacius vero scribit, primam prohibitionis causam fuisse, non tam factionum metum, quam comessionum et computationum intemperantiam, ex qua deterrima quaeque et nefandissima nascuntur scelera. Quod quamquam Philonis auctoritate probare satagit; non video tamen, cur non vel in primis causis factiones et coniurationes numerare valeamus. Nam et Plato vetus hoc malum civitatibus fuisse innuit, cum *Lib. 1. de legib.* scribit, gymnasia et sodalitates alibi quidem civitatibus prodesse, in seditionibus autem obesse omnino: eiusque rei exemplo Milesios, et Boeotios, et Thurios esse, Livius quoque, quantopere ob hanc causam conventus atque coitiones timuerint Romani, docet *Lib. xxxix. c. xv. Maiores vestri, ne vos quidem, nisi cum aut vexillo in arce posito comitiorum causa exercitus edictus esset, aut plebi concilium tribuni edixissent, aut aliquis ex magistratibus ad concionem vocasset, forte temere coire voluerunt, et ubicumque multitudo esset, ibi et legitimum multitudinis rectorem censebant debere esse.* Adstipulatur Svetonius in *vita Augusti*, *Plurimae factiones titulo collegii novi ad nullius non facinoris societatem coibant; sed Augustus omnia praeter antiqua et legitima dissolvit.* Plin. x. *Episi. xliii.*, *Tibi quidem secundum exempla complurium in mentem venit, posse collegium fabrorum apud Nicomedienses constitui; sed meminerimus provinciam istam et praecipue eas civitates ab eiusmodi factionibus esse vexatas. Quodcunque nomen ex quacumque causa dederimus iis, qui in idem contracti fuerint, hetaeriae quamvis breves fient.* Quemadmodum autem paulatim flagitia ex huiusmodi conventibus pullulent, luculenter Bacchi sacra demonstrant, de quibus idem Livius d. *Lib. cap. xiii. Primo sacrum id foeminarum fuisse, et interdum Bacchis initiatas: post permistos foeminis viros, et licentiam noctis accessisse; nihil ibi facinoris, nihil flagitii praetermissum; plura virorum inter sese, quam foeminarum esse stupra: si, qui minus patientes de-*

Brissou. 1.
cl. antiq. 14.
Cuiac. 7. obs.
80.

decoris, et pigriores ad facinus, pro victimis immolari, etc. Cum igitur collegia regulariter prohibita sint, nisi quae nominatim permissa reperiuntur, enumeremus permissa, ut iudicium inde de prohibitis facere possimus. Licita fuerunt olim collegia Pontificum, *L. 2. §. deinde ex his legibus D. de orig. iur.* :
 6 hodie omnia quae religionis non penitus interdictae causa coeunt, *L. 1. §. 1. D. h. tit.*, adeo ut Iudaeorum quoque collegium licitum sit *L. 1. 2. 4. 11. 13. 14., L. ult. §. 1. C. de Iud. et caelic., L. spadonem r5. §. iam autem D. de Excus. tut., L. circumcidere 11. D. ad L. Corn. de sicar., L. 3. §. ult. D. de decur. (2)*. Sunt et licita, quae studiorum causa contrahuntur, veluti JC., Medicorum, Grammaticorum, *L. medicos 6. C. de profes. et med.* Item publicanorum, qui publica vectigalia, aurisodinas, argentisodinas, salinas conduxere, *L. 1. D. Quod cuj. univ. nom., argentariorum, L. 6. pr. de edend., L. cum duobus 52. §. cum duo D. pro soc. fabricensium*, id est, eorum qui in publicis fabricis faciebant arma, *tit. C. de fabricens. lib. 11.,* pistorum, naviculariorum, et generaliter tenuiorem, quibus propter tenuitatem permittitur collegiis se congregare, et stipem conferre, *d. L. 1. D. Quod cuj. univ. nom. L. 1. D. h. tit.* Hinc videtur fluxisse illud, ut opificum collegia ubivis fere licita iudicentur; numerantur enim opifices inter tenuiores. Quod autem Duarenus huc refert et fratris mercatorum, id probare non possum: non enim omnis societas collegium est. Societas negotiandi causa etiam inter duos contrahi potest: Collegium minimum tres desiderat. Collegia civium ad reip. statum pertinent, dividunturque ordines civium porro per collegia: Societates ne-

(2) De Collegiis religionis gratia initis haec habet Marcianus in cit. *L. 1. §. 1. h. 1. Sed religionis causa coire non prohibentur, dum tamen per hoc non fiat contra SCtum, quo illicita collegia auercentur.* Quae Verba cum singularis SCti mentionem faciant, non incongruum erit ea accipere cum cl. Binkershoekio *De relig. peregr. Dissert. 2.*, de SCto facto anno Urbis DLXVII. de Lachanalibus tollendis.

gotiandi causa institutae, nihil ad ordines civium. Illa Principis permissum desiderant: hae et sine permissu contrahi possunt. Excipiendae tamen maiores societates, quales sunt in hoc confederato Belgio, quae utramque Indiam navigant, quae consensu, atque auctoritate Ordinum constitutae sunt propter reip. utilitatem.

CAPUT II. DE POENA.

1. Quae poena collegii illiciti? de maiestate, concurrat cum
2. Utrum Lex Julia de vi, et hac accusatione?

Poena illiciti collegii arbitraria est; et aliquando praeter dissolutionem collegii nil gravius patiuntur collegae: eoque casu pecunias quoque communes dividere, iterque se partiri conceditur, *L. 1. §. ult. D. de off. praef. urb.*, *L. 3. pr. D. h. tit.* Aliquando tenentur ea poena, qua puniuntur, qui hominibus armati loca publica vel templa occupasse indicati sunt, *L. 2. D. h. tit.*, id est, poenae Legis Juliae de vi, ut Duarenus autumat *arg. L. 3. 5. 10., D. ad L. Jul. de vi publ.*, vel poena Legis Juliae maiestatis, ut Accursius et alii: quoniam eius legis poenae nominatim subiiciuntur: qui hominibus armatis loca, templave occupaverint, *L. 1., et L. 4. D. ad L. Jul. maiest.* Quod si roges, quando publica maiestatis accusatio concurrat cum accusatione extraordinaria? respondebo cum interpretibus, tum concurrere, cum aperte collegium spectat ad perniciem reipublicae: quid enim si ab hominibus seditiosis rerum novandarum gratia contractum sit? id utique contra securitatem populi contractum est; contrahentes igitur in Legem Juliam maiestatis incidere necesse est: Ex his: autem apparet, falsum esse quod Cuiacius scripsit, nullum privatum publicumve iudicium cum hoc concurrere: quodque Decianus atque Menochius, etsi collegii illiciti coitio sit capitalis, non tamen ullo casu publicum esse (1)

Duar. ad h. tit. Accurs. in d. l. 2. Farin. qu. 115. part. 7. Maev. q. tit. 12. §. 6.

Cuiac. part. 1. h. Decis. lib. 7 cap. 20 n. 13 Menoch. 2 arb. cas. 597.

(1) Non omnia Collegia esse legibus prohibenda existimat el. n. 2.

TIT. ULT.

DE RELIQUIS CRIMINIBUS
EXTRAORDINARIIS.

CAPUT I.

DE PERIURO.

- | | |
|--|--|
| 1. Periurium an crimen, et cuiusmodi? | 2. An excusandi quibus metu aut dolo extortum est iusiurandum? |
| 2. An praeter accusationem etiam civilis actio detur in perjurantem? | 3. An reus qui in iudicio perierit? |
| 3. An heres puniendus periurii poena, si non impleat ius defuncti? | 4. An excuset interdictum superioris, difficultas, impossibilitas. |
| 4. An Pagani, Iudaei, Menno- | |

Cons. Sains.
35. §. 1. et
2.

Stat Omlan.
L. 7. §. 47.
Trans 2. c.
20. Velav.
41. §. 1. Ul
tras. tit. 41
Gonics. ad
1. Taur. 67.

Praeter ea crimina, quae aut peculiaribus titulis proponuntur, aut rubricae de extraordinariis criminibus subiiciuntur, alia quoque nonnulla in libris nostris occurrunt, quae breviter enumeranda duxi. Occurrit autem in primis periurium, de quo tamen ipso dubitatur, sitne crimen, et si crimen, publicumne, an privatum. Esse crimen et privatum quidem seu extraordinarium, inde probatur, quod vindicetur quidem, nulla tamen publicorum iudiciorum Legge. Vindicari ostendunt, *L. 13. §. ult., L. 28. §. ult. D. de iurei, L. 22. C. de dol., L. 41. C. de transact., L. 13 C. de testib., L. pen. C. de dignit.*, quae leges partim in

Filangeri *op. cit. lib. 3. Cap. 47. tit. 2.* Scilicet ex ipsius sententia, omnia permitti, nimia esset in publico regimine negligentia, singula vero prohiberi, despotici regiminis, imo et servitutis argumentum esset. Verum laudatus Vir non satis fortasse animadvertit, quidquid plures una coeuntes secreto faciunt, non carere doli aspersione, illudque generatim melius videri intactam servare rempublicam, quam post vulneratam eius incolumitatem remedia quaerere.

genere docent, esse aliquam periurii poenam, partim in speciem ostendunt, periurum alias infamia notari, dignitate spoliari, alias fustibus caedi, superaddito elogio *petulanter ne iurato* (1). Non adduco etiam *L. ult. D. stellion.*, non enim solum periurium causa est, cur extra ordinem puniatur qui peieravit pignora sua esse, sed insignior illa versutia atque fraudulentia; quae etiam abque periurio pena stellionatus vindicaretur. Et ut nihil antiquitatis ignoretur, olim Censores notabant periuros, cuius rei testis locupletissimus est Cicero 111. *Offic.*, *Nullum vinculum, inquit, ad astringendam fidem iureiurando maiores arctius esse voluerunt, id indicant Leges in XII. Tab., indicant sacra, indicant foedera, quibus etiam cum hoste devincitur fides, indicant notationes animadversionesque Censorum, qui nulla de re diligentius, quam de iureiurando iudicabant.* Postquam Censores esse desierunt, quod indignum videretur periuria prorsus impune abire extra ordinem vindicari coeperunt; quod quo primum tempore, quoque Principe factum sit, non satis liquet; factum esse, ex locis modo adductis liquet. Sed opponuntur duae constitutiones Imperatoris Alexandri, quibus rescripsit, iurisiurandi contantam religionem satis Deum ultorem habere, nec placere periculum corporis, vel maiestatis crimen inferri, etsi per Principis venerationem quodam calore fuerit peieratum. Alienam a secta sua sollicitudinem sustinere eum, qui crimen maiestatis timebat, si servo suo iratus esse non perseveraret, quod semper se facturum inconsulte iuraverat, *L. 2. C. de reb. cred., L. 2. C. ad. L. Jul. maiest.* In eundem ferre modum disseruit in Senatu Tiberius, cum Rubrius argueretur violasse periurio nomen Augusti. Iusiurandum perinde aestimandum, quam si lovem fefellisset, Deorum iniurias diis curae. Et Cicero 11. *de Legib.*

Tacit 1. anal.

(1) Non omnes leges hic ab Auctore allatae eandem habent significationem et iuris rationem; iuvabit igitur singulas expendere. In *L. 13. §. ult. D. de iureiur.* memoratur iusiurandum praestitum per genium Principis cuius violatio fustium castigatione coerceatur.

Dio lib. 54.

scribens, periurii poenam divinam exitium esse, humanam tantum dedecus. Responsio facilliam est ad Ciceronis locum, qui per dedecus ignominiam intelligit; quam Censores irrogabant, cum nondum vindicaretur hoc crimen extra ordinem: difficilior ad locum Taciti, et rescripta Alexandri, quoniam Tiberii tempore desierat census agi, desierant Censores creari postquam ad Augustum Senatus morum praefecturam detulisset. Vitabimus tamen hos scopulos ita, si dixerimus, Tiberii, tempore, etsi desiissent Censores notare periuros ignominia, nondum tamen receptum fuisse, ut punirentur extra ordinem. Alexandrum vero Imperatorem non hoc velle, non posse extra ordinem accusari periuros, sed non esse proditam de periurio publicam accusationem, frustra quoque adeo timeri poenam Legis Juliae maiestatis. Quod vero adiicit, iuri-

Vid. et: Ever. Otton. *de periur. per gentium Princip.* in L. 28, §. ult. *eod. tit.* nulla periurii poenae mentio fit. Ibi enim lectus facti speciem exposuit, quae reus extra iudicium, actore inferente, iuravit, se non dare oportere, et Actor, reo deferente, dari sibi oportere vel contra. Alii autem posteriorem causam iurisiurandi potius esse habendam, nec tamen praecudicium periuro alterius fieri, i. e. non in iudicio quaeri, quis peieraverit, hac addita ratione, quia non quaeritur, an dare eum oportet, sed actor iuravit. In Leg. 22 Dig. de dol. ait Paulus sufficere periurii poenam: scilicet, cum reus, deferente Actore, iuraverit, et absolutus sit, quomvis postea periurium fuerit adprobatum, religioni stari debet, cum per iusiurandum transactum videatur. L. 21. *eod. tit.*, periurii enim sufficit poena, *cit. L. 22.* In L. 41. C. de transact. pacta et transactiones iuramento firmatas maiores xxv. ann. violantes infamia notantur, et ius super actione privati, restituta poena quae pactis probatur inseri, et rerum proprietate carant, et emolumento, quod ex pacticibus, vel transactionibus fuerint, consecuti. In L. 13 C. de testib. mentio fit eius, qui falsa in testimonio protulerit, ut primum de periurio, deinde falsi crimine conveniatur. Ex toto autem legis contextu apparet ideoque falsa in testimonio proferentem de periurio conveniri ut indemnitati illius, contra quem testimonium dixit, prospiciatur, falsi vero crimine conveniri, ut definitum legibus poenam sostineat. In L. pen. C. de dignit. Viri illustres si praestitam pro civili vel criminali interpellatione iuratoriæ cautionem neglexerint, in criminalibus causis dignitate spoliantur, in inconsulta etiam Imperatorum pietate, iudicibus legum severitatem licet adversus eos exercere; in causis vero pecuniariis condemnationem pati debent. quom iudex ex iuris auctoritate et rei qualitate ordinaverit.

siurandi contentam religionem satis Deum ultorem habere; id ad inconsulta et calore facta periuria referendum est, ad quae tametsi ius civile connivet, Deus tamen opt. max. impunita ea non relinquit, cum interminetur omnibus illis, qui nomen eius parum reverenter usurpaverint. Scio aliter huic difficultati occurrere a magni nominis viris distinguuntibus, ut si per Deum quis peieret, Deus ultor sit: sin per Principem, incidat peierans in Legem Juliam maiestatis: verum assentiri illis non possum: incidit enim conciliatio eorum in plures difficultates. Impingit in *d. L. 41. C. de transact.*, ubi per Deum peierans infamia notatur. Impingit in *d. L. 13. D. de iureiur.*, ubi peierans per Principem extra ordinem punitur. Postremo, quod palmarium puto impingit in *L. 33. D. eod.* Peierans per Principem, per Deum peierasse intelligitur, quia respectu divini numinis ita iurat (2): qui ergo potest subsistere superior distinctio, ut alter divinae ultionis, alter Legi Juliae maiestatis subiiciatur? Tiberius, cum Rubrio crimini daretur, violatum periurio Augusti numen, perinde id habendum censuit, ut si loquem fessellisset, non vindicandum Lege Julia maiestatis: repugnat ergo ea distinctio menti iuris conditorum. Sunt alii, qui omne periurium sive per Deum, sive per Principem commissum vindicari fatentur, sed negant vindicari iudicio privato seu extraordinario; quorum ratio haec est, quod omne crimen, quo divina maiestas laeditur, publicum sit, *L. Manichaeor. 4. C. de haeret.*, laeditur autem divina maiestas periurio. Adhaec aequari dicunt periurium paricidio, *c. rex debet 25. quaest. 5.* Igitur cum paricidio publico iudicio vindicetur, necesse etiam vindicari, periurium. Quod ad posterius attinet, id nu-

Cuisse. 2.
obs. 19. Don.
13. com. 17.

Farin. qu.
106. n. 16.
Decian. G.
crim. g. n. 15.

(1) In cit. *L. 34. D. de iureiur.* non equidem perspicitur quod Auctor putat, peierantem scilicet et per Principem per Deum peierasse intelligi. Mentio ibidem fit iurisiurandi, quod quis per salutem suam praestat, quodque pro iureiurando non habetur, quamvis per Deum iurare videatur, si non specialiter iusiurandum et ita delatum est.

gatorium est, nam nec ulla comparatio inter parricidium atque periurium in *d. cap.* instituitur: et pueris notissimum est, aliud esse comparari simpliciter, aliud certo respectu. Quod ad prius id fortius videtur, volunt enim Impp. Arcadius, Honorius, et Theodosius haeresin Manichaeorum, et Donatistarum publicum crimen esse: quia, inquit, quod in religionem divinam committitur, in omnium fertur iniuriam. Ergo et periurium publicum crimen erit, quoniam laeso numine in omnium fertur iniuriam. Verum ne haec quidem argumentatio a proposita sententia nos abducere postest: non enim Impp. generali definitione crimina, quibus numen laeditur, publica esse voluerunt; sed haeresin improbiorem Manichaeorum et Donatistarum publica accusatione vindicari voluerunt, adiecta ista ratione, quia quod in religionem divinam committitur, in omnium fertur iniuriam. Quae ratio licet ad periurium quoque pertinere videatur, non tamen ipsa constitutio ad periurium pertinet, quoniam speciali lege opus est, ut publicum crimen efficiatur, *L. 1. D. de publ. iud.*

Porro praeter accusationem interpretes etiam civilem actionem reddendam existimant, qua persequamur damna et id quod interest, *arg. L. ult. C. de testib.* Quod ego falsum existimo, nec in iure reperiri, excepta ea specie, qua testis periurio testimoniique dictione nos laesit, *d. L. 13. C. de test.* In primis autem falsum existimo, cum adversario deferente iuratum est, quo casu Praetor iusiurandum tuetur, etsi peieratum fuerit, *L. 21. D. de dol. L. 1. de reb. cred. et iurei., L. 5. §. dato, L. 9. D. de iurei.* Excipitur species *d. L. ult. C. de reb. cred.,* cum legatarius deferente herede peieravit legatum sibi relictum esse: quo facto non nova actio datur ad persequutionem damni, et eius quod interest, sed retractato iurciurando perinde repetitur legatum, ac si iuratum non esset. Adiciamus nunc quibus personis, et qua de causa remittatur poena. Heredi, si non adimpleat iusiurandum a defuncto praestitum, remittendam poenam frequentibus suffragiis concludunt interpretes. Argu-

Denian. 6:
rer. crim. 12.
n. 10. Farin.
d. qu. 160. n.
39.

mentum eorum hoc est, quod iuramentum sua natura sit personale; ideoque heredis conscientiam non eo usque oneret, ut poena dignus videri debeat, si id non adimpleverit. Ut probent personale esse, adducunt *L. generaliter 12. pr., et §. his itaque C. de reb. cred. et iurei.* Verum et probatio haec infirma est, et ipsa ratio aliis iuris fundamentis subruitur. Non enim si plurimum interest inter iusiurandum defuncti et heredis si per procuratorem praestari nequit, quod solum traditur, *d. L. ult.*, ideoque personale recte dixeris: sed quemadmodum pactum personale, exceptio, beneficium dicitur, quod personam non transgreditur; ita necesse foret et iusiurandum, siquidem personale est, personale cohaerere, nec transire in successores. Atqui id ipsum falsum est; obligat enim iusiurandum a defuncto praestitum heredes, cum succedant in locum defuncti: Igitur et periurii sunt, et periurii poena tenentur, si promissa a defuncto praestare improbere eussent. Confirmat hanc ratiocinationem exemplo atque auctoritate populus Israeliticus qui ne periurus esset, ossa Iosephi in Palaestinam ex Aegypto avexit, tactus religione iurisiurandi ante annos pene CL. a maioribus suis exacti, *Genes. ult. vers. 25. Exod. 13. vers. 19.* Confirmat exemplum Saulis, qui quia Gabaonitas contra fidem olim a populo datam confecerat, etiam in liberis post mortem suam punitus est; *Ios. 9. v. 13., et Sam. 21. v. 1. 2. 3.* His argumentis ratio, ut dixi, subruitur; quibus tamen non obstantibus, existimo recte quidem interpretes sensisse, incommode vero loquutos esse; iuramentum enim qui potest commode personale vocari, cum obliget etiam successores? At rursus periurii poena qui potest heredi irrogari, cum ipse Deum testem atque vindicem non invocaverit? Habetur quidem pro invocante, sed iuris civilis fictione, qua personam defuncti repraesentat, non quantum ad poenam, sed quantum ad obligationis implementum. Diversa videtur esse ratio populi; non enim civilis iuris fictione, sed natura id fit, ut idem sit populus hodie, qui fuit ante annos centum, tametsi nemo eorum, qui tum vivere superstes sit: quemadmodum et

Farin. d. qu.
100. n. 117.
Imb. 1. Inst.
fer. 4. p. 33.
Molin. §. 2.
gl. 4. m. 65.

natura hoc fit, ut idem sit homo senex, qui fuit adolescens, tamensi particulae, ex quibus minimis consistimus, quotidie in corpore nostro immutentur, *L. proponebatur* 78. *D. de iudic.* Merito igitur et populus Israëliticus fidem Iosepho datam servandam duxit, et Saul, qui Gabaonitis datam sefellit, excidio posteritatis punitus est. Aliter rem componere conatus est Hugo Grotius, *Lib. de iur. bel. et pac.*, qui distinguit ita: Aut soli Deo se obstrinxit defunctus, aut personae Deo invocato. Illo casu non obligatur heres, quia hoc iusiurandum non est, bonorum onus: hoc obligatur, tanquam onere hereditatis. Huius distinctionis membrum antea non est omnino verum; id demonstrant vota, quae licet Deo, non personae facta sint, obligant tamen heredem, ut aperte ac eleganter scripsit Ulpianus in *L. 2. §. 2. D. de pollicit.* Quare si ullus distinctioni locus, quoniam in libris nostris iusiurandum pacto comparari solet, existimaverim potius distingui posse, utrum insiurandum in rem, an in personam conceptum fuerit, id est, utrum se tantum obstringere voluerit iurans, an et heredem; ut hoc casu et heres obligetur, non illo, *arg. L. 7. §. pactorum D. de pact.*: cum autem ea de re dubitatur, praesumatur in rem potius, quam in personam, *arg. L. pactum 9. D. de probat.*

4 Sequitur ut de Paganis et Iudaeis agamus: his periurii poenam non esse remittendam recte communi calculo traditum est. Nam Iudaei Deum invocant; Pagani etsi Deum non invocent, tamen eo ipso, quo fallere conantur eum Deum ipsi credunt, periurii crimen contrahunt. Imo si Augustino credimus in *c. movette* 22. *quaest.* 1., his peccant, qui per idola iurant: nam et invocant, quem fas non erat, et fidem invocatione factam violant. His porro consequens est, et Mennonistas in crimen periurii incidere, si falso aliquid asseveraverint illa sua formula, *by mannen vvaerheyt*: quandoquidem usus harum provinciarum formulae isti vim iurisiurandi tribuit. Et nobiles Germaniae, qui promittere solent *bei adelichen ehren*

Farin. d. qu.
160. u. 244.
Dec. 6. crim.
10. n. 3.

and trevve; quae et promissio moribus imperii vim iuramenti habet (3).

Tertio loco de illis quaeritur, quibus metu extortum iusiurandum est, an si fidem non servant, extra ordinem coercendi sint? Nullo modo, sunt enim huiusmodi iuramenta iure civili irrita, *L. si quis maior* 41. *D. de transact. Auth. sacramenta puberum C. si adv. vend.*, ac per consequens, is cui iuratum est, accusare iurantem non potest, tanquam ad se ea res iniuriave pertineat, cum iniuria nulla facta sit. Et foret sane exemplo valde perniciosum, velle punire eum, qui metu coactus fidem suam iureiuriando obstrinxit. Quantum tamen ad conscientiam iurantis et coeleste tribunal attinet, non insontem eum futurum dixeris; Deo enim obligatur, qui Deum testem atque vindicem invocavit, extra quam si quid turpe, aut contra bonos mores promiserit; huiusmodi enim iuramenta adimplere, quam praestare turpis est. Ad quod illustrandum non utar exemplo Ezechiae Iudaeorum Regis, cui Deus ob fidem Babylonis violatam gravia atque extrema minatur: fuit enim Ezechias non tantum Deo sed et Chaldaeorum Regi obligatus, alioque iure censentur publicae pactiones, bello licet iniusto, exactae alio privatae: sed nec utar exemplo Pompeii Trib. pl., quod Cicero laudat 111. *Offic.*; poterat enim videri contra bonos mores, promittere te non reum peracturum hominem flagitiosum: utar potius exemplo Iulii Caesaris, qui a piratis interceptus, iureiurandoque adactus, ante lytron iis solvit, dein classe parata oppressos cruci suffuxit. Idem fere censendum de eo, qui iusiurandum dolo extortum non servat, nempe immunem a poena esse debere. Quanquam eo amplius divi poterat, huius ne conscientiam quidem religione obstringi: quippe qui praesupponat vera

Decem. 6a
cap. 11. n. 20
Dist. Gail. 2.
obs. 42.

Ezech. 18. v.
12. 14. 15.

Diss. Decis.
cap. 11. 19.

(3) Cum Ulpianus in *L. 5, §. 1. D. de iurjur.* memoret Divi Pii rescriptum, quo statuitur iuriurando, quod propria superstitione iuratum est, standum, non video quare poena Paganis vel Iudeis remittenda sit, si iuxta Religionis quam profite utur, instituta iuraverint.

esse, quae dolosus homo memoraverat, quippe iraturus prorsus non fuerit, nisi ab altero mendacis circumventus esset. Igitur prope sub conditione iurasse videri potest; *Si haec, quae memorasti, ita se habent*: qua deficiente, promissionis quoque efficacia deficiet. Haec tamen sententia sacro praeiudicio valde premittitur: Dolo enim inducti Israëlitaе fidem dederant Gabaonitis, affirmantibus, ex longinqua regione se advenisse, cum in propinqua habitarent: non tamen irritum, sed ratum iuramentum Deus habuit; atque etiam Salvis progeniem ob religionem violatam, pene funditus excidit. Ut explicet hunc nodum Grotius, coniectat, iuratos forte fuisse Israëlitas, etsi scissent Gabaonitas in propinqua regione degerere. Quae coniectura nihil incertius, aut inanius est; rectiusque atque planius Martyr scripsit, potuisse quidem Iosua id iusiurandum irritum habere, sed maluisse, Deo ita volente, servare. Voluisse vero Deum idcirco, ut hac ratione puniret temeritatem Ducum, qui fidem Gabaonitis dederat ipso inconsulto, ut memoratur *Ios.*

9 v. 14.

6 Quarto loco quaeritur de eo, qui delato in indicio iureiurando, vel ab adversario vel a iudice interrogatus falsum respondit, an teneatur periurii poena? In hac quaestione distinguunt interpretes plerique civilia iudicia a criminalibus; in illis si quis peccaverit, poenae locum faciunt; in his vero non item, si quis forte interveniente iureiurando negaverit se crimen admisisse; ignoscendum enim ei, qui sanguinem suum qualiter qualiter voluerit redemptum, *L. 1. D. de bon. eor. qui ant. sent. mort. sib. consc.* Mihi posterior distinctionis pars nullo modo placet; neque enim in causis criminalibus rei exacto iureiurando interrogantur, tametsi id Italiae totius consuetudine obtinuisse testentur: neque honestum est, aut pium satis iusiurandum deferre ei, quem sciamus peieraturum esse, ut recte in *c. qui exigit 22. quaest. 2.* traditur. Quid enim proficiemus aliud, nisi ut crimen crimini adiciatur, qui quae iam reus homicidii aut furti est, adiungat etiam ad priora scelera periurium? Itaque

Grot. d. cap.
13. n. 3. Mart.
class. 2. cap.
14. n. 17.

Vid. Clar. §.
periurium n.
12, et §. fin.
qdaest. 45. n.
10. Menoch.
de arb. cas.
319. n. 29.
Dec. 6. cap.
11. n. 13. e
20p. 10. n. 7.
Farin. d. 70.
160. n. 217.
294.

si delatum fuerit, et peieraverit reus, detecto periurio publici poena dignum putaverim; et quod peieraverit, et quod criminis, cuius insimulabatur, convictus sit.

Postremo excusatur a poena periurii ille, qui interdictum superioris obtendit quo minus fidem servet. Nam si apud Hebraeos pater liberorum, maritus uxoris iuramentum irritum habere potest, ut *Num. 30.* habetur; quanto magis ille, qui cum imperio publico est, intercidere poterit, quo minus iusiurandum adimpleatur; in primis si publica quoque utilitas id suadeat. Recte igitur DD. tradiderunt, in omni iuramento tacite excipi superioris imperium atque auctoritatem, *L. Imperatores 13. §. 1. D. de pollic.* Et per consequens non recte illi, qui soli Pontifici Romano tribuunt potestatem solvendi religionem. Huic proximus est ille, cui natura est impedimento, quo minus iusiurandum adimpleat: veluti qui impossibile aliquid aut certe eiusmodi, quod non erat in ipsius potestate, promisit. Qui tamen puniendus videtur ob temeritatem iurandi: quae vel maior vel minor erit, prout vel magis vel minus probabilis ignorantiae causa. Quod si difficile dumtaxat sit id quod promisit, omnem diligentiam adhibere debet, ut facile reddat: quam si adhibuerit, effectu non sequuto, a poena periurii immunis erit: a poena pecuniaria quam forte promissit, si non effecisset, nequaquam, §. *si quis alium Inst. de inut. stipul., L. illa stipulatio 67. §. 1. D. de V. O., L. ult. §. 1. D. de reb. cred.*

Decis. 6. cap.
11. n. 21.

Decis. d. cap.
11. n. 16. et
seqq. Clar.
d. §. periurium
n. 10.
Farin. d. qu.
160. n. 120.
Grot. d. cap.
13. n. 51. c.
et 9.

CAPUT II.

DE EXPOSITIONE INFANTIS.

- | | | |
|---|--|--|
| 1. <i>Expositio crimen extraordinarium.</i> | | 3. <i>Tollere expositos quis debeat?</i> |
| 2. <i>Quae poena?</i> | | 4. <i>Expositi an in dubio censentur legitimi?</i> |

Quemadmodum matrimonii onera multi subterfugebant, honestis amoribus brevem et perniciosam an-

teponentes libidinem: ita non pauci cum procreassent pertaesi molestiarum, quas enutritio atque educatio habet, liberos praetercuntium misericordiae exponebant. Cui malo ut obviam iretur, placuit, extra ordinem in eos, qui id fecerint, animadverti, ut arguit verbum animadversionis, quo Imperatores utuntur in *L. 2. C. de infant expos.*, nec non *L. pen. C. de patr. pot.*, *L. 1. §. poena D. de agnosc. vel al. lib.* Et sane, si tutor, qui per mendacium negat pupillo alimenta decerni posse, deducitur ad Praefectum urbi puniendus, *L. 3. §. sed si non latitet D. de susp. tut.*; quanto magis parentes deducendi, qui liberis suis alimenta denegant? Nec quisquam adducat *L. patrem. 16. C. de nupt.* ut probet, esse hoc factum infra animadversionem, nam ut recte Cuiacius vidit, est ea lex intelligenda de eo, qui filiam sanguinolentam extrema egestate compulsus exposuit in publico; hic non punitur gravius, propter durissimum egestatis telum: propter quod etiam vendere sanguinolentos attellos potest, cum tamen alioqui liberorum distractiones prohibita sint, *L. 1. et 2. C. de patr. qui fil. distrax.*

Cuiac. par.
6. h. t.

2
Coler. dec
258. Omf. lib
7. §. 38.

Est tamen, quantum ad poenam huius criminis at-
tinet, distinctio adhibenda; ut si quis in publico alio-
rum misericordiae infantem exposuerit, extra ordi-
nem puniatur: sin in solitudine, ubi fame moriatur,
aut ferarum laniatu pereat, subiiciatur Legibus Cor-
neliae et Pompeiae, tanquam sicarius et parricida. Hic
enim vere locum habet illud Ulpiani in *L. 15. ad L.
Corn. de sicar. Nihil interest, occidat quis, an mortis
causam praebeat*: nec non illud Pauli in *L. 4. D. de
agnosc. vel alend. lib.*, *Necare videtur, qui abiicit,
et alimenta denegat* (1). Quanquam Paulus ad exag-

(1) Verissimum hoc Pauli, ut viri gravis, boni, et sapientis ef-
fectum. Non tamen tempore Pauli etiam vim iuris hoc praeceptum
habuit, cum liberos recens natos exponere vulgatum esset. Vid.
Tertullian. *Apologet. Cap. 9.* et *ad Nationes lib. 1. Cap. 6.* Mi-
nuc. *Fel. Octav. Iacob. Gothofr. ad L. 2. C. Theod. de infant. ex-
pos.*, atque prae ceteris eruditiss. Noëdt. *Jal. Paul. Cap. 2* Simili

gerendam invidiam rei, etiam eum *necare* dicat, qui in publicis locis exponit aliorum misericordiae, quam ipse non habet. Videtur autem hoc ius expressum ex quadam Thebanorum lege, qua, ut Aelianus refert, cautum erat, ne civi Thebano liceret infantem exponere, neque in solitudinem abiicere, capitis constituta poena. Verum, si extrema egestate pater laboraret, statim a materno partu cum ipsis fasciis ad Magistratum partus deferendus erat, ut eo auctore veniret. Eadem porro poena capitis puniendi videntur illi, qui in olla infantes exponunt, etsi non in solitudine: quam rem *chytrismen* Graeci vocaverunt, ut ex Hesychio notat Turnebus: nam et intercludi facile posset spiritus tenellis, et negligi a praetereuntibus in vili testa conditi. Mitius tamen hac parte cum illis agendum, quae et amoris vi victae alterius libidini obsequutae sunt, et metu ignominiae adactae partum exposuerunt: est enim infamiae metus eiusmodi, ut cadat etiam in constantes viros, *L. isti quidem* 8. §. *pen. D. Quod met. caus.*; quanto magis in timidas puellas?

Aelian. 2.
cap. 7. var.
histor.

Turneb. 30a
silves. 38. Cl.
5. sent. § fin.
qu. 83. Me-
noch. de arb.
cas. 566. n. 7.

Est porro et illa exponentis poena, quod amittat patriam potestatem, *L. 2. C. de infant. expos.* Qui vero expositum sustulit atque aluit, neque domini, neque parentis iura consequitur. Non domini; nam etsi pro servo sublatum habuerit, assertio tamen non denegatur ei, qui ex huiusmodi causa in libertatem vindicatur; neque ipsa libertas redimitur pretio alimentorum, ut Traianus Plinio rescripsit. Non patris; neque enim ea res pro adoptione cedit, etsi filii loco sublatum aluerit. Quid ergo? alimenta solum educator repetit, nisi furis animo expositum sustulerit, *L. 1. et 3. C. eod., Nov. 153.* Quod si pater pauper sit, nec habeat unde alimentorum impensam solvat, haec quoque perdet, qui sustulit, *L. sin. autem 27. §. ult., et L. seq., L. in fundo 38. D. de rei vind.*

Plin. 10 epist.
71.

vero modo Imp. Hadrianus curatorem qui per triennium pupillo alimenta non praestiterat absque iusta causa, alloquitur — *propter hoc ergo datus es ut sume pupillum eneces?* *Dosithei lib. III §. 12.*

3 Sed quid, si et parentes expositi ignorentur, et nemo sit, qui misericordia ductus expositos tollat, cui enutritionis onus iniungendum? Sunt qui ad dominum territorii, vel eum qui altam, ut vocant, iurisdictionem habet, pertinere putant: alii ad civitatem in qua reperiuntur expositi: alii ad Ecclesiam. Ego hunc in finem instituta fuisse crediderim brephotrophia illa, quorum mentio fit in *L. 18., 22., et 23. C. de SS. Eccles.*, quae si qua in civitate deficient, ad orphanotrophia recurrendum; quam parum enim ab orphanu abest, quem pater ante deseruit, quam a vita desereretur? Quod si nec orphanotrophium sit, aut non sufficiat alendis expositis, videndum erit, quis successionem ab intestato sibi vindicet expositorum, ut ei etiam educationis incommodum imponatur, secundum *L. 10. D. de reg. iur.*

4 Obiter et illud attingendum (nam ad crimina et accusatione parum pertinet,) expositi, quorum parentes ignorantur, censendine legitimi, an spurii? Gabriel Palaetot, scriptor sane neque indoctus, neque inclegans contendit in dubio legitimos censendos; eo quod in meliorem partem praesumendum sit, cum non tantum spurii, sed et legitime nati exponi soleant: idque etiam historiae Summis viris contigisse memorent, veluti Mosi, Cyro, Paridi, Oedipo, atque etiam Reginae Babyloniorum Semiram. Nec solus pudor, aut infamiae metus expositionis causa est, sed et necessitas aliqua, aut instans periculum, aut egestas extrema. Cur igitur cum plures causae sint, non tam capiamus, qua favet conditioni expositorum? Haec quanquam speciose disseruntur, parum tamen nostris moribus atque terris congruere videntur. Nam si praesumptio est argumentum verisimile, sumtum ex eo, quod plerumque fit, aut fieri intelligitur, qui poterit in nostris terris praesumi legitima potius, quam illegitima expositorum nativitas? Tanta enim populis nostris in liberos affectio est, tam tener amor, ut expositiones legitime natorum rarissime, ac prope inaudita sint: contra quidquid huius fit, ab iis tantum fit, quas magna pudoris vis atque famigationis metus ad facius impellit.

Vid. Surd. de
alim. tit. 1 q
81. Moller.
4. semestr.
15. Sand. tit
des ult.
Mornae. in
L. 19 C. de
episc. aud.
et in omnia
ad cand. L.

Palaetot d.
noth. cap 63.
Menoch. d.
cas. 396 in
an. Christ 18
§. 6. n. 6.

Quare nisi argumentis aliquibus doceri possit legitime natum esse, qui abiectus est, in illegitimorum numero eum habebimus. Nec reclamabit nobis *L. 3. C. d. infant. expos.* quae macula tantum servitutis, vel adscriptitiae aut colonariae conditionis liberat expositum non etiam iura legitimorum tribuit. Valeat ergo Palaeoti sententia in Graecia, in Italia, ubi non solum luxuriosi, sed et legitimo matrimonio coniuncti liberorum expositiones faciebant (1).

CAPUT III.

DE IMPROBA MENDICITATE.

1. *Mendicitas improba an crimen,* | 2. *Severitas Ordinum in mendicos, et Aegyptios.*
et quae eius poena?

Etiam crimen extraordinarium est mendicare, cum vires habeas laboribus sufficientes. Mendici enim validi, qui per inertiam vitam transigunt, et stipibus corrogandis sibi probro, populo oneri sunt, apud peculiarem Quaestorem accusantur *ex Nov. 80. cap. 5.* Poena tamen non exprimitur gravior; traduntur operum publicorum artificibus, quibus si servire nolint, Urbe Constantinopoli expelluntur. Atque hac Novella abrogatur *L. ún. C. de medic. valid.*, ex qua servi dominum mutabant, et delatori acquirebantur: liberi vero delatoris coloni in perpetuum efficiebantur. Nec longe constitutio Iustiniani a lege Platonis discedit, qui *Lib. xi.* ita saenxit: *Nullus in civitate nostra mendicet sit. Quicumque vero id tentaverit, victumque in ex-*

(1) Equidem apud Romanos praesumptio pro legitimis natalibus expositorum facilius locum habere poterat, cum ipsi numerum legitimorum liberorum horrerent, et frequenter hos exponerent. Verum apud nos rarissimae, ac pene inauditae sunt legitime natalium expositiones, frequentissimae autem eorum, qui extra nuptias nascuntur. Cumque ex eo quod plerumque contingit, iura constituenda sint, expositi inter legitime natos hodie non recensentur.

plebilibus precibus colligere coeperit, a rerum venditum curatoribus e foro pellatur, ab aedilibus urbe, ab agri magistratu ex tota regione extert minetur; Cui autam placuerit mendicitatem iudicio extraordinario vindicare, non difficile dictu est. Proficiscitur enim ab inertia, quae sola Athenis crimen erat: ideoque, ut Valerius ait *Lib. II. cap. vi.*, producebatur e latebris suis in forum, perinde ac delictum aliquod, fiebatque ut facinorosae ita erubescendae rea culpa. Inertia porro egestatem gignit: utrique comes furacitas, aliaque faciuora. Phocyl. in *Sentent.*

Operare, ut ex propriis laboribus vivere possit.

2 *Omnis enim vir pigere de furtificis vivit manibus*

Quamobrem in sacris quoque, etsi iusserit Deus liberalitatem exerceri in pauperes, vetuit tamen in republica inertes atque mendicos tollerari, *Deut. xv. Cap. iv.* Haec considerantes Ordines nostri, Edicto anno clb. Io. xvi. promulgato sauxerunt, ut si quis absque indultu Praetoris, vel Officialis mendicaverit, si validus sit, primum carcere et virgis, nec non interdictione provinciae: postilla virgis, stigmate, exilio coerceatur: sin invalidus, primum carcere sine virgis; dehinc virgis, stigmate, et exilio puniatur. Et hoc quidem si invalidus ille in provincia natus sit: nam si peregrinus eadem poena tenetur, qua validus. Severius cum iis agitur, quos Zingaros et Aegyptios vulgus vocat: qui in provincia deprehensi prima vice virgis et interdictione provinciae, secundo vice virgis, stigmate et interdictione provinciae sub laquei comminatione puniuntur, ut pluribus videre licet *d. Edict. 3. 5. et 9.* Quae severitas etiam Frisiis placuit, 2. *tit. 8. §. 11.*, et merito; pessimum enim genus hominum, multisque nominibus damnandum: nam praeterquam quod otii et ignaviae caussam reip. reddere nequit, quod plebi, in primis rusticae grave sit, etiam in illam partem Legis Corneliae incidit, qua divinatores, et mathematici tenetur (1).

(1) De otiosis, qui in civitate tollerandi non sunt haec habet lecta et scita dignissima ill. Auctor. *dei delitti e delle Pene §. 34. — I*

CAPUT IV.

DE CARCERIS EFFRACTIONE.

Et his quorum opera, aut culpa Rei evaserunt

- | | |
|---|--|
| 1. An effractor carceris morte puniendus? | 4. Quid si iniussu carceratus erupit? |
| 2. An muri carceris sancti? | 5. Quid in eos statuendum, quorum dolo, aut culpa reus evaserit? |
| 3. Quae iudici consideranda in puniendis effractoribus? | |

Effractionem carceris crimen extraordinarium esse *L. 1. D. de effract. et expil.* arguit: sed quae poena criminis, admodum apud interpretes controversum est. Enata autem controversia ex verbis *JCrum*, qui de poena capitis cum sint loquuti, disputarunt interpretes, ultimumne supplicium sit intelligendum, an poena aliqua mitior. Nos verba primum ipsa *JCrum* adducemus: dein ex verbis demonstrabimus, verissimam esse eorum sententiam, qui ultimum supplicium intellexerunt. Ulpiani sunt in *d. L. 1. D. de effract.*, De his qui carcere effracto evaserunt, sumendum supplicium *Divi Fratres Amilio Tironi* rescripserunt. *Saturinus* etiam probat, eos qui de carcere eruperunt, sive effractis foribus, sive conspiratione cum ceteris qui in eadem custodia erant, capite puniendos, quod si per negligentiam custodum evaserunt, lenius puniendos. *Callistrati* in *L. 13. D. de custod. et exhib. reor*, In eos qui cum recepti essent in carcerem, conspiraverint, ut ruptis vinculis et effracto carcere eva-

Arg. art. 40.
gl. 6. in fin.
Stat. Amat.
L. 9. §. 3 Diss.
Gomes. a L.
T. 76. n. 12.

saggi governi non soffrono nel Seno del travaglio, e dell' industria l' ozio politico. Io chiamo ozio politico quello, che non contribuisce allo società nè col travaglio. nè colla ricchezza, che acquista senza giammai perdere, che venerato dal volgo con istupida ammirazione, riguardato dal saggio con isdegnosa compassione, per gli Esseri, che ne sono la Vittima, che essendo privo di quello stimolo della vita attiva, che è la necessità di custodire, o di aumentare i comodi della vita, lascia alle passioni di opinione, che non sono le meno forti, tutta la loro energia.

dant, amplius quam caussa ex qua recepti sunt reposcit, constituendum est, quamvis innocentes iuvantur ex eo crimine, propter quod impacti sunt in carcerem tamen, puniendi sunt. Eos vero, qui conspiracyem detexerint, relevandos Pauli in *L. 38. §. poen. D. de poen.*, Miles, qui ex carcere dato gladio erupit poena capitis, punitur. Eadem poena tenetur, et qui cum eo quem custodiebat, deseruit Marci in *L. 13. §. pen. D. de re milit.*, Eius fugam, qui sub custodia vel in carcere esset, discesserit, in numero desertorum non computandum Menander scripsit, quia custodiae refuga, non militiae desertor est. Eum tamen, qui carcere effracto fugerit, etiamsi ante non descruerit, capite puniendum Paulus scripsit. Ex his locis ita argumentor: Ait Ulpianus, De his qui carcere effracto evaserunt, supplicium sumendum: dein subiicit; capite puniendos esse. Supplicii vox alias quidem latius accipitur pro poena, ut apud Festum et Nonium in verbo supplicium, nec non apud Terentium in *Andr.*, cum dicit, pro magno peccato paulum supplicii satis esse patri; et Paulum v. *sent. xvi.*: hoc tamen loco ultimum supplicium ea vox denotare videtur. Capitalium enim poenarum tres sunt gradus, mors, servitus, exilium, *L. capitalium 28. D. de poen.* Servituti non satis quadrat verbum, et frustra hodie intelligas servitutem, postquam servitus poenae sublata est. *Nov. 22. cap. 8.* Sed nec exilium proprie supplicium est, verum perflugium magis portusque supplicii, ut Cicero dicit in *orat. pro Caecin.*: nam qui volebant poenam aliquam subterfugere, aut calamitatem, aufugiebant quasi ad aram in exilium: qui si in civitate manere voluissent, non prius civitatem, quam vitam amisissent. Relinquitur ergo, ut per supplicium hoc loco ultimum intelligamus, et extremam poenam, id est, mortem; quoniam in dubio non est a verborum proprietate recedendum, *L. non aliter 69. D. de legat. 3.* Hoc argumentum quanquam probabile est, necessariam tamen consequentiam non habet; poterat enim regeri, in dubio benignius leges esse interpretandas: itaque fortius argumentabimur ex verbis Macri, qui et capite

niendum militem effractorem aperte scripsit, et pro desertore habendum non obscure innuit. Cum enim dicit, *Eum qui ex carcere discesserit, in numero desertorum non computari*; contrario sensu indicat, eum qui carcerem effregit, in eo numero computandum. Desertionis vero poenam esse ultimum supplicium ex Menandri responso discimus; qui cum in *L. 5. §. desertor D. de re milit.* docuisset, desertorem capite puniri, subiecit *§. seq.*, *Eum qui ex desertione se obtulit in insulam deportari*. Per capitis igitur poenam in *§. praeced.* ultimum supplicium intellexerit, necesse est: Et alioqui plerisque legibus militaribus, quibus capitis poenae mentio fit, mortem intelligimus. Non effugies vim huius argumenti, si dixeris Macrum de militibus loqui, quorum admissa plerumque gravius puniantur, quam paganorum: nullam enim hac parte inter paganos, et milites differentiam esse, probari potest ex *L. milites 12. pr. et §. 1.*, et *L. ult. §. 2. D. de custod. et exhib. reor.*, quibus locis traditur, militem, qui fraudulenter custodiam dimiscrit, capite puniri: idemque observari circa paganorum personas. Igitur si in casu non dissimili nulla inter militem, et pagani distinctione observatur, consequens est. nec in proposita questione observandam. Est ex iis, qui nobiscum sentiunt, qui tertio adducto argumento sententiam hanc firmare conctur. Qui res sanctas violat, inquit, capite punitur, *L. ult. D. de rer. divis.*; sunt autem muri carceris non minus sancti, atque moenia et portae urbis: Id ubi ille legerit, non possum coniectare: in libris sane nostris non reperitur: et absurdum locum tenebris incultum, odore foedum, atque terribili facie, sanctum Romanis fuisse. Nec omnes muros civitatis sanctos JC. dicunt, sed moenia urbis, portas, propugnacula: quae qui traxerit capite punitur, quoniam hostile et abominandum videtur civem Romanum alia, quam per portam ingredi, d. *L. ult. D. de rer. divis.*: quae ratio muris carceris nequaquam convenit. Denique intra moenia multi fuere muri, sed publici, non sancti: veluti muri portus, theatri vel amphitheatri, aquae-quaeductum, thermarum pontium etc., quos quis

Land Peger.
decis. crim.
t. 2. 5.

fando accepit sanctos habitos? Et vero Romae carcer non pars moenium fuit, sed in media urbe, atque foro imminens, ab Anco Martio primum aedificatus, ut refert Livius *Lib. I. cap. xxxiii.*; qui igitur sanctus videri potuit? Quare transeat tertium istud argumentum, prioribusque duobus contenti simus (1).

Porro, quamvis in adductis JC rum responsis per poenam capitis ultimum supplicium intelligendum contenderimus, non tamen id ita accipi volumus, tanquam iudex semper effractoribus poenam mortis irrogare debeat, ac nunquam mitiorem infligere possit. Quippe crimen hoc extraordinarium est: necesse est ergo relinqui aliquid arbitrio iudicis; ut et personarum, et criminis admissi, et armorum, quibus effractor usus est, rationem habeat. Nam et, ut modo diximus, miles desertor capite punitur: et nihilo secius Menander respondit in *d. L. 5. D. de re milit.*, *Non omnes desertores similiter capite puniendos, sed et stipendiorum, ordinis, loci, muneris deserti, antea-ctae vitae, temporis, numeri desertorum, et eorum, quae postea gesta sunt, habendam rationem.* Quo enim vis in effringendo atrocior, quo qui effregit flagitiosior, eo etiam gravior poena infligenda; leniusque cum illis agendum, qui non tam effregerunt carcerem, quam negligentia custodum evaserunt, *d. L. 1. D. de effract.*, *d. L. 13, §. pen. D. de re milit.*: Idem de illis iudicandum, qui sine vi, arte, atque novo aliquo commento vigilantiam custodum eluserunt. Quod autem Doctores tradunt, non esse puniendum eum, qui iniuste fuerat carceri inclusus, id legibus minime consentaneum videtur; expressim enim Callistratus in *d. L. 23. D. de custod. reor.* dicit, *puniendos esse, quamvis innocentes inveniantur ex eo crimine, propter quod in carcerem*

Vide Farin.
q. 30. n. 150.
et seqq. Arg.
art. 49. § 1.6.
n. 3.

Farin. d. qu.
30. n. 120.
Clar. §. fin.
quaest. 21. n.
27. Menceh,
de arb. cas.
391. n. 15.
Iunb. 3. Inst.
3. lit. 2, in
fin.

(1) Nequeo adsentiri Auctori, absurdum scilicet esse ut apud Romanos carcer sanctus haberetur, cum sit locus tenebris incul-
tus, odore foedus, atque terribili facie. Sanctus namque dicitur
carcer, ne vis vinotis inferatur, ne quid contra locum publicum
quis moliri conetur. Vid. erudit Bernard de Ferrante *Iur. rom.
et neapolit. Hist. num.* 17.

impacti sunt. Nec quidquam ad rem facit *L. nihil. interest* 26. *D. de captiv. et postlim. revers.*; non enim loquitur de incarcerato a iudice, sed capto ab hostibus, qui seu vi, seu dolo hostium potestatem evaserit, ius postliminii habet.

Non solum vero puniuntur extra ordinem ipsi qui eruperunt, sed etiam qui opem eis tulerunt, et custodes, atque commentariensis, quorum aut fraudulentia: aut negligentia evaserunt, *L. 8. 10. 12. ult. D. de eustod. et exhib. reor*, *L. 4. C. eod.* (2). Quod si confessum in iudicio reum, et propter hoc in vincula coniectum quis emisit, etiam Lege Julia Maiestatis accusari potest. *L. 4. D. ad L. Jul. maiest.* (3). Mitius tamen agendum cum illis, qui summae affectionis causa, atque amoris vi victi, incarceratum exemerunt; nam et si receptaverint mitius puniuntur, *L. 2. D. de Receptat*. Nostra vero aetate etiam prorsus impune fuit uxori viri doctissimi, quae maritum maiestatis reum cistae inclusum callidissimo commento e carcere eduxerat (4).

(2) Ad Commentariensem quod spectat alia debet esse poena in eum statuta, si fraudulenter versatus fuerit in dimittenda custodia, alia vero, si tantam negligentia eustodiam amiserit. Vid. *L. 14. §. 2. D. de eustod. et exhib. reor*. Verum ex *L. 4. C. eod. tit.* inferitur Commentariensem i. e. Principem, ut ita dicam, carceris eustodem, si sub custodis ab eo carceri praepositi culpa aut dolo reus eustodiam evaserit, eadem poena puniri, qua ipsummet reum, qui fugit. Animadverit autem Iacob Gothofr. in *Comment. ad Cod. Theod. sub h. t.* in praxi hoc non obtinere. Ipso iure Visigotio tantum reperitur, ut custos eandem poenam, et damnum, quod ipsi rei fuerunt exceptori, sustineat, si eorum quos compeditos habuit, sine iudicis iussione aliqua fraude custodiam laxare praesumpserit. *Leg. Visigot. 7. Tit. 4. L. 3.*

(3) Qui confessum in iudicio reum, et propter hoc in vincula coniectum emisit, sunt verba cit. *L. 4. ad L. Jul. Maiest.* Dionys. Gothofr. in not. ad d. *L.* animadverit de eo tantum hoc esse accipiendum qui emittit reum confessum in iudicio perditionis, perinde ac si in ead. Leg. scriptum esset = Qui confessum in hoc iudicio reum, et propter hoc in vincula coniectum emisit.

(4) In opere, cui titulus = *Cod. de l'humanité, ou la Législ. universel. Artiel.* Grotius ita legitur = *Grotius fut enfermé dans le Château de Louvestein. Sa femme ayant obtenu de lui faire passer de livres, les lui envoya dans un grand coffret l'illustre prisonnier se mit dans ce coffre et s'échappa par cette ruse à ses persécuteurs.*

CAPUT V.

DE ILLICITIS PIGNORATIONIBUS
ET EMPTIONIBUS.

- | | |
|---|---|
| <p>1. <i>De his qui liberos debitoris pignori accipiunt.</i>
 2. <i>De his qui instrumenta agriculturae capiunt.</i>
 3. <i>De represaliis.</i>
 4. <i>De emptione purpurae, serici, annonae militaris.</i></p> | <p>5. <i>De medico, monopolis, conventionibus mercatorum vel opificum illicitis.</i>
 6. <i>Et an quae de his constituta producenda ad magistros, advocatos medicos, etc.</i></p> |
|---|---|

Plures quidem res in libris nostris enumerantur, quae pignori non possunt, non tamen omnium ea habetur ratio, ut si pignorate fuerint, crimen contrahatur. Crimen contrahitur, si creditor filiumfamilias pignori acceperit, quo casu relegatur, et ius crediti amittit, *L. ult. D. Quae res pign. oblig. non poss., Nov. 134. cap. 7. (1)*. Nec excusat eum debitoris consensus; scire enim debuit, non esse in potestate debitoris, liberos suos pignori obligare; idque cum dissimulat, ipse se circumvenit, *L. 6. C. eod., L. 1. et 2. C. de patr. qui fil. distr.* Excipiendus est sanguinolentus altellus; id est, rubens adhuc a matre, eum quia vendere licet ob nimiam paupertatem *ex d. L. 2. C. de patr. qui fil. distrax.*, consequens est etiam pignori posse ob extremam debitoris egestatem: Venditio enim servum facit, non oppignoratio. Crimen etiam contrahitur, si creditor, aut exsequutor, aut Praefectus pa-

(1) Praeter relegationem, et crediti amissionem hoc crimem coercetur et alia poena ut innuunt verba *Nov. 134. in cit. Cap.*, quae haec sunt: — iubemus, ut si quis huiusmodi aliquid deliquerit, non solum debito cadat, sed tantum aliam quantitatem adiciat dandam ei, qui retentus est ab eo, aut parentibus eius, et post hoc etiam corporalibus poenis ipsum subeat a laei Iudice.

gi, vel decurio servos aratores, aut boves aratorios, aut instrumentum aratorium pignoris causa de possessionibus abstraxerint; nam quia ex hac re tributorum illatio retardatur, ideo qui fecit, extraordinario supplicio subiugandus est, *L. exsequeutores 7. C. Quae res pign. oblig. poss.* (2). Quod tamen ita restringendum, ut si deficient res aliae, exsequeutor in subsidium possit instrumenta rustica capere: nam et stipendia militum, et commoda praemiorum, quae pro coronis athletis praestantur, prohibetur exsequeutor distrahere, et tamen si aliae res deficient, in haec quoque manum immittere poterit, *L. 4. C. de exsequeut. rei iud.*, *L. commodis 40. D. de re iud.* (3).

His admissis proximum est, si quis pro alterius debito, alterius res pignorerit, aut pro vicaneo convicaneum exegerit; Represalias et represalia utroque genere vulgus vocat: Praesalias etiam Fridericus in *Constit. Sicil. Lib. 1. Tit. viii. Petr. de Vineis v. Epist. xlviii.* incerto etymo. Vocantur etiam marchae, quoniam in limitibus regionum praecipue exercentur, quos marcas veteres Germani vocarunt. Docti clarigationem dicere malunt; Graeci *chnechyriasmon*, et *androlepsian*. Ita enim clarigationis verbum Livius accepisse videtur *Lib. viii.*, *Ut eius, qui cis, Tiberim deprehensus esset, usque ad mille pondo clarigatio esset.* Est autem clarigatio prohibita, eo quod prorsus repugnet naturali aequitati, pro alterius debito vel maleficio alium capi, detineri, exigi, *L. un. C. ut nul. ex vican. pro al. vic.* Et ideo qui fecerit, cum actionem amittit, tum in quadruplum dannatur, *Novel. 52. cap. 1.* Praesides provinciarum, et iudices atque officiales eorum, non solum damnum sarcire iubentur,

Turneb. 21.
advers. 1. Bo-
din. 1, de
rep. 8. sect.
66.

(2) Imo ex constitutione Frederici, unde excerpta est *Auth. agricultores (quae res pign. oblig. poss.)* creditor paucior poenam extraordinariam, notata existimatione, in quadruplum restituit oblatum.

(3) Verum id ipsum non exsequeutori, sed iudici permittitur. Vid. *cic. l. 4.*

Vid. Laud.
tract. de re-
pracs.

sed et exilio mutantur, *Nov. 134. cap. 4.* Usus tamen
seculi clarigationes reduxit: quod quam ratione fieri
potuerit, cum damnentur mores, qui naturali aequi-
tati adversantur, forte lector aliquis mirabitur. Sed
animadvertendum non passim represalias probari, sed
certis conditionibus: Nempe ut concedantur a Principe
vel eo, qui Principis partes gerit: ut qui impetrat, civis
noster fuerit, ut denegata ei sit iustitia ab iis, quibus
adversarius subiectus est, nec reperiat aliquem supe-
riorem, apud quem de iniuria quaeri possit. Hae con-
ditiones si concurrant, nequaquam existimandum re-
presalias adversari naturali aequitati. Nam si iuri gen-
tium, quod inter geotes naturalis ratio constituisse di-
citur, consentaneum est, ut si praedas hostis egerit, ci-
viumque nostrorum res abstulerit, Fecialis mittatur,
qui res repetat: quibus non redditis, bellum hosti indi-
catur, eorumque res atque homines vicissim capiantur:
qui minus illud iuri gentium consentaneum videri de-
bet, etiam aes alienum, si ius non reddat iudex adver-
sarii, pignorationibus cum rerum, tum personarum uti?
Non enim ea est facies hodie orbis atque regionum,
quae fuit olim. Olim universus prope terrarum orbis
unius Caesaris nutu regebatur, nec potuit quisquam
de denegato iure et iustitia queri, cum sacra anchora
atque extrema spes ei esset Princeps. Hodie contra or-
bis non solum in regna plura divisus est, verum etiam
ad minutos quosdam Principes et Respublicas particu-
lae eius redierunt: unde facile fit, ut ius denegetur,
nec tamen sit, qui appellatus mederi rebus tuis possit.
Utilissimum igitur eo casu, atque etiam aequissimum
clarigationis auxilium (4).

(4) Statim ac civitas expostulate satisfacere detrectat, ipsa civi-
tas damni causa habetur, nec privata amplius iniuria, sed publica
vindictatur, ex qua non in laedentem dumtaxat, sed in omnes ius
oritur. Ideo autem represalias, summae potestatis decreto non ac-
cedente, exercere non licet, quod belli praeludia sint, et belli ius
tamen sit apud summam potestatem nec quisquam possit sibi illud
vindicare, quin laesae maiestatis crimen contrahere consequatur. Vid.
prae ceteris Binkers. *Quaest. iur. pub. lib. 1. Cap. 24.*

Emptionibus illicitis crimen contrahitur, si privatus purpuram vendat, si sericum emata barbaris sine Comite commerciorum, si frumenta, aut canonem militarem quis emat vendatve: quibus casibus poena capitalis infligitur *L. 1. 2. 3. 4. C. Quae res ven. non pos.* Et purpura quidem omnino eximitur commercio privatorum, adeo ut nec vestes purpura praetextas cishaere liceat, seu purpurea segmenta aut institas, *d. L. 1. C. eod., L. pen. C. de vest. holos.*, quas tamen permisit rursum Leo Nov. 80. Sericum non omnino eximitur hominum privatorum commercio, licetque viris subsericas, matronis etiam holosericas vestes gestare: statuitur tamen modus commercii, ut ne Romani atque Barbari seu Persae ultra fines lege definitos inter se negotientur sine Comite commerciorum, *d. L. 2. C. Quae res ven. non pos., L. 4. et ult. C. de commerc. et mercat., d. L. pen. C. de vestib. holos. et aurat.* Ratio prohibitionis colligitur ex *eod. L. pen. et d. Nov. Leon. 80.* usum purpurae vestiumque holosericarum Princeps sibi suaeque domui receperat, quod videretur eminentia eius adversari, eodem cultu privatos, quo Principem conspici. Quae ratio si vera est, sequitur eos, qui contra fecerint, non extra ordinem, sed publico maiestatis crimine teneri; uti sane et *d. L. pen.* innuit, cum ait transgressores *ad similitudinem laesae maiestatis periculum subituros*. Quod ad sericum attinet, adferri et aliae caussae possunt, cur libero eius commercio privatis fuerit interdictum: nempe, ne si absque Comite commerciorum privati negotiari possent, alieni regni scrutarentur arcana, *d. L. 4. C. de comm. et mercat.* Ne luxu crescente pecuniae Romanorum paulatim exportarentur ad hostiles nationes: erat enim tum temporis tam pretiosum sericum, ut singulae librae totidem auri libris expenderentur. Et de exportatione pecuniarum iam olim Tiberius in Senatu questus erat, ut apud Tacit. iii. *Annal.* Quid primum prohibere et priscum ad morem recidere adgrediar? villarumne infinita spatia, familiarum numerum et nationes? argenti et auri pondus? aeris tabularumque miracula? promiscuus viris et feminis

vestes, atque illa feminarum propria, quæ lapidum causa pecunie nostræ ad externas et hostiles gentes transferuntur?

- 5 **Contrahitur etiam crimen, si medicus adversis medicamentis datis ægrotum compulerit sibi aliquid vendere: etenim præter restitutionem rei, incivile factum Praeses coercet, L. 3. D. de Extr. cognit.** Si qui monopolium exerceuerint id est, facultatem distrahendi mercem cuiuscunque generis, usque ad pectines et echinos, id est, herinaceos, quorum cute vestes expoliuntur, exclusis aliis ususpaverint. Poena est exilium et bonorum publicatio, *L. ult. C. de monopol.*, a qua non excusat sacrum oraculum; rescripta enim eiusmodi contra publicam utilitatem elicitæ non valent (5). *L. ult. C. Si cont. ius. vel util. publ.* His proximi sunt mercatores, qui paciscuntur invicem, ne cui merces suas, nisi pretio inter ipsos convento distrahere liceat. Poena est XL. librarum auri: Cui subiiciuntur, et artifices qui pacti sunt ne opus ab uno coeptum alius adimpleat, *d. L. un. C. de monopol.* Nec longius recedit conspiratio agricolarum, nautarum, artificum, negotiatorum, qui mercedes in immensum augent; nam si plus more veteri exegerint, triplum inferre fisco coguntur, *Nov. 122.* In qua *Nov.*, ut hoc obiter adiciatur, etsi nonnulli verba ista, *Ne quis in posterum cuiuscunque disciplinae, aut artis magister*, de ludimagistris intellexerint, atque etiam in praefatione aperte mentionem fecerint eorum, qui ludos literarios exercent; tamen id recte ab eis factum non est.
- Stat. Fris. l. 1.
2. c. 6.
- Plin. 8. c. 37.
- Moller. 64.
semestr. 12.

(5) Fateor et ipse io bene constituta Republica monopolii exercitum permitti non oportere. Nefas enim est in genere, ut ius singulare uni tantum concessum, qui aliquid mercium genus solus emat, solusque vendat, ad utilitatem, non autem ad Reipublicae detrimentum pertineat. Verum cum utilitas publica civilis iustitiae regula sit, fieri aliquando potest, ut Reipublicae expediat Monopolium concedere. Equidem omnes publicarum rerum rationes adeo supputare non possumus, ut sententiam eorum qui asserunt nullam esse posse Reipublicare conditionem, in qua Monopolii concessio licita, ita absolute et audacter pronunciare liceat. Vid. præ ceteris Vattel *Droit des Gens libr. 1. Chap. 8. §. 27.*

Verbum enim *methodeias*, ut Cuiacius observat, non ludum literarium significat, sed conventiones, sive conventus hominum et mercatus. Illud nihilominus recte quis defenderit, sententiam constitutionum producendam ad eos quoque, qui docent, qui causas orant, qui medicinam faciunt, si stimulante avaritia didacta, atque salaria sua immensum augeant, et contra quam aut lege, aut more civitatis constitutum est, reip. graves sint. Hoc enim est, ut non nemo dicebat, ex Musis virginibus facere meretrices. Non possum, quin adscribam elegantissimum Platonis locum ex x. de Legib. quandoquidem ad illustranda superiora non parum confert. *Vulcano et Palladi opificum genus, qui vitam nobis suis artibus instruxerunt, consecratum est. Hi profecto Deos auctores veriti neminem mendacio decipere debent. Si autem artificum aliquis tempore statuto opus per malitiam non absolverit, ac Deum vitae datorum caecitate quadam animi agnoscere sibi tanquam domesticum suum aliquem arbitratus, ipsum minime vereatur primum ipsi Deo poenas dabit: deinde hac lege reus factus operis quod in tempore non fecit, mercedem persolvat; ac ab initio rursus in eodem spatio temporis opus gratis efficiat. Sed quod venditori de rerum venalium pretio lex consulit, id ipsum opifici quoque consulit. Caveat ergo ne plaris quam aequum est ipse suum liceatur opus: sed quam simplicissime, et ut dignum est licitatio fiat. Non enim ignorat artifex, quo pretio dignum opus suum sit. Nec debet in libera civitate artifex arte ipsa, quae aperta res est, et a mendacio longe remota, rudes decipere. In his igitur iniuriam patienti adversus facientem iudicium reddatur.*

CAPUT VI.

DE FOENERATIONE, ALEA, ET EBRIETATE

- | | |
|--|---|
| 1. <i>Foeneratio non est crimen extraordinarium.</i> | } <i>ludendi causa facta sit ?</i>
<i>Suasiuneulae et blanditiae an</i>
<i>vis appellatione continentur ?</i>
<i>3. Nec ebrietas crimen extraordinarium est.</i> |
| 2. <i>De foeneratoribus, quo loco censendi ?</i> | |
| 3. <i>Alea non est crimen, nisi vis</i> | |

Ad crimina extraordinaria non pauci, neque ignobiles interpretes referunt etiam improbam foenerationem, qua vel usurae usurarum exiguntur, vel alioqui modus legis exceditur. Et id ipsum tamen an recte ab iis fiat, difficilis est quaestio, quaeque omnium ingenia exercuit, teste Menochio. Argumenta eorum qui affirmant haec sunt; Dolum plerumque et fallacias adhibent, qui usuras indebitas exigit, igitur in stellationem incidat necesse est. Adhaec delinquit adversus Principum constitutiones, quibus modus certus usuris datus est: puniendus ergo tanquam contumax atque inobediens. Postremo omne delictum vel civiliter, vel eriminaliter extra ordinem vindicari potest. Est autem foeneratio improba delictum: Extra ordinem igitur accusari poterit. His adiici ex historia Romana poterant ista: Vetus urbi foenebre fuisse malum, et seditionum discordiarumque creberrimam causam, eoque cohibitum antiquis et minus corruptis moribus, accusantibus foeneratores Aedilibus Curulibus, multisque damnatorum in opera publica conversis. Postquam veteres rogationes exolvere, cautum ea de re lege Dictatoris Caesaris et publica quidem quaestione: id enim arguere Taciti verba, cum ait, *Tiberii principatu magnam vim accusatorum in eos irrupisse, qui, pecunias foenore auctitabant eamque quaestionem Graccho Praetori evenisse.* Ea porro Legis Juliae pars etsi in libris nostris non reperiatur, aequum tamen esse, si non publica, saltem extraor-

Alc. in c. 1.
n 5. d. of
offic. ord.
Covar. 3 re-
5. n. 4. Mol.
tract. de u-
sur. n. 156.
Menoch. 2.
de arb. cas.
393. n. 14.
Radel. dec.
99. Tacit. 6.
annal. cap. 3.
Liv liv. 7.
cap. 15. 27.
Et lib. 10.
cap. 23. lib
36. cap. 7. 41.

dinaria quaestione hoc reip. malum vindicari: in primis cum canones quoque Pontificii hoc crimen multiplicibus poenis coercerant: nempe infamia, excommunicatione, denegatione sepulturae, et aliis nonnullis, *C. quia in omnibus, de usur., C. 1. et ult. eod. tit. in 6.*

Verum non obstantibus istis, recte Baldum animadvertisse puto, non esse crimen extraordinarium improbam foenerationem: propterea quod nullo loco id scriptum reperitur in libris Iustiniani; neque enim canonum hic nobis habenda ratio, qui nedum improbam, sed omnem foenerationem damnant. Scriptum quidem in *L. improbum 20. C. Ex quib. caus. infam. irrog.*, improbum foenus exercentibus infamiam inuri, sed neque accusationis, neque puniendi rei extra ordinem ulla mentio. Reliquis autem constitutionibus expressum est illud duntaxat, ut quod quis ultra legitimum modum exegerit, vel imputare sorti, vel restituere debitori debeat, non ut etiam poenam extraordinariam sufferre, *L. si non sortem 26. D. de cond. indeb. L. eos 26. §. si quis autem, L. ut nullo modo 28. C. de usur.* Adicit Baldus et hoc argumentum, quod volenti non fiat iniuria, *L. 1. §. usque adeo D. de iniur.* Ideoque neque crimen admitti a foeneratore, neque aequum esse, ei, qui maioribus usuris mutuatus est, accusationem extraordinariam dari. Huic argumento quantum tribuendum, ex illis diiudicari poterit, quae in prolegomenis *cap. 111.* disseruimus. Quod autem ad rationes dissentientium attinet, eae plane enervessunt, atque sua sponte collabuntur. Quae ex historiis adiecit ipsi, eiusdem generis: non enim si equum est Legem Juliam hodieque observari, idcirco viridem eius observantiam probaveris cum adversus ea omnia sufficiat illud vulgatum; *Erubescimus sine lege loqui.* Dices, Ergone foeneratores probas? Minime vero, nam quos lex improbos atque infames vocat, qui possims probare? Extra tamen crimen esse aio, quoniam nulla lege accusationem proditam comperio. Multo minus accusationi subiacent hodierni trepezite, quos etiam publica conniventia non solum a crimine, sed et ab infamia liberat: tametsi laudandi propterea non sint,

Bald. in *L. improbum.*
C. Ex quib. caus. infam. irrog.

qui hoc vitae genus sectantur, multoque minus illis praefereendi, quorum quaestus innocentior est. Permittuntur enim interdum quaedam in civitate tanquam necessaria mala, vincitur saepe honestum ab utili, pravis moribus falsaque specie: quo casu publicus permissus honestatem illis, quae permittuntur, conciliare minime potest. Ut mirer esse, qui cum agricolis, mercatoribus, opificibus hoc genus hominum contendere non dubitent, multum profecto alieni a Platonis sensu, qui foeneratores omnes damnat; opifices, quod vitam hominum instruant, etiam Vulcano et Minervae sacros facit (1).

Plat. 6 et 11.
de legib.

3 Aleam quoque ad crimina extraordinaria multi referunt, eo quod Senatus consulto vetitum sit in pecuniam ludere, praeterquam si quis certet hasta, vel pilo iacendo, vel currendo, saliendo, luctando, pugnando; quod virtutis causa fiat, *L. 2. et 3. D. de aleat.*, quodque constitutione Justiniani omnis aleae seu fortunae lusus prohibeatur, exceptis quinque, qui virtutis speciem habent, nempe saltu singulari, saltu conto suffulto, iaculatione hastae, vel pili sine cuspidē, eolluctatione et curriculo equorum, *L. 1. et 3. C. eod.* Verum hoc quoque non recte ab eis factum esse, ipse ille Constitutiones clamant, quae neque de accusatione, neque de poena extra ordinem infligenda loquuntur; sed hoc duntaxat volunt, ut si quid victus solverit, intra annos *L. condicere* possit: eo cessante, in

Clar. 5. sent.
§. ludus. n.
6. Farin. qu.
109. n. 26.
57.

Rauchbar
part. 2. qu.
25. n. 25.

(1) Cum id, quod in fœnore exercendo supra modum lege statutum agitur, sic improbetur, ut petitio creditori denegetur ad consequendas usuras immodicas, et debitori actio intra certum tempus concedatur ad recuperanda, quae ultra modum solverit, non video, cur his rigidiores iuris sanctiones adversus improbos fœneratores addi oporteat. his potius fraudibus severiori sanctione Legislator occurrere debet, quibus avidi fœneratores miserorum patrimonia exiguo tempore exhauriunt, tum amplissimam materiam praebent malis moribus, litibus inimicitiis Neque id effugit mentem Leopoldi II. qui in suo Cod. statutis poenis eos praesertim coercere studuit, qui simulato contractu, aliove quaesito colore immodica usuras exigere, ac defendere satagunt. Vide *laud. Cod. art. 80. usque ad 85.*

urbe Praefectus urbi, in Provinciis et municipiis Praesides et defensores civitatum condicant, erogatur pecuniam exactam in opera publica. Sin pecuniam victus nec dum solverit, ut ne eius exactionem victor nec dum solverit, ut ne eius exactionem victor habeat: cautio quoque, si qua fuerit en nomine interposita, ut irrita sit, et condici possit. Haec legum poena est, qua cententi esse debemus, *L. si stipulatio 19. D. de verb. oblig.* Nec nisi uno alteroque casu accusatio datur: nempe, si quis aleae ludendae causa vim intulerit, hic enim gravi multa coercetur, aut in lautumias, vel vincula publica ducitur, *L. 1. §. ult. D. de aleot.* Et alioqui vis sola per se erimen est, ut etiam publica quaestione vindicetur, *Tit. D. ad L. Iul. de vi.* Item si quis domum praebuerit aleatoribus, domus enim susceptoris publicatur, *L. 2. C. eod.* Est autem publicatio criminis argumentum. His exceptis casibus graviolem poenam non timent aleatores. Optandum sane foret, hodieque Aediles esse, qui udos homines e popinis rapiant, ac nec Saturnalibus optimo dierum aleae frena laxent: gignit enim, ut Horatii verbis utar, ludus trepidum certamen et iram, ira truces inimicitias et funebre bellum. Quae ibi cupiditas fallendi? quanta temporis iactura? quot periuria et blasphemiae? quae deniquae bonorum morum corruptela? ut merito vitia urbis enumerans Marcellinus, non in fimo loco aleam collocaverit, cui nobiles aeqne atque plebeios deditos fuisse queritur. Decoctis enim bonis, quic aliud sperandum a perditis civibus, quam flagitatio Legis agrariae et novarum tabularum, et alia huiusmodi, quibus ad extremum resp. pessundatur? Sed haec nos quoque incassum, quemadmodum ille (2).

Amm. Marc.
lib. 28.

(2) Mirum equidem quod de aleae studio Germanorum refert Tacitus de morib. German. 24. = Aleam (quid mirere) sobrii inter seria exercent, tanta lucrandi perdenrive temeritate ut quum omnia defecerunt, extremo, ac novissimo tactu de libertate, ac de corpore contendunt. Victus voluntariam servitutem adit: quamvis robustior, adligari se ac venire patitur: ea est in re prava pervicacia: ipsi fidem vocant Momentosa profecto animaversio, quam Le-

- 4 Quaesitum est hoc loco, cum gravius agatur cum eo, qui aleae ludendae causam vim intulit, an suasiones quoque et blandimenta pro vi accipienda? Quod quanquam nonnulli affirmant, tamen perspicue falsum est, et reclamat Paulus in *L. 2. D. Quod. med. caus.* vim definiens maioris rei impetum, qui repelli non potest. Haec verbi proprietas, a qua non est recedendum, nisi ubi evidens est legislatoris voluntas. Et ante Paulum Papinianus in *L. ult. D. si quis aliqu. testatur prohib.*, ita aperte evim a blanditiis separat, ut omnem contradicendi ansam praecidere videatur.
- 5 Quod de foeneratione et alea diximus, id idem intelligendum de ebrietate: nempe grave quidem peccatum esse ebrietatem, gravius ebriositatem, cum Paulus Apostolus 1. *Corinth. 6.* ebriosos iungat scortatoribus et raptoribus accusationem tamen eo nomine proditam non esse. Ac nescio an non satius sit non tangere adultum ac praevalidum vitium, quam frustra tentatis remediis patefacere. quibus flagitiis impares simus (3). Biberunt olim ad ebrietatem Scythae Persae, Galli, Hispani, Thraces, Carthaginenses, ut Plato testatur, bibuntque hodie Germani reliquaeque ad boream gentes ita perditae atque damnosae, vix ut spes ulla melioris frugis sit. Quid enim profecit Carolus V. cum, ut in Belgio amputaret bibendi causas, Edicto encaenia ad unicum diem reduxit? adeo nihil, ut ne invallescere quidem usu Edictum potuerit. Quid idem Carolus? quid Rudolphus aliique Caesares in Germania, cum constitutionibus imperii propinationes seu invitationes, magnis praesertim poculis, fieri vetuerant? Est omni remedio ardentior sitis, quam extinguere facilius quam restinguere possis, ut incassum se legislatores fatigent. Nisi dixeris forte, non tam vitii vires in causa esse, quam indulgentiam la-

Zip. not. tit.
ad leg. Corn.
de sic. Vid.
Comit. Aug.
gus. an. 1549.
tit. vom Zü-
krincken.
Comit. Ernn
col. an. 1577.
tit. 8.

gumlatores in iis, quae ad aleam pertinent definiendis, negligere non debent.

(3) Gravis haec et vere aurea est Taciti sententia *Annal. lib. 3.*

torum, qui aut subiectis sibi genibus exemplo non praeivere, aut nimia lenitate leges suas conculcari sivere. Ceterum si exemplo boni, poene metu ignavi excitentur, furtum, ut brevi mores, qui nunc dissoluti sunt, ad leges sobrietatis adstringantur. Non enim vitium hoc per se insanabile esse, iidem Galli, Hispani, atque Carthaginenses documento sunt, qui cum olim, ut Plato testatur, poculis indulserint, hodie eam notam prorsus eluerunt. Et Romae luxur mensae per annos centum profusis sumptibus exerciti, paulatim exolevere. Praecipuus tamen adstricti moris auctor Vespasianus fuit, antiquo ipse cultu victuque, obsequium inde in Principem, et aemulandi amor validior, quam poena ex legibus et metus. Sed et rebus forte cunctis velut quidam orbis inest, ut quemadmodum temporum vices, ita morum vertantur. Laudandi igitur, qui non desperant, ut Minos sapientissimus legislator, qui quanquam Cretenses *semper ventres pigri*, legem tamen de ebrietate vitanda pertulit. Lacaedemonii vero, quanquam reliqui Graeci coronati biberent, adeo non indulserunt sibi, ut etiam cuivis permiserint obvium ebrium maximo statim supplicio adficere, etiamsi fortasse Bacchanalia argereutur. Tantum nimirum cura valuit, et amor honesti, ut homines solo naturalis rationis lumine contenti, inter madidos siccitatis laudem tuerentur: cur ergo de nobis desperemus, qui praeter naturam ducem, etiam coelesti suffragio ante illos muniti sumus?

Plato. lib. 1.
de legib Tac.
cit. 3. annal.

Plat. in M.
nos.

LIBER XLVIII. DIG.

TIT. I.

DE PUBLICIS IUDICIIS.

CAPUT I.

- | | |
|---|---|
| 1. Quid sit publicum crimen? | } paliter numen offenditur, publicum? |
| 2. Per exsequutionem accusationem intelligendam ostenditur contra Goveanum. | |
| 3. Cur adiecta definitioni vox plerumque? | |
| 4. An omne crimen, quo princi- | |
| 5. Quomodo dividantur publica crimina! | } 6. Quae communia publicorum iudiciorum! |

Superiore libro de criminibus privitis seu extraordinariis actum est: praesenti non solum de publicis, sed et de ipsis accusationibus et processu, atque exitu earum agendum. Publica crimina dicta sunt, quod cuivis e populo exsequutio eorum plerumque datur, §. 1. *Inst. de publ. iud.* Per exsequutionem accusationem intelligunt omnes, etiam doctissimus Cuiacius: ac solus propemodum Goveanus, timens ne haec notatio popularibus quoque actionibus conveniat, intelligit cognitionem; publica dicta existimans, quod Populi olim cognitio esset, qui Lege lata quaestionis et quaestionum iudices constituebat. Cum enim Valeria Lege cautum esset, ne in caput civis Romani iniussu populi animadverteretur, Quaestores constituti sunt a Populo, qui capitalibus rebus praecessent, L. 2. §. et quia *D. de orig. iur.* (1): corruptaque repubblica

Cuiac. 8. obs.
3. Govean. 1.
var. lect. 27.
Decian. 5.
crisp. n. 6.

Tacit. 3. ann.

(1) Capitales res, quae et publicae quaestiones dicebantur a Quaestoribus parceri, ut eos Festus appellat, initio extraordinariae erant, nam demandabantur pertractandae, prout inciderent, vel Consulibus, vel Dictatori vel cuidam Praetori. Sed. A. V. DCIV. quaedam publicae quaestiones, quas poterant in posterum recidere, coeperunt cuidam praetori in singulos annos demandari ea formula — *De ea re Praetoris Quaestio est*: et ita perpetuae, atque ordinariae factae sunt: harum prima fuit quaestio re-

eo tandem devenit, ut non modo in commune, sed in singulos homines latae fuerint quaestiones. Ego a communi interpretatione recedendum non puto: non enim sit verisimile, Iustinianum in hac nominis significatione ad stantem potius rempublicam, quam usum sui seculi respexisse, quo Populus omnem potestatem amiserat, translato Lege Regia imperio in Principem. Id arguit vox, *plerumque* quam haud dubie adiecit propter Legem Constantini, qua marito tantum, patri, patri, patruo, avunculo licet adulterium accusare. *L. quamvis 30. C. ad L. Iul. de adult.*, nec non propter crimen suppositi partus, quod, quamquam falsi species est, accusant tamen soli parentes, et ii ad quos ea res pertinet, ut scribit Modestinus in *L. lege 30. §. 1. D. ad L. Corn. de fals.* Neque vero novum est, *exsequutionis* verbum pro accusatione capi: ita enim Ulpianus in *L. 1. §. 1. D. de incend. ruin. naufr.*, *Huius edicti utilitas evidens, et iustissima severitas est: si quidem publice interest, nihil rapi ex huiusmodi casibus. Et quanquam sint de his fasinatoribus etiam criminum exsequutiones, attamen recte Praetor fecit, qui forenses quoque actiones criminibus, istis praeposuit.* Macer in *L. 11. D. de accusat.*, *Hi tamen omnes, si suam iniuriam exsequantur, mortemve propinquorum defendant, ab accusatione non excluduntur.* Ulpianus in *L. 1. §. 1. D. de privat. del.*, *Herodem autem furti agere posse aequae constat; exsequutio enim quorundam delictorum heredibus data est.* Idem in *L. Praetor 7. §. 1. D. de iniur.*, *Atqui solemus dicere, ex quibus causis publica sint iudicia, ex his causis non esse nos prohibendos, quo minus et privato agamus: Est hoc verum; sed ubi non principaliter de ea re agitur, quae habet publicam exsequutionem.* Idem in *L. 3. D. de hom. lib. exh.*, *Quod et lex*

petundarum, deinde de peculatu, demum de maiestate, et denique de ambitu. At postea hisce quatuor perpetuae quaestiones adiectae fuere a Lucio Cornelio Sylla neque de sicariis, veneficiis, falso, et paricidio. Vid. Sig. *de iudic. lib. 2. Cap. 4.*

Fabia prospexit, neque hoc interdictum aufert Legis Fabiae exsequutionem, nam et hoc interdicto agi poterit, et nihilominus accusatio Legis Fabiae institui Adde Impp. in *L. 1. et ult. C. ad SC. Turpil.* Apud alios quoque auctores latius hoc verbum accipitur, ut apud Livium *Lib. 1.* pro persequutione hostili: *Iunius Brutus iurat, se L. Tarquinium, cum scelerata coniuge et liberis, ferro, igni, et quacumque dehinc vi exsequuturum.* Exsequi sermonem Plautus dixit, in *Trinum.*; *Nolo te cum improbis viris, neque in via, neque in foro ullum sermonem exsequi.* Ceterum frustra timuit Goveanus, ne populares actiones cum publicis iudiciis per superiorem interpretationem confundantur; cum aliud sit actio, aliud accusatio. Publica iudicia non per actiones, sed per accusationes ordinantur, *pr. Inst. de publ. iud.* Et in his alius reorum habitus, alii iudices, alia cognitionis forma, graviores denique sententiae, quam in forensibus actionibus.

Diximus verbum, *plerumque*, adiectum propter crimen adulterii, et suppositionem partus: videamus an recte: alii enim id verbum referunt ad eas personas, quibus accusare non licet: eosque sequitur Fr. Hotomannus. Verum, cum tacite hoc orationi Imperatoris insit, ut ita demum cuivis e populo accusatio deferatur si non lege ius accusandi ademptum sit, rectius referemus hoc verbum ad superiöra crimina. Neque enim ex ipsa definitione intelligi potuit, esse quoddam publica crimina, et accusationem tamen non patere cuivis e populo, nisi particula ista fuisset definitioni inserta. At quomodo publica, si ius accusandi publicum non est? Respondeo: publica, quantum ad Legem, poenam, et reliquum iudicii ordinem atque exitum non publica, quantum ad accusandi facultatem.

4 Porro interpretes superiore definitione non contenti, eo amplius adiiciunt, omne crimen, quo primario et principaliter maiestas divini numinis offenditur, publicum esse: tum quod pertineat ad omnium iniuriam, tum quod impune facile sit futurum, nisi id cuivis liceat accusare. Et in universum in definiendo

Hotom. in
com. ad d.
§. 1. Inst. de
pub. iud.

Decian. 5. c.
4. n. 7. Clar.
5. sent. §. 1.
n. 2. Gomes.
3. resol. 1. n.
2. Farin. qu.
18. n. 10.

crimine publico tribus utuntur axiomatibus: quorum primum est, *Omne crimen publicum est, quod certa Lege publicum esse iubetur.* II. *Omne crimen publicum est, quod pertinet ad iniuriam Principis.* III. *Omne crimen publicum est, quod principaliter respicit offensam Dei.* Ex his primum et secundum extra dubitationis aleam posita sunt; tertium in controversiam deducendum est. Firmant id interpretes ex *L. ult. C. de malef. et mathem., L. 4. C. de haeret., L. quod Senatusconsultum 6. D. de iniur.* In *d. L. ult.* traditur, hostem communis salutis, a quocunque accusari posse: Sunt autem communis salutis hostes, qui violant maiestatem divinam. In *d. L. 4.* haeresin Manichaeorum et Donatistarum publicum crimen esse debere; quoniam, quod in religionem divinam committitur, in omnium fertur iniuriam. In *d. L. 6.* Si carmen famosum scriptum sit, non adiecto nomine eius, in quem factum est, tunc, quia difficilis probatio est, publica quaestione rem vindicari. Ad has rationes si accesserit definitio privatorum seu extraordinariorum criminum, quam proposuimus in *prolegomenis*, res conclamata videbitur. Diximus enim privata crimina esse, quorum accusatio non cuivis e populo, sed iis competit, ad quos ea res, seu iniuria pertinet. At iniuria Numini facta ad privatos propriae et peculiariter non pertinet, non certe ad Titium magis, quam ad Maevium; consequens ergo, ni velimus impunitam esse, tam Maevio, quam Titio, id est, cuivis e populo accusationem dari. Verum utcunque rationes hae speciosae videantur, non patior tamen me dimoveri a responso Macri, *tit. de publ. iud: L. 1., Non omnia iudicia in quibus crimen vertitur, et publica sunt, sed ea tantum, quae Legibus publicorum iudiciorum veniunt.* Quo responso admonemur, ubicunque lex deficit, ibi publicum crimen esse non posse: non est autem lex ulla in libris nostris, quae iusserit iniuriam omnem Numini factam publicum crimen esse. Non *L. ult. C. de malef. et mathem.,* quae tantum de mathematicis loquitur; adiecta quidem generali ratione, sed non generali dispositione. Notum est enim in iis,

quæ specialem legem desiderant, utcunque ratio per, eademve sit, non tamen valere argumentum a simili, ac ne quidem a maiori ad minus, *L. 1. et ib. DD. D. de off. ei cui mand. est iurisd.*, *L. inter poenas 6. §. 1. D. de interd. et releg.* Non *L. 4. C. de haeret.*, cuius similiter ratio quidem generalis, dispositio specialis est. Loquitur enim de Manichæis tantum et Donatistis, quos *L. 5. eod. tit.* ad imam usque scelerum nequitia pervenisse dicit. Manichæis iunguntur Apostatae, et ipsi omnium sceleratissimi, *L. 4. C. de apost.* De quavis haeresi ea constitutio non loquitur, quamvis verum sit, omnem haeresin in religionem divinam impingere. Excipienda est, quæ tendit ad perturbationem reipublicae: huiusmodi enim collegium qui contrahunt, ea poena puniuntur, qua tenetur, qui hominibus armatis loca publica vel templa occuparunt, *L. 2. D. de colleg.* Non denique *L. 6. D. de iniur.*, cuius ne ratio quidem generalis videtur, tantum abest ut decisio; non enim Senatus quidquam de iniuria Numini facta cavit, sed de iniuria facta per famosum libellum, tacito tamen nomine eius, cui facta est: hanc voluit vindicari publica quaestione. Quod autem attinet ad argumentum ex definitione privatorum criminum desumptum, defore videlicet accusatorem, si non coivis e populo exsequutio deferatur: id ita evitare poterimus. Non propterea defuturus est accusator, si non cuivis e populo exsequutio deferatur: tametsi enim violatio Numinis ad omnium iniuriam pertinere videatur, tamen peculiari quodam modo ad eos pertinet, quorum causa Numen laesum est: Veluti, si cum convitiis me incesseres, impius adhibueris execrationes, et blasphemata verba, ad me peculiariter istius criminis exsequutio pertinet: aut si cum delatum tibi esset iusiurandum, vel ex conventionem, vel officio iudicis, adversum me peieraveris, mea quodammodo iniuria est. Quanquam et quod ad blasphemiam attinet, sacrilegii species esse videatur: sunt enim sacrilegi, qui legis divinae sanctitatem violant, *L. 1. C. de crim. sacril.*, violant autem vel maxime blasphemum. Adhuc quamquam accusare huiusmodi

crimen quivis ex populo non possit, deferre tamen et nuntiare omnes possunt, ut qui iurisdictioni criminali praeest, ex officio in reum inquirat, convictumque condemnet. Non magnum igitur periculum, ne abeant impuniti, quicumque iniuriam Numini intulerint.

Dividuntur crimina publica in capitalia, et nec capitalia. Capitalia sunt, quibus damnato aut vita eripitur, aut libertas, aut civitas. Non capitalia, eum citra vitae libertatis, atque civitatis dispendium, coërcitionem aliquam reus sustinet, *L. 2. D. de publ. iud.*, *L. 6. §. nunc. genere, et LL. seqq.*, *L. capitalium* 28. *D. de poen.* Hanc divisionem, quoniam communis est omnibus criminibus, tam privatis quam publicis, operosius nunc non exsequar. Titulo de poenis accurate de poenis capitalibus, et nec capitalibus commentabimur: inde quae huc pertinent, transferri nullo negotio poterunt.

Sed nec exsequar, quae publicorum iudiciorum communia hoc titulo traduntur: ut, quod morte rei crimen perimatur: quod iudicia publica infament: quod ordo exercendorum exoleverit, durante legum poena: quod reus absens per trinundinum citandus sit: quod procuratorem haec iudicia respuant; et si quae sunt similia: Haec enim suis quaeque titulis trademus, ubi species ante publicorum criminum recensuerimus.

AD LEG. JUL. MAIESTATIS.

CAPUT I.

- | | |
|--|---|
| 1. <i>Maiestas unde? Et quid crimen Maiestatis?</i> | 7. <i>An a subditis tantum committitur hoc crimen, et qui subditi?</i> |
| 2. <i>Recte ne maiestas dicitur in divinam et humanam?</i> | 8. <i>An origo sufficit, ut subditus quis dicatur?</i> |
| 5. <i>Quid sit maiestas, et qui eam habeant?</i> | 9. <i>An advenae subditi?</i> |
| 4. <i>Quatenus crimen maiestatis admittatur in Principes superiores agnoscentes?</i> | 10. <i>An vasalli? Et ibi obiter unde vasalli atque feloniae verba?</i> |
| 5. 6. <i>Quid de foederatis dicendum?</i> | |

Maiestas, auctore Festo, a magnitudine dicta, nihil est aliud, quam cuiusque rei dignitas atque amplitudo. Tribuitur enim non solum Principi, aut Populo, sed et Senatui, et Magistratibus: neque his solum, qui imperio atque potestate inter homines emineant, verum etiam rebus anima carentibus, veluti orationi, loco. Eiusque rei exempla passim occurrunt, cum apud alios Latinos scriptores, tum apud veteres Iureconsultos: Hac rubrica magnitudinem Populi Romani, Principisve intelligimus: quam qui violant, crimen maiestatis admisisse dicuntur. Auctor Rethor. ad Heren. lib. 11., *Maiestatem minuit, qui ea tollit, ex quibus rebus civitatis amplitudo constat: veluti suffragia populi, et magistratus consilium.* Cicero 11. de Invent., *Maiestatem minuere, est de dignitate, aut amplitudine, aut; potestate populi, aut eorum, quibus populus potestatem dedit, aliquid derogare.* Haec criminis descriptio, videamus ne re angustior sit: dividunt enim interpretes maiestatem in divinam et humanam. Divina laeditur, si quis dicto, factove, impium aliquid et abominandum in SS. Trinitatem molietur. Hanc igitur violant blasphemi, apostatae, et haeretici: unde et nonnulli crimen hoc definiunt,

Gomes. 5
res. 2. Dau-
hond. prax
cap. 61. Pa-
rin. qu. 112
part. 1. De-
clin. 7. crim.
cap. 7.

haeresin contra Deum Dominumque nostrum. Quam haeresin cum descriptio a nobis proposita excludat, consequens videbatur, angustiore esse re proposita. Verum, quidquid scribant interpretes, in eorum sententiam minime descendendum arbitror. Nam Lex Julia maiestatis de maiestate divina ne gry quidem habet. Tantundem constitutiones Imperatoriae: ne Christiani quidem Principes haeresin Legi Juliae subiiciunt. Comparant, fateor, crimini maiestatis in eo, quod in mortem inquisitio extendatur, *L. 4. §. in mortem C. de haeret.*; sed non comparant in omnibus, nec faciunt ex haeresi crimen maiestatis. Adhuc, non quamcunque violatione Numinis comparant crimini maiestatis, sed apostasiam, *L. 4. C. de apost. haeresiu Manichaeorum vel Donatistarum, d. L. 4. C. de haeret. et manich.* Reliquis haeticis conventicula quidem et templa in solo Romano negat *Const. 5. cod. tit.*, non tamen pellit civitatibus, non adficit ultimo supplicio, non extendit accusationem in mortem. Appollinaristas excipio, quos solo imperii Romani pellit *Const. 8. C. cod.*, et ult. *C. de apost.* Blasphemos quoque ultimo supplicio subdit *Nov. 77.* memoriam post mortem eorum non damnat, ac ne publicam quidem accusationem aperte concedit, ut *tit. praec.* dictum. Nec movet me, quod Pontifices de quacunque haeresi loquantur in *c. ad abolendam, c. vergentis de haeret.*, in hoc enim opere, non tam quid iure Pontificio, quam quid iure civili constitutum sit, cuius libros interpretamur, pensi habebimus. Erit ergo nobis haeresis Manichaeorum atque Donatistarum, erit apostasia publicum crimen, nihil tamen pertinens ad Legem Juliam maiestatis.

Quae vero eorum, qui inter homines eminent, maiestas est, eam recte a Ioanne Bodino definitam arbitror, quod sit summa in cives ac subditos, legibusque soluta potestas. Nam et Graeci *acran exoysian* vocant *kyrian archen*, et *kyrion politeuma*: non possit autem, esse summa potestas, et *acra exoysia*, nisi eadem legibus sit soluta. Recte Sallustius Crispus apud Tacitum, eam conditionem esse imperandi, ut non aliter

3
Bod. i. de
reput. 7.

Tacit. 1. an-
nal. Plin. in
Panegy.

ratio constet, quam si uni reddatur. Quare et Plinius, aequatam Diis potestatem vocat, et beatissimum illud in Principatu, quod nihil cogitur. Haec porro potestas non solum Principis alicuius esse potest, sed et Optimatum, et Populi. prout vel penes hos, vel penes illos summa reipublicae; nec eorum dumtaxat, qui late impeant, sed et eorum, quorum imperium angustis finibus continetur: non enim immensis terrarum spatiis, sed vi imperii maiestatem metimur. Itaque ut elephas quamlibet immani corporis mole praeditus, non magis est animal, quam formica; ita Ragusia atque Geneva, civitatum fere omnium, sunt in Europa minimae, non minus respublicae dici debent, et maiestate armatae, quam Indorum, Turcarum, Tartarorum, atque Aethiopum immensa imperia. Nam et pater poetarum Homerus, Ulyssen parvae Ithacae imperantem, non minus Regem vocat, quam pastorem populorum Agamemnonem; Et hodie Groniugam. et Transisalaniam, foederatarum provinciarum minimas, non minus summo imperio constare dicemus, quam latissimos hostilis Regis ad utrumque Solem, orientem atque occidentem fines. Quin etiam; cum secundum politicorum filios, tres familiae ad remp. constituendam sufficiant: haec autem absque summo imperio consistere non possit; consequens est, et in parva eiusmodi civitate crimen maiestatis admitti posse. Contra civitates et provinciae quantumcunque amplae, si superiorem agnoscant maiestatem non habent, atque ideo magnitudinis violatae quaestiones exercere nequeunt (1). Germani tamen de suis Principibus scribunt; tantum singulos in suo posse territorio, quantum Imperator potest in universo; eam ob causam, ob similitudinem Caesaris, quam quisque

(1) Summum imperium, quod Nos italico idiomate *sovranità* appellamus, in potestate legislativa potissimum deprehendi recte observavit Cl. hlangieri *op. cit. lib. III. Par. IV. Cap. 46*. Ubi igitur isthaec potestas absoluta et a Nemine dependens exercetur, ibidem maiestatem adesse, et maiestati crimen admitti, indubium videtur.

in sua provincia obtinet, etiam maiestatis iudicia exercere posse. Idem de Ducibus Mediolani, Lotharingae, Hetruriae notant qui commentati sunt in quaestiones Guidonis Papae. Ipse etiam Guido refert, puniunt maiestati poena quendam legum doctorem, quod conspirasset in necem Amadei Sabaudiae Ducis. Atqui constat has provincias partim fuisse, partim esse hodieque imperio Germanorum subiectas. Denique aperte et generalius Clarus scripsit, si mores temporum spectes, exerceri iudicium maiestatis etiam a Principibus et civitatibus superiorem agnoscantibus. Verum, quidquid consuetudinem obtinuerit, a iure atque ratione alienum est, maiestatis iudicia exerceri ab iis, qui maiestatem non habent: nec quid Romae factum sit, sed quid fieri debuerit, spectandum est. Dignitatem quidem violatam vindicare possunt Imperatori subiecti Principes, sed maiestatem qui possunt? cum nec summam habeant, nec legibus solutam potestatem. Agnoscunt id ipsi Germani, cum fatentur, non proprie maiestatis iudicia esse, quae Principes sui exercent, sed per similitudinem, quatenus in suo quisque territorio refert Imperatorem. Quamobrem omnino probo, quantum ad poenam, quod communis schola tradidit, etsi forte capite vindicet Princeps inferior contemptam dignitatem suam, non tamen animadversionem in mortem rei, damnata memoria eius, extendi debere; hanc enim veros dumtaxat perduelles poenam manere, *L. ult. D. h. tit.*

Cum autem saepe contingat, ut populi alicuius maiestas per foedus et pactionem imminuatur, de foederatis quoque hic tractandi locus est. Veniunt in amicitiam populi Romani alii aequo foedere, alii iniquo. Foederum enim, ut est apud Livium *Lib. xxxiv.* tria sunt genera. Unum, cum bello victis dicuntur leges: ubi enim omnia ei, qui armis plus potest, dedita fuerint, quae ex iis habere victos, quibus multari eos velit, victoris ius atque arbitrium est. Alterum, cum pares bello aequo foedere in pacem atque amicitiam veniunt: tunc enim repetuntur, reddunturque per

Roman. feud.
11. concl.
35. n. 40.
Myns. resp.
440. 9. Guid.
Pap. 4. 344.
Clar. § loes.
mai. n. 3. et
9. in fin.

Decian. 2.
erim. 4. n. 8.
Farin. qn.
112. part. 6.

Liv lib. 28.
cap. 34.

conventionem res, et si quarum turbata bello possessio sit, eae aut ex formula iuris antiqui, aut ex partis utriusque commodo componuntur. Tertium est genus, cum qui hostes nunquam fuerunt, ad amicitiam sociali foedere coeunt: ii neque dicunt, neque accipiunt leges; id enim victoris et victi est. Ex qua distributione intelligimus, si qui bello victi dedant se victori, vel se suaeque victoris arbitrio permittant, eorum maiestatem minui, ipsosque etiam libertatem amittere, et dominium rerum suarum. Ita enim eam formulam Consul Romanus exposuit, cum legati Aetolorum dixissent, decrevisse Aetolos sese fidei Pop. Rom. permittere. Et plenius Polybius: *Qui Pop. Rom. arbitrio, inquit, se suaeque permittunt, ii agrum primo illis dant omnem quem habent, et urbes quaecunque sunt in illo: adhuc viros pariter et feminas, quotquot in agro fuerint, omnes, portus, sacra, monumenta denique; ita ut omnium domini fiant Romani; ipsi vero, qui se permittunt, omnium omnino rerum dominium amittant.* Atqui pares bello in amicitiam aequo foedere veniunt, aut cum hostes nunquam fuissent, societatem nobiscum faciunt, eorum maiestatem intactam atque illibatam esse, palam fit. Porro, qui se dedebant fidei et arbitrio Populi Romani, iis non semper Pop. Romanus libertatem atque agros eripiebant, sed relictis agris atque libertate, comiter maiestatem suam conservare iubebat: de iis igitur quaeri potest, an maiestas eorum fuerit minuta? Non fuisse imminutam maiestatem eorum adstruere quis posset ex *L. non dubito 7. §. 1. de capt. et posilim. rev.*, ubi Proculus respondit, liberum esse populum, et nullius alterius potestati subiectum, etiam cum, qui alterius populi maiestatem comiter conservare iussus est: hoc enim adici foederibus, ut intelligatur, alterum populum superiorem esse; non ut intelligatur alterum non esse liberum: sic enim et clientes nostros intelligi liberos, etiamsi neque auctoritate, neque dignitate, neque viribus nobis pares sint. Contra, minui hoc, foedere maiestatem, idem Proculus in fine eiusdem responsi innuere videtur, cum tradit, reos ex foede-

Polyb. frag.
13. 142.

Grut. 1. d.
igu. 1 el. 3.
p. 21.

6

ratis civitatibus Romae fieri et in damnatos animadverti posse, quod utique fieri non posset, si maiestas eius civitatis salva maneret. Et Cicero in *orat. pro Corn. Balbo* dixit, verbum *conservandi*, imperantis esse: *Primum*, inquit, *verbi genus hoc, conservandi, quo magis in legibus, quam foederibus uti solemus, imperantis est, non precantis: deinde cum alterius populi maiestas conservari iubetur, de altero siletur, certe ille populus in superiore conditione, causaque ponitur, cuius maiestas foederis sanctione defenditur.* Accedit eo, quod in hoc foedere obsides quoque victis imperarentur, et hostes eosdem habere iuberentur, quos victor: quemadmodum expressum in foedere cum Aetolis facto, hisce verbis. *Imperium maiestatemque Pop. Rom. gens Aetolorum conservato sine dolo malo etc., hostes eosdem habeto, quo Pop. Rom. armaque in eos ferto, bellumque pariter gerito: post; obsides xl. arbitrato Cons. Rom. dato.* Est autem absurdum, ei, qui maiestatem integram et illaesam habet, obsides imperari, ad bellum gerendum evocari. Denique omnis antiquitatis peritissimus Cuiacius huic sententiae suffragari videtur. dum scribit, in dictione Pop. Rom. et provincialium numero fuisse eos qui maiestatem eius comiter conservare iussi erant. Quod tamen neque viii., neque ix. Livii *Libro*, neque in *Ferrina* vii. Ciceronis quae ille loca citat. reperio. Hoc solum viii. Livii reperio, Campanos, qui se dediderant Pop. Rom. in ditione P. R. fuisse; nos vero de iis loquimur, qui belle victi, aut sponte dediti, non in provinciae formam redacti sunt, sed comiter sunttaxat maiestatem Pop. Rom. observare iussi. De quibus. ut quod sentio, tandem edisseram. existimo. minutam quidem eorum fuisse, maiestatem, at non prorsus extinctam. Minutam eo. quod foedus hoc iniquum sit, quod de ipsorum maiestate sileatur, quod leges eis dicantur de obsidibus, de auxiliis Pop. Rom. mittendis; quod rei ex eorum civitatibus Romae fieri possint. Non extinctam prorsus. quod libertatem, leges, agrum omnem, atque oppida salva habeant: quod suis utantur magistratibus, non subiecti Romanorum

Liv. lib. 58.
Polyb. frag.
28.
Cuiac. 27.
obs. 33.

Polib. frag.
142.

fascibus, civibusque suis ius dicant citra provocacionem, quemadmodum de libertate, legibus, et agro id expressum eo foedere, quod Carthaginensibus obtulere Romani: *Concedere illis Patres libertatem, leges suas, et agrum insuper omnem, et omnium aliorum bonorum possessionem, quae ad Romp., aut ad privatos pertinerent.* Sunt autem vel praecipuae maiestatis functiones legislatio, atque suprema nullique provocacioni subiecta inrisdictio; prorsus igitur sublata maiestas non potest videri eorum, quibus ista, relinquuntur. Id etiam Regum, qui amici atque socii Pop. Rom. dicebantur, exemplo demonstrari potest, qui in suos quidem summum imperium exercebant, Populi tamen Rom. maiestatem et reverebantur, et imperata quaedam facere tenebantur: quo respectu, etiam subiectos orbi Romano Strabo dixit, scribens, universae regionis, quae Romanis pareret, unam Regibus subiectam fuisse, alteram ab ipsis possessam, in eamque, provinciam dictam, Praetores cum quaestoribus missos. Quemadmodum igitur Reges hi, licet Populo Romano obnoxii, in suos tamen iudicia maiestatis exercebant: ita existimo eos quoque populos, qui Pop. Rom. maiestatem comiter conservare iussi erant, in suos nihilominus haec iudicia exercere potuisse. Quod autem diximus minutam, non extinctam fuisse eorum maiestatem, huic sententiae nequaquam adversatur Proculus, dum libertatem eis salvam manere respondit: per libertatem enim non maiestatem intelligit, sed illa quae servituti contraria est. Servitute affectae dicuntur civitates, quae legibus et magistratibus Romanis parent: liberae contra, quae suis magistratibus atque legibus utuntur. Non sequitur itaque, libertas civitatis salva est; igitur maiestas quoque integra atque illibata (2).

(2) *Forum tamen est, inquit Grotius l. c., accidere plerumque, ut qui superior est in foedere, si is potentia multum antecellat, paulatim imperium propria dictam usurpet..... Sic Livini quae-rebantur sub umbra foederis romani servitutem se pati..... Eumenes quoque Rhodiorum socios ait verbo, revera subiectos imperio, et obnoxios. Liv. Hist. VIII. 4. xxxv. 31.*

Vidimus adversus quos maiestatis crimen committi 7
possit, excutiamus etiam a quibus. Et est hac parte
concordibus suffragiis traditum, crimen maiestatis ab
iis dumtaxat committi, qui supremæ alicuius potesta-
ti natura, aut iure subiecti sunt. Natura, qui subditi
nascuntur: iure, qui in civitatem recepti, aut bello
subacti sunt. Patet autem latius subditi, quam civis
nomen. Civis quippe ille dumtaxat, qui civitatis com-
munionem gaudet, seu natus ex parente utroque cive,
seu iuxta leges assumptus. Subditi autem, non cives,
sunt incolæ, servi, et provinciales. Assumptis non con-
numero honorarios, quibus honoris dumtaxat causa,
pro magnis, in remp. meritis ius civitatis datur, uti
olim Artaxerxes ius civitatis dedit genti Pelopidarum,
Athenienses Evagoræ et Rhodiis, Corinthii Alexandro
Magno, Helvetii Ludovico XI. Galliarum Regi: absur-
dum enim, si quid Evagoras in Athenienses, Alexan-
der in Corinthios deliquissent, reos maiestatis fieri,
cum non subiiciendi, sed honorandi causa illis civi-
tas data sit. Subditis connumero incolas, qui in ali-
quam regionem domicilium suum contulerunt, aut,
licet in oppido non morentur, agrum tamen in alicuius
oppidi finibus ita habent, ut in eum se, quasi in
aliquam sedem recipiant, *L. pupillus* 23g. §. *incola D.*
de V. S. Hi enim eo ipso, quo domicilium et sedem 8
in aliqua regione sibi constituunt, etiam subiicere se
imperio summo, nec non iurisdictioni Magistratuum
eius regionis intelliguntur, *L. incola* 3g. *D. ad mu-*
nicip. Atque ideo ab Aristotele quoque in *Polit.* i. l.æ-
go quodam significandi modo cives appellantur. Sed,
an qui domicilium in aliquam regionem transtule-
runt, etiam subditi eius regionis, et qua oriundi sunt?
Etiam; nemo enim transferendo domicilium, subdu-
cere patriæ potest, nisi aut deportatus sit, aut consen-
su eorum, qui summæ rerum præsumt, civitatem mu-
taverit. Et ideo Gaius in *d. L. incola* tradit, *Incolam*
et his Magistratibus parere debere, apud quos inco-
la est, et illis apud quos civis est: nec tantum mu-
nicipali iurisdictioni in utroque municipio subiectum,
verum etiam omnibus publicis muneribus fungi debe-

re. Et superiore saeculo Carolus V. necem Rincomis et Fregosi, quos Franciscus I Galliarum Rex ad Turcarum dominum legaverat, non male ita defendere visus: Subditos eos suos, in quos aeterna sibi esset auctoritas: adhaec hostilia per Italiam, et apud Turcam molitos: postremo furtim transiisse per Insubriam, cum exulum comitatu; quod ipsum capitale sit moribus eius regionis. Singula profecto eius monenti, ut si vera sint, crimen violati iuris gentium facile diluere, aut certe elevare possint.

Ab incolis separandi advenae, quos Graeci domo profugos, colonos advenientes appellant, *d. L. pupillus §. advena D. de F. S.* Hi, donec apud nos sedem fixerint, subditi nostri non sunt, non magis, quam qui iter per nostram regionem faciunt; seu publici muneris obeundi, seu privati commodi, seu animi atque oblectationis gratia. Quapropter si quid adversum nos machinentur, non rei maiestatis laesae fiunt, sed ut hostes, aut proditores, aut exploratores tractantur. Ita enim de legatis Tarquiniorum Livius *Lib. II.* Quanquam visi sunt commernisse, ut hostium loco essent, ius tamen gentium valuit. De legatis Lacarcedemoniorum Thucydides *Lib. II.* quod, pro hostibus capti interfectique ab Atheniensibus, cum ad Persas irent, auxilia contra Athenienses impetraturi. Et anno M. D. LXXI. cum Episcopus Rossensis, abusus sacro et inviolabili legatorum iure, multa turbulente in Anglia fecisset, consulti prudentes Angliae, num legatus, qui rebellionem contra Principem, ad quem missus est, suscitaret, spoliatus legatorum iure tanquam hostis puniendus? responderunt, eiusmodi legatum, iure gentium et civili, legatorum praerogativis excidisse. In quam sententiam nostri quoque interpretes ivisse videntur, tametsi aliis atque aliis usi verbis (3).

Cambd. in
annal. rer.
Anglic.

Vide Farin.
quaest. n. 2.
part. 6. n. 25.

(3) Advenae propriè non incidunt in crimen laesae maiestatis ubi aliquid moliantur contra Rempublicam, apud quam degunt, et in cuius territorio diversantur: neque enim subditi sunt; sed hoc casu ut hostes, aut proditores exploratoresque habendi, de quib-

Quid autem de vasallis dicemus, an cum fidelitatem domino iurant etiam subditi eius fiunt; ut si qua ab eis *felonia* fuerit commissa, crimen maiestatis existimari possit? Non pudet uti *Feloniae* verbo, quod quauquam Latinum non est, proprium tamen iuris feudistici est: timendumque ne dum nimis affectamus Latinitatem, pro perspicui obscura verba usurpasse videamur. Circa cuius verbi *etymon*, ut hoc quoque obiter adiciamus, variatum est a iuris Longobardici interpretibus. Ex veteribus nonnulli a praeterito *scfelli*, dictum putarunt, eo quod non longe sonus verbi abesse videretur. Cuiacius vero a Graeco *phelosis*, sive *pheloma* deducit, quod imposturam, fallaciamque designat, tractum a *phelos*, fallax, impostor: credo quod, a Graeca quoque non longe Longobardica vox abludere visa. Verum nihil attinet in Graeciam excurrere, aut Latium, cum nativae vocis e patria *etymon* peti possit, *Falam* enim veteres Germanos pro perfidia et vi hostili usurpasse, arguit Otfridi epistola ad Ludovicum Pium hisce verbis:

Joh bemide io sala,

Thero hanton fala.

Precatur Deum opt. max. ut arces atque diietas Ludovici, ab hostili vi atque perfidia tueri velit, nisi forte per *salas*, turres ibi ligneas intelligit, quibus admotis muri oppugnantur: quod non sit verisimile; vetus enim id verbum, ac nescio, an alii quam Ennio usurpatum, cui id tribuit Nonius. *Fallam* etiam antiqui pro *fallacia* dixere, ut est apud eundem; nec tamen credibile, ex verbo antiquato Longobardos *feloniam* derivasse. Ac cum hodieque Germanis *fhel* sit

Rayn. tit. de
prob. feud.
alien. pr.
Erid §. praeter
terea ducat.
u. 31. Cuiac.
l. feud. 2.

Alvar. in
prael. feud.
u. 42.

bus ulcisci licet, ne opprimant, nisi opprimantur. Ita Cl. Renazzi *elem. iur. lib. IV. Par. 111. Cap. 1. §. 2.* Legati quamvis fictione quadam iuris habeantur, ac si in territorio morentur Reipublicae, pro qua legatione funguntur, si tamen aliquid hostile in Reipublicam, ad quam missi sunt, aggrediantur, eos praerogativis Legatorum excidere, atque ut hostes habendos et considerandos esse constat inter rerum publicarum scriptores. Vid. praesertim Binkers. *de for. Legat. Cap. 17.*

defectus, vitium peccatum, quis id aut a *salis*, aut *fallis* derivare aussit? Consimili errore de originatione vocis *Vasallus* certatum: quam imperiti a vadibus derivant, eo quod vasallus domino suo fidelitatem iurans, non minus arcte sit obstrictus, ac si vades ei dedisset. Cuiacius vero a Germanico *Geselle*, dum non animadvertit, duram admodum esse metathesin literarum G. et V. Et cum iidem *Vassi* dicti, unde per diminutionem *vasalli* descendit, quid quaeso illud *Vassi* commune habet cum *Geselle*, quae vox socium, comitem, commilitonem significat? Diligentiam Cuiacii, autem annos non ita multos superaturus Fredericus Sandius (dignus sane aevo longiore vir) vassallum a Germanico *vassen* deducit, quod est vincere; verum nihil adfert, quo eam sententiam confirmet, praeter nominis sonum. Ego omnium divinationibus antepono Francisci Hottomanni coniecturam, qui scripsit, *Vassus*, propriam Germanorum vocem fuisse, idemque valuisse, quod apud Caesarem *devotus*. Quam coniecturam videor mihi non leviter confirmare posse ex eodem Otfrido, quo antiquiorem scriptorem Germani vix habemus. Is de pugna Petri *Lib. IV. Evang. XVII*, ita canit:

*Werit er inan gevvisso ,
Harto filu vvasso ,
Vnz imo Druthin thuruh not ,
Thas vvig selbo sirbot .*

Valde fortiter, atque devote pugnasse Petrum ait; donec Christus ipse ulteriore pugna, seu conflictu ei interdiceret. Hic *vvasso* est devote, fideliter, constanter: et ergo *Vass* vel *Wassi* (varia enim et facilis apud Germanos ipsos harum literarum commutatio, ut taceam, quod Latine scripturi Germanorum W semper commutent in V) nihil aliud, quam viri fideles et devoti: ridiculus sit, qui vasallum dictum tradidit a Celtido *vasch adell*; id est, *novus nobilis*: quasi aut vasalli omnes illico nobiles, aut *vassus* quod primitivum est, descendere possit a composito et quidem corrupto, *vasch adell*: Sed haec tanquam in diverticulo; nunc redeamus in viam. Si igitur vasallus qui

Sand. de
feud. Gell.
tractat praec.
lin. cap. 1.
n. 15. Hot.
disp. feud.
cap. 3.

Berg. ad
con. Flaud.
1. 13. n. 13.

alterius sit, et feloniam commiserit, an eo ipso dicemus maiestatis reum esse? Nequaquam: nam nec omnes, qui feuda conferunt, maiestatem habent: nec omnes qui accipiunt, eorum a quibus investiuntur subditi. De his qui conferunt, ita docent interpretes unumquemque etiam privatum et plebeium, si modo habeat liberam honorum suorum administrationem, feudum alii concedere posse, *Tit. de his quid. feud. dar. pos., Tit. de cler. qui invest. sic. §. ex eadem lege, Tit. de leg. Corrad* De illis qui accipiunt, alios vasallos non subditos, alios et vasallos et subditos. Vassalli sunt, non subditi, qui aut a privato feudum acceperunt, aut a Principe quidem, sed sine subiectione. Et vasalli sunt et subditi qui non solum fidelitatem debent propter beneficium, sed et iurisdictioni tenioris subiecti sunt. Qui vasalli sunt et subditi, hi crimen maiestatis incurrunt, si a qua feudum possident, maiestatem habeat. Qui vasalli sunt non subditi, feloniam quidem committuntur, non crimen maiestatis, etsi Princeps habeat maiestatem a quo investiti sunt. Sic Robertus Siciliae Rex, ut habetur in *clem. pastoralis, de sent. et re iud.* vasallus quidem Henrici VII. Imperatoris fuit, non tamen subditus: quam ob causam sententiam maiestatis, in eum ab Henrico latam, rescidit Clemens V. Quamvis alii negent Pontificem in totum rescidisse sententiam Imperatoris: tenuisse enim aiunt ab Henrico Robertum iure feudi comitatum provinciae, eoque solo spoliari potuisse Robertum, non negarem Pontificem: sed quod Henricus Robertum etiam Siciliae regno spoliare voluerit, id non ferendum Pontifici fuisse, quod id regnum Ecclesiae Romanae, non Imperii feudum esset. Similis Roberto hodie Danorum Rex est, qui Daniam, Norvegiam, Gothiam solius Dei Opt. Max. beneficio possidet: Holsatiae tamen intuitu, quae imperii provincia est, et vasallus, et subditus imperii est, Caesaremque una cum reliquis Germaniae Principibus, dominum suum clementissimum salutat. Fridericus quidem Barbarossa ipsam quocque Daniam subiicere imperio conatus fuit, evocatu per fradum Valde-

Vid Bald. in
l. executor.
C. de exec.
rei. iud. n.
4a.

1aa. Pont.
hist. rer. La-
tic. lib. 6.

Arnold Fer-
son. de reb.
gest. Gall.
l. u. 8.

ro Rege; sed frustra: Rex enim ubi circumventum se vidit, cervicem potius gladio, quam patriam servituti subiecturum se respondit. Carolus quoque V. tot regnorum dominus Romanorumque Imperator, antequam Gallos ad Papiam fudisset, intuitu Flandriae Galli vassallus subditusque fuit: sed victoria atque Rege potitus, inter alias conditiones etiam supremum dominium atque provocationem Regi extorsit. Respectu igitur Flandriae crimen maiestatis incurrere potuit. Contra in Germania Waldeciae Comes Hessorum Principis vasallum se fatetur, subditum negat; crimen igitur maiestatis duplici ratione effugiet: partim quod subditus non sit: partim quod maiestatem Hessus non habeat. Idem dicendum de Reinaldo I. Gelriae Comite, postquam a Guidone Traiectensium Episcopo Velaviam feudi titulo et iure possidendam suscepit. Et passim innumera huius rei occurrunt exempla, ut supervacuum sit eis investigandis diutius immorari. Concludamus itaque ita ut ante diximus, ad exercendum in aliquem maiestatis iudicium non sufficere vassallum eum esse; requiri etiam, ut subditus sit, utque ille, qui feudum concessit, maiestate sit armatus.

CAPUT II.

QUIB. MOD. CRIM. MAIEST. COMMIT.

- | | |
|---|--|
| 1. Cur sacrilegio proximum hoc crimen dicatur? | 14. De adulterantibus tabulas publicas, vel incendente tabularium. |
| 2. Quid perduellio, quantumque differat a reliquis speciebus? | 15. De proditoribus, et an proditores, qui ignavia, timore urbem hosti tradunt? |
| 3. Duces hostium dimittens an perduellis? | 16. 17. De eo, qui bellum, aut privatus pro imperio quid gessit? |
| 4. Obsides dimittens an perduellis? | 18. De conspiratione, et iis qui alterius patrocinio se commendant. |
| 5. 6. De seditione, et an omnes omnino seditiosi perduelles? | 19. De his, qui hostes armis, comneatu, etc. adjuvant: et in specie de mercatoribus. |
| 7. An perduellio adversus solum Imp. Rom. committatur? | 20. Quid si uxor, parentes, liberi, cognati, adfines hoc fecerint, an excusandi? |
| 8. De occidente Magistratum, et quid si privato odio fecerit? | 21. De eo qui reum in vineula coniectum emisit. |
| 9. De his qui hostem concitant. | 22. De reliquis huius criminis speciebus extra perduellionem. |
| 10. De iis qui hostibus secreta produnt reip. | |
| 11. De seditione, vel tumultu militari. | |
| 12. 13. De deserendo, vel non deserendo imperio, exercituve. | |

Hactenus de personis, adversus quas, et a quibus admittatur crimen maiestatis: enumeremus nunc species, quae plurimae sunt, nec in ordinem facile cogi possunt; variantque in dirigendo interpretes. Primis Bodin. 1. de curis existimabam, operae pretium me facturum, si republ. 10. expositis functionibus maiestatis, subiicerem criminis species, quae contra singulas admitti possunt. Verum, cum de maiestatis iuribus accurate, disserterit Ioannes Bodinus, in libris de republica, timui post Roscium in scenam descendere; cumque JC. veteres, sub presenti rubrica, species huius criminis diligenter enumeraverint, absurdum tandem visum, alium instituere ordinem, quam ab iis quorum auctoritas penitus sacrosancta est, fuerit nobis relictus. Sic igitur faciam, ut illi auctores nostri fecere in interpretando Edicto perpetuo: verbis nimirum

Tacit. a sen.
Dion. lib. 53.

legum inhaerens, ut quidque adnotatione dignum occurrerit, strictim explicabo. Ait JC. *Proximum sacrilegio crimen est, quod maiestatis dicitur.* Proximum, non quod ante de sacrilegio egerit Lex Julia, sed quod simile sacrilegio crimen maiestatis. Ut enim sacrilegus; qui deos, aut publica Deorum sacra violat, *L. sacrilegi* 9. §. 1. *D. ad L. Jul. pecul.*, ita qui aliquid in Principem, qui sacrosanctus est, molitur. Sacrosancti vero Principes, quod Tribunorum potestatem, quos violare nefas, ipsi usurpaverint. Et primus quidem Augustus, exuto Lepido, interfecto Antonio, antequam alius insurgeret, et munia Senatus, Magistratum, legum in se traheret. Consulem se tulit, et ad tuendam plebem tribunitio iure contentum: eo quod tribunitia potestas sacrosancta et inviolabilis esset. Ac licet Tribunorum nomen ad Constantini usque tempora manserit, inane tamen dignitatis nomen fuit, quemadmodum et Consulum, vim ipsam consularem atque tribunitiam usurpantibus Caesaribus.

Maiestatis autem crimen est, quod adversus Populum Romanum, vel adversus securitatem eius committitur. Per securitatem Bartolus eiusque sectatores salvum conductum intellexerunt; non ferendo errore quem iam pridem viri doctissimi exploserunt. Quid enim securitas hic aliud, quam salus, atque tranquillitas populi? Plinius in *paneg.*, *Itaque non tua in cubiculo, sed in templo, nec ante genialem thorum, sed ante pulvinar. Iovis optimi adoptio peracta est; qua tandem non servitus nostra, sed libertas, et salus, et securitas fundabitur.* Porro non universi haec criminis finitio est, sed gravioris speciei, quae alio nomine perduellio vocatur, id est, rebellio sumtis armis, in itave factione adversus patriam, vel Principem. Latius Henricus VII. in *extr.* *Qui sint rebel., Rebelles et infideles imperii sunt omnes, qui quomodocunque, publice, vel occulte, contra nostrum honorem et fidelitatem, rebellionis faciunt opera, et contra nostri imperii prosperitatem aliquid machinantur, contra nos, seu officiales nostros, in iis, quae ad commissum eis officium pertinent, rebellando.* Quod de officialibus

Duar a disp.
anniv. 21.

ait, id tunc videtur partim ex *Lege Julia*, partim ex *Const. Arcadii et Honorii 5. C. h. tit. Lex Julia perduellionis* rum esse voluit enim, cuius opera Magistratus pop. Rom. occisus fuerit: *Constitutio Arcadii eum*, qui scelestam factionem inierit de nece virorum illustrium, qui consiliis et consistorio Principis intersunt, nec non Senatorum, quoniam pars corporis Principis censeantur. Dicti autem perduelles, qui hostilia adversus Principem, vel rempublicam moliantur, quoniam quos nos hostes, eos veteres perduelles appellabant; hoc verbo significantes eos, qui pertinaciter duellum, id est, bellum retinebant, *L. quos nos hostes 234. D. de V. S. Festus in verbo Duellum*. Sunt aliae violatae maiestatis species, sed leviores, quae ad dignitatem magis, quam labefactionem reipublicae pertinent; ut si quis non quidem hostilia molitus fuerit, maledixerit tamen Imperatori, *L. un. C. Si quis Imp. maled.* si quis statuas Principis iam consecratas conflaverit, aliudve quid simile admisit; *L. qui statutus 6. D. h. tit.* Inter utrasque has species quadruplicem statuit differentiam Hottomannus. Prima, quod maiestatis crimine tenentur ii, qui vel partem aliquam reip. laeserunt: veluti, si quis duces hostium accepta pecunia liberavit aut domi suae occuluit, aut si Magistratus quidpiam pro sua potestate agenti officiat: Perduellionis vero crimen in eos cadit, qui summam reip. labefactare conati sunt. Altera, quod maiestatis crimen in foro, apud suum Praetorem, iudicio certa Lege constituto peragebatur; Perduellio vero a Pop. Rom. comitiis centuriatis campo Martio iudicabatur. Tertia, maiestatis crimen non morte, sed exilio multabatur: Perduellis a carnifice in campo Martio in crucem tollebatur. Quartam JC. Ulpianus tradidit in *L. ult. D. h. tit.* Maiestatis crimen morte rei extinguitur: Perduellis memoria etiam post mortem eius damnatur. In hac enumeratione exemplum illud, de ducibus hostium dimissis, vel occultatis, non satis libris nostris quadrare videtur: nam si perduellis est, qui quid committit adversus securitatem reip.: qui hostili animo adversus remp., vel

Hottom. in
verb. iur.

Principem animatus est: qui scelestam initium barbaris facionem; qui non potest perduellis videri, qui hostium duces accepto pretio aut dimisit, aut occultavit, cum id ipsam hostile sit, et abominandum? Nec quisquam cavillettur, aut ad summam reip. labefactandam id non pertinere, aut non hostili, sed avaro animo fieri. Pertinet imo ad securitatem reipublicae labefactandam hostes dimittere, quammodum consilio, armis, compectu iuvare, nec avaritia crimen minuit, sed auget; est enim prorsus abominandum, reip. salutem tuam posthabere cupiditati. Nemo non videt, quam ridicula futura fuerit defensio SP. Tarpeii filiae, quae auro corrupta arcem Romanam Sabinis prodiderat, si perduellionis rea dixisset: *Auri cupidine incensa feci*: qui autem minus ridicula defensio, si hostes accepto pretio dimittens, non animo hostili, sed pretii magnitudine captum se fecisse causetur (1).

Quo tenetur is, cuius opera dolo malo consilium initum erit, quo obsides iniussu Principis intercide-

I iv. lib. 25. *rent. Quemadmodum ad maiestatem pertinet bellum*
cap. 7.

indicere, finire; foedus facere, dare pacem acceptis obsidibus: ita et contra obsides dimittere, solius maiestatis erit: quam violabit, cuius dolo malo obsides interciderint. Sed an perduellionis haec species, dubitari potest. Et cum obsides pignus atque vinculum animorum sint, quo in fide totae saepe provinciae atque nationes continentur, perduellis erit, qui eos iniussu principis dimiserit. Exemplo atque argumento Hispania nobis esse potest, quam universam, a Poenis ad Romanos inclinantem, metus ex obsidibus in fide continuit, ne sanguine liberorum suorum culpa de-

(1) Maiestatis crimen, inspectis iuris romani principiis veluti genus praedicari potest, cuius species perduellio est. Hinc perduellionis crimen et maiestatis erit, sed non semper maiestatis crimen perduellionis erit. Hanc differentiam inter genus et speciem in crimine maiestatis probat Ulpianus in l. ult. h. v. *Plane non quisque Legis Iuliae maiestatis reus est, hostili animo adversus Rempublicam vel Principem animatus; cacterum si quis ex alia causa Lege Iuliae Maiestatis reus sit, morte criminis liberatur.*

sectionis lucretur. Solerti enim consilio Hannibal, antequam in Italiam transiret, obsides totius Hispaniae arci Saguntinae custodiendos incluserat: quos cum postea Acedux nobilis Hispanus Romanis prodidisset, ingenti consensu tota Hispania ad defectionem spectavit. Quid aliud securitatem populi violare, aut hostilia moliri, si hoc non est? Hanc ob causam et gravissime animadverti solitum in obsidos, si fugam tentassent. Tarentinorum enim obsides ex fuga retractos Romani diu virgis caesos de saxo Tarpeio deiecerunt.

Quo armati homines cum telis lapidibusque in urbe sint, convenienter adversus remp. locave occupentur, vel templa, quove coetus, conventusve fiat, hominesve ad seditionem convocentur. Haec omnia seditionis verbo continentur, aut certe ad seditionem spectant. Est autem seditionis proprietas a M. Tullio manifestata: is enim, ut Nonius Marcellus refert *Lib. de Republ.* vi. ita scripsit: *Eaque dissensio civium, quod seorsum eunt alii ad alios, seditio dicitur.* Coetus multitudinis est, sicut et turba Labeo in *L. 4. §. 2.* et 3. *D. de vi bon. rapt.* Turba appellata est ex genere tumultus, idque verbum ex Graecotractum, a tumultuando. Estque turba multitudinis turbatio atque coetus, non trium aut quatuor, sed decem, aut quindecim hominum. *Conventum*, inquit Festus, *quatuor modis intelligimus: Uno, cum quemlibet hominem ab aliquo conventum esse dicimus. Altero cum significatur multitudo, ex compluribus generibus hominum contracta in unum locum. Tertio, cum a magistratibus iudicii causa populus congregatur. Quarto, cum aliquem in locum frequentia hominum supplicationis, aut gratulationis causa colligitur.* Ex his significationibus secunda praesenti loco quadrat: eo enim sensu et Marcellus dixit, *convenire esse, colligi, coire*, adducto illo Virgilii,

Conveniunt, quibus aut odium crudele tyranni.

Porro quoniam J. C. urbis mentionem fecit, idcirco nonnulli existimaverunt, contra Legem maiestatis fieri, si quae supra scripta sunt, in urbe admittantur:

Statut. Oml.
lib. 7. §. 27.

Senec. in
excerpt. 3.
contr. 8.

Glos. in l. 1.
D. tit. Bart.
ibid. u. 7. Ca.
Capve. dec.
130. n. 2.

sin in alia civitate, non Legem maiestatis, sed Juliam de vi locum habere, *arg. L. 3. pr. et §. 2., L. 5. D. ad L. Jul. de vi publ., L. ult. C. eod.* Quae distinctio tametsi speciem benignitatis habet, ad iuris tamen et rationis normam excussa, falsa deprenditur. Quid enim vetat, quominus et in provinciis seditio adversus Principem vel rempublicam excitari possit? Et cur in castris seditio mota maiestatis Lege vindicatur, si ea lex tantum de seditione in urbe commota loquitur? Ut taceam, quod Antonini constitutione omnes qui in orbe Romano degunt, cives Romani effecti sint: cui consequens est, ut quidquid hostile in orbe Romano fit, pene in ipsa urbe fieri videatur. Nec obest *d. L. 3., et 5. D. ad L. Jul. de vi publ.*; ut enim recte animadvertit Farinacius, et ante eum Decianus, seditionis auctor in utramque Legem incidit et maiestatis, et de vi. Neque id novum, ex eodem facto pluribus reum teneri Legibus, dum meminerimus, saepius eundem ob idem admissum accusari non posse, unaque Lege electa, alterius accusationem consumi, *L. Senatus 15. D. de accusat.* Adhaec non unum seditionum genus est: tendunt aliae ad exitium Principis, vel Senatorum eius, et mutationem reipublicae: aliae ad exitium privatorum: illas qui concitant perduelles sunt: harum auctores in Legem Juliam de vi incidunt. Quae distinctione adhibita etiam *L. ult. C. ad L. Jul. de vi, L. 1. et 2. C. de seditios.* cum praesenti responso conciliari possunt. Exempla seditionum non ad reip. mutationem tendentium factiones spectaculorum suppeditant, quae dum panno plauderent, aut retiario contra mirmyllonem faverent, saepe in vulnera atque cades ivere. Harum seditionum concitatores, quauquam graviter delinquant, atque etiam capitis animadversionem meruerint, perdelles tamen non sunt, *L. 1. §. 6 quies D. de off. praes. urb., L. capitalium 28. §. solent, L. si quis aliquid 38. §. auctores D. de poen.* Postremo, etsi ad mutationem reip. seditio tendat; iusto tamen acquitatis temperamento placuit, perduelles esse non omnes, qui tumultui temere se miscuerint, sed auctores dumtaxat et principes seditionis, *arg. d. L. 38.*

D. c. 7. cap.
19 n. 7. et
seq.

§. auctores *D. de poen., d. L. 2. C., de sedit.*, Quod et verba huius responsi evincunt. Non enim ait JC. perduellem esse, qui coetus pars fuerit, sed cuius opera dolo malo coetus, conventus contra remp. factus fuerit (2). Livius, *Certabatur sententiis, utrum in auctores tantum seditionis animadverteretur, an plurimum supplicio vindicanda tam foedi exempli defectio magis, quam seditio esset. Vicit sententia lenior, ut unde orta culpa esset, ibi poena consisteret, ad multitudinem castigationem satis esse.* Vegetius, *Quod si fieri medicinam necessitas extrema persuaserit, re-* Verēt q. de
re milit. 4.
ctius est, more maiorum in auctores criminum vindicari: ut ad omnes metus, ad paucos poena perveniat. Caussam cur multitudini parcendum, reddit idem eodem loco istam, quod nunquam ad contumaciam pari consensu multitudo prorumpat, sed incitetur a paucis, qui vitiorum scelerumque impunitatem sperant peccando eum plurimis. Eandem graviter atque facunde exsequutus est Scipio Africanus *in oratione ad milites: Multitudo omnis, inquit, sicut natura maris per se immobilis est: ut venti et aurae cient, aut tranquilli, aut procellosi: et caussa in vobis, atque origo omnis furoris penes auctores est, vos contagione insanistis. Quin mihi ne hodie quidem scire videmini, quo amentiae progressi sitis; quia facinoris in me; quid in patriam, parentesque ac liberos vestros, quid in Deos sacramenti testes, quid adversus auspicia, sub quibus militastis, quid adversus morem militiae disciplinamque maiorum, quid adversus summi imperii maiestatem ausi sitis.* Ex quibus Africani verbis duo ad defendendam multitudinem argumenta notanda; Populum mare esse, sua natura tranquillum, sed ab oratoribus pravis tanquam a ventis concitatum

Liv. liv. 28.

Verēt q. de
re milit. 4.Liv. d. lib.
28. cap. 27.

(2) Non solum concitatores, seu tumultus et seditionis Auctores, verum etiam qui concitato iam populo duces se se praebent, a ceteris distinguendi sunt. Et sane Modestius cautus differentiarum observator in *L. ib. de appell.* seditionum concitatores a factionem ducibus distinguit. De his autem loque videtur. *L. 1. C. de sedit.*

Cic. lib. 1 de
orat.

Cic. 10. epist.
ad. Att. Gal.
9 noct. Att.
12.

Vid. Bosc. de
erim. lnc.
mai. n. 23. et
19 Far. qu.
113. n. 188.
196. 202.

intumescere; dein ne sedata quidem seditione scire, quantum mali patrarit. His adici possunt, quae M. Antonius, cum seditiosum hominem C. Norbanum defenderet, graviter copioseque de seditione disseruit; Multos saepe impetus populi non iniustos esse, quos praestare nemo possit; multas etiam e republica seditiones saepe esse factas, ut cum Reges essent exacti, ut cum tribunitia potestas esset. Illam Norbani seditionem ex luctu civium, et ex Caepionis odio, qui exercitum amiserat, neque reprimi potuisse, et iure esse conflam. Adici denique potest Solonis lex, qui capite sanxit, si qui in seditione non alterius partis fuisset: cuius legis haec ratio fuit, ut omnes boni, ad alterutram sese adiungentes divisi partem socios regerent utrinque et temperarent, utque per eos potissimum concordia restitui conciliarique possit. Quibus omnibus efficitur, parci multitudini debere, solos vero auctores seditionis legitimis poenis subdendos esse. Plato tamen *Lib. xi. de legib.*, auctoribus adiungit amplissimos Magistratus, qui vindicare seu dolo, seu timiditate seditionem neglexerint, quos et ipsos pro hostibus habendos censuit. Neque hic audiendi qui scribunt, ita demum auctores seditionis capite plectendos, si perniciosum consilium effectum habuerit: ceterum si qui ad arma quidem conclamaverint, steterit autem immobilis multitudo, mitius eos puniendos. Quid enim? nonne Lex Coroelia gladio punit eum, qui *vel ambulaverit cum telo hominis occidendi gratia*? nonne Const. Arcadii et Honorii aperte dicit; *eadem severitate conatum effectumque sceleris puniendum*? Valeant ergo auctores intempestivae lenitatis (3). Neque

(3) lis, qui scribunt mitius eos puniendos, qui ad arma quidem conclamaverint, steterit autem immobilis multitudo, veluti Auctoribus *intempestivae lenitatis* nuntium com Auctore non adeo facile mitterem. Nec enim Auctores seditionis proprie dici queunt, cum seditio, vel tumultus in concitato populo minime evenit, et sane Paulus in l. 38. §. 2. de poen. capite puniri tradit Auctores seditionis et tumultus, verum *populo concitato*, et in l. 2. C. de sedit. poenae, quas de seditionis et tumultus auctoribus vetustissima decreta sauxerunt, in eos statuuntur, qui *huiusmodi voces emisissent, moverintque tumultus*.

illud hic omittendum, saepe non sine rubore Principes poenam exigere a seditiosis, cum ipsi saevitia sua et tyrannide causam seditionibus dederint. Quae frequentior aut uberior seditionum causa, quam novae in dies atque nimiae tributorum exactiones, quibus non tondetur pecus, quod boni pastoris est, sed prorsus deglubitur, quod tyranni? Quae autem immunitas, seu ob meritum indulta, seu contractu atque pactionibus constituta, hodie tuta ab infestis illis hiisudinibus atque sanguisugis? Nonne igitur immane prorsus atque tyrannicum, ob seditionem vitam petere eorum, quorum ante sanguidem hauseris? quosque saevitia tua ad coetus conventusque faciendos impuleris? Qua autem fronte etiam nunc rebelles appellabimus eos, quorum vitae, libertati, bonis cum insidiaretur tyrannus, effecit, ut armis defenderent libertatem, quam precibus nequiverant? Quam enim pudenda, quam inexplibilis cupiditas, cum legatus Regis, Albae dux, non solum centesimam omnium rerum semel, sed eo amplius decimam pretii venditis mobilibus, vicesimam venditis immobilibus imperaret? Sapientius igitur illi, qui ignoscendo et peccata subditorum, et saevitiae suae avaritiaeque notam abolent. Et si, ut supra dictum, parcendum est multitudini punitis auctoribus, quid Principi suadendum, ubi ipse seditionis causa, ac quasi auctor est?

Cuiusve opera, consilio, dolo malo consilium initum erit, quo quis Magistratus Pop. Rom., quive imperium potestatemve habet, occidatur. Sunt qui existimant perduellionem committi dumtaxat, adversus Principem: si quis non adversus Principem, sed consiliarios eius aliquid molitus fuerit, cessare perduellionis poenam. Hor praesens locus refellere videtur: nam si est hoc adversus securitatem Populi Romani, occidere Magistratum eius, erit etiam perduellio; cum sit perduellis, quisquis Pop. Rom. securitatem violat. Aperte certe hos redarguit Constitutio Arcadii et Honorii, quae perduellibus eos quoque adnumerat, qui de nece virorum illustrium, qui consiliis et consistorio Principis intersunt, senatorum etiam (nam et hi

Vid. Dec.
7. ter. crim.
35. Faut. d.
qu. 133. u
53. et seqq.

Fach. 9. con-
tr. 3a.

Argoutr. ast.
360. d. 23. n.
7.

pars corporis principalis sunt), vel cuiuslibet postremo qui Principi militant, cogitaverint. Frustra autem adducitur in contrarium *L. meminisse 7. C. h. tit.*, cuius cum brevis atque concisa oratio sit, ex superioribus locis interpretatio sumenda erit (4). Multo minus illi audiendi, qui existimant, perduellionem tantum adversus Imperatorem Romanum committi, non adversus Reges, aut Optimates, aut populos maiestatem habentes. Qui quidem etiam ridiculi sunt, quum scribunt, solidum sententiae suae stabilimentum esse, quod Constitutio Arcadii tantum de Principe Romano loquatur: nam recte rem putantibus; non solidum id, sed plane stramineum argumentum apparet. Arcadius quidem atque Honorius cum eam Constitutionem ederent, de Principe Romano loquuti sunt: neque enim divinare poterant, dividendum olim orbem Romanum in plura regna, tamen imminerent iam Italiae Gothi, Hispaniae Vandali atque Suevi, Galliae Franci: sed postquam diviso atque discerpto varias in partes imperio, subacta etiam urbe aeterna, novi Reges iure Romano uti voluerent, quis non videt voluisse etiam dicta Constitutione uti, nisi esset ei specialiter derogatum. Num igitur

(4) Perduellionis crimen uti speciem a maiestatis crimine uti genere distingui superius ex *L. ult. h. i.* animadverti. Porro Paulus lectus in *cit. L. 7. C. h. t.* non brevi atque concisa oratione loquitur, cuius interpretatio ex superioribus locis suuenda sit uti existimat Auctor, verum perspicue tradit perduellionem esse aliquid moliri adversus maiestatem Imperatoris. Igitur tum ex *h. L. ult. D. h. t.* manifesta res est perduellionem non committi, et inde perduellionis poenam cessare, si quis dolo malo consilium init adversus maiestatem, quo occidatur. Idipsum siquidem ad maiestatis crimen uti genus, nunquam autem ad perduellionem. Nec ullum Auctoris sententia fundamentum reperit in Constitutione Arcadii et Honori. quae habetur in *L. 5. C. h. t.* Eleganti enim, atque admodum erudita dissertatione cl. Gothofredus comprobavit in nulla *cit.* constitutionis parte de proprio perduellionis criminis agi, sed de nova tantum specie quadam, quam laudatis Imperatoribus maiestatis et quasi *perduellionis* criminibus accensere atrocissimis poenis persequi libuerit. Vid. Comment. ad *Cod. Theod. sub L. 3. ad Leg. Corn. de Sicar.*

ad veteres fabulas, et aegrorum somnia recurremus, dicendo, Imperatorem esse dominum mundi, et hereticum esse, qui id negare ausit, quoniam scriptum sit in sacris: Exiit decretum ab Augusto, ut censere-
tur universus mundus? Pudeat nos puerilium nugarum: nec tamen pudet hodieque nonnullos patrocini-
um eis praestare, qui cavillantur etiam nunc Imperatorem Romanum dominum mundi esse, ratione
adquirendi, quod officio eius incumbat, totum orbem Romanis fascibus subiicere, quasi vero quod desidia
amissum est, per ambitionem sine scelere suppleri possit. Similis eorum stultitia est, qui dominium mundi non possessione,
sed iure aestimandum aiunt, ut non solum illas provincias, quae actu parent, sed et quae se eximerunt,
comprehendat. Utrique dum larvas sectantur, eo ipso produnt, Romanis dissimillimos se esse,
apud quos ius imperii valebat, inania transmittebantur. Sed his omissis, revertamur ad rem.
Ait JC, *Magistratus Pop. Rom.* etc.: Ex his intelligimus, si quis Duumvirum, aut Defensorem plebis occiderit,
perduellem non esse: nam nec Populi Romani Magistratus est, nec Imperium habet, *L. ea quae 16. D. ad municip., L. un. D. si quis ius dic. non obtemp.,*
Seneca v. Controv. Non ages mecum reip. laesae, si Atheniensem Senatorem occidero, sed caedis. Intelligimus etiam perduellum esse non solum cum, qui
Tribunum pl. violaverit, quem sacrosanctum esse Leges voluerunt, sed et qui quemcunque alium Magistratum.
Constitutio Arcadii habet, *Qui de nece cuiuscunque militantium nobis cogitaverit*: quibus verbis, non gregarios milites intelligere debemus, id enim absurdum foret; sed eos dumtaxat, qui cum imperio et potestate sunt. Neque enim novum est, Leges posteriores trahi ad priores, ut ex iis interpretationem recipiant,
L. sed et posteriores 28. D. de legib. Quod cum animadverterent nonnulli interpretes, ad ducem solum exercituum pertinere ea verba scripserunt: et recte, siquidem per ducem intellexerunt omnem, qui est cum imperio et potestate militari. Illud nihilominus temperamentum adhibendum videtur, publi-

Bartol in l. nostes. D. de capt. Zon. de imp. Rom. n. 118. et seqq. Reink. lib. 1. de regim. Rom. imp. clas. 3. cap. 3. Tac. 16. annal.

8

Vid. Gaj. de decis. 100. n. 7. Clar. h. n. 5. Decian. 7. cap. 5. n. 4. et 31.

co ne, an privato odio supradictae personae violatae fuerint: nam si privatarum inimicitiarum gratia factum sit, minuisse quidem reus maiestatem videbitur, non tamen perduellionem commisisse: quoniam perduellio hostilem animum requirit. Itaque cum L. Piso, Praetor Hispauiae, a quodam agreste, nationis Termestinae, privato odio cactus esset, quod pecunias e publico interceptas, acrius quam ut tollerarent barbari, cogeret; atrox quidem id facinus Tacitus, non tamen perduellionem vocat. Sed et cum Q. Pleminius Scipionis legatum, milites sine respectu non maiestatis modo, sed et humanitatis naso auribusque mutilassent, lictoresque indignum in modum multassent, nulli tamen diem perduellionis dictum legimus. Quod si dubitetur, publico an privato odio quid factum sit, argumentis prudens iudex utetur; et interdum prorsus non audiet reum, privatum odium sceleri practendentem. Quid enim, si qui in necem totius Senatus conspiraverat, privato id odio se fecisse dicat, nonne ridicula futura defensio? Idem ergo dicat, conspiratione in ipsum Principem facta, non publico, sed privato odio se fecisse: posse se odisse Principem, salva republica: posse Senatum, salvo Principe. Illud postremo notandum, diem perduellionis dici potuisse non illis solum, qui occiderant Trib. pl., sed et qui intercessioni non paruerant. Ita enim C. Claudio. et Tib. Graccho Censoribus dies perduellionis a P. Rutilio Tr. pl. dicta, quod intercessioni non paruissent, atque etiam concionem a Tribuno avocassent.

9 *Quove quis contra rempublicam arma ferat..* Hic adiiciendum ex L. 3. et 4. h. tit., *Cuius dolo maior hostis concitatus erit, fuctumve, ut ex amicis hostes Populi Romani fiant.* Nam quid tam hostile, aut abominandum, quam patriae hostem concitare, pro qua, si hostis ingruat, etiam ultro sit moriendum? Nec interest, foris quis hostem concitaverit, an domi: nam quo sunt intestiua odia acerbiora, eo etiam gravius peccant, qui civile, quam qui externum bellum conflaverint. Ob quam causam veteribus placuit, ut qui

Tacit. 2. anal. L. v. lib. 29. cap. 9.

Liv. lib. 43. cap. 163.

Val. Max. 2. cap. 8.

civili bello res quamlibet praeclaras maximeque utiles gesserat, neque Imperatoris nomen gereret, neque supplicationes decernerentur, neque aut ovans urbem ingrederetur, aut cursu triumpharet; ut enim necessariae istae, ita lugubres semper existimatae victoriae sunt: utpote non externo, sed domestico cruento partae. Porro verbum, *quis*, quo JC. utitur, infinitae significationis est: tenetur ergo non solum, qui multitudini persuaserit, ut contra remp. arma ferat, sed et qui singulis. Nam qui singuli ad hostes deficiunt, perduelles sunt: ergo et qui singulis persuadent, ut deficiant. Nisi forte dixeris vilissimos atque ignobiles infra legis huius laqueos esse, et puniri quidem ut transfugas, non tamen perduellionis eis dici dici. Sane non omnes qui quoque modo bello causam dant perduellos indicantur, sed illi tantum qui sunt hostiliter animati. Ex. gr. Pulsavit quis hostium legatos, hostesque eam iniuriam ultum eunt, non perduellionis damnatur, quoniam hostili in patriam animo non est; sed hostibus deditur, *L. ult. D. de legatione*. Atque ex his apparet, sine causa haesitasse Hottomannum circa interpretationem istorum verborum: *qui hostem concitaverit*: nam quod primo loco putat, hostem concitare, esse iniussu Imperatoris, et extra ordinem in hostem pugnare, quemadmodum A. Postumii Dictatoris, et T. Manlii Consulii filii fecisse leguntur, id a verbis alicum est.

Quive hostibus Pop. Rom. nuntium literasve miserit, signumve dederit, feceritve dolo malo, quo hostes Pop. Rom. consilio iuventur. Hoc caput nonnulli de iis dumtaxat accipiendum censent, qui sunt Principi a consiliis, vel secretis: si quis alius id fecerit, capite quidem puniendum, non tamen maiestatis reum autumant. Horum interpretatio nequaquam probanda; verba enim sunt generalia, sed et ratio contra omnes subiectos militat. Hostili enim animo est, quisquis patriae consilia hostibus renuntiat. Nec obsunt *L. 6. §. exploratores, L. 8. D. de re milit. L. 3. §. 1. D. poen.*, quae ideo nullam faciunt publicationis bonorum mentionem, quoniam publicatio bonorum

Hoc com. ad
L. XII. Tab.

10
Decis. 7. rer.
crim. 17. Far.
d. qu. 113. n.
217. Quinil.
decl. 272.

olim tacite sequebatur poenam capitis: memoriae vero post mortem damnandae non necessarie omnibus locis sit mentio, sufficit quod his legibus deest, et aliis suppleri posse. Ceterum, quod ad literas attinet, non solum qui eas misit hosti, perduellis est, sed et qui tulit dolo malo, sciens quid contineretur. Item qui literas hostium, quibus consilia exitiosa continebantur, recipit, nec iudicium fecit. Et generaliter, quisquis secreta Reip., aut Principis dolo malo hosti prodit: adeo ut medicus quoque, qui morbum et instantem Principi mortem prodiderit hostibus, perduellionis reus, fieri possit: hac enim produtione accenduntur ad res novas. Ex. gr. Charicles Tiberii medicus, cum per speciem officii, aegrotantis manum complexus, pulsum venarum attigisset, non ultra biduum duraturum spiritum Macroni firmavit. Iupube, propter mortem Tiberii insequentam, aut quod non hostibus, sed suis praedixisset. Idem si hostibus firmasset, ut incitarentur ad bellum, quis non perduellionis reum diceret? Nec dissimilis est mathematicorum causa, qui novandarum rerum studio aut Principis interitum praedicunt, aut regnum affectantibus spondent; Item eorum qui mathematicos ea de causa consulunt, idque verum esse non tam nostris, quam Tertulliani verbis confirmabimus, *Cui opus est, inquit, perscrutari super Caesaris salute, nisi a quo aliquid adversus illam cogitatur, vel optatur, aut post illam speratur, et sustinetur? Non enim ea mente de caris consulitur, qua de dominis. Aliter curiosa est sollicitudo sanguinis, aliter servituti.* Ceterum a poena eximendi sunt illi, qui non dolo malo, sed tormentis subacti consilia nostra hostibus enuntiaverunt: quorum patrociniū recte suscepit Quintilianus *de cl.* 272.

Quive milites sollicitaverit, concitaveritve, quo seditio, tumultusve adversus rempublicam fiat. De seditione dictum est supra. Tumultus a subito timore dictus videtur, nam et tumultuarii milites dicebantur, ob subitum timorem lecti. Fiebatque tumultus ab Italicis tantum et Gallicis hominibus, qui imminent Italiae, ut ex Verrio Festus refert. Innuīt autem

Tertuil. ad
v. g. ut.

11

praesens caput, utrumque per duellem esse, et qui tumultum, et qui seditionem adversus remp. excitavit, aut quantum in se fuit, excitare annisus est. Nec adversatur quod scriptum est in *L. 3. §. si intra D. de re milit. Si intra vociferationem, aut levem querelam seditio mota sit, tunc gradu dumtaxat militiae auctorem deiici*. Non enim vociferatio ibi intelligenda, quae facta sit, quo seditio contra Principem aut Rempublicam concitetur sed alterius rei gratia. Variarum enim militantium querelae: modo labores, modo arctiorem commeatum, modo iter moleste ferunt: interdum ad supplicium aliquem deposcunt: interdum supplicio eripere nocentem festinant. Hinc subitae vociferationes, et dissoni saepe clamores: quos omnes perduellionis Legi subiicere velle, perquam durum et absurdum foret: in primis si intra vociferationem, aut levem querelam tumultus steterit. Eleganter Amyntas, coniurationis reus ad Alexandrum, *Etiam si militis tui, vel in agmine deficientis et fatigati, vel in acie periclitantis, vel in tabernaculo aegri et vulnera curantis, aliqua vox asperior esset accepta, merueramus fortibus factis, ut mallet ea tempori nostro imputare, quam animo*. Et post: *Militantium nec indignatio, nec laetitia moderata est. Ad omnes affectus impetu rapimur, vituperamus, laudamus, miseremur, irascimur. Utcumque praesens movit affectio, modo Indiam adire et Oceanum libet, modo coniugum, et liberorum, patriaeque memoria occurrit. Sed has cogitationes has inter se colloquentium voces signum tuba datum finit. In suos ordines quisque currimus, et quidquid irarum in tabernaculo conceptum est, in hostium effunditur capita*. Sed etsi seditio, vel tumultus contra remp. excitatus sit, non tamen nisi auctores eius capite puniendi, ut supra dictum est. Idque in primis verum, cum Ducis quoque vel Imperatoris negligentia intervenit: fieri enim nequit, quin ubi solita militiae munia intermiserint, militemque laxiore disciplina habuerint, ad discordias, tumultumque proclivis ille fiat. Hac occasione seditiosum in furorem erupit Sci-

Q. Curt. lib.

7.

Sand. 5. tit.

9. def. 12.

Liv. lib. 28.
cap. 21. Tac.
3. annal.

Veget. 3. cap
7

Val. lib. 9
cap. 7. Capit.
tol. in vit.
Pertin.

Vide Farin.
d. quæst. 113
l. 181.

pionis exercitus, qui in castris ad Sucrorum erat: Legionibus Germanicæ, nec non Pannonicæ sub Tiberio Caesare: quarum legati cum militiae labores remisissent, eo principio, ut Tacitus ait, lascivire miles, discordare, pessimi cuiusque sermonibus præbere aures, denique luxum et otium cupere, disciplinam et laborem aspernari. Gravior illa seditio, quam non Ducis negligentia peperit, sed sponte sua deterrimi quique conflavere, dum aut prælium metunt, aut disciplinam non ferunt. Uti enim Vegetius ait, interdum qui pugnare nolunt, irasci se simulant, cur non ducantur ad bellum, dumque prælium metuunt, ad seditionem præcipitantur. Alii ducis severitatem exosi tumultum cecit, disciplinamque præfractius defensam, nece nefaria Imperatoris vindicant, ut fecit ille C. Carbonis exercitus de quo Valerius. Pertinax quoque Imperator eandem ob causam capitis periculum adiit in Britannia, deum occisus Romæ a militibus gravem militiam sub sene Imperatore timentibus. Sed et ab auctoribus seditionis diligenter discernendi, qui occasionem dumtaxat seditioni dedere. Ex. gr. Blasus ille Germanici legatus, cum solita militiae munia intermitteret, Carbo cum collapsam disciplinam restituere vellet, non tam causam, quam occasionem seditioni præbuerunt: immunes igitur a perduellionis poena sunt. Aliud exemplum adducunt interpretes, quod sane frequenter contingere potest: nempe, cum exercitui non solveretur stipendium, centurio aliquis biliosus in hæc erumpit verba: *mirandum est, milites seditionem non movere*. Prætereuntes sorte milites exceptam centurionis vocem, per manipulos distulerunt, atque ita seditio coorta est: non tam causam centurio, quam occasionem seditioni dedisse iudicandus est.

12 Qui de provincia, cum ei successum esset, non discessit. Adiciendum ex L. 3. tit. 12, Quive cum ei successum esset, exercitum successoris non tradidit. Hæc quoque hostilem animum arguunt, nolle, cum successorem acceperis, de provincia decedere, aut exercitum tradere: cur enim retineas provinciam, cum præ-

esse desieris? Id autem intelligendum, si post quinquagesimum diem elapsum, non decesserit quis: tot enim dies manere iubetur in provincia, ut a provincialibus, coram successore Repetundarum reus argui possit, *L. un. C. ut. om. iud. tam civ. quam milit.* Quid autem e contrario, si ingressus quis sit eam provinciam vel urbem, quam ingredi ei fas non erat, an perduellionis reus erit? Exempli gratia, Augustus inter alia dominationis arcana, vetuerat Senatores et equites Romanos illustres Alexandriam sine permissu suo ingredi: seposueratque Aegyptum, ne fame urgeret Italiam, quisquis eam provinciam claustraque terrae ac maris, quamvis levi praesidio adversum ingentes exercitus insedisset: Alexandriam igitur qui Senator, equesve ingressus erit, eum perduellem iudicabimus? Iudicabimus, si hostili animo, et rerum novandarum gratia fecerit; non si cognoscendi studio, et fama urbis accensus. Nam Germanicus, cum visendi studio, non sponte Tiberii ingressus esset, increpitus quidem a Tiberio est, non tamen perduellionis crimen eidem obiectum.

Tacit. 2. ann.

Qui exercitum deseruit, vel privatus ad hostes perfugit. Prior huius capituli pars repetitur in *L. 3. istis* 13
verbis, Quive imperium, exercitumve Pop. Rom. deseruerit. Ex quibus colligitur, non tam gregarios hic intelligi, quam eos qui cum imperio sunt: puta Imperatores, eorumque Legatos, praefectos, tribunos, et si qui alii, qui tenentur, etsi deseruerint tantum exercitum, non etiam ad hostes perfugerint. Pertinet enim ad securitatem reipublicae, exercitum non esse absque duce, utrumque ineptum ad victoriam sit, et dux sine exercitu, et exercitus absque duce. Quare Caesar in Hispaniam cum exercitu tendens, ire se dicebat ad excreitum sine duce: dein iturum ad ducem sine exercitu: facilem exinde sibi augurans adversus Pompeium victoriam. In privatis vero vel gregariis, non videtur ad perduellionem sufficere desertio, nisi iidem ad hostes quoque profugerint. Nam qui ad hostes non transfugiunt, interdum quidem capite multantur, sed interdum non nisi militiam mutare iuben-

tur, *L. 3.*, *L. 4. §. 9. 10. 13. et seq.*, *L. 5. D. de re mil.* Neque vero ii soli maiestatis tenentur, qui exercitum deseruerint, sed et qui cum exercitu provincia exeunt, ut docet Cicero in *L. Pisonem*. Ad eos vero qui imperium Pop. Rom. deserunt, suft et illi adiungendi, qui potestatem suam in administrando non defendunt, ut constat ex *Ascon. 3. Verr.*

Qui ve sciens falsum conscripserit vel recitaverit in 14 tabulis publicis. De hac specie dubitari potest, quid habeat commune cum perduellione, cum falsi genus esse videatur, non perduellionis. Ita enim Paulus respondit in *L. instrumentorum 16. §. ult. D. ad L. Corn. de fals.* poena Legis Corneliae eum teneri, *Qui in rationibus, tabulis, literis publicis sine consignatione falsum fecerit*: Et Marcianus in *L. 1. §. qui in rationibus D. eod.* testatur, a *D. Severo falsi damnatum Praefectum Aegypti, quod instrumentis suis, cum praeserat provinciae, falsum fecisset.* Nil quidquam hic succurrit, nisi ut cum Accursio divinemus, eiusmodi hic falsum intelligendum, quod ad grande reipublicae detrimentum tendat, ut si quis scripsisset in tabula publica, donasse Populum Romanum alicui Regi provinciam, vel regnum, aut simile quidpiam. Nam si neque hostili animo factum sit, neque reipublicae salutem concernat, nihil profecto falsum ad perduellionem. Eorum sane responsio subsistere non potest, qui dicunt, pertinere quidem ad maiestatem, tabulas publicas non adulterari, non tamen perduellionem esse; Jureconsultus enim cum dicit, etiam hoc capite primo Lege maiestatis enumerari, satis innuit perduellionis speciem esse. Si tamen vera est interpretum sententia, ex iisdem verbis concludentium, Legis huius duo fuisse capita; quorum priore actum fuerit de perduellione, posteriore de reliquis maiestatis laesae speciebus (5).

(5) In *cit. L. 16 §. ult. D. de L. Corn. de fals.* crimen falsi uti genus describitur, cum ab eo dicatur committi *qui in rationibus, tabulis, literis publicis sine consignatione falsum fecerit*: ast in *L. 2. h. t.* illud falsum uti species memoratur, quod quis *sciens conscripserit, vel recitaverit in tabulis publicis.* Admodum igitur

Porro adiciere huic loco possit eos, qui tabularium incenderint, id est, locum, in quo tabulae publicae custodiuntur. Id enim sine irreparabili reipublicae damno fieri nequit: videturque Cicero confirmare, pro C. Rabirio perduellionis reo, cum ait, *An de perculatu facto, an de tabulario incenso longa oratio est exprimenda?*

Qui in bellis cesserit, aut arcem non tenuerit, aut castra concesserit. Cum hoc capite coniungenda, quae habentur in L. 4. et 10. h. tit., *Cuius ope, consilio, dolo malo provincia, vel civitas hostibus prodita est. Cuiusve dolo malo exercitus Pop. Rom. in insidias deductus, hostibusve proditus erit; factumve dolo malo cuius dicitur, quo minus hostes in potestatem Pop. Rom. veniat. Cuius dolo malo factum est, quo magis obsides, pecunia, iumenta hostibus Pop. Rom. dentur adversus rempublicam.* Pleraque haec eiusmodi sunt ut dubitari non possit, perduellem esse, qui ea fuerit ausus; sed de illis, qui bello cedunt, aut arcem non tenent, (ita enim legendum ratio suadet) aut castra hostibus concedunt, aliquid adiciendum. Cedimus hosti vel dolo malo, vel ignavia et formidine, vel propter vim hostilem, cui pares non sumus. Dolo malo si cesserit quis, et proditionis animo, eum perduellionis reum esse, nemo ambiget. Sin ignavia et formidine, haesitari potest; neque enim ignavia et meticulositas dolo omnino vacua videtur, quoniam scit meticulosus, quid sit agendum; sed prae ignavia et timore id exsequi non vult; dumque unicum bonum diuturnam vitam aestimat, pro patria mortem oppetere recusat. Ad haec Gn. Fulvii exemplum admonet, in bellis crimen gravissimum esse, ignaviam: huic enim dies perduellionis dicta, quod in Apulia, temeritate atque inscitia, exercitum in locum praecipitem perduxisset, et fugae pavorisque initium ab ipso ortum esset. Praeterea cum

Stat. Oml. 7.
§. 33.

Liv. lib. 26.

Polyb. lib. 6.

verosimile est falsum in eadem Lege ad crimen maiestatis reduci, cum quis in iis Tabulis illud conscripserit, in quibus negotia ad Rempublicam perinentia soleant conscribi, ac inde huiusmodi falsam ipsam Rempublicam directe afficiat.

singulis militibus capitale sit, aut stationem deseruisse, aut arma segnitie perdidisse (fustuario enim supplicio necabantur), cur non perduellis iudicetur dux, cuius ignavia arx amissa, aut castra concessa fuerint? Aspero enim et abscisso castigationis genere militaris disciplina indiget; quia vires armis constant, quae ubi a recto tenore desciverunt, oppressura sunt, nisi opprimantur. Verum his non obstantibus, verius existimo, ignaviam et timorem Legi perduellionis non recte subiici: Cur enim recedamus ab ea perduellionis definitione, quae in libris nostris prodita est? ut perduellis sit ille dumtaxat, qui hostili animo adversus rempublicam animatus est? Atqui manifestum est: hostiliter animatum eum non esse, qui ignavia dumtaxat et formidine torpet, cur ergo perduellionis ei diem dicamus? An quia Cn. Fulvio dicta est? Atqui longe plura exempla Valerio memorantur eorum, qui per ignaviam deliquerant, nec tamen perduellionis iudicio percussi sunt. Uno igitur potius, quam pluribus exemplis freti de iure statuemus? Quid quod Varroni, cuius temeritate Cannensis clades accepta, etiam gratiae acte in Senatu, quod non desperasset de republica? Cum igitur varie se gesserint Romani adversus duces, quorum temeritate peccatum erat, non est cur ad exempla magis, quam ad leges respiciamus. Iam quae de disciplina militari Polybius in memorat, ea severioris seculi fuisse, inde argui potest, quod ille deserentes stationem fuste necari tradat, cum contra Modestinus in *L. 3. §. 5. D. re milit.* scribat, *pro modo delicti aut castigari, aut gradu militiae delicti*: Et Paulus in *L. 10. D. cod. eum* dumtaxat *capite puniri, qui excubias palatii deseruerit*: cui ex Arrio Menandro in *L. 6. §. qui in acie 3. D. cod.* iungendus ille, *qui prior ex acie fugit*. Quod cum legimus, non mirum videri debet, Cn. Fulvio diem perduellionis dictam esse: praeterquam enim, quod temeritas ei imputaretur, etiam pavoris atque fugae ab eo initium factum erat. Quod autem postremo ad eos attinet, qui propter vim hostilem, cui impares sunt, aut stationem deseruerint, aut castra, vel arcem concesserint, his

Valer. Max.
lib. 1. cap. 7.

Liv. lib. 22;
in fin.

Cuyek. ad
Cravet cons.
889.

sane nihil imputandum videtur. Est enim quidam humanarum virium modus, qui nulla virtute superari potest, ut eleganter Livius ait. In primis autem illis subveniendum, qui non solum extra arcem vel castra ab hostibus premebantur, sed et intra munitiones commestus inopia laborabant. Fames enim malum eiusmodi est, quod humanam naturam superat: unde Aristoteles quoque in Ethicis tradidit, veniam mereri eum, qui propter ea, quae humanam naturam excedunt, et a nullo sustinerentur, fecerit aliquid deforme aut indecorum; ita enim illud Aristotelis *aichron-ti*, explicandum videtur, ut non significet id, quod simpliciter turpe et criminosa est, veluti cadces, adulterium etc. id enim nulla vis, quamlibet magna nobis exprimere debet; sed quod est indecorum, indignum, aut deforme: ut si tyrannus sub poena capitis mandet viro sobrio et gravi saltare in foro: veniam ei dabimus, si id fecerit. Et castra hosti concedere deformis est, sed propter vim, cui resisti nequit, venia danda.

Liv. lib. 4.
cap. 58.

Arist. 3. Eth

1.

Qui iniussu Principis bellum gesserit, delectumve habuerit, exercitum comparaverit. Maximum reipublicae turbandae momentum in bello consistit: merito ergo perduellis censetur, qui iniussu Principis id gesserit. Olim fas non erat bellum gerere, nisi populus lege lata decrevisset: et licet controversum aliquando fuerit, utrum populi iussu indiceretur bellum, an satis esset Senatusconsultum, pervicere tamen Tribuni, ut Consul de bello ad populum ferret. Ideo Ulpianus quoque in *L. hostes* 24. *D. de cap. et postlim. revers.* non dicit hostes esse, quibus Senatus bellum decrevit, sed quibus publice Populus Romanus bellum decrevit. Translato Lege Regia in Principem imperio (6), Principis ea cura atque potestas esse coepit.

Liv. lib. 2. c.
48.

(6) Si verum dicere amamus, imperium in Principem potius potentia Imperatorum et taciturnitate Populi quotidie in servitium ruentis, quam aliqua lege translatum fuit. Praeclare Tacitus *annal. lib. 1. §. 1.* = *Non Cinnae, non Sullae longa dominatio; et Pompei Crassique potentia cito in Caesarem: Lepidi atque Antonii arma in Augustum cessere; qui cuncta discordiis civilibus fessa nomine Principis sub imperium accepit.*

Nec interest hac parte, grave sit bellum et periculosum, nec ne; nam adversus Veientes, assiduum magis quam gravem hostem, non ausa est gens Fabia bellum gerere, nisi praecedente publico decreto: nec ullus unquam hostis ita infirmus fuit, quin contemptus creverit. Sed nec illud interest, prospero, an adverso eventu bellum gestum fuerit, *L. 3. §. in bello D. de remilit.*, nam et victi saepe acrius instant, et ut quiescant, in periculum tamen et discrimen respublica fuit adducta.

Liv. lib. 26.
cap. 2.

Quapropter Cacsarem, bellum iniussu populi adversus Gallos quamlibet feliciter gerentem, Cato hostibus dedendum censuit. Et cum post Scipiones in Hispania L. Martius ab exercitu dux electus multa praecleara adversum Poenos gessisset, offendit tamen Senatum. Res enim mali exempli est credita, imperatores legi ab exercitibus: et solenne auspicatorum comitiorum, in castra et provincias procul a legibus magistratibusque ad militarem temeritatem transferri. Denique si grave crimen, dare se militem, cui non licet, *L. 2. §. 1.*

Valer. d. lib.
2. cap. 7.

D. de re milit., quanto gravius, gessisse bellum, cui fas non est? Et si securi caesi, qui iniussu Imperatoris adversus hostem extra ordinem pugnaverant, quid in eos statuendum, qui iniussu Principis bellum conflaverint? Porro quemadmodum bellum indicere solius Principis est, ita quoque bellum pace, aut foedere facto finire. Nam et ante Principem populi fuit potestas, aut firmandi, aut infirmandi pacta atque foedera, ut aperte Polybius scripsit; quanquam Livius complura foedere memorata Senatu confirmata. Quae vero duces belli, iniussu Principis vel Populi paciscebantur, sensiones magis erant, quam foedera: quippe, quorum exitus atque conditiones ex populi Principisve confirmatione penderent, ut ex iis intelligimus, quae Sp.

Polyb lib. 6.

Postumius discruit apud Liv. *Lib. ix.* Itaque cauti esse debent, qui huiusmodi pactiones ineunt, ne idem patiantur quod Samnites, quos non minus victoriae, quam pacis spes frustrata est.

Quive privatus pro potestate magistrature quid sciens dolo malo gesserit. Huc pertinere videntur, quae 17 apud interpretes reperiuntur. Si quis, cum imperium

potestatemvc haberet, fines eius excesserit (7): Si Principis insignia quis usurpaverit, aut pro Duce vel Marchione gesserit, cum neque Dux, neque Marchio esset: Si quis privatum carcerem habuerit, *L. 1. et 2. C. de privat. carc. inhib.* Cic. *Ver.* 3. Quae omnia in Legem quidem Juliam maiestatis incidunt: ad primum tamen caput de perduellibus pertinere non videntur, nisi ab affectante imperium, aut hostiliter animato fuerint facta. Obiici poterat: Qui nomine Praetoris literas falsas reddidisse, edictumve falsum proposuisse dicitur, ex caussa actione in factum poenali tenetur, et Lege Cornelia de falsis, *L. qui nomine 25. D. ad L. Corn. de fals.* Similiter, qui falsis rescriptionibus utuntur, *L. 4. C. eod.* Non igitur Lege Julia maiestatis. Respondeo: aliud est pro Principe, pro imperio et potestate quid gerere; aliud simulare rescriptum Principis, vel edictum Praetoris. Illud qui facit, in Legem Juliam maiestatis incidit; qui hoc in Legem Corneliam de falsis. Nec adversatur huic distinctioni, quod scriptum est in *L. eos 27. §. ult. D. eod.* Eum qui se pro milite gerit, vel illicitis insignibus utitur, vel falso diplomate vias commeavit, pro admissi qualitate gravissime puniendum esse: Verbum enim, *gravissime*, non solum ad poenam Legis Corneliae, sed et pro admissi qualitate, ad poenam Legis Juliae referri potest (8). Minus sane obsunt *L. 8. pen. et ult. C. de divers. off.* quae loquuntur tantum de apparitoribus, vetanque alios sumi, quam qui sacra probatoria, ipsius Principis manu subscripta, continentur, ut adnotat doctissimus Cuiac. *ad easd. LL.* Porro, possis forte huc et illos referre, qui iniussu Principis eranos, seu collationes fecerint, exegerintve: seu, ut nunc loquimur,

Guid Pap. q.
425. Farin. q.
114. part. 1.
Decian. 7.
rer. crim. 9.

(7) Eadem enim videtur esse iuris ratio, cum et magistratus pro privato haberi debeat in iis quae ultra fines imperii, potestatiue gesserit. Verum in legibus poenalibus interpretatio extensiva, neque pro rationis paritate facile admittenda videtur.

(8) To *gravissime*, quo utitur Modestinus in *cit. L. 27. §. ult. ad L. Iul. maiest.* non videtur referendam, cum ibi de solo falso lectus agat, et notum insuper in iure sit quem pluribus legibus reum non posse fieri. Vid. *L. 14 D. de accus.*

Plin. 19 ep.
94.

collectandi ius exercuerint; id enim in civitatibus prohibetur, quoniam ad turbas et illicitos coetus collatis pecuniis facile abuti possunt, ut Traianus Plinio rescripsit.

Cuius. 16.
obs. 79.

Cuiusque dolo malo iureiurando quis adactus est, quo adversus remp. faciat. Id est, cuius dolo malo coninratio facta est adversus rempublicam; ita enim, teste Cuiacio, Graeci exponunt *Lib. LX. Basil. Tit. XXXVI. cap. IV.* Hoc crimen ad Legem perduellionis pertinere quis dubitet, cum Constitutio quoque Arcadii atque Honorii aperte eos poenis perduellium subiiciat, qui scelestam adversus Principem, vel senatores eius factionem inierint? Qui autem foedus fecerint, non animo hostili, sed mutuae defensionis gratia, in Legem non incidunt. Huiusmodi sunt hodie multa in Germania, cum Principum, tum civitatum imperii, quibus opem atque auxilia invicem pollicentur, non adversus remp., sed adversus vim hostilem icta foedera. Quae tamen et ipsa tutius est ab Imperatore confirmari, quemadmodum et pleraque illorum confirmata sunt a Caesare, ut ansa omnis calumniarum praecideretur. Quid igitur, si civitas aliqua exteri Principis patrocinio se commendaverit, an conspiracyonem hanc scelestam dicemus? Utique, si et sine Principis sui voluntate id fecerit, et non extrema necessitate compulsa. Nam ex iis, quae *cap. praeced.* dicta sunt, liquet; subiici quodammodo alterius Maiestati, qui comiter eam observare iubentur. Observare autem iubentur, qui patrocinio alterius se dedunt, *L. non dubito 7. D. de cap. et postilim. revers.* Violari igitur tui Principis maiestatem necesse est, si alterius patrocinio te commendes. Ceterum si aut Principis tui voluntate id feceris, aut cum ab eo non defendereris, extrema necessitate coactus, nihil est, quod tibi imputari possit. Idem, si non exteri, sed indigenae patrocinio te commendaveris: sicut hodie plerasque Germanorum civitates patronum aliquem sibi Germanum adscivisse reperias, cuius opibus, gratia, auctoritate a vi defendantur: et olim non singulae dumtaxat civitates, verum etiam universae provinciae

suos habebant Romae patronos, quorum gratia, atque auctoritate tempore suo necessario utebantur. Quod ad collegia illicita attinet, quando ea impingant in Legem Juliam maiestatis, quoniam dictum est *Lib. praeced. Tit. de Colleg. et corp.*, supervacuum arbitror hoc loco repetere.

Cuiusque opera dolo malo hostes Pop. Rom. com- 19
meatu, armis, telis, equis, pecunia, aliave qua re Quintil. de-
adiuti erunt. Non solum qui donat hostibus pecuniam, clam. 3. 5 p.
 verum etiam qui credit, in hoc caput incidit, ut recte 257. Cont. de
 Bartolus adnotavit. Ita tamen si sciens fecerit, et ani- mostr. Phil-
 mo hostili: ceterum si vi coactus solverit, forte ut di- lipp. 3. p. 49.
 reptionem supellectilis, aut incendia, et agrorum po- pulationes redimeret, non est perduellis. Quid autem, si lucri sui causa id faciat, forte ab hoste maiores exacturus usuras? Et quid de mercatoribus dicen- dum, qui non tam hostili animo, quam improbi lucri gratia commeatum inferunt in oppida hostilia? Non dubito hos perduelles esse: nam tametsi in aliis causis distinguamus, quo animo quidque factum sit, nullus tamen distinctioni locus relinquitur in illis, quae directe, aperte atque immediate ad perniciem reip. spectant, quae praesentarium atque inevitabile exitium continent; veluti si quis pretio conductus Principem occidat, aut auro victus exercitum, oppida, castra hostibus dedat. Quam enim ridicula futura defensio, si auri illecebris captum se fecisse dicat? cum id ipsum hostile et abominandum sit, postponere auro reipublicae salutem. Et ideo sub Tiberio olim C. Gracchus reus maiestatis factus est, tanquam frumento hostem Tacfarinatem invisset, licet in re adeo tenui esset, ut extorris et liberalium artium nescius, per Africam ac Siciliam mutando sordidas merces sustentaretur. Sed cum legislator (9) usus sit verbis *aliave qua re*; videndum est, an ea in praesenti capite infinitae significationis sint, ita ut nihil intersit, ei-

Tacit. 4. 22.

(9) Verba, quae sub hoc num. Auctor interpretatur non Legislatoris, sed Scaevolae icti sunt in L. 4. h. t.

smodi res hostibus fuerint subvectae? Sunt enim res in triplici differentia: aliae bello destinatae, ut arma, tela: aliae tam bellorum, quam pacis usibus inserviunt, ut equi, uaves, commeatus pecuniae: aliae nullius in bello usus, tantumque ad voluptatem spectant, ut marmora, vestes pretiosae, signa, tabulae pictae, et generaliter ea quae sunt iu deliciis. Primi generis res qui hostibus subvexerit, haud dubie perduellis est. Idem iudico de illis, quae in secunda classe censentur; adiuvantur enim hostes subvectis illis, quarum aequae in bello atque pace usus. Idque in primis verum si obsessis forte huiusmodi res submittantur, quibus submissis aut obsidionem diutius telleraturi, aut obsessoribus discedendi necessitatem imposituri, fin. Confirmat hanc sententiam Paulus in *L. cotem* 11. *D. de publ.*, dum non solum eum capital, committere dicit, qui ferrum et cotem hostibus venum dederit, sed et qui frumentum et sales. Quod vero ad tertium genus rerum attinet, non solum non poena, sed contra praemio digni videri poterunt, qui huiusmodi res hostibus submiserint, cum per earum usum animi enerventur. Hanc ob causam Carthaginensium et Platonis Lege prohibetur vini usus in castris. Et P. Cornelius Scipio consul in Hispaniam missus, ad debellandam Numantiam nihil prius, nihil antiquius habuit, quam submovere e castris omnia, quae voluptatis causa parata erant. Cuius sectam Metellus bello Iugurthino sequutus est, cum exercitum Sp. Albini indulgentia corruptum acceperisset: tantumque profecit severitate, ut crebras exinde victorias, et multa trophaea Populus Romanus viderit. Cyrus autem cum Scythis congressus maiorem prope spem in vino et epulis, quam armis habuit. Fugam enim simulans, vinum afflatim, et ea quae erant mensae instruendae reliquit in castris, quibus cum Scythae se ingurgitassent, reversus de nocte incautos oppressit. Sexcenta huiusmodi memorari possunt; sed illud non praeterundum: usos hoc stratagematis genere nonnullos, non in hoste solum, sed et in subiectis nationibus. Idem enim Cyrus, cum Croesum devicisset, Lydis, ne

Plat. 2. de
legib. in iin.
Vell. lib. 2.
cap. 7.

Iustin. lib. 1.

rebellarent, arma et equos ademūt, vinum non ademūt, iussitque cauponas, et ludicras artes, et lenocinia exercere. Qua re factum, ut gens industria quondam potens, et manu strenua, effeminata mollitie, luxuriaque, virtutem pristinam perderet: et quos ante Cyprium invictos bella praestiterant, in luxuriam lapsos, otium ac desidia superaret. Eadem ratione Britannorum animos fractos Tacitus fatetur, cum ait; *Inde Britannis frequens toga, paulatimque discessum ad delinimenta vitiorum, porticus et balnea, et conviviorum elegantiam; idque apud imperitos humanitas vocabatur, cum pars civitatis esset.* Denique Seneca hoc modo existimavit sine scelere tyranno gratiam referri posse, si beneficium illi neque vires maiores daturum sit ad exitium commune, neque confirmaturum quas habet: *Pecuniam, inquit, quae satellitem stipendio teneat non subministrabo: Si marmora et vestes desiderabit, nihil oberit cuiquam id, quo luxuria eius instruitur, militem et arma non suggeram. Si pro magno petet munere artifices scenae, et scorta, et quae feritatem eius emolliat, libens offeram. Cui triremes et acrias non mitterem, lusorias et cubiculatas, et alia ludibria regum in mari lascivientium mittam.* Hactenus Seneca. Ex quibus omnibus consequitur, verum esse, quod ab initio dixi, nempe non solum non poena, sed et praemio et laude dignum eum, qui huiusmodi res hostibus submiserit. Verum quo minus hanc sententiam in omnibus eiusmodi rebus simpliciter probemus, facit L. I. C. *Quae res export. non deb.,* quae vetuit vinum, oleum, et liquamen vel gustus causa ad barbaros exportare. Ratio constitutionis est, ne capti dulcedine istarum specierum, invadendi orbis Romani consilia sumant. Quomodo Langobardos a Narsete in Italiam pellectos legimus, pretiosis nonnullis frugibus, quas ea terra fert, muneri missis. Igitur cum hoc quoque adversus securitatem reip. fiat quis dubitet Lege maiestatis teneri qui fecerit? nam ut forte ad praesens caput pertinere non videatur, utique tamen illi subiacebit, quo enumeratur, qui hostem concitaverit.

Tacit. de vit.
Agricol.

Senec. 7. de
beauf. 20.

Sigon. de
Regn. Ital. lib.

1.

Sed non est hinc discedendum, autequam illud
 20 excusserimus, si uxor forte maritum hostem vel per-
 duellem, parens liberos, liberi parentem, cognati co-
 Decia. 7. cap. gnatum, adfines adfinem, qua re adiuverint, an prae-
 34. n. 3. et 9. senti capite comprehendantur, poenaeque perduellis
 plectendi sint? Ardua sane quaestio, in qua huma-
 nitas cum utilitate certare videtur; nam si dixerimus
 comprehendi, humanitatem exuamus: si minus, uti-
 litati publicae adversabimur. Humanitatem quod at-
 tinet, quis nescit, necessitudinem inter supra dictas
 personas a natura institutam, eiusque vim tantam es-
 se, ut nulla iuris civilis sanctiones extinguere possit, *L. iura sanguinis* 8. *D. d. R. J.*, *L. ius adgnationis* 34.
D. de pact., *L. pen. D. de iust. et iur.* cumque natura
 liberis et servis communis sit, *L. hos accusare* 12. §.
ult. D. de accusat., *L. ult. §. non parcimus D. de grad*
et adfin., *L. quod attinet* 32. *D. de R. I.*, quis dubitet
 esse etiam civi et hosti communem? Et licet qui ex
 civibus hostes fiunt, civitatem amittant, retinent ta-
 men, ea quae sunt iuris naturalis et gentium, ut
 Bartolus placuit, in *L. amissione* §. *qui deficiunt D. de*
cap. min., et probat exemplum eorum qui deportan-
 tur, vel in metallum dantur; *L. sunt quidem* 17. *D.*
poen., *L. Deportatus* 15. *D. de interd. et releg.* Cum
 igitur necessitudo ista defectione ad hostes vel rebel-
 lione non perimatur, quid faciat uxor, quid parens,
 quid liberi, cognati, adfines? Prodant, an occultent,
 atque etiam rebus necessariis iuvent? Hoc potius, quod
 secundum, quam illud, quod contra humanitatem
 est. Nec reclamabit ius civile: nam sicut mitius agit
 cum eo, qui latronem cognatum, vel adfinem rece-
 ptavit, *L. 2. de recept.*, ita etiam parcat ei, qui hostem.
 Cicero sane, iuris civilis non ignarus, parcendum
 censuit duobus Cn. Pompeii filiis, quod contra Cae-
 sare[m] paterna pietate ducti arma sumserant. Et Ti-
 berius, quanquam saevi ingenii, Pisonis filium cri-
 mine belli civilis liberavit, ob paterna iussa, et pie-
 tatis reverentiam. Quid, quod parricidas Valerius vo-
 cat eos, qui parentes proscriptos prodiderant? Laudat
 contra uxores, quae maritos, aut occultaverat, aut fue-

Cic. Philip.
 5. Tacit. 3
 annal. Val
 Max. 6. c. 11.
 et lib. 6. cap.
 7. Vellei. Pa-
 tero. lib. 2.
 Fal. lib. 6.
 cap. 5.

rant sequuntur? quo nomine et Liviam praedicat Vel-
leius. Quid quod Sylla servum, qui dominum pro-
scriptum prodiderat, praecipitari de saxo Tarpeio ius-
sit? Verum in contrarium pro utilitate publica haec
adferri poterunt. Hostem publicum una cum civitate
et agnationis et cognationis iura perdere, *L. postli-
minium* 19. §. *transfuga*, et §. *filius quoque D. de cap.
et postlim. revers.*, nullum igitur periculum esse, ne
puniendo, humanitatem offendamus, quam alter de-
ficiendo iam ante exuerit. Adhaec constare inter om-
nes sapientes, si inter patriam et necessitudines reli-
quas contentio quaedam et comparatio fiat, quibus
plurimumtribuendum sit officii, principem locum
deferri patriae: quoniam, ut Cicero ait, cari quidem
sunt parentes, cari liberi, propinqui, familiares:
sed omnes omnium caritates patria complexa est. Et,
ut Valerius eleganter; Eversa domo interdum reip-
status manere potest: urbis ruina penates omnes se-
cum trahat, necesse est. Itaque et iure civili praemio
honorari cum, qui patrem patriae proditorum occide-
rit, *L. minime* 34. *D. de relig. et sumt. fun.* Essequ-
huic consequens, ut si pepercerit, receptaverit, adiu-
verit, poena afficiatur (10). Sed in primis id colligi
ex *L. quisquis C. h. tit.*, quae cum puniat filios per-
duellis etiam nihil commertos, quid dicemus futu-
rum, si qui re parentem adjuverint? Postremo exem-
plis haec confirmari non paucis: Noluisset matrem Co-
riolani osculum filio dare antequam sciret, hostem an
filium osculatura esset: quid ita? quoniam qui hostis
factus est, filius esse desiit. *L. Brutum* parentem li-
bertatis Romanae, adeo non indulsisse filiis, ut etiam
securi eos ferierit, ob coniurationem adversus repu-
blicam. *Exiit*, inquit Valerius, *patrem, ut Consul-
em ageret, orbisque vivere, quam publicae vindi-*

Plat. in Crit.
et ep. 9. Cic.
4. offic. Va-
ler. lib. 5. cap.

Liv. lib. 3. c.
40. Valer. lib.
5. cap. 8. Liv.
lib. 2. cap. 41.
Vall. Patere
lib. 2.

(10): Si praemio honorandus ille, qui Parentem patriae pro-
ditorem occiderit, uti ex Ma.orum testimonio aut letus in *cit.*
L. 35. illud consequi non video, ut poena afficiatur, si pepercerit.
Praemio enim honoratur ille, qui, nulla Legis sanctione cogente,
facit id quod fieri Reipublicae expedit.

tae deesse maluit. Cassium similiter filium affectati regni crimine, adhibitis propinquis et amicis, domi damnatum necari iussisse, peculiumque eius Cereri consecrasset. Scipionem Nasieam, patriam cognationi praefferentem, et quidquid publice salutare non esset, privatim alienum existimaute, Tiberium Gracchum consobrinum suum oppressisse. Fulvium senatorem, filium in aciem Catilinae euntem retraxisse, ultimoque supplicio adfecisse, adiceta praelatione: *Non se Catilinae filium adversus patriam, sed patriae adversus Catilinam genuisse.* His aut similibus argumentis utrinque contendere potest: quibus bene diuque pensatis, officia mihi distinguenda visa sunt, escutientibusque animus perduellem qua re adiuvantis. Officia enim alia praestamus perduelli, qua homo est, qua pater; maritus, cognatus, affinis: alia, qua perduellis. Rursum quae praestamus, aut pictatis intuitu et misericordia ducti praestamus, aut animo hostili atque abominando. Illa officia extra legis poenam sunt; haec nequaquam. Ex. gr. Uxor maritum recepit dumtaxat, sequuta est, instruxit egentem viatico; cum prodere posset, dimisit incolumem: Humanitatis sunt officia, adeo non imputanda crimini, ut secundum quosdam etiam teneatur maritum sequi, propter individuum matrimonii vinculum. At si eadem maritum prodendi animo in urbem receperit, si armis, commeatu, pecuniis adiuverit, nihil ad excusationem poenae prodesse debet coniugale vinculum. Idemque de reliquis personis dicendum, ut pro qualitate admissi, aut poenae ordinariae subiiciantur, aut mitius extra ordinem placantur, aut a poena omnino immunes sint.

Cuiusve dolo malo factum erit, quo rex exterae nationis Pop. Rom. minus obtemperet. Extera est alterius soli vel terrae: nam *extraneum* Festus dictum tradit tanquam *exterraneum*. Et externa igitur natio praesenti loco videtur esse, quae non est in ditione atque solo Romani imperii. Glossographus exempli causa Bocchum Regem adducit et Iugurtham. Iugurtham forte non recte; Socius enim et amicus Pop. Rom. Masinissa fuit, cuius

De ian lib.
7. cap. 34. n.
11 17. Farin.
90. 113. p.
230.

filius Micipsa, cum adoptaverit in partem regni Iugurtham, consequens est Iugurtham quoque non exterum, sed socium fuisse. Et socios Reges in ditione Pop. Rom. censos ipse Micipsa apud Sallustium testis est. Moriens enim filiis praecepit, crederent, regni tantum procurationem suam esse; ius et imperium pence Pop. Romanum. Forte nec Bocchum recte: nam antequam Iugurtham Syllae tradidisset, Populo Rom. neque pace, neque bello cognitus fuit: post traditionem Iugurthae amicitiam Pop. Rom. meruit. Rectius forte Vologesen adducemus Parthorum Regem, qui quanquam exterae nationis esset, nec in ditione Pop. Romani, interdum tamen obsides dabat, et *solitam*, ut Taciti verbis utar, *prioribus reverentiam in Pop. Rom. continuabat*. Possis et Maroboduum Suevorum adducere, qui ita se gerebat adversus Romanos, ut neque bello eos laceraret, et si lacesseretur, superesse sibi vim, ac voluntatem resistendi declararet. Legati, quos mittebat ad Caesares, interdum ut supplicem commendabant, interdum ut pro pari loquebantur. Sed absit ut Glossographum reprehendam: video enim Ciceronem *11. Ferr.* nationes exteras non opposuisse sociis, sed pro sociis et provincialibus usurpasse. *Fore*, inquit, *ut nationes exterae legatos ad Pop. Rom. mitterent, ut lex de pecuniis repetundis iudiciumque tolleretur; si enim iudicia nulla sint: tantum unumquemque ablatum putant, quantum sibi ac liberis suis satis arbitretur*, Et mox: *O commemoranda iudicia, praeclaramque existimationem nostri ordinis, cum socii Pop. Rom. iudicia de pecuniis repetundis fieri nolunt, quae a maioribus nostris sociorum caussa comparata sunt*. Idem ab eodem factum saepius *111. et 114. Ferr.*, et alibi. Itaque hoc loco per exteras nationes, vel in primis provinciales intelligendi sunt.

Tacit. 13.
annal.

Vellei. Pat.
a histor.

Vid. Cic.
pro Flac. p.
304.

Qui confessum in iudicio reum, et propter hoc in vincula coniectum emisit. Liberare confessum, aut convictum reum solius est Principis. Nam facti quidem quaestio in arbitrio iudicantis est, poenae vero legum auctoritate reservantur, *L. 1. §. quorum D. ad SC. Turpil.*, quibus cum Princeps solutus sit, consec-

21
Decia. 7. cap.
11. Gomes 3.
resol. 2. n. 7.
Guid. Pap.
decis. 579.
Conf. Thom.
ming. decis.
25.

quens est eum solum poenae gratiam facere posse, §. sed et quo Principis *Inst. de iur. nat. gent. etc. civ., L. pen. C. de calumn., L. pen. C. de prec. Imp. offer., L. 1. §. ult. D. de quaest.* Igitur si quis alius in vincula coniectum emis-
 rit, Principis maiestatem violari necesse est. Verum
 quid id ad primum caput Legis Juliae, quod perduel-
 libus agitur? Num hostile et adversus securitatem reip.
 dimisisse forte exilem aliquem latrunculum, terrae
 filium, aut expilatorem aliquem et vecticularium?
 Non verti in ea re Romae opes Glossographus vidit,
 qui propterea praesens caput de incarcerationato ob maie-
 statis crimen interpretatur. Ex recentioribus vero est
 qui audacter hunc locum emendat ita: *Qui confessum*
in hoc iudicio reum, etc.: cui assentiri non possum;
 nam et caret fide codicum emendationum, et durius
 est illud *hoc, hoc*, nec satis dignum Scaevola. Placet
 vero magis cum Glossographo, absque ulla emenda-
 tione, et tacite subaudire, perduellem esse, qui ob
 perduellionem in vincula coniectum emisit. Eo ampli-
 us, etsi confessus perduellionem non fuerit reus,
 sed aliud crimen, si tamen eius conditionis atque po-
 tentiae, ut emissus confestim futurus sit reip. hostis,
 ad primum caput Legis Juliae id pertinere dicemus,
 Quod si emissus vilis sit atque infirmus, a quo nihil
 publice sit metuendum periculi, id ad secundum ca-
 put Legis Juliae pertinere existimabimus. An autem
 excusandae personae necessariae, veluti, si filius pa-
 trem, pater filium, uxor maritum emisit? non est
 cur pluribus disputemus, cum ea disputatio iisdem
 fere rationibus constet, quibus superior, de necessa-
 riis personis pecunia, vel qua alia re adiutis (11).

Atque hucusque eas species exposuimus, quae ad
 2. primum caput Legis Juliae pertinent: sequuntur

Gothof. in
 not. Chass.
 ad Cousinet.
 Burz. p. 351.
 Vers. Secun-
 da. Amay. ad
 l. 3. C. de
 exact. tribut.
 n. 8.

(11) Eadem propemodum est Bohemeri sententia, qui ad *Carpe. Quaest.* 111. *Observ.* 11. animadvertit in aestimanda poena commentariensi debita non solum inspiciendum esse, utrum praeteri-
 tum facientis crimen evidens sit, sed etiam an is illico post fugam
 novum crimen commiserit. Verum hoc paullo rigidius dici, prae-
 sertim si id antea praevideri non potuerit, recte observavit Cl.
 Cremanus *de iur. crim. lib. 2. cap. 3. art. 4. in nota 2.*

quae ad secundum. Continentur autem secundo capite, quae adversus splendorem, dignitatem, atque estimationem Principis committuntur. Huiusmodi est, si quis statuas Principis iam consecratas violaverit. Violat, qui trahit, caedit, conspueat conflat. Qui autem nondum consecratas conflat, aut reprobatae, non tenetur, *L. 4. §. ult., E. 5. 6. 7. §. ult. D. h. tit.* Reprobatae intelligo, vel sine permissu Principis collocatas, vel per iniuriam privatae collationis, *L. 3. G. de stat. et imag. et ub. Cui. in parat. (12).* Nec solum qui statuas Principis violat, sed et qui vultum, vel imaginem: itaque incidunt in hoc caput adulteratores monetae; signantur enim nummi sacro Principis vultu *L. 2. C. de fals. mon.*, et violatores imaginum, vel insignium Imperialium, quas salvas guardias hodie vocant, de quibus pluribus Iac. Menochius. Item si quis purpura usus fuerit, aut veste holoserica. Purpura seu vir seu femina holoserica si vir. Interesse enim ali- quid inter Principis et privatorum cultum debet, *L. pen. C. de vestib. aur. et holob.* Confer quae dixi *Libr. praeced. tit. de reliq. crim. extr. cap. v. n. 4.* Si quis privatim carcerem habuerit, vexandi tamen inimici potius, quam invadendi imperii causa: alioquin in primum caput incidet, ut dictum supra de iis, qui privati cum essent, pro magistratu et imperio quid fecerunt, *L. 3. in fin. D. h. tit., L. 1. et 2. C. de priv. carc. inhib. (13).* Si quis confugientem ad SS. Ecclesiam inde abstraxerit, *L. 2. C. de his qui ad eccl. confug.* Si quis improbo petulantique maledicto nom Principia laceraverit, aut temulentia turbulentus

Dis. Sanso.
26. §. 5.

Menoch de
arb. iust. cas.
338. Argent.
ad Consuet.
Brit. art. 5. gl.
2. Decia. 7.
cap. 10. Oml.
7. §. 26.
Amst. 9 §. 2.
et 12. §. 13.
et 14.

(12) Reprobatae Imperatorum statuariae potius esse videntur, quas Sepatus post eorum mortem detrabi iubebat, quorumque memoriam damnabat. Vid. Syot. in vita Domitiani Cap. ult. et Pitise, V. conflare.

(13) Maiestatis crimen est se ac pro magistratu gerere. Vid. L. 5. D. h. 1., quod sane facit qui privatam carcerem exercet. Scelus hoc in L. 1. C. de privat. carcere inhib. vocatur nefandissimum, et nefandissimum hominum arrogantia. Verum recte animadvertit Iac. Gothofr. in Com. ad Cod. Theod. de priv. carc. custod. fictitium hoc esse maiestatis crimen; quomodo et alterum habetur in L. 2. C. de fals. Mon.

Tacit. 1. an-
p. l. Suet. in
Tib. et Do-
mit. Spart.
in Caracal.

obtectator temporum eius extiterit (14); quo tamen casu integris omnibus, ad Principem res referenda est, ut ipse aestimet, pretermitti, an exquiri debeat, *L. un. D. si quis Imp. maled.* (15). Et in universum, quoniam lubrica valde atque ancipitia haec loca sunt, cavendum, ne hoc crimen in occasione saevitiae habeatur, sed in veritate, *L. 7. §. hoc tamen D. h. tit.* Illud

(14) Lex ipsa non nisi facta puniebat, dicta impune erant, teste Tacito. Primus Augustus cognitionem de famosis libellis specie legis eius tractavit, commotus Casii Severi libidine, qua viros foeminasque illustres prociacibus scriptis diffamaverat. Mox Tiberius, consulante Pompeio Macrio Praetore, an iudicia maiestatis redderentur? *exercendas leges esse* respondit. Vid. Tacit. *Annal.* 1. 73. Sequioribus temporibus hoc genus calumniae, ut cum Suetonio loquar, eo processit, ut, auctore Plinio in *Paneg. Traian.* maiestatis singulare et unicum crimen eorum esset, qui crimine vacarent. Illud autem certum est etiam iure iustiniano verum maiestatis crimen, quod factis committitur, ab eo distingui, quod verbis et maledictis in principem contrahitur. Hoc enim ostendit illa titulorum distinctio = *Ad leg. Jul. Mnest* et = *Si quis Imp. maled.*

(15) Opinionem Auctoris tuetur quoque eruditus Marquard. Freher, qui *lib. 2. Parergon Cap. 9* putat laudatam constitutionem, quantatuncque praeseferat lenitatem, implicate tamen severius iudicium continere, cum ad eorum scientiam Imp. referri iubeant. Verum saepe Gothofr. in *Comm. ad h. L. Graecorum Interpretum* auctoritate innixus illud verbum *remittendum* pro *condonandum* accipit, ac idipsum Theodosii moribus magis convenire existimat. *Peculiarem Commentarium ad h. L. scripsit, quoque doctissimus Lindebrogius, quem vide Tom. IV. Thesaur. iur.* Consule etiam Scipion. Gentil. *lib. 2. de coniurat*, ubi Quaestionem pertractat; satiane sit Principi ab huiusmodi maledictis se se vindicare; an vere libertatem loquendi de se aliis permittere? Quid de hac Quaestione decidi oporteat egregie docet Filangieri cuius verba lectu et scitu dignissima non possum quin adscribam = *Io chiamo insulto recato al Sovrano ogni azione manifestamente ingiuriosa, e nella qual si è il rispetto, che si deve alla sovranità, viene manifestamente violato. Un libello famoso p. e. pubblicato contro il sovrano potrebbe essere compreso in questo numero. Io non chiamo insulto la scritto libero di un filosofo, che rileva i mali della sua patria per accelerarne la correzione. Io non chiamo insulto una parola, una imprecazione, una maledizione proferita nello sdegno; io non chiamo neppure con questo nome un discorso libero privatamente tenuto sulla condotta del Capo della Nazione. Se noi vogliamo fare della parola un delitto, la società si troverà piena di delatori e di rei. La nazione perderà il suo originario carattere; l'ignoranza o s'accreterà o s'eliminarà, o vedrà perpetuare le sue tenebre, i suoi errori, i suoi pregiudizj, i costumi si corromperanno, ed il trono sarà più esposto. Vid. Filang. op. cit. Lib. III. Part. IV. Cap. 46.*

enim tyrannorum, hoc Principum est, venditis hortis statuam Principis simul mancipasse emptori, statuam suam altius collocasse statua Caesaris, nummo vel annulo effigiem Caesaris impressam intulisse latrinae aut lupanari, iuxta statuam Caesaris mutasse vestimenta, reddidisse urinam, statuis coronas detraxisse aliarum imponendarum gratia, et eiusdem generis alia multis obiecta legimus. Verum Principes, qui de his rebus iudicia maiestatis exerceri patiuntur, quid faciunt aliquid, quam quod ex metu atque terrore quaerant nomini suo reverentiam? quod utique non Principum, sed tyrannorum est: ut merito Plinius Domitianum exagitet, quod crimina maiestatis in arena collegisset. *Iam quam libera, inquit, spectantium studia, quam securus favor? Nemini impietas, ut solebat, obiecta, quod odisset gladiatorem. Nemo spectator spectaculum factus miseras voluptates unco et ignibus expiavit. Demens ille, verique honoris ignarus, qui crimina maiestatis in arena colligebat, ac se despici et contemni, nisi etiam gladiatores eius veneremur, sibi maledici, in illis suam divinitatem, suum numen violari interpretabatur; cum se idem, quod Deos, idem gladiatores quod se putabat. Et post, Locupletabant et fiscum et aerarium non tam Volumniae, et Juliae Leges, quam maiestatis singulare et unicum crimen eorum, qui crimine vacarent. Huius tu metum penitus sustulisti, contentus magnitudine, qua nulli magis caruerunt, quam qui sibi maiestatem vindicabant.* Sed quoniam peculiari constitutione de maledictis in Principem cantum est, ideo nonnulli existimarunt, maledicta hodie non contineri Lege Julia maiestatis. Quod falsum est; non enim Imperatores in d. L. un. C. Si quis Imp. maled. antiquant prorsus hanc speciem, sed integris omnibus referri iubent, ut ipsi statuam, vindicandum, an contemnendum convitium sit. Ceterum, ut historiam iuris adtexamus, primus Augustus cognitionem de famosis libellis specie legis maiestatis tractari voluit, cum antea facta arguerentur, dicta impune essent. Huius vestigia sequutus Tiberius, sub quo damnati C. Lutorius

Plin. in paneg.
neg.

Tacit. ann. 1.
5. 4.

Priscus, et Votienus Montanus: Et ille quidem in carcere exanimatus, frustra censente Lepido in Senatu, aqua et igni interdicendum, eo, quod vana a scelestis, dicta a maleficiis differrent. Cremutius quoque Cordus sub eodem reus maiestatis factus, quod in historia Brutum et Cassium Romanorum ultimos dixisset, cum tamen Lex Julia maiestatis loquuta esset tantum de maledictis in Principem, aut eius parentem. Post Tiberium quoque maledicta vindicata, et bonis quidem Principibus, illud argumento est, quod Paulus, qui sub Alexandro vixit, in sententiis scripsit: crimen maiestatis non solum facto, sed et verbis impiis exacerbari. Sed tandem Imperator Theodosius, dum neque nulla maledicta, neque omnia vindicandi consuit, integris omnibus ad Principem referri iussit.

Paul. G. sent.
97.

CAPUT III.

DE POENA, ET AD LEG.

Quisquis C. h. tit.

- | | |
|---|---|
| 1. Quae fuerit poena Legis Juliae? | 13. An adoptivi? |
| 2. Poena mortis an ad utrumque caput Legis pertineat? | 14. An naturales? |
| 3. An ad feminas quoque pertinet Lex perduellionis? | 15. An ante commissum crimen nati? |
| 4. An voluntas sola punitur poena perduellionis? | 16. An nepotes? |
| 5. Quid si reus iam ante defunctus sit? | 17. Si filius perduellis sit, an pater quoque punitur? |
| 6. Quia si absit, aut latitet? | 18. An materna quoque bona, et cognatorum, et testamento delata fisco occupat? |
| 7. An ex secundo quoque capite Legis Juliae bona omnia fisco occupat? | 19. Quatenus vetet Lex pro perduelle intercedere? |
| 8. An libertorum bona liberis sint salva? | 20. An filiae perduellis arceantur ab hereditatibus legitimis et testamentariis? |
| 9. Unde alimenta habituri sint filii perduellis? | 21. Perduellis statim amittit rerum dominia. |
| 10. Ostenditur iniquam esse Legem Arcadii, quatenus filios quoque perduellis punit. | 22. Quatenus crimen mariti noceat uxori, et contra? |
| 11. An ea pars Legis sublata per L. 32 C. de poen.? | 23. Consciorum verbo an continentur tantum qui pars factionis fuerunt? |
| 12. An, in L. Arcadii filiorum verbo continentur emancipati? | 24. Quo praemio donentur iudices? et an praemium debeat reo ante sententiam defuncto? |

Quae fuerit poena Legis Juliae, Paulus in sententiis testatum reliquit, cum *Lib. v. Tit. xxix.* scribit, poenam fuisse exilium, seu aquae et ignis interdictionem: *nunc vero humiliores bestiis obici, vel vivos exuri, honestiores capite puniri.* Paulo suffragari videtur sapiens ille M. Lepidus, apud Tacitum *III. Annal.*, qui, cum Lutorius Priscus maiestatis postularetur, bonis amissis, aqua et igne interdicendum censuit; idque perinde censere se dixit, ac si Lege maiestatis teneretur. Idem Cicero confirmat *Philipp. I.* Nam cum Antonius Consul post mortem Caesaris legem promulgasset, ut de vi, ad

de maiestate damnatis ad populum provocatio non esset: dixit Cicero Legibus Caesari abrogari, qui tulerat, ut de vi, et maiestate damnatis aqua et igni interdiceretur. Ac licet duae videantur fuisse Juliae Leges, altera Caesaris, altera Augusti; tamen quantum ad poenam, a patris Lege non recessisse Augustum, cum ex dicta Pauli sententia, tum ex laudato Taciti loco colligitur. Quae cum ita sint, fateor me non posse probare differentiam inter perduellionem, et maiestatis crimen ab Hottomanno traditam, et memoratam nobis *supra cap. 2.*, nempe, quod maiestatis crimen non morte, sed exilio multaretur; perduellis a carnifice in Campo Martio in crucem tolleretur. Nam aut ad vetus ius, aut ad novum distinctionem exigimus. Si ad vetus, falsa crit differentia, quoniam extra perduellionem nullum fuit crimen maiestatis aliud; nec enim alia in hoc iudicium olim veniebant, nisi proditione exercitus, aut plebs seditionibus, aut male gesta republica maiestas populi Romani minuta: facta arguebantur, dicta impune erant. Sin ad ius novum, nempe Juliae Leges, eae ut ex superioribus adparet, sine distinctione crimen maiestatis aquae et ignis interdictione puniverunt. Sed et ante Leges Juliae, Cornelia a L. Sylla Dictatore lata, perduellionem aquae et ignis interdictione punivit, si credimus Sigonio. Igitur stare Hottomanni distinctio non potest.

Tacit. 1. an

Sigon. 2. de
iudic. 29.

Porro a poena Legis Juliae recessum idem Paulus *d. loc.* testatur, cum ait, *nunc vero humiliores bestis obiciuntur, vel vivi exurantur: honestiores capite puniuntur.* Non distinguit Paulus inter primum, et secundum caput Legis Juliae; intelligimus ergo, omne crimen maiestatis capitale esse; sed quoniam atrocius est scelus perduellium, idcirco non solum capite puniuntur, sed et memoria eorum post mortem damnatur, *L. ult. D. ad L. Jul. mai.*, nec liberi eorum immunes supplicii sunt. Quae omnia, quoniam peculiari Constitutione Arcadius et Honorius complexi sunt, *L. 5. C. h. tit.*, idcirco operae pretium duxi; verba Constitutionis interpretari.

Quisquis. Hoc verbum infinitae significationis est tam mares, quam feminas comprehendens, *L. 1. D. de 3 V. S., L. 1. §. 1. D. de neg. gest., L. 1. §. 1. D. de pec. constit. Cic. pro Cluent. Ubi omnes mortales lex altigat, ita loquitur: QUI VENENUM MALUM FECERIT: omnes viri, mulieres, liberi in iudicium vocantur.* Et sane. cum hostilia mulieres quoque moliri possint, cur excipiantur a poenis huius Constitutionis? cum ubi eadem ratio est, ibi idem ius esse debeat. *L. illud quaesitum 40. D. ad L. Aquil.* Adhaec cum Ulpianus responderit in *L. 3. D. de bon. dam.:* dolent quoque publicari, si maiestatis damnetur uxor; quis dubitet, Legem maiestatis ad mulieres pertinere? Sed et cum ipsi Imperatores in hac Constitutione rescripserint, mitiorem debere esse Legem in eas, quas propter sexus infirmitatem minus ausuras credimus; eo ipso satis innuunt, si quid ausae fuerint, poenas Legis eas manere. Damnamus itaque eorum sensum; qui aut haesitarunt, an omnino mulier perduellionis rea fieri possit, aut scripserunt, capite quidem puniendam, bonis confiscatis, memoriae tamen, et liberis eius parcendum esse. Argumenta utrorumque facile dilui possunt. Primum; Odia sunt restringenda, *L. si quis in suo 33. C. de inoff. testam., c. odia de R. J. in 6.,* cum ergo Constitutio loquatur de patre, non est producenda ad matrem; eiusque liberos. Respondeo: Imo non de maribus solum, sed et feminis Constitutio loquitur; verbum enim, *quisquis*, infinitae significationis est: frustra igitur Legem contra verba et mentem auctoris restringere conamur. Secundum: Verbum, *Si quis*, feminas non complectitur in odiosis et poenalibus, *L. 1. §. quare D. de ventr. in pos. mit.* Respondeo: Imo complectitur, ut locus Ciceronis modo adductus probat, et admittunt interpretes, si crimen a femina possit admitti. Tertium: Quae bis aut semel accidunt, praetereunt legumlatores, *L. 6. D. de legib.* Mulierem autem hostilia conari ita rarum est, ut Angelus testetur, semel dumtaxat id se vidisse. Respondeo, Theophrasti illa sententia ad fortuita et inopinata

Pag. 348. 35. §. 3.

Alciat in l. 1. D. de V. §. Brachia in ead. l. 1.

Angel. tr. de mal. verb. r. hac tractato n. 12. Quintil. decl.

2. Sunt et
feminae ad
scelera viros,
cuius habent
causas viro-
rum.

respicit, non ad ea quae rarius quidem contingunt, nec tamen fortuita sunt, *L. 3. D. eod. tit.* Mulierem autem hostilia moliri, etsi rarius sit; fortuitum tamen non est. Quis enim fortuitum fuisse dixerit, Fulviam Antonii uxorem, Cleopatram adiutorem eodem Antonio, Zenobiam, Agrippinam. Neronis matrem imperium orbis adfectasse? Sic parricidium rarius quidem est, nec tamen praeteritum legumlatoribus. Cic. pro S. Rosc. Amer. *Solon interrogatus, cur supplicium nullum statuisset in eum, qui parentem necasset, respondit, se id neminem facturum existimasse. Sapientius maiores nostri, qui cum intelligerent, nihil esse tam sanctum, quod non violaret aliquando audacia, supplicium in parricidas singulare excogitaverunt.* Quartum; Mitior debet esse lex erga eas, quae minus audent, *h. L. §. ad filias.* Respondeo: Credimus quidem minus ausuras propter sexus infirmitatem; sed si ausae fuerint, non eximuntur legis laqueo. Et sane ubi frontem exuerint, plus satis audent, ut merito Comicus dixerit: *Muliere nihil esse audacius.* Idem ubi pudicitiam amiserint: neque enim femina amissa pudicitia alia abnucrint. Exemplo est Livia Drusi uxor, quam Sejanus adulterio pellexit, et postquam primi flagitii potitus est, ad coniugii spem, consortium regni, et necem mariti impulit, narrante Tacito *iv. Annal.*

De nece etiam virorum illustrium cogitaverit. Horum verborum interpretatio repetenda *ex cap. super. (1).*

(1) Adhaerens Iac. Goth. in *L. 3. C. Th. ad L. Corn. de Dio.* aio constitutionem scriptum fuisse tantum adversus eos, qui sceleratam factionem ineunt de nece illustrium virorum, qui sunt vel in Consistorio Principis vel in magistratu: vel adversus Senatores et quamquam priora verba generaliter de quacunque factione scripta esse videantur, posterioribus tamen contrahantur ad eam solam factionem quae tendit ad necem magistratum. Huius interpretationi nihil quidquam obstat *etiam* quo utuntur Inpp. initio sequentiam verborum, quoniam ea vocula idem significat, ac *nominatim*, non autem producit, ut alibi; legem de una specie ad aliam eum nulla alia factionis species prioribus verbis constitutionis re-

Eadem enim severitate voluntatem sceleris, qua effectum puniri iura voluerunt. An conatus criminis eadem poena puniendus, qua consummatum scelus, dicetur *infr. Tit. de poen.* In hac sane lege id certum est. Sed per voluntatem et cogitationem, non nudum cogitationem intelligere debemus: huius enim poenam nemo patitur, *L. cogitationis 18. D. de poen.*; sed quam sequuta est ipsius sceleris inchoatio aliqua, veluti si quis venenum paraverit, tametsi nondum porrexerit Principi: si quis scelestae factioni sacramentum dederit, aut alios sacramento adigere curaverit etc., *h. L., et L. 3. fin. D. ad L. Jul. mai. Verb. Quive eorum, quae supra scripta sunt, facere quid curaverit: L. fugitivus 225. D. de V. S.* Idem existimo; si quis scelestae oratione aliis hostilia persuadere conatus fuerit, etiamsi non persuaserit: Sed si iactaverit dumtaxat, se aliquid moliri velle in necem Principis, existimo, integris omnibus ad Principem referendum, ut ex causa et persona hac de re statuatur; neque enim perduellis esse videtur, sed convitiator, *arg. L. un. C. Si quis Imp. maled.* Et quid si Thraso atque imbellis, quid si insanus aliquis inter pocula ista effuderit? nonne aut miseratione, aut contemptu dignus? Pyrrhus sane Tarentinis libenter ignovit, qui inter pocula contumeliose in eum dixerant, cum unus ex his libere profiteretur, longe atrociora dicturos fuisse, nisi lagena defecisset. Caesar quoque, cum admoneretur, ut caveret sibi ab Antonio et Dolabella, negavit metuendos rubicundos istos atque obesos, ventri scilicet deditos: sed potius graciles illos, ac pallidos: Brutum et Cassium designans.

Valer. lib 5.
cap. 1. Plur.
in Caesar.

primatur. Porro de Sola Sicariorum factione esse accipiendam constitutionem probat vel ipse titulus Cod. Theod. de Leg. Corn. de Sic. sub quo eadem constitutio proposita videtur. Loquantur Imp. de factione inita cum militibus vel privatis vel barbaris. Barbari hic non sunt hostes, ut falso credit Glossa, sed quidam populi barbari, ut Gothi erant, quibus Imp. Valens agrum adsignaverat in Thracia, aliisque Provinciis. Fatendum tamen est Tribonianum qui eam constitutionem inseruit *Tit. C. ad Leg. Jul. Maiest.* eandem voluisse ad animatum in Principem producere, ducto argumento a minori ad maius, quasi ea verba *scelestam factionem* per *emphasis* scripta Principis personam designent, ut veteres Glossulae monuerunt.

5 *Ipsē quidem, utpote maiestatis reus, gladio feriat. Gladius honestiorum poena fuit, humiliores enim vel bestiis obiciebantur, vel vivi exurebantur, Paul. d. Lib. 5. sent. 29.* Quid autem, si reus iam ante defunctus sit? num si naturae satisfecerit, etiam legibus satisfecisse intelligitur? Non extinguitur morte crimen, sed memoria eius post mortem damnatur, bonis omnibus fisco addictis. Idque primus D. Marcus constituisse dicitur in persona Drunciani Senatoris, qui Cassiani furoris socius fuerat, teste Paulo in *L. pen. C. h. tit.* Quo tamen loco fides historiae vacillat: nam et ab ingenio Marci id abhorret: et Capitolinus in *vita Marci* testatur; eum Alexandriae filiae Cassi, et Drunciano genere pepercisse, indulto libero exilio. Idem testatur Vulcatius Gallicanus in *vita Cassii*, Druentianum, pro Drunciano appellans; additque, vixisse eos non quasi tyranni pignora, sed quasi Senatorii ordinis in summa securitate: Et post: vixisse posteros Cassii securos, et ad honores admissos, sed a Commodo Antonino, post excessum Marci, omnes exustos, tanquam in factione deprehensi fuissent (2). Utcunque sit, seu Marcus, seu quis alius fuerit auctor, constat sane ita ius esse, ut memoria rei post mortem damnetur. Eumque in finem vocantur propinqui, ut innocentiam eius defendant: si id non possint damnata rei memoria bona publicantur. *L. ult. D. h. tit.; L. 6. 7. et ult. C. eod., L. ult. §. ult. C. de bon. eor. qui ant. sent. mort. sibi consciv.* Hanc autem cognitionem quinquagenio finiri, non male ab interpretibus traditum videtur: nam et commissa eodem temporis spatio praescri-

Mornac. in l.
4 C. de haer.
ret.

Clar. d. §. n.
16. in fin. Go.
nes. 5. resol.
1. n. 81.

(2) Historiae fides in hac re non vacillat, uti auctor opinatur, nam Paulus non tradit bona Drunciani vivi iussisse Marcum vindicari, sed post mortem. Non enim ait Paulus, ita Causae bonus in Capitolina de Marc. Anton. Philos. Cap. 26, simpliciter Drunciani bona iussisse Marcum vindicari, sed cum hac adiectione post mortem, nihil quod hoc destruat Capitolinus, aut Vulcatius Gallicanus; illi aiunt Drunciano datam facultatem, ut tanquam insons viveret: Paulus indicat mortuum et sentem; illud ex indulgentia Marci; hoc ex censura. Nusquam scriptum a Capitolino et Gallicano Marcum Drunciano ignovisse penitus, aut omnino poenam remissam.

buntr, *L. 2. C. de vestig. et commiss.* nec de statu defuncti quaerere post quinquennium licet, sive privatim, sive fisci nomine, *L. 1. D. Ne de stat. def. post. quig. quaer.*: denique et apostate memoria post mortem eius damnatur, sed intra iuge quinquennium, *L. 2. C. de apost.*, quibus argumentis satis verisimile fit, nec perduellis memoriam post quinquennium damnandam esse. Quid autem si reus aufugerit, aut latitet, quid erit faciendum? Si quidem ad hostes transfugerit. ubicunque repertus fuerit, et a quocunque occidi potest, *L. 3. §. ult. D. ad L. Corn. de sicar. L. minime 35. D. de relig. et sumt. fun.* sin ad foederatos, mittetur Fetialis, qui eum dedici flagitet. Idem fiet si ad eos, qui nec hostes, nec amici sunt: fiet enim hostes, si hostem tecto, ope, auxiliove iuerint. Sed si latitet, et in nostro solo furtim moretur, quid erit faciendum? Interpretes tradunt, proscribendum, ut omnibus occidendi facultas sit: nam si transfugam, si desertorem militiae, si latronem et nocturnum populatorem in agris cuiusvis occidere fas est, *d. L. 3. D. ad L. Corn. de sic., L. 1. et 2. C. Quand. li unic. vind. se vel publ. devot.*, qui minus perduellem? num hoste deterior latro aut desertor? Quid? quod fur quoque, seu diurnus, seu nocturnus occidi potest, si telo se defendat, parcique ei sine periculo non possit, *L. 9. D. ad L. Corn. de sic. (3)*, quem tamen sceleris atrocitate longe superat perduellis? Haec quanquam speciose dicuntur, adseutiri tamen non possum: certae enim dumtaxat personae enumerantur in libris nostris, quas occidere impune licet: in eo numero non invenio perduelles fugientes aut latitantes, sed eos dumtaxat, qui ad patriam delendam cum venirent, oppressi in ipso conatu sunt. *d. L. minime 35. D. de relig. et sumt. fun.* Sacrum quidem hominem occidere licuit, ut Macrobius in *Saturnalibus* scribit, sed in libris nostris non idem sacer, qui proscriptus. Prosriptus, si Cuias

Vide Tertul.
adv. gent. p.
18

(3) De solo fure nocturno agitur in *L. 6.* = *Furem nocturnum si quis occiderit, ita domum impune feret, si parcere ei sine periculo suo non potuit.*

Cui in par.
C. de bon.
prose.

cio credimus, ille, cuius bona expressim confiscabantur damnatus; cuius bona tacite: Uterque amittit ea quae sunt iuris civilis: retinet, quae sunt iuris gentium, *L. deportatus 15. D. de interd. et releg.* Igitur vita qui potest a quocunque privari, cum eam a natura, non civili iure habeat? Denique cum leges vetant absentem damniari, crimen perduellionis non excipiunt. Erit igitur et hic observandum, quod in aliis criminibus, ut absens requirendus adnotetur, et bona obsignentur; publicentur denique, si intra annum non responderit, *L. absentem 5. C. de poen., L. absentem 6. C. de accusat., L. ult. D. de req. vel abs. damn.* Nam quanquam perduellio gravissimum crimen est, videndum tamen, ne in occasionein saevitiae; atque calumniae habeatur. Et cum ea sit eius natura, secundum D. Marcum in epistola ad Verum, ut videantur vim pati, etiam quibus probatur; quae invidia, qui rumores populi, si occidantur impune, quibus non probatur? Confer quae dicturi sumus *cap. seq.*, nec non quae de bannitis, *Tit. ud. L. Corn. de sicar. cap. 11.*

Bonis eius omnibus fisco nostro addictis. Cum tota substantia fisco vindicetur, palam fit, liberos perduellis non posse ex censu patris portiones aliquas sibi retinere: quas retinerent, si ex alio crimine bona fisco vindicarentur, *L. cum ratio 7. D. de bon. damn.* Portiones concessae quae fuerint. Paulus eo loco non exprimit. Constitutione Theodosii et Valentiniiani conceditur liberis semis, *L. quando 10. C. de bon. proscript.* Constitutione Gratiani, Valent., et Theod. in crimine maiestatis concessus fuerat iisdem sextans, *L. deportato 8. C. Theod. eod.*, verum per praesentem Constitutionem ne semiuncia quidem relinquitur. Hic autem tria quaeri poterant: Primum: utrum haec pars Constitutionis tantum ad perduellionem pertineat, an et ad reliquas maiestatis laesae species? Secundum; utrum libertorum bona liberis salva sint, nec ne? Tertium: unde liberi habituri sint alimenta? Quantum ad primum attinet, Constitutio quidem praesens tantum de perduellione loquitur: at *L. 10. C. de bon. pros.* generaliter de crimine maiestatis. *Excepta,*

inquit, *sola maiestatis quaestione; quam qui sacrilego animo adsumserit, iuste poenam ad suos etiam posteris transmittet.* Et Nov. 134. cap. ult. quae vetuit bona publicari extantibus liberis, vel parentibus ad tertium usque gradum, simpliciter in crimine maiestatis veteres iussit observari leges. Et *L. pen. C. Theod. de bon. prosc.* ait; *Sceleſe maiestatis excepto, cuius atrocitas nihil relinquit heredibus.* L. 10. eod. tit. *Excepto tamen maiestatis reatu, etc.* Verum quanquam eae constitutiones simpliciter de maiestatis crimine loquuntur, possent tamen conniventibus oculis restringi ad perduellionem: Est enim poena ab humanitate alienior, qua liberi damnatorum ad egestatem perducuntur, ideoque restringenda, quantum fieri potest. Quod ad secundum, Hermogenianus in *L. 9. D. h. tit.* scribit: *Eorum qui maiestatis crimine damnati sunt, libertorum bona liberis damnatorum conservari; idque D. Severus decrevisse: et tunc demum fisco vindicari, si nemo damnati liberorum existat.* Marcianus quoque in *L. 4. D. de iur. patr.* ait, *Iura libertorum, patre perduellionis damnato, liberis salvaesse, ex rescripto Severi et Antonini: sicut, inquit, ex alia causa punitorum liberis iura libertorum salva sunt.* Contra Alphenus in *L. 3. D. de interd. et releg.*, *Eum, qui civitatem amitteret, nihil aliud iuris adimere liberis, nisi quod ab ipso perventurum esset ad eos, si intestatus in civitate moreretur, hoc est, hereditatem eius, et libertos, et si quid aliud in hoc genere reperiri potest, Severus et Antoninus in L. 1. C. de bon. libert. Cum Sabiniani, patroni filii, qui plenum ius habuit, ut hostis publici bona fisco vindicata sint, secundum ea, quae D. Pertinaci placuerunt, et nos sequuti sumus, in bona libertorum eius fiscus noster succoessit.* His locis duplex pugna occurrere videtur; altera Marciani et Alpheni: altera Hermogeniani et Severi. Verum Hermogenianus et Severus nullo modo pugnant: ut enim olim Azo recte animadvertit, in ea specie, quam tractat Severus, *L. 1. C. de bon. libert.*, subaudiendum est, damnatum perduellionis liberos non habuisset; neque enim liberorum ulla men-

Decian. 7.
cap. 31. n. 29.

Azo in L. 1.
C de bon
libert.

Accurs. in d.
L. 1. verb ho-
stis: Bald. lib.
n. 4 Duar. ad
h. tit. cap. 8

Cuiac. lib. 18
Quaest. Pa-
p. in L. 25.
§. 1 D. Q.
dies leg. ced
Lampr. in
Alex. Sever.
Acron. 1. Sa-
tyr. Horat.
3. Pomp. in
l. 2. §. ab
hoc plurimi
D. de orig.
iur. Hottom.
in verb. iur.
Credenti. Ca-
pitul. in Ma-
erin.

in d. L. 1., neque patronus, sed filius patroni per-
duellionis damnatus erat. Respondent, fateor, alii a-
liter, sed nil nisi nugas agunt, reclamantibus verbis
legum. Quod vero ad Marcianum et Alphenum atti-
net, pugnare sane hi videntur, non de perduellione,
sed reliquis criminibus: affirmante Marciano bona li-
bertorum liberis salva esse; negante id idem Alphe-
no. Nec video sane qui conciliari possint, nisi dixeris
Alphenum ex suo ingenio hac de questione disseruis-
se, insuper habita, aut dissimulata constitutione Se-
veri. Disserant enim interdum JC de iure antiquo,
tamquam de recepto: non quod ignorent antiquum es-
se, sed quod materiam disserendi largiorem ars, quam
constitutiones, suppeditet: ut et vir maximus Iac. Cu-
incijs observavit. Probabilius tamen est, non dissimu-
lasse, sed ignorasse Alphenum constitutionem Severi
et Antonini, quod aevo et aetate prior fuerit. Non e-
nim his Alphenus esse videtur, quem Lampridius Ul-
piani, Pauli, Pomponii reliquorumque coevum fa-
cit, sed maior ille Servii discipulus, qui cum Cremonae
sutrinam exercuisset, clausa taberna Romam se
contulit, eoque iuris civilis cognitione atque exercita-
tione pervenit, ut Consul fieret. Id arguit disserendi
elegantia, quae tanta est, ut eum Hottomannus om-
nibus, quorum responsa in libros nostros relata sunt,
anteferat. Arguit, quod Paulus libros eius in epitomas
redegerit, sicut et Labeonis: non facturus si Pauli co-
actaneus fuisset: nam quam impense idem Paulus Ul-
piano aemulum se gesserit, neminem latet. Arguit
denique quod Alphenus nusquam rescripta Princip.
laudet; laudaturus si sub Alexandro vixisset, quo im-
perante numerus rescriptorum iam non exiguus erat,
adeo ut et ante Alexandrum Popilius Macrinus de iis
abolendis cogitaverit, ut iure, rescriptis ageretur. U-
num est, quod obiici huic sententiae poterat; nempe
Alpheni istius maioris seculo nondum publicationem
bonorum in usu fuisse; exulasse damnatos salvis bonis.
Respondeo: imo et ante Alphenum, aut ipso Alpheni
seculo bona damnatorum hastae subiecta fuisse patet
ex eo, quod Valer. *Lib. 4. cap. 12. de C. Licinio Ma-*

pro refert. Cum autem intermissum id esset, atque eo facilius scelere locupletes se obligarent, quod integris patrimoniis exularent, Julius Caesar parricidas bonis omnibus, reliquos dimidia parte multavit, Testis Suetonius in eius vita. Utcumque sit, et cuiuscunque fuerit aetatis Alphenus iste, ex hac sane constitutione palam est, ad liberos damnati perduellis bona libertorum non pertinere; quoniam perpetua egestate eos laborare volunt Imperatores, ut sit eis mors solatium, vita supplicium. Non laborarent autem multi egestate. Plin. 33. cap. 10. te, si libertorum bona reciperent: quippe cum non pauci liberti pecuniosissimi fuerint, ut historia prodit de Claudii et Domitiani libertis. Quod vero attinet ad reliqua crimina, quoniam bona damnatorum conservat liberis *Nov. 134. cap. ult.*, consequens est, ut et libertorum bona salva habeant.

Progredior ad tertium, quo quaeritur, unde alimenta habituri sint liberi, si publicentur omnia bona? Quidam cum viderent durissimum id esse, negari liberis damnati alimenta (necat enim, qui negat, *L. 4. D. de agnosc. et al. lib.*) scripserunt, non adimi per hanc Constitutionem alimenta. Quibuscum et nos sentiremus, si verba paterentur: verum cum Constitutio omnia bona fisco addicat, cum liberos egestate laborare velit, cum filiabus tantum ex bonis maternis medicrem concedat alimoniam, quas pro sexus infirmitate minus ausuras credit, utique ex bonis paternis nihil alimentorum nomine patitur decidi. Utitur quidem Constitutio et *egestatis*, et *paupertatis* verbo: sed praevallet verbum *egestatis*. Pauper est, qui parum habet: egenus qui nihil, ut in illo Martialis.

Non est paupertas Nestor habere nihil.

Et Ovid. *Cur nemo est Hecalen, nulla est quas cepit Irum?*

Nempe quod alter egens, altera pauper erat.

Utroque incommodo laborare filios voluit Constitutio, quod licet durum sit, ut ipsi mox ostensuri sumus, tamen cum Ulpiano dicendum: *Ita lex scripta est, L. prospexit 12. D. Qui et a quib. man. lib.* Atque ex his promptum atque planum est, damnato perduell

Socin. lib. 1.
conf. 50 in 3.
dipa in L. ex
factio §. ex
facto n. 9.
D. ad SC.
Trebel.

lionis patre, peculium profectitium non separari filio-
familias, quod tamen separabatur olim ex Constitu-
tione Claudii, *L. 3. §. sed utrum in fin. D. de minor.*

- 10 *Filii vero eius etc.* Haec pars Constitutionis omnino
non placet: Filiis vitam imperatoria lenitate concede-
re se autumant, cum paterno deberent perire suppli-
cio. Quae haec lenitas, concedere vitam, et affligere
tamen egestate perpetua, atque infamia ita, ut sit eis
mors solatium, vita supplicium? Iam quae ratio, quo-
dve ius paterno perimendos supplicio dicat? *Metuenda
sunt*, inquit, *in eis paterni, id est, hereditarii crimi-
nis exempla.* Infirma profecto ratio, quae ab incerto
eventu atque exitu rerum desumitur: quanto valentior
ista quam natura atque definitio poenae suggerit. Poe-
na peccati *edicesis* est: ubicunque igitur peccatum
nullum, ibi nec poena esse debet. *L. si poena 20.
D. de poen., L. sancimus 22. C. cod.* legesque
poenariae nocentibus terrori, innocentibus praesi-
dio esse debent. Denique unusquisque ex suo ad-
misso sorti subiicitur, nec alieni criminis successor
constituitur, *L. crimen 26. D. eod.* Hanc ipsius natu-
rae aequitatem si quis non advertit, advertat saltem
ad legem divinam, quae vetat liberos ob delicta pa-
rentum puniri, *Deut. xxiv vers. xvi.* Verum, est ita
perspicua naturalis ratio, itaque in oculos incurrit,
ut nec Ethnicos fallere potuerint. Plato enim ubi de
perduellione agit, ipsum quidem criminis huius reum
morte adficit, filios vero eius neque vita, neque ali-
mentis privat, sed cum bonis, accepta tamen sorte,
in antiquam patriam remitti iubet. Q. vero Curtius
cum narrasset, Branchidas ab Alexandro M. deletos,
quod maiores eorum Miletum Xerxi prodidissent, con-
cludit ita: *Haec si in ipsos proditionis auctores exco-
gitata essent, iusta ultio esse, non crudelitas videretur.*
*Nunc culpam maiorum posteri luere, qui ne vi-
derant quidem Miletum; adeo Xerxi non potuerant
prodere.* Sed obiicitur gentium consensu hanc poenam
defendi: Esse, ut Cicero scribit, commune hoc om-
nium civitatum, quo liberorum caritas amiciores rei-
publicae parentes reddat. Nec abhorreret a sacris lite-

Plato 9. de
legib.

Q. Curtio
lib. 7.

Cic. epist.
ad Brut.

ris: nam cum Nabothus ob crimen maiestatis ab Achabo occideretur, ne liberis quidem eius pepercisse iudices, *Reg. 21. vers. 7. et seqq.*, et 2. *Reg. 9. vers. 26.* Postremo; non posse videri duram hanc Constitutionem, si exigatur ad Persarum et Macedonum leges, quibus ob noxam unius, omni propinquitati pereundum erat. Respondeo: Non omne quod gentibus placuit, id ius gentium est; sed quod naturalis ratio inter gentes constituit, §. *ius autem*, et §. *sed ius quidem Inst. de iur. nat. gent. et civ.* Repugnat autem hoc naturali rationi, filium puniri ob delicta parentis: igitur specie iuris defendi ea poena nequit. Quod ad Achabum attinet, est sane perquam absurdum ex eius facto iuris auctoritatem mutuari, cum, quidquid hic fecit, id fecerit reclamante lege divina: Quam legem ad perduellionem quoque pertinere, ne impii Regis iudicium nos moretur. Rex pius Amazias exemplo docuit, qui interfectores patris cum ultimo supplicio adficeret. liberis eorum pepercit: non speciali lenitate, sed ut adiicitur nominatim, propter legem divinam, quae vetuit liberos ob delicta parentum perire, 3. *Reg. 14. v. 5. et 6.* Persarum vero et Macedonum Am. Marqel. lib. 23. leges cur nos moveant, cum idem qui memoratauctor, abominandas nuncupet et diritate exuperantes? Et alioqui plus satis ridiculum velle duritiem legem eo colore excusare, quod sint apud alias gentes longe duriores atque magis impiae. Haec quanquam ita, ut diximus, se habent, non desunt tamen ex interpretationibus nostris, qui hanc Constitutionis partem etiam iuri divino consentaneam contendunt: adducentes eum Gig. rubr. de poen. quas al. incur. quaest. 1. n. 1. et seqq. Comes. 3. re. sol 2. n. 13 in finem *c. vergentis de haeret, c. 1. et seqq. caus. 1. quaes. 4.*, ex quibus liquere dicunt, etiam divino iudicio filius pro parentibus temporali supplicio adfici. Legem vero Dei a nobis adductam intelligunt de aeternis dumtaxat poenis, auctore Innocentio in *c. gravem, de sent. excom.* Pro his adduci etiam poterat Achanis exemplum, qui non ipse tantum periit propter anathema, sed liberi quoque eius eodem supplicio adfecti sunt, *Ios. 7. v. 14.* Et turbulenti homines Kore, Dathan, atque Abiram, propter seditionem in

Ioan. Calv
2. Inst. 8. P.
Mart. class 2.
cap. 1. n. 25.

castris motam, cum totis familiaris terrae voragine hausti sunt, Num. 16. vers. 33. Quin etiam in decalogo Deus Opt. Max. aperte minatur, se peccata parentum in liberis tertiae, et quartae generationis puniaturum. Verum, quicumque his argumentis subnixi nobis contradicunt, his sacris literis abutuntur. Puniantur liberi propter peccata parentum, sed ita, si ipsi quoque eadem scelerum grassentur via. Ceterum filius iustus non luit peccata patris iniusti, Ezech. 18. v. 20. Et licet interdum poenas temporales immitat Deus liberis, non tamen id propter parentum, sed ipsorum peccata facit, seu actu commissa, seu ingenta et innata. Non idem licet iudici huius seculi, qui eatenus delicta punit, quatenus manu ea adprehendere potest, L. cogitationis 1. D. de poen., L. fugitivus 225. D. de V. S. Quod ad Achanem, et seditiosos attinet, facilis est responsio; nempe. delictae sunt totae familiae, seu peculiari iussu Dei, sed quod liberi quoque paterni criminis conscii atque participes essent. Illud sane perspicue falsum, quod Innocentius legem divinam vult intelligi de poenis aeternis, cum Ezechiel capite modo citato, etiam de temporalibus poenis loquatur. (4). His dimissis eos adgrediamur, qui ne macula aliqua libros nostros deturpare videntur, scripserunt, hanc Constitutionis partem antiquari per aliam eorundem Imperatorum constitutionem. Ea est

Eud. in an.
not. ad h. tit.
Duar. a. h. tit.

(4) Cuique legenti cit. Cap. vergente de haeret. patebit, Innocentium de lege divina nullum facere verbum. Porro quod pertinet ad poenam perpetuas egestatis, quae in filios perduellium irrogata videtur, eam Nonnulli laude dignam arbitrantur, cum extendat, ut homines amore filiorum ducti arceantur ab impio scelere; quae ratio probata fuit ipsi Filangiari, ut videre est in cit. op. lib. III. Par. IV. Cap. 46., qui nullam putat Legi inesse iniustitiam, cum ius succedendi ex iure testandi proficiscatur, ac inde nullum Liberis successioni ius sit, cassante in Parentibus ob delictum iure disponendi. Quidquid autem statui queat de vera successione ab intestato origine, illud certum est apud cultiores Gentes quod eleganter monet Paulus in L. 7. de bon. damnat. rationem naturalem quasi legem quaudam tacitam, liberis, parentum hereditatem addicere, velut ad debitam successionem eos vocando. Unde illud Apostoli: Filius ergo heres. Laudati isti sententiae subscribit Philo de vita Moysi III. = Cum lex sit naturae ut liberi parentibus, non parentes liberis in bona succedant.

L. sancimus 22. *C. de poen.*, biennio post praesentem promulgata, anno nimirum Servatoris cccxix. cum praesens habeat annum cccxcvii. In hac sententia Budaus fuit, nec caret sectatoribus. Moventur verbis legis, *Sancimus tibi esse poenam, ubi et noxia est. Pro-
pinquos, notos, familiares procul a calumnia submo-
venus etc.* Mihi vero rectius videtur, quod Daarenus scripsit, nihil derogari praesenti Constitutioni per *d. L. sancimus*, quae non de liberis loquitur, sed pro-
pinqvis, adfinibus, familiaribus, in quos et ipsos a tyrannis saevitum fuerat. Hos subduunt Impp. cru-
delitati, ut arguunt ista verba: *Nec enim adfinitas
vel amicitia nefarium crimen admittunt, sed reos sce-
leris societas facit.* Accedit, quod correctiones legum non coniecturis, sed verbis clavis, vel ratione mani-
festa et necessaria probandae sint, *L. praecipimus in
fin. C. de appel.*, *L. sancimus* 27. *C. de testam.* Prae-
terea cogitent adversarii, quam honestum sit, eam incostantiam appingere Imperatoribus, ut Constitu-
tionem vix dum latam, illico refixerint. Postremo, non voluisse derogare praesenti Constitutioni eosdem Im-
peratores, colligitur ex *L. pen. C. Th. de bon. pro-
script.*, quae *L. Sancimus* pluribus interiectis annis sequuta est: promulgata quippe ab Honorio et Theo-
dosio, Eustachio et Agricola Coss. secundum Ant. Con-
tiii calculum, anno Servatoris ccccxix., in qua lege,
Honorius liberis quidem damnatorum bona relinquit, Velav. tit. 2
§. 5.
sed excepto maiestatis scelere, cuius atrocitas, inquit,
nihil relinquit heredibus. Ex hoc loco non obscure
adparet, etiam post *L. sancimus*, liberos perduellium
egestate punitos fuisse. Nihil igitur superest, quod
duritiem hanc excusemus, meritoque laudandi mo-
rea hodierni Christianarum gentium, qui ab rigore
isto recesserunt, ut ex Italis testantur *Angel. in L.
fallaciter n. 4. C. de abolit. Alciat. consil. 467. n. 6.
Clar. §. laesa maiestas n. 15. Farin. quaest. 116. part.
3. n. 144. Ex Hispanis Hier. Caeval. pract. quaest. cap.
653, n. 38. Ex Gallis Boer. tract. de sedit. quaest. 6. n.
11. et 23. Rebus. in prooem. ad const. reg. glos. 5. n.
126. Ex Belgis Gudol. lib. 5. de iur. novis cap. 16. Ex
Germanis Scheid. in §. publica Inst. de publ. iud.*

c. 3. et 2.
disp. ann. 2.
Decin. 7. cap.
4. n. 3. Me-
noch. cons.
58. n. 117.

Hactenus de ratione Constitutionis: nunc videndum
 12 filiorum appellatione qui contineantur. Haec inspe-
 ctio in plures partes dividitur; nam et de emancipa-
 tis quaeritur, et de adoptivis, et naturalibus, et ne-
 potibus, et natis ante commissum crimen, et paren-
 tibus perduellis. Quas omnes ut dextre feliciterque
 expediamus, praemuniendum ante istud fundamen-
 tum, placuisse communi calculo interpretibus, hanc
 Constitutionem quantum fieri potest, restrigendam esse
 et interpretatione molliendam, ob id quod acerbior
 ait, atque a naturali aequitate recedat. Sed, ut dixi,
 quantum fieri potest, id est, quatenus nec verba,
 nec mens auctorum repugnant, si verba repugnent,
 dicendum erit cum Ulpiano in *L. prospexit D. Qui,
 et a quib. man. lib. non fiant*; Hoc quidem durum,
 sed *lex ita scripta est*. Ergo quod ad primam attinet,
 an in hac Constitutione filiorum appellatione conti-
 neantur, emancipati? Respondeendum est per distin-
 ctionem: Emancipati ante commissum crimen non
 continentur: emancipati post commissum crimen con-
 tinentur. Distinctionis membrum prius firmatur ex §.
emancipationes h. L. Valent emancipationes in eman-
cipatos ante commissum crimen factae: Ergo ad eman-
 cipatos ante commissum crimen poena non pertinet,
 Posterius ex *eod. §.* colligitur hoc modo: Quarumlibet
 rerum alienationes factae ex eo tempore, ex quo quis
 de seclasta factione cogitavit, nullius momenti sunt:
 Ergo et emancipationes ex eodem tempore factae nul-
 lae sunt, quoniam in fraudem sanctionis factae cre-
 duntur. Quo argumento non male quidem scripsisse
 videntur, etsi ante commissum crimen, cogitatione
 tamen instantis sceleris emancipatio facta sit, contineri
 emancipatos filiorum appellatione: quoniam haec quo-
 que emancipatio in fraudem Legis facta sit. Secunda
 quaestio est de adoptivis; Ad hos quidem pertinet
 portio concessa ex bonis damnandi, perinde ac si nati
 essent ex iustis nuptiis, si non fraudem fisci facta sit
 adoptio, *d. L. cum ratio §. ex bonis D. de bon. damn.*
 in praesenti tamen Constitutione filiorum appellatione
 non continentur. Non enim quadrat adoptivis ratio

Decia. d. cap.
 4. n. 19. Fu-
 r. n. q. 110
 part. 3. n.
 134.

Gig. d. robr.
 qu. 6. Bajard.
 ad Clar. 2. 20
 Favin d. part.
 3. n. 34. De-
 cia. 7. cap.
 41. n. 4.

ab Imperatoribus adducta, quod sint in liberis me-
 tuenda exempla paterni criminis; nec derivantur vi-
 tia parentum in adoptivos. Sed nec quadrat ratio a
 Cicerone adducta; puniendi liberi, ut caritas eorum
 amiciores reddat reipublicae parentes: non enim tantus
 amoris affectus erga adoptivos, quantus erga liberos
 natus ex iustis nuptiis: nec quisquam adoptivi gratia
 a scelere abstinuerit. Atque hoc absque controversia
 procedit, si extraneus adoptatus sit, qui non in potesta-
 tem adoptivi patris transit: *ex L. pen. C. de adopt.*;
 sed si a coniuncta persona adoptio facta sit, dubitari
 poterat, quoniam concurrunt eo casu naturalia et ado-
 ptionis iura. Verius tamen est, nec eo casu adoptatum
 incidere in poenas huius constitutionis. Nam sive avus
 paternus, sive maternus nepotem adoptaverint, bona
 quidem omnia adoptatoris fiscus occupabit, infamis
 tamen, et incapax aliarum successionum non erit ado-
 ptatus, quoniam ut infra dicemus: praesens Constitu-
 tio de filiis tantum, non etiam nepotibus loquitur.
 Ac licet iuris civilis commento nepos in locum filii
 adoptari possit §. *et tam filium Inst. de adop.*, tamen
 non tam iuris civilis commentum, quam naturam in-
 spicere debemus. Tertio loco de naturalibus ex con-
 cubina susceptus quaeritur: Quod quidem praesenti
 Constitutioni a multis subiectos esse, miror. Nam
 praeterquam quod ab initio dictum est, Sanctionem
 hanc aequitati parum convenientem strictius inter-
 pretandam esse, ista quoque ratione dissentientes pre-
 muntur quod Constitutio de filiis loquatur: filii au-
 tem non sint: nisi ubi iustae nuptiae, *L. 5. D. de in-
 ius voc.*, §. *si adversus ea Inst. de nupt.* Praeterea
 Constitutio avita bona, et omnium proximorum here-
 ditates filiis damnati aufert: non ergo de naturalibus
 sed legitimis dumtaxat loquitur, quoniam nec de-
 bentur naturalibus omnium proximorum hereditates:
 quippe, qui matri dumtaxat succedant, et maternis
 cognatis, non patri patrisque adgnatis, *L. 2., L. si spi-
 rius, L. Modestinus D. Und. cogn.*, §. *vulgo quaesit*
Inst. de succes. cogn., *L. si qua illustris C. ad SC.*
Orfic., *Auth. licet. C. de natur. lib.* Sed quod fortius

14

Gig. de uba.
 qu 7. Clar h.
 n. 11. Decia
 d. c. 41. n. 3
 Farin d part.
 3. n. 86.
 Palaeus c. 23.
 Comes. L.
 Taur. p. 2. 54.

est, sollicita est haec Sanctio de illis, qui aliquid audere, qui dignitate et divitiis conspicui parentis necem ulcisci possent; at nihil possunt naturale, quos nec dignitates, nec divitiae respicere solent. Postremo, non eadem affectio patris est erga naturales, quae erga natos ex legitimis nuptiis; libidinis enim conscientia, et pudor luxuria faciunt, ut aversatur naturales liberos pater. Igitur Sanctio, quae caritate liberorum amiciores reip. parentes voluit, ad naturales non pertinet. Opponitur, quod liberorum appellatione etiam naturales contineantur. *L. ex facto 17. §. si quis rogatus 4. D. ad SC. Trebel.* Respondeo: in fideicommissis voluntatis est quaestio, aestimaturque ex voluntate, dignitate, conditione eius, qui fideicommissum reliquit: sed a fideicommisso ad poenam perduellionis qui transferri possit argumentum, non video, adeoque id displicet, ut putem, nec a Pompeia Lege ad praesentem Sanctionem recte non illaturus ita: In Lege Pompeia filii appellatione ex concubina susceptus continetur. Ergo et in praesenti Constitutione. Nam Legi Pompeiae sufficit natura patrem fuisse, licet non fuerit idem iure, *L. hoc accusare §. item nec lex Pompeia D. de accusat.*: at praesens Constitutio filios legitimos requirit, qui dignitate et divitiis conspicui possent aliquid audere. Opponitur: Absurdum foret meliores conditionis esse naturales, quam legitimos. Respondeo: Non absurdum; hoc enim secundum naturam, ut commoda ubi sunt, ibi et incommoda sint. Commoda autem legitimos manent, igitur et incommodum huius poenae eos solos manere debet. Quid enim si perduellis spurium reliquerit filium? eone poenae Legis eum subiicies, ne sit melior conditione, quam legitimus? Minime, nam nec patrem habet, nec dignitate aut divitiis conspicuus est, atque idcirco infra Legis animadversionem. Dices: qui ergo, si naturalis legitimatus fuerit, an pertinet ad hanc Constitutionem? Quoniam equiparatur nato ex legitimis

Deeia d. cap. 41 n. 3. Surin. d. part. 3. n. 91 et

nuptiis, dignitatis paternae atque divitiarum particeps est, idcirco ad constitutionem pertinere videtur. Quare et contenditur de filiis ante commissum crimen natis,

an pertineant ad praesentem Constitutionem? Et licet seq. Gomes. 3. resol 2 u. 46. ita contendatur, ut utraque sententia, tam affirmantium, quam negantium communis visa fuerit, plane tamen non dubitamus quin affirmantes rectius senserit. Praeterquam enim quod rationes huius Sanctionis ad utrosque tam ante, quam post commissum crimen natos, ex aequo pertinent, facile id evincitur ex §. *emancipationes hac L.*, ubi cum distinguitur inter emancipationes ante, et post commissum crimen factas, satis clare innuitur, Constitutionem ad natos ante commissum crimen pertinere. Sed et *L. ult. C. de bon. proscript.* cum priore parte liberis damnatorum conservat bona parentum, non distinguit, ante, an post commissum crimen nati sint: Ergo et posteriore parte, cum liberis perduellium negat bona parentum, sine distinctione ea exceptio accipienda est. Opponitur: Natus ante dignitatem a patre quaesitam, dignitas non prodest, *L. senator 11. C. de dignit.*, *L. filii 22. vers. senatores D. ad municip.* Ergo nec poena iisdem obesse debet. Sed vitiosa est consequentia a dignitate senatoria ad poenam perduellionis, cum haec duo pari, atque aequali iure nequaquam censeantur: poena enim in iudicio perduellionis liberos manet peculiaribus de causis ab initio indicatis; nempe quod in filiis metuenda sint exempla paterni criminis; et, quod poena liberorum amiciores redditura sit parentes rei publicae. Quamobrem nec illa dissentientium obiectio pondus habet, quam colligunt, ex *L. emancipatum 7.*, *L. filiam 9. D. de Senat.*, *L. 2. §. in filiis D. de decur.*, *L. 2. C. de lib. et eor. liber.* Filius; inquit, natus antequam pater Senatu moveretur aut ob ingratitudinem in servitutem revocaretur, nullum patitur dignitatis, vel libertatis praeiudicium. Ergo nec filius natus ante commissum crimen perduellionis. Quae enim consequentia, cum in crimine perduellionis regulae iuris communis cessent, secundum interpretum doctrinam quam examinaturi sumus *cap. seq.* Certe cum contra rationem iuris hoc constitutum sit, ut ex perduellione parentum plectantur etiam liberi, non video, qui ad communes iuris rationes haec Con-

stitutio expendi atque exigi possit. Sed adducunt etiam dissentientes auctoritatem Glossographi tradentis in *L. D. Marco 11. C. de Quaest.*, quoties ob delictum patris liberi quoque incommodo adficiuntur, toties hoc intelligendum de liberis post commissum scelus natis. Verum, quis glossis auctoritatem iuris attribuit? aut cur neglectis legumlatorum verbis glossemata adducamus, cum ipsa glossographus in *L. 12 D. de off. praes. vellicaverit* eos, qui contra textus, glossematis adductis, pugnant? Pergunt dissentientes atque ex *c. non imputantur 1. q. 4. c. si habes 24. q. 3.* obiciunt, non imputari filiis peccata parentum post ipsorum nativitatem a parentibus commissa. Respondeo: Imo neque ante, neque post liberorum nativitatem admissa liberis imputantur: damnat enim Augustinus in *d. c. si habes* pravam istum Pontificum morem, quo ob delictum patrisfamilias etiam liberos eius, atque totam domum anathemate seriebant. Neque distinguit inter liberos ante et post commissum peccatum uatos; quasi his imputentur peccata parentum, non illis; cum aperte etiam loquatur de filio nato post anathematis fulmen emissum. Sed etsi distingueret, quid quaeso fulmen illud ad Legem perduellionis, aut quid censurae Pontificum ad Sanctiones Imperatorum? Si verum amamus, nihil. Postremo adducunt dissentientes et istam rationem: Liberi ante commissum crimen nati non presumuntur nati ex infecto atque criminoso sanguine: cum igitur exempla paterni criminis ab eis nulla sint metuenda, nec poena ad eos pertinebit. Haec ratio aut ridicula est, aut perspicue falsa. Ridicula, si putant sanguini virus quoddam inesse, quo infecti liberi non, ante sed post commissum crimen nati, et ipsi quondam hostilia sint mollituri. Falsa, si credunt semina vitiorum, quibus parentes laborant, non derivari nisi in liberos post commissum crimen genitos. Nam quod ad perduellionem attinet, huic causam praebet vel odium Principis, vel ambitio, et inexplibilis dominandi cupiditas. Utrumque vitium, in primis ambitionem, aequè liberis ante, quam post commissum

crimen natia ingenerari, et quasi hereditate deferri palam est, nisi forte quis nescit, Appiis innatam fuisse superbia, Scipionibus magnanimitatem; Manliis severitatem, Brutis atque Cassiis amorem libertatis. Totae denique gentes, cum laborent suis quibusdam nativis vitiis, Poeni perfidia: Hispani fastu, Galli levitate, Germani bibacitate etc.: quis ausit dicere haec vitia non ante a parentibus in liberos derivari, quam parentes quaedam leviter, perfidiose, arroganter fecerint? Facessat igitur ista ratio, caque profligata transeamus ad quaestionem quintam; qua disputatur, an in hac Constitutione appellatione filiorum contineantur nepotes? Et quoniam verba Constitutionis non reclamant, in hac questione confidenter poterimus inniti fundamento ab initio iacto, esse nimirum hanc Sanctionem, quoniam ab aequitate naturali recedit, strictius interpretandam; et ideo appellatione filiorum nepotes non comprehendi. Id autem porro ita firmatur: Constanti stylo Imperatores filiorum dumtaxat mentionem fecerunt in hac Constitutione, nusquam liberorum; Filii autem verbum, si proprietatem spectes, nepotes non continet, §. ult. *Inst. Qui test. tut. dar. pos.*, L. 6. *D. eod.* A proprietate vero verbi in dubio non est recedendum, L. non aliter 69 *D. de Leg. 3.*, in primis si de interpretatione constitutionis poenalis agatur, Ita enim Lex Julia de adulteriis, cum dedisset patri ius occidendi filiam in adulterio deprehensam, negare J.C. filiae verbo neptem contineri, L. patri 20., et L. seqq. *D. ad L. Jul. de adult.* Cur ergo filii verbo nepos contineatur in Lege perduellionis? Opponunt dissentientes; Imo filiorum appellatione et nepotes continentur, L. 84., L. 201., L. 220. §. ult. *D. de V.S. l. uxorem §. concubinae D. de Leg. 3. l. Lucius D. de hered. instit.* Respondeo ex d. L. 201. Placuit id iusta interpretatione, ut in multis causis filiorum appellatione nepotes comprehendantur: sed in praesenti quaestione nulla nos invitat utilitas, ut extendamus verbi significationem. Opponunt: Bona perduellis universae posteritati auferentur, L. ult. in fin. *C. de bon. proscript.* Ergo et nepotibus. Resp. Ita est: bona quidem auferun-

16

Decim. d. cap.
41. n. 7.

tuntur posteritati; sed non universa posteritas incipax, intestabilis, atque infamis sit. Opponunt denique: Etiam a nepotibus posse proficisci exempla aviti criminis: posse caritatem eorum detertere avum a scelere, eo magis, quo ardentior plerumque est amor erga nepotes, quam erga filios. Resp. Quod ad posteriorem rationem attinet, fateor equidem eam nepotibus quoque convenire: sed quod ad priorem, id pernego. Nam cum amor descendat, non adscendat, et ardentem amet liberos pater, ardentius avus: tepide contra a liberis ametur pater, tepidius avus; non est valde metuendum, ne avi inleiscendi gratia nepotes hostilia moliantur: in primis cum per aetatem in animis eorum, neque tam recens dolor, neque tam acerbam recordatio et memoria aviti supplicii esse possit. Poetice autem dictum illud a Marone, *Ultus avos Trojae*: quis enim nescit, aliam fuisse Romanis transferendi Graeciam belli causam, ac ne cogitasse quidem eos tum temporis excidium Trojae. Transeat igitur haec quoque argumentatio.

17 Sexta et ultima est quaestio, si filius commiserit, perduellionem, an e converso pater quoque poenae huius sanctionis teneatur? Haec vero nullo negotio dissolvitur: nam et verba Sanctionis deficiunt, et ratio. Non enim, ut vitia parentum in liberos derivantur, ita vitia liberorum in parentes. Nec quia impensius parentes liberos amant, idcirco metuendum, ne vindictae studio bellum civile conflent; ferocia enim animi aetatis flexu consistens, tardiores eos ad res novas, minusque metuentes efficit. Strinxit quidem ferrum senior Priamus, cum ante oculos eius occideretur a Pyrrho filius Polytes; sed ut Poeta, ait, *Telum imbelles sine ictu*.

18 *A materna, vel avita, omnium etiam proximorum etc.*: Cui ergo deferuntur bona, quae, filii perduellis capere non possunt? utrum fisco, an iis qui proximi gradu sunt? Respondeo: Hereditates quidem ab intestato deferuntur proximis, testamentariae vero substitutis, aut coniunctis; aut, utrisque deficientibus, deserto testamento recidunt in causam intestati, Le-

Gomes. 3.
cap. 2. n. 14
Pereg. 3. de
iur. tis. 9. n.
1. Farin. d.
part. 3. n.
131.

gata vero, si coniunctum non habeant, apud heredem remanent. Etenim paterna quidem bona omnia Imperatores fisco addicunt: at ubi de maternis aliisque successioneibus loquuntur, nullam omnino fisci mentionem faciunt: sequitur ego fiscum ab his, quos diximus, excludi. Accedit, quod filios perduellis velint a propinquorum successione esse alienos, vetent eosdem ex testamentis aliorum capere; quibus verbis non tam indigni, quam incapaces designantur. Certum autem est, indignis quidem relicta fisco vindicari, *L. Lucius 11. , L. aufertur 46. D. de iur. fisc. , L. 2. et seqq. D. de his quae ut indig. aus. ,* incapacibus vero relicta, pro non scriptis haberi, *L. 3. D. de his quae pro non script. hab. ,* utique si palam relicta fuerint; nam quae tacite et in fraudem iuris relinquuntur, ea demum fisco vindicantur, *L. 3. , d. L. 46. D. de iur. fisc. , L. 10. 11. 18. D. de his quae ut ind. auf. Denique, cum non delinquit, qui in dubiis causis contra fiscum facile respondet, L. non puto 10. D. de iur. fisc. ,* cur timeamus in hac quoque quaestione contra fiscum respondere? Quid autem, si filio perduellis alimenta dumtaxat relicta fuerint, an ea quoque pro non scriptis haberentur? Omnino; debet enim perpetua egestate sordere; solisque filiabus conceditur alimonia ex bonis maternis. Unde apparet, deteriore conditione esse filios perduellis deportatis; tametsi enim civitatem non amittant, tamen ne alimenta quidem capere possunt, quae deportatis relinqui ius non vetat, *d. L. 3. D. de his quae pro non script. hab. L. is. cui 11. D. de alim. vel cib. legat.*

Iubemus etiam eos notabiles esse sine venia, ec. His, qui pro reo perduellionis intercedunt, infamia, ¹⁹ iniuritur: id enim significat verbum *Notabiles, L. 3. pr. D. de testib. , L. 2. C. de dignit. , L. ult. C. de gener. abolit.* Rationem observat doctissimus Cuiacius ex *Cicer. pro Sylla, et pro Rabir.* quoniam in hoc crimine non solum culpa levitatis est, si defendas reum, sed etiam contagio sceleris. Eadem nota iniuri vedetur iis, qui pro filiis perduellium intercedunt: proxime enim de filiis Imperatores loquuti sunt, et nunc plurativo

numero utantur, *Talibus*: ut igitur constet orationis connexio, ad filios quoque id verbum referendum, uti quidem Baldus hoc loco observat. Verum pressius examinanti contextum, adparebit verbum *Talibus*, non ad filios, sed ipsos rebelles referendum esse: nam ea in *seqq.* §§. verba, *Eorum*, *Praedictis*, *Predictorum*, quae et ipsa relativa sunt, ad perduelles, non filios eorum referuntur. Et in dubio, cur non amplectamur mitiorem sententiam, cum id prorsus iniquum futurum sit, denegare liberis nihil commeritis intercessores, aut deprecatores? Porro sunt qui existimant, ne Advocatum quidem reo patrocinari posse, nisi speciali Principis permissu. Quod falsum esse, et ius nostrum, et historiae docent. Ius, quoniam nusquam negat Advocatum perduelli: cumque sit hoc patronorum officium, ut non solum privatis iudiciis facultates, sed et publicis vitam reorum defendant, *L. 3. §. quod si advoco D. de praevar. L. advocati 14. C. de advoc.*, consequens est, quisquis perduellionis iudicium exceptum dicit, is eam exceptionem speciali adducta Lege probet. Historiae, quoniam constat, Babirium perduellionis reum a Cicerone defensum esse; Pisonem autem sub Tiberio per M. Lepidum, et Pisonem, et Livencium Regulum; *Tac. 3. Annal. 2.*; et Liboni Druso sub eodem, non vox adversum pericula negabatur, sed praeformidine cunctis abventibus non contingit, *Tac. 2. Annal. 4.*

Ad filius sane eorum etc.: Per Falcidiam interpretes hoc loco legitimam intelligunt: quae interpretatio nova, aut absurda videri non debet: ita enim id verbum accipitur in *Nov. 92.*, *L. Papinianus 8. §. quarta et §. unde D. de inoff. testam.*, *L. quae nuper 31. C. eod.*, *Paul. 4. sent. 5. §. filius ex esse*. Quod vero iidem interpretes volunt, a successionibus propinquorum, et testamentis extraneorum eas non arceri, merito addubites. Volunt enim Imperatores mediocrem tantum alimentam ad eas pertinere: atsi hereditates ex testamento, vel ab intestato delatas adire eis fas, sit facile substantia modum alimentorum excedet. Et absurdum sane sit, a matre non nisi alimenta eis relinqui posse, ab aliis

Farin. qu. 116
part. 4. n. 28.
et quae est. 118
part. 4. n. 28.
29.

Glav. §. laes.
mai. n. 10. Far.
rin. qu. 116.
part. 3. n. 96.
Decia. d. cap.
41. n. 12.

universa bona. Quare si ex bonis maternis alimoniam iam habeant, frustra ad aliorum bona aspicient: sin minus, alimenta, quibus carent; ab aliis relinquere posse dixeris. Quod ad infamiam attinet, eam ad filias non pertinere, confidentius asseri potest, quoniam verbum nullum in praesenti Constitutione, ex quo id elici possit.

Alienationes quas ex eo tempore, etc.: Hinc multi colligunt, bona perduellis ipso iure publicari; eum-

que perpetrato scelere confestim amittere dominium Dec. 27. cap. 40. n. 6. Clar. d. §. n. 9. Boer. de eis. 17. n. 12. Menoch. con. 31. n. 160. Vid. Quintil. decl. 324. et administrationem rerum suarum. Argumento hoc utuntur: Perpetrato crimine alienationes nullius momenti sunt. *h. §., L. 6. §. 1., et L. ult. h. tit., ex iudiciorum 20. D. de accusat., L. post contractum 15., L. donationes 31. §. ult. D. de donat.* Igitur amittit perduellis dominium et administrationem rerum suarum

illico post admissum scelus. Verum vitiosa collectio est. Etenim perduelles, ante quam damnati fuerint, dominia rerum suarum retinere, aperte Paulus respondit in *L. quaesitum 15. D. Qui et a quib. man. lib.*

non fit., idemque de reis aliorum criminum sententiam: ne minus videantur habere rei leviorum criminum, quam rei atrocissimi sceleris. Hoc tamen inter-

est inter perduellem, et eos qui alia crimina contraxerint: quod ab his alienationes factae ita demum infirmantur, si damnatio sequuta fuerit: ab illo, etsi ante damnationem decesserit, quoniam memoria eius post mortem damnatur. Urgebit forte aliquis: Si igitur domini manent rerum suarum perduelles, cur alienationes ab his factae statim post admissum infirmantur? Respondeo; Fisci id causa constitutum est, ne ei alienando fraus fiat, *L. 9. et ult. D. de bon. damn.* quamobrem nec omnis alienatio infirmatur, veluti si, creditori solvat bona fide; sed ea quae in fraudem fisci facta videri poterat. Neque vero novum, dominum esse, nec tamen alienare posse: Sic enim et debitor qui solvendo non est, dominus rerum suarum est; si tamen eas in fraudem creditorum alienaverit, alienationes infirmantur. Et ii, quibus tutores atque curatores dantur, rerum suarum domini sunt, nihil te-

Molin. §. 48. gl. 1. n. 25. Fab. i. C. de accus. def. 2

Gomes. 8. c.
2. n. 2

men alienare possunt, *L. 1., L. 10. et tot. tit. D. Quae in fraud cred., pr. Inst. Quib. ex caus. man. non lic., §. nunc admonendi Instit. Quib. alien. non lic.* Sed fingamus fiscum res alienatas vindicare, num pretium emptoribus restituere tenetur? Negat inter alios Gomesius arg. *L. si debitor 7. D. Quae in fraud. cred., L. 3., L. si mancipium 23. C. de rei vind., L. si sciens 7. C. ad SC. Fellej., L. 1. C. de furt.* Recte, dummodo meminerimus rem ita temperare, ut non cogatur fiscus pretium restituere, cum emptor fraudis conscius fuit: secus, si fuerit fraudis ignarus, arg. *L. 1., L. 10. D. Quae in fraud cred., L. pen. C. eod.* Sed etsi conscius fraudis emptor fuerit, si tamen pretium exstet, aut in rem perduellis versum fuerit, restituendam erit, quoniam fraudatur, *L. ex his 8. D. cod., L. emptor 65. de rei vind.*

Uxores sane praedictorum recuperata dote, etc. Si publicentur bona mariti non solum paraphernas res, sed et dotem recuperat uxor, *L. 2. C. Ne ux. pro mar.* Cui consequens est, ut si publicentur bona uxoris, etiam donationem propter nuptias salvam habeat maritus. In primis, cum minus iuris in ea donatione constante matrimonio habeat uxor, quam maritus in dote: non enim ut maritus res dotales administrat, fructus percipit pro oneribus matrimonii, ita vicissim uxor res antidotales, *pr. Inst. Quib. alien. non lic., L. pro oneribus 20., L. ubi adhuc 29 C. de iur. dot.* Quid autem de dote fiet, si publicentur bona uxoris? quid de donatione propter nuptias, si publicentur bona mariti? Si publicentur bona uxoris, dos marito conservatur, lucroque eius cedit, exceptis quinque criminibus, Maiestatis, Vis publicae, Homicidii, Parricidii, Veneficii; quibus condemnata muliere, dos quoque publicatur, *L. miles 11. §. socer D. ad L. Jul. de adult. L. 3. 4. 5. 8. §. ult. 9. 16. D. de bon. damn.* Si publicentur bona mariti, de donatione propter nuptias quid fiat a Jctis proditum non est, nec mirum: fuit enim ea donatio veteribus prudentibus incognita, teste Iustiniano in *§. est et aliud Inst. de donat.* Sed cum de dote ita responsum sit a prudentibus, forte existi-

met aliquis esse id responsum extendendum ad donationem propter nuptias, valet enim ab illa ad hanc argumentum, *L. si liberis* 18., et *L. cum multae* 20. *C. de don. ant. nupt.* Verum non est id existimandum: Constantius enim Imp. in *L. 24. C. de don. int. vir et ux.* sine ulla distinctione criminum, uxori etiam largitatem mariti conservat, perinde ac si is naturae non poenae concessisset. Quam Constit. non antiquat, sed temperat dumtaxat recentior haec Arcadii et Honorii sanctio, cum fisco addicit res donatas uxori ea lege, ut proprietatem liberis servet; quibus verbis, aperte docet, si proprietatem uxor liberis servare non teneatur, nihil in eas iuris esse fisco. Igitur et in donatione propter nuptias nihil iuris habebit fiscus, si pleno iure, non usufructu tenus ad mulierem pertineat: nempe, cum aut liberi nulli ex eo matrimonio sunt nati, aut nati quidem sunt, sed non transvolat ad secunda vota mulier, *L. 3. et seqq. C. de sec. nupt.*, *Nov. 2. cap. 1. et 4.*, *Nov. 22. cap. 28.* Atque haec quidem argumentatio, quae ex verbis duarum Constitutionum desumitur, priore longe fortior atque certior est: necessario igitur ei acquiescendum: nempe muliere perduellionis damnata dotem auferri marito: marito perduellionis condemnato, donationem propter nuptias non auferri uxori. Ac licet vix ulla idonea diversitatis ratio adpareat, leges tamen ita scriptae sunt. Sane, quod ad parricidium, homicidium, veneficium vim publicam attinet, marito quoque subveniri recte dixerit *ex Nov. 134. cap. ult.*, quae in solo maiestatis crimine veteres leges iubet observari; ex reliquis criminibus condemnatione facta, sicut uxori dos et ante nuptias donatio conservatur, ita etiam marito donationem et dotem salvam esse, valde verisimile est. Nam tametsi verba in *d. Nov.* de muliere tantum fiant, tamen quoniam legumlatori propositum fuit confiscationes bonorum magna ex parte recidere, ex mente eius atque sententia id fieri recte dixeris. Non est hic illud praetereundum, si vir uxori donaverit augendae dotis gratia, dein perduellionis damnatus sit, utrum augmentum id iure dotis censeatur, an iure rerum

Velav. 5 gl.
l. n. 3.

Conf: Ant.
Febr. 9. God.
Fab. tit. 6. de
sa. 3.

marito donatarum: nam si iure dotis, simpliciter excluditur fiscus: sin iure rerum donatarum, non omni casu excluditur fiscus ab eius persequutione, sed eo dumtaxat, quo mulier plenam proprietatem habet. Iure dotis censendam esse, defendi potest ex *L. si inter* 24., *L. inter socerum* 26. §. *cum inter patrem D. de pact. dot.*, *L. etiamsi* 8. *C. de iur. dot.*, *L. non tantum* 7. *D. de tut. et cur. dat.* Et sane si maritus, qui dotem non accepit, certa tamen corpora in dotem legavit, dotalia ea efficit, §. *sed si uxori Inst. de legat.*, *L. cum scriptum esset* 6. *D. de dot. praeleg.*, consequens est etiam si auxerit dotem, id augmentum dotale fieri, *d. L. 6. pr.*, *L. 2. C. de dot. caut. non num.* In contrarium adduci poterat, quod mulier ad secunda vota transiens, eorum omnium, quae ex liberalitate mariti habet, usumfructum dumtaxat retineat, proprietate liberis servata, *d. L. 3. C. de sec. nup.*, *Nov. 22. cap. 23.* Atqui ex largitate seu liberalitate viri descendit augmentum dotis. Igitur proprietas liberis debetur, transeunte muliere ad secunda vota, nec omnino cum caussa dotis confunditur: Cui consequens est, ut marito perduellionis damnato, fiscus res ita donatas auferat, relicto uxori usufructu. At si mulier ad secundas nuptias non transeat, aut transeat quidem, sed liberos non habeat ex priore marito perduelle, nihil in his iuris habebit fiscus, quoniam plenam proprietatem uxor habet. Quod autem attinet ad leges obiectas, earum anteriores quidem de augmento ab ipsa muliere facto loquuntur, ideoque ad praesentem quaestionem non pertinent: posteriores vero nempe *d. L. 6. de dot. praeleg.*, *d. L. 2. C. de dot. caut.* loquuntur quidem de augmento quod maritus fecit, sed non exprimunt id augmentum doti per omnia et in omnibus comparari: Et sane si doti prorsus confunderetur, eodemque iure gauderet, aut ut planius loquar, si id augmentum, quod vir facit, per omnia simile esset isti, quod mulier facit, sequeretur et statim valere: at non valet statim, sed ita demum si morte et silentio mariti confirmetur, *L. 1. C. de donat. ant. nupt.* Non igitur quo das, eodem prorsus iure cen-

setur eius augmentum (5). Quod autem ex ead. L. 6. de dot. praeleg. adferebatur, maritum, qui dote non accepta dotem praelegat, si certa corpora in praeclegando demonstraverit, dotalia ea efficere, id perspicue falsum est, cum JC. in fin. d. L. 6. dicat, eo casu non dotem ipsam, sed pecuniam, vel corpora pro dote legata videri.

Id quod de praedictis eorumque filiis cavimus, etiam de satellitibus, consociis, etc. Hunc §. nobilitavit contentio duorum summæ auctoritatis interpretum Bartoli et Baldi contententium, utrum per consocios eos dumtaxat intelligere debeamus, quorum conscientia sceleris quadam societate innexa atque illigata est, an et illos quibus factio innotuit, licet nihil ipsis cum machinatoribus fuerit commune? Bartolus enim scripsit, solam scientiam sufficere ad poenam huius criminis: Baldus vero, ob hanc doctrinam animam Bartoli in inferno cruciari dixit. Nos ante videamus, an Bartoli doctrina vera sit; dein excutiemus sententiam Baldi. Pro Bartolo ergo adferri poterant ista. 1. Quod

Clar. §. fin. quæst. 87.
Decim. 7. cap. 34. n. 15. Alc. in l. bona fides n. 17. D. depos. Bart. in l. utrum. n. 3. D. ad leg. Pompei. Bal. lib. 1. Consul.

(5) Augmentum dotis ex donatione mariti profectum publicationem effugere puto, quia id ut dos, cuius pars est, pleno iure ad uxorem pertinet, sive liberos ex eo matrimonio habeat, sive non. Nec quidquam obturbat, quod omne profectum ex liberalitate mariti debeat ex L. 3. C. de sec. nupt. et ex Nov. 22. Cap. 13. filiis servari pleno iure, si uxor iterum nubat, vel eius proprietas, si vidua manserit; nam in cit. textibus expresse agitur de donationibus nuptialibus, sponsalitiis, aliisque modis, quibus ex bonis viri uxor facta est locupletior, non autem de dote; ipsa sponsalitia donatio, cui traditio accesserit, si fuerit posthæc a sponsa in dotem datam, quoniam actione de dote peti potest, ad fiscum non pertinet, L. 1. C. de donat. ant. nupt. Idem ius esse mihi videtur, si nulla interveniente traditione sponsus, vel stipulatione, quod vetus ius est, vel nudo pacto, quod est ius constitutum ab Imp. Justin. in L. 35. §. C. de donat., uxori donaverit dotis augendæ gratia arg. L. 21. de V. O. et d. L. 35. Quid si sponsus donandi animo, quod in dotem non accepit, professus fuerit recepisse? Rescribunt Impp. Severus et Antonin in cit. L. 1. de don. ant. nupt. nihil donatione actum esse, at quod in dotem datum non est repeti non posse. Ita rescribunt Impp. sed secundum rationem suorum temporum quibus nec dos solo animo constituebatur, nec donatio nudo pacto valebat. At quoniam hodie ut dictum est, donatio vel nudo pacto perficitur, non vereor adfirmare posse ab uxore saltem conditione peti quod vir non accepit, et animo donandi recepisse professus est.

in lege perduellionis sola cogitatio sceleris scelus sit, *pr. h. L. 11.* Quod de illis, qui pars factionis sunt, actum sit *pr. h. L.* In praesenti ergo §. intelligendos conscios, qui pars factionis non sunt. 111. Quod Imperatores ipsi, cum in *h. §.* conscios a satellitibus et ministris separant, per conscios intelligere videantur illos, qui sacramentum factioni non dederunt, cum, quae deferendi factionem praemium et veniam polliceantur, e contra reticenti poenam minari videntur, *iv.* Quod Ulpianus in *L. si quis forte 6. D. de poen.* responderit, puniendos magis, qui reticuerunt, quae ad salutem Principis pertinebant. *v.* Quod aliis quoque legibus sola reticentia puniatur, veluti in *Lege Pompeia de parricidis, L. 2., et L. 5. D. ad L. Pomp. de parric.* in Constitutione Justiniani de raptu virginum, *L. un. §. poenas C. de rapt. virg.,* in Senatusconsulto Silaniano, *L. 1. §. occisorum §. iusta §. seq., L. 14. D. de SC. Silan. vi.* Denique *ex c. delicto de sent. excom. in 6.* adferri poterat, non carere scrupulo societatis occultae eum, qui delicta futuro, cum possit: non obviat. Et video vasallum quoque obligari ad revelanda ea, quae alii contra dominum feudi moliantur; *Tit. de nov. form. fidel.,* cur autem alia vasalli, alia subditi sit conditio, cum uterque debeat domino fidelitatem? Haec, inquam, pro Bartolo adferri poterant, quibus tamen non obstantibus, contrariam sententiam veriore iudico; nempe, ob solam reticentiam non teneri poena perduellionis eos, qui nulla societate factionis iuncti fuere. Nam si maxime verbum, *consciis*, in praesenti §. aucipiti significationis esset, tamen in dubio mitiorem sententiam sequi nos deceret; cum severitas in atrocioribus quoque criminibus puniendis benignitate temperanda sit, *L. perspicendum 11. D. de poen.,* et sit praesens sanctio, quatenus de liberis consciorum loquitur, impendio acerbior, atque a naturali aequitate remotior. Atqui non est id verbum in praesenti §. dubiae significationis, sed eos solos designat, qui pars factionis sunt, licet neque pro satellitibus, neque pro ministris operam dent factiones principi. Id apparet ex §. *seq.,* ubi cum *impp. ita*

loquuntur, *Sane si qui ex his*, scilicet, satellitibus, consciis, ministris, *in exordio initae factionis* etc.: satis declarant, se non de quibuscunque consciis loqui sed illis qui factionis initae pars fuerant. Clarius elucescit id ex *vers. seq.* *Is vero, qui usus fuerit factione, si vel sero* etc.: Ecce, de utentibus factione loquuntur: non ergo reticuisse perduellio est, sed reticentem societate factionis illigatum fuisse. Verba igitur Impp. cum pro hac sententia faciant, cur dubitemus in eam pedibus ire? In primis cum non difficile sit diluere ea, quae pro Bartolo sunt allata. Nam ad primum quod attinet, de cogitatione sceleris, id nugatorium est: et quemadmodum accipienda verba Impp. initio huius Constit. posita, supra diximus. Quod ad secundum responderi potest, initio legis actum de auctoribus et principibus sceleratae factionis, praesenti §. agi de reliquis, qui pars factionis sunt, non tamen auctores, aut principes. Quod ad tertium, separant quidem Impp. conscios a satellitibus, et ministris, sed non idcirco, quod per conscios intelligi velint eos, qui factionis notitiam habuerunt, sed quod multi factioni nomen dent, qui tamen neque pro satellitibus, neque pro ministris operam praebent. Quod ad quartum, non dicit Ulpianus, reticentem ea, quae ad salutem Principis pertinent, poena perduellionis puniendum; sed cum, qui damnatus, supplicii eludendi causa, habere se dicit quae ad salutem Principis pertinent, magis puniendum; id est, festinandum eius supplicium; cum enim rem tam magnam tandiu retinerit, inde praesumimus, eludendae tantum poenae gratia talia eum iactare. Quod ad quintum, falsum est in Lege Pompeia, et Const. Iustiniani de raptu virginum, per conscios intelligi eos, qui notitiam aliquam sceleris instantis habuerunt, si nec opem, nec consilium ad scelus contulerunt. Sane in *L. 2. D. ad L. Pompej.* frater, qui non indicaverat patri venenum parari, relegatus est: sed ipse locus admonet, extra ordinem puniri posse nonnullos ob reticentiam, non autem ordinaria poena. Dico, *nonnullus*, quoniam ii, qui nobis necessitudine aliqua

arctiore obstricti sunt, separandi sunt a reliquis. Itaque filius, si non indicaverit patri instans periculum punitur extra ordinem: extraneus ob eandem causam non punitur. Quod autem SC. Silaniano servi ob reticentiam puniantur capite, id peculiari ratione constitutum: nempe, ut vitae securus domi suae sit dominus: habiturus alioqui: secundum vetus adagium, tot hostes, quot servos. Quantum ad postremum attinet, fatemur quidem, suspitione occultae societatis onerari eum, qui delicto, cum posset, non obviat: verum eam suspitionem infirmiore dicimus, quam ut poenam perduellionis sufficiat. Alii enim pudore, alii socordia praepediti, alii quod fidem indicibus non habeant, reticent ea quae compererant. Timent nonnulli, ne, si fidem non habeant, delationi, Princeps calumniari videantur. Omnes hos poenae perduellionis subiugare velle, sane absurdissimum foret. Vasalli autem exemplum frustra adducitur: non enim vasallus ob reticentiam capite punitur, sed feudum amittit. §. *praeterea sit. Quae fuit prim. caus. benef. amit.* Et nos subditos, quoniam fidelitatem domino debent, ob reticentiam puniri posse concedimus, sed Lege perduellionis, id vero negamus. Nequo obici nobis velim ea, quae in *proleg. cap. 1. n. 15.* diximus: ibi enim de crimine magis, quam poena disscruiamus: id est, defendimus eas personas, quae obsequium et fidelitatem nobis debent, reticendo crimen admittere; at poena ordinaria puniendos esse, non defendimus. Hactenus adversus Bartolum disputavimus; nunc excutimus Baldi sententiam. Is existimavit, ita demum reticenti poenam perduellionis imminere, si et probare crimen, atque convincere factioso potuerit. Ceterum, si convincere eos non potuerit, cur subiiciat se ultro periculo tormentorum, carceris, calumniae, quod plerumque accusatores manet, *L. 3. C. h. tit., L. ult. C. de accusat., L. 8. C. de calumn.* Atque hanc Baldi sententiam, quamquam non pauci probant, laudare tamen non possum. Confundere enim accusatorem cum indice videtur. Atqui alius accusator, alius index: ille in crimen inscribit, non hic: quemadmodum apud To-

citum IV. *Annal.* Iunius quidam indicium defert, Fulcinius Trio Libonem corripit reum, postulat cognitionem. Illum poena calumniae manet: hunc adco non manet, ut et impunitate donetur, si non istigator accusationis fuerit, *d. L. 3. C. h. tit. Ascon. in l. Verr. Certa sunt, in quibus impunitas indicii datur, ut in caussa prodictionis, maiestatis, et si quid huiusmodi est. Index est autem, qui facinoris, cuius ipse est conscius, latebras indicat impunitate proposita.* Denique ut maxime etiam indicem poena calumniae maneat, certum est, eum non manere, qui non malitiose crimen detulit; tum enim pronunciabitur, *Indicem minus detulisse, sicut, et accusator liberabatur hoc periculo, cum iudex dicebat; Accusatorem non probasse, L. 1. §. quorum D. SC. Turpil., L. 6. in fin. de custod. reor.* Cum igitur neque accusatore; neque indici semper imminet periculum, consequens est, nec satis iustam excusationis causam esse, quam Baldus adfert. Quare concludimus ita, admittere quidem crimen eum, qui indicium scelestae factionis non defert, non tamen poena perduellionis, sed mitius extra ordinem puniendum esse (6).

(6) Indiciis defuitio, quam ex Asconio in l. Verr. Auctor hic in medium protulit manifestam rem exhibet Vettes *conscios* eos accepisse, qui aliqua ratione in societatem sceleris veniunt. Si enim *index* proprie dicitur *qui facinoris, cuius ipse est conscius, latebras indicat, impunitate proposita*, non potest equidem ipse non esse particeps facinoris quod detegit statim ac ad facinus indicandum proposita impunitate allicitur. Verum, quod palmarium puto, Quintilianus, vel quisquis auctor fuerit declamationum in decl. 107 legem memorat, quae prospexerat ut conscius per tormenta quaeretur, is scilicet qui in societatem sceleris venit — ac primum *omnium*, inquit, *nego fieri potuisse ut proditor conscius non haberet: intuemini naturam, intuemini magnitudinem sceleris: prodere populum, civitatem, exercitum non est virius . . . longa consuetudo, vetus amicitia facit ut quis veniat in sceleris societatem.* Recte igitur Iac. Goth. l. c. conscius factionum qui hoc in lege post satellites, ante ministros, et sic medii inter utrosque positi sunt ita interpretatur, ut ii habeantur qui etsi neque duces factionum, neque satellites, neque ministri sunt, socii tamen, particeps fautores sunt, factionis exitum speculantes: et factionem vel opibus sustentantes, vel invantes consiliis, adiuvae particeps sceleris meditati, qui cum coniuratis faciunt, ut loquitur Cic. pro Sulla Cap. 13. Nec ullam iuris rationem perspicio, qua motus Auctori

- 24 *Et praemio et honore a nobis donabitur. Nescio* quo, inquit Azo, nec mirum, inciderat enim summi ingenii vir in seculum infelix et illiteratum. Vitelliorum servo, vel ut alii dicunt, Aquiliorum, ob detectam coniurationem nobilium adolescentum de reducendo Tarquinio, pecunia ex aerario, libertas, et civitas data, *Liv. Lib. 2. cap. 5.* Inter Libonis accusatores bona divisa: iisdem, qui senatorii ordinis erant, praeturae extra ordinem datae, *Tac. d. Lib. 2.* Pisonis accusatoribus sacerdotia tributa, *Tacit. d. Lib. 3.* Haec extra ordinem: ceterum praemium legis necessitate delatoribus debitum, est quarta pars bonorum damnati, unde quadruplatores iidem dicti, *Ascon. in Divin., Tac. Lib. 4. Annal., Sveton. in Neron.* Porro de praemiis accusatorum abolendis actum sub Tiberio, si quis maiestatis postulatus, ante perfectum iudicium manus sibi intulisset, et ibatur in eam senten-

adsentiri quædam existimanti admittere quidem crimen eum, qui indicium scelestæ factionis non desert, non tamen poena perduellionis, sed mitius extra ordinem puniendum esse. Cum enim et ipse Auctor alibi erubescat sine lege loqui, atque in corpore iuris iustiniani non ullus adsit Textus, quo id confirmari possit, illud unice dicendum superest eum negligerem quidem boni Civis officium, qui indicium scelestæ factionis non desert, verum nullam Lege statutam esse poenam, qua coerceri oporteat. Utrum autem Civitati expediat in hac facti specie poenam statuere, quaestionem hanc solide et eleganter pertractavit Cl. Filangieri l. c. xli pluribus conquistis argumentis concludit satius et æquius esse ut cognitæ factionis silentium nulla poena coerceatur. Ipse Platon proposuerat ut Legumlator Cives vocaret ad detegendas coniurationes quin tamen ullam silentio prescriberet poenam. — *Quare unusquisque Vir, ex Verba Platonis, qui modo alicuius pretii civis fore studet, hæc iudicibus referat eumque in iudicium trahat, qui patriæ insidiatus, vi ad iniquam gubernationemvertere illam canatur de Legib. Dialog. IX.* Hoc autem boni Civis officium ita demum exercendum esse, si et probari crimen, atque convici factiosi potuerint cum Baldo non existimarem. Recte enim observavit Bohem ad Carpr. *Quæst. 41 obs 9* confundi hæc ratione accusationem cum scientiæ revelatione; illam siquidem impune et prædenter omittit, cui desunt argumenta probantis, non hanc, quæ exporit tantum scientiam; eamque cuius sit ponderis; illi. cui relevat. examinandam relinquit. Rectius ergo, ita concludit laudatus Auctor, et sibi et Reipublicæ prospiciet si in dubio nil omittit, in causis tam momentosa quod cruentæ veritati ullu modo præiudicare potest.

Nam, si Tiberius ipse stetisset ab accusatoribus, Tac. 4. *Annal. cap. 5.* Haec res nullam hodie dubitationem habet: nam, quoniam placuit etiam post mortem rei memoriam eius damnari, consequens est, accusatoribus praemia deberi, si crimen probaverint, sive fato fustus sit reus, sive conscientia sceleris, aut doloris impatentia, vel vitae taedio manus sibi intulerit.

CAPUT IV.

De His quae in iudicio Maiestatis singulariter constituta dicuntur.

- | | |
|---|--|
| 1. Quae singularia legibus enumerantur? | 7. An reus ex indiciis et coniecturis damari potest? |
| 2. An generaliter verum, in hoc iudicio recedi posse a regulis iuris? | 8. An de se confessus indicium contra alium facit ad torturam? |
| 3. An cognitio pertinet ad solum Principem? | 9. An condemnatus possit appellare? |
| 4. An hoc iudicio absens damari potest? | 10. An perduellis nulla tutus est praescriptio? |
| 5. An testes admittuntur inhabiles? | 11. An necessario reip. tempore a regulis iuris recedere liceat? |
| 6. An unus testis sufficit ad reum torquendum? | |

Singularia huius iudicii multa enumerant interpretes, quae partim legibus firmanur, partim nullis enumerata legibus in controversiam deduci possunt. Legibus expressum est, famulos, qui ius accusandi non habent, mulierem, milites hoc crimen deferre posse: ita enim legendum in *L. 7. §. 1. h. t.*, non *deferre*, ut iam pridem observavit Hottomannus. *L. 7. pr.* et *§. 1.*, *L. in quaestionibus 8. D. h. tit.* Audiri etiam servos: et quidem contra dominos, liberos contra patronos, *d. L. pr. §. servi D. h. tit.*, *L. 7. §. 1. L. ult. §. 1. C. eod.* Expressum etiam, in quaestionibus maiestatis nullam dignitatem tormentis eximi, *L. 3. et 4. C. h. tit.*, eum alioqui digniores eculeo non facile sint imponendi, *L. milites 8.*, *L. decuriones 16. C. de Quaest.*, *L. ex libero 15. D. eod.*, *L. si quis decurio 21. C. ad Leg. Corn. de fals.*, *L. etsi excepta 7. C. de*

Hottom. 56.
obs. 1.

Decia. 7. cap
37. n. 13.

malef. et mathem. Expressum denique in hoc iudicio non solum reum, sed pro re nata etiam accusatorem tormentis subdendum esse, *d. L. 3. C. h. tit.* His non contenti interpretes primo generaliter tradiderunt, in questionibus maiestatis recedi a regulis iuris communis, et posse procedi summarie, de plano, sine libello, strepitu, et figura iudicii: dein in specie multa huiusmodi enumerant singularia, quae omnia cuiusmodi sint, examinandum est. Quod attinet ad axioma illud generale, id laudare timeo: neque enim ullum in iure nostro locum invenio, quo id firmetur: Adducitur quidem *Constit. ad reprimendum, in extrav. tit. Quom. in laes. mai. crim. proced.* Verum cum ea Constitutio non sit Justiniani, sed Henrici VII. Germanorum Imperatoris, illud ante discutendum erat, ecquam ea constitutio vim atque auctoritatem habeat, in primis apud liberos populos Imperio Germanorum non subiectos? Adducuntur etiam singularia illa ex legibus modo memorata, ex quibus latius inferunt, licere iudici regulas iuris in hoc iudicio transgredi. Frustra; non enim si quaedam regulae iuris in hoc crimine non observantur, idcirco inferri potest, nullas observandas, quandoquidem certum est, iura singularia ad consequentias non esse producenda, *L. quod vero contra 14. D. de legib. L. qui negotia 34. D. mandat.* Quod et IC. Modestinus in *h. tit.* videtur innuere voluisse: nam cum in *L. 7.* dixisset, *famosos, milites, servos* in hoc iudicio audiri: ne quis existimaret prorsus a regulis iuris recedi, subiecit vestigio temperamentum: *Hoc tamen crimen; inquit, a iudicibus non in occasione saevitiae habendum est, ob Principalis maiestatis venerationem, sed in rei veritate* (1) Aperte

(1) Verba Modestini in *cit. l. 7. h. t.* non ea ratione, quam Auctor proponit, explicari oportet. Illa enim verba non ad propositum ab Auctore quaestionem referuntur, verum ipsam maiestatis criminis aestimationem, quam Iudex expendere debet, respiciunt. Scilicet Modestinus monet non omne quod Principi debitam venerationem contemnit maiestatis crimen esse, ac inde personam spectandam esse, an potuerit facere, et an ante quid fecerit, et an coegitaverit, et an sanae mentis fuerit. Nec lubricum linguae, aut equidem laudati Icti sententia, ad poenam facile trahendum est.

sane id docet Marci ad Verum epistola: nam cum Verus eum hortaretur, ut Avidium Cassium imperii avide. Gallie. in vit. Cassi. dum tolleret, inter alia respondit, non posse se reum facere, quem nullus accusabat. Ac ne Tiberius quidem et Domitianus, acerrimi huius Legis exactores, neglectis regulis iuris, sed inmissis accusatoribus, dataque reo defensione, iudicia maiestatis exerceverunt. Quid quod ex illis ipsis, quae legibus expressa sunt, nonnulla eiusmodi sunt, ut bonorum reprehensionem meruerint? quis igitur ausit producere ea ad consequentias? Veluti, quod servi in dominos andiantur, totum improbat Plinius, laudans eo nomine Traianum, quod id antiquasset. *Reddita est*, inquit, *amicis fides, liberis pietas, obsequium servis. Verentur, et parent, et dominos habent. Non enim iam servi Principis nostri amici, sed nos sumus, nec pater patriae alienis se mancipiis cariores, quam civibus suis credit. Omnes accusatore domestico liberasti, unoque salutis publicae signo, illud, ut sic dixerim, servile bellum sustulisti. In quo non minus servis, quam dominis praestitit; hos enim securos, illos bonos fecisti. Non vis interea laudari; nec fortasse laudanda sint; grata sunt tamen recordantibus Principem illum, in capita dominorum servos subornantem, mostrantem crimina, quae tanquam delata puniret: magnum, et inevitabile, ac toties cuique experiendum malum, quoties quisque similes Principi servos haberet.* Hactenus Plinius. Iam quod dicitur, quaestionem maiestatis summariae, et sine figura iudicii tractari posse, quomodo id convenit cum responso Ulpiani, qui leviamtaxat crimina de plano discuti posse respondit, *L. leviam 6. D. de accusat.* Igitur e contrario: quo gravius unumquodque crimen, eo plenioris causae cognitionem desiderat. Gravissimum autem omnium crimen perduellionis, et ea praeterea eius criminis natura, ut videantur vim pati etiam quibus probatur, teste D. Marco *in ead. Epistola*: quando igitur violentior videbitur iudex: si de tanto facinore cogniturus, strepitum et figuram iudici non adhibeat? Sane si manifesta rebellio sit, veniatque civis armatus ad

Plin. in pan.

Vid. Costal
ad l. 3. §.
Sciendum
ad exhib.
Moller. 3. se-
mestr. 17.

patriam delendam frustra ad iudicem aspicimus, aut legitima edicta publice proponi desiderabimus: nec iam accusatoris ullae, sed Imperatores partes sunt. Silent enim leges inter arma, nec se expectari iubent, ubi ei, qui expectare velit, ante iniusta poena luenda, quam iusta repetenda sit. Salus igitur populi suprema lex erit, armisque coërcebitur, qui iudicio nequit, *L. minime 35. L. sunt persone 43. D. de relig. et sumt. fun.* Neque vero superioribus adversatus, quod Dion *Lib. LIII.* scribit, Imperatores, quod sacrosancti essent, si vel minimo sermone ab aliquo laesos se existimarent, indicta causa eum, tanquam piaculo obstrictum, necare potuisse. Non enim hic, quid Imperatores potuerint querimus, sed quid observare debeant iudices, qui de causa maiestatis sunt cognituri.

3 Quod ad singularia in specie attinet, aiunt. 1. *Cognitionem huius criminis esse solius Principis, aut* Princeps nominatim eam delegaverit: cum enim ipsa maiestas Principis sit, consequens videtur et solum Principem de laesa maiestate cognoscere: Hoc an verum merito dubites. Ulpianus enim in *L. 1. D. de off. praef. urb.* dicit, omnia omnino crimina praefecturam urbis vindicasse: Si omnia, utique et crimen maiestatis. Atque ideo *Constit. 3. et 4. C. h. tit.* ad Praefectum urbi videntur esse remissae. *Constit. vero 5.* ad Praefectum praetorio. Adhaec in *L. un. C. Si quis Imp. maled.* cum traditur, integri omnibus referendum esse ad Principem, si maledictum ei, aut obtrecatum temporibus eius dicatur, ex eo colligimus, relationem non esse necessariam, cum alio modo maiestas eius violata est. Exemplis praeterea hoc confirmari posse videtur. Nam Fulcinius Trio accusaturus Libonem Drusum maiestatis, non Principem Tiberium, sed consulles adiit, Senatus cognitionem poposcit: et vocati patres addito, consultandum super re magna atque atroci. Idem Trio accusaturus Pisonem, apud Consules eum postulavit, petiitque a Principe, ut ipse cognitionem exciperet; sed Princeps integram causam ad Senatum remisit. Nec obest, quod apud eundem

Decia. 7. cap.
38 n. 5.

Vid. Cicer.
pro Deiot.

Facit 2. et
3. annos.

Lib. I., nec non Svetonium in vita Tiberii legimus, Tiberium a Pompeo Macro Praetore consultum, an iudicia maiestatis redderentur, reddenda respondisse; non enim ideo Praetor consulit, quod in singulis quaestionibus delegatione Principis opus esset; sed quod ea iudicia bonis Principibus non placeant, idcirco in universum consuluit, an omnino iudicia maiestatis in civitate reddi iuberet. Huiusmodi vero iussum, quod ad universum cognitionis genus pertinet, nihil singulare, aut diversum ab aliis cognitionibus habet, nam quemadmodum olim lege, ita mutata republica Principis placito imperium merum deferebatur L. 1. D. de ff. ei. cui mand. est iurid. (a).

II. Aiunt, posse huius criminis absentem damuari. Hoc omnino falsum esse iudico: Generaliter enim traditur L. 5. D. de poen., L. 1. D. de req. vel abs. dam., Clar. §. laes. mai. n. 18. absentem non damnandum, sed adnotandum et requiringdum esse: nec ullo loco iuri excipitur crimen maiestatis. Adducunt quidem *d. extrav. ad reprimendum tit. Quom. in laese mai. crim. proced.*, verum ea auctoritatem iuri apud nos vix obtinere potest.

III. Aiunt probari posse hoc crimen per testes non idoneos, seu, ut ipsi loquuntur, *inhabiles*: inimico tamen excepto, quem ne in hoc quidem iudicio admittunt. Probari posse per testes singulares: si modo crimen fuerit commissum per plures actus, non per

Gomes. 3. c. 12. n. 14.

(a) Hac in re non possum quin adscribam verba cl. Montesquieu quae habentur in egregio opere *de spiritu legum lib. VI. Cap. 4.* — *Dans les états despotiques, le prince peut juger lui même. Il ne le peut dans les monarchies: la constitution seroit détruite les pouvoirs intermediaires dépendans, anéantis; on verroit cesser toutes les formalités des jugemens la crainte s'empareroit de tous les esprits: on verroit la pâlleur sur tous les visages: plus de confiance, plus d'honneur, plus d'amour, plus de sûreté, plus de monarchie...* Dans les états monarchiques, le prince est la partie qui poursuit, les accusés, et les fait punir ou absoudre, s'il jugeoit lui même, il seroit le juge et la partie. Ac re quidem vera, quibus Gentibus visum est aliquid metuendum civili libertati, si partes summi Imperii invicem copularentur; eae ita regimen suum temperarunt ut partes illas singulatum dispertirentur. Exemplo inter recentiores Sint Angli, Galli, ac aliae in Europa Gentes, in quibus iuxta praecipuas Gallorum Reipublicae institutiones Democratiam ~~representativam~~ constitutam perspeximus.

Vie. Morae.
in l. 2. D. de
test.

unum. Ex his prius falsum, posterius non singulare, sed commune iudico. Qua enim lege scriptum, probari posse perduellionem per testes non idoneos? nonne generaliter traditum, in capitalibus causis idoneis testibus, atque apertissimis documentis opus esse *L. ult. C. de probat.* (3)? An vero quoniam ad deferendum hoc crimen admittuntur, qui accusare non possunt, ideo testes quoque audiendi, quibus testimonii dictio non est? Absurda profecto collectio: non enim ut in testis fide atque manu salus rei est, ita etiam in manu accusatoris. Quod autem ad testes singulares attinet, commune hoc cum aliis criminibus est, ut si fuerint per plures actus admissi, testes singulares audiantur, dummodo actus isti temporum intervallis non disparentur, sed serie quadam connexi, et coherentes unum idemque crimen efficiant. Exempli gratia: Primus testatur se hodie vidisse Titium adulterio nexum Maeviae: Secundus; se idem vidisse nudius quartus. Tertius, se ante octiduum: Quartus, deprehensos a se eosdem ante mensem, quoniam actus disparati sunt, et plura adulteria non unum et idem testes arguunt, non habebit fidem iudex. At si eiusdem criminis plures sint lincae serie quam connexae, veluti si primus ingredientem aedes moechae, secundus oscula libidinosa, tertius nudum cum nuda, quartus concutientem lectum viderit, stupidus profecto iudex sit, si accusatorem non probasse pronunciet (4).

6 iv. Aiunt; in hoc iudicio unicum testem indicium ad torturam facere, imo, ut nonnulli tradunt, initium a tormentis fieri posse, quamlibet nullis praecedenti-

Forin qu 37.
n. 79.

(3) Sunt quaedam personae quarum civilis tantum conditio efficitur ut testes inhabiles sint. Hos autem audire posse si ea rei conditio sit, et alia probatio ad eruendam veritatem, non est iura conclamant. Vid. *L. 7, L. 21. §. 2. D. de Testib.*

(4) Singularitatem hanc testium cumulativam solent Pragmatici appellare. Verum anidmavertit optime Cremani *op. cit. lib. 111. Cap. 26. §. 9. in fin.* hisce singularibus testibus nunquam legitimam probationem; quae tantum ex uanissimi duorum saltem testimonio de eodem facto conficitur, haberi, sed potius rem ad causam indiciorum redigi, et ideo ad probationum interdum deduci posse eodem fere modo, quo id fieri ab iudiciis potest.

bus indicii. Utrumque falsum: Eculeum enim argumenta et indicia verisimilia praecedere debere constat ex *L. 3. L. milites 8. §. 1. C. de Quaest., L. 1. §. 1. et 2. L. ult. D. eod.* Constat unicum testem audiendum non esse, ex *L. iurisiurandi 9. C. de testib.* Et in specie ad indicium unius testis reum torquendum non esse patet ex *L. maritus 20. D. de quaest.*: nec diversum constitutum in Lege Julia maiestatis, patet exemplo Firmii Cati Seuatoris, qui etiam ante quam deferret Libonem, testes, et qui servi eadem noscerent, investigavit, *Tacit. d. Lib. 2. Annal.*

v. Aiunt, reum huius criminis posse ex indiciis et 7 coniecturis damuari. Verum non esse hoc singulare, sed commune cum aliis criminibus patet ex *L. ult. C. Farin. q. 218 de probat., L. 22. C. ad L. Corn. de fals., L. 34. C. u. 21. ad L. Jul. de adul. L. 1. §. Divus D. ad L. Corn. de Sicar.* Et nos pluribus ostensuri sumus iuxta *Tit. de Probat. cap. vi. (5).*

vi. In hoc iudicio de se confessum, contra alium indicium facere ad eum torquendum. Hoc aut falsum, 8 aut non singulare est. Falsum, si existimes hoc solum *Farin. qu. 45. n. 59.* indicium ad torturam sufficere: leges enim supra citatae, numero plurativo argumenta et indicia requirunt. Non singulare, si intelligas indicium hoc cum aliis coniunctum: nam et in reliquis criminibus, si a reo nomineris, id indicium est, atque onerat nominatum. Sed distinguitur, utrum sponte confessus sit, an tormentis adactus: Ille ne interrogari quidem in ca-

(5) Pragmaticorum doctrinam haud recte explicavit Auctor. Eorum enim sententia est ex regula generali neminem indicis tantum convictum esse dampnandum, attamen in gravioribus, criminibus, et eo magis in gravissimo maiestatis crimine leviores coniecturas sufficere, et licere iudici iura transgredi. En ferreum axioma, quod praeceteris improbavit. Cl. Auctor *dei delitti e delle pene in nota ad § 8.* Equidem capitalia iudicia solis indicibus et cohiectoris ad Rei condemnationem absolv. posse non adeo facile admitterem. Ea enim est artificialis probationis indoles, ut nullam a lege determinationem habere queat, ac inde tota ex iudicis ingenio atque arbitrio pendeat. In Codice Leopoldino *Art. 100* statutum reperitur, ut si in capitali iudicio indicia urgeant, cuncta eorumdem indiciorum loca damnationi temporariae ad opus publicum esse possit.

put alterius potest: hic potest, *L. 1. §. cum quis 26. L. redeti 16. §. 1. D. de Quaest., L. 4. C. eod. L. 1. C. de fals. mon., L. 29. D. de poen., L. quoniam 11. C. de testib.*

vii. Condemnatum huius criminis non posse appellare, arg. *L. un. §. quibus C. de rapt. virg., L. 1. vers. appellandi C. de fals. mon., c. inquisitionis de haeret. in 6.* Verum id merito cordatioribus displicuit, cum ius nostrum iis dumtaxat appellandi facultatem deneget, qui manifestam violentiam commiserunt, quive simul et convicti, et confessi fuerint, *L. 2. C. Quor. appel. non recip., L. constitutiones 16. D. de appel.* Et in specie, quod ad praesens crimen attinet, appellatio tum non recipitur, cum seditio praerupta, factioque cruenta, vel alia iusta causa moram non admittunt, ut JC. Ulpianus loquitur in *L. 6. §. quid tamen D. de ini. rupt. irr. fact. testam.* Extra has causas admitti appellationem cum ex *L. 6. d.*, tum ex *L. 15. et 16. C. Th. de poen.* colligitur. Non adduco etiam *L. Pannonius 86. §. 1. D. de adq. hered.*, quia incertum, utrum provocatione, an citra provocationem suspensa cognitio fuerit (6).

viii. Aiunt, perduellum eiusve filium, nulla tutum esse praescriptione. Hoc quidem prima specie valde verisimile videri poterat; nam si suppositi partus, si

(6) Modestinus in *L. 16. D. de appell.* aperte tradit constitutiones, quae de recipiendis nec non appellationibus loquuntur, ut nihil novi fiat, locum non habere in eorum persona, quoque damnatos statim puniri publice interest; hos autem esse insignes latrones, vel seditionum concitatores, vel duces factionum. Patet hinc ex relato textu Pragmaticorum sententiam de appellatione non recipienda in perduellionis crimine iuris principis non adversari, uti auctor existimat. Etiam ex cit. *L. 6. §. 9. de iniust. rupt. irrit. fact. testam.* illud erui posse videtur ut huius criminis condemnato appellatio sit deneganda. Ibi enim letus casum proponit, appellationem a Praeside receptam non fuisse: sed ipsum Praesidem remoratum esse poenam Imperatori scribendo, ac poenam in hoc casu sustineendam esse, quoad principis rescripserit ad literas Praesidis; cum autem agitur de latrone manifesto, de seditione praerupta, deque factione cruenta, tunc punire permitti, dein scribere, non poenae festinatione (en vera ratio qua huius criminum condemnatis appellatio denegatur) sed preveniendi periculi causa.

parricidii accusatio nulla temporis praescriptione extinguitur, quanto minus tempore perimetur accusatio perduellionis, cum hoc longe gravius sit, occidere patrem patriae, quam suum? Atqui superiora crimina nulla temporis praescriptione perimi, claris verbis responsum, *L. qui falsam* 19. §. 1. *D. ad L. Corn. de fals.*, *L. ult. D. ad L. Pomp. de parricid.* Magis etiam urget, quod apostasiam continua accusatione incessere liceant, nec ullis finita temporibus huiusmodi criminis arceatur indago, *L. 4. C. de apost.* Est autem apostasiae, et perduellionis tanta cognatio, ut uno genere contineri videantur: utroque enim crimine laeditur maiestas: illo divina, isto humana. Verum, quamlibet haec probabilia sint, non tamen necessario evincunt excipiendum a regula crimen maiestatis. Regula est, omne crimen, quod nominatim exceptum non est, perimitur xx. annorum praescriptione, *L. querela* 12. *C. ad L. Corn. de fals.* Et ut Marcianus ait in *L. 3. D. de req. nec abs. damn.*, *Quamcunque quaestionem apud fiscum, si non alia sit praescriptio, xx. annorum silentium extinguit.* Atqui nulla lege nominatim excipitur crimen maiestatis. Igitur sub regula relinquuntur necesse est. Praeterquam vero quod pugnet cum regula singularis ista interpretum doctrina, illud quoque cogitandum, quam id sit durum, quam alienum ab humanitate, filios quoque perduellium nulla tutos esse praescriptione. Et qui convenit id cum alia eorundem doctrina, quam initio capituli superioris proposuimus, nempe iura, quatenus de filiis perduellium loquuntur, benignius interpretanda esse? Quid, quod ex doctrina ista singulari sequitur, fiscum semper perduellis bona liberis eius eripere posse, quamvis ipse reus iam defunctus sit. Atqui supra dictum *ad L. quisquis C. h. tit. ad verb. Ipse quidem gladio feriat*ur: cognitionem istam de bonis, et memoria damnanda post mortem rei finiri quinquennio. Et alioqui fiscus, si non intra xx. annos bona rei occupaverit; temporis istius praescriptione excluditur, *L. 2., L. 3. D. de neq. nec abs. damn.* Quod autem attinet ad obiecta ab interpretibus loca, ea ita sunt ac

cienda. Suppositi partus accusatio nulla temporis praescriptione depellitur: id est, nulla brevioris temporis praescriptione. Respicit enim JC. ad quinquennii praescriptionem, qua adulterii accusatio depellitur, videturque hoc voluisse dicere: Si mulier adulterium commiserit, et partum supposuerit, quamvis adulterii accusatio quinquennio perimitur, non tamen suppositi partus; ea enim durat longissimum in criminalibus tempus: nempe annorum xx. Similiter, quod dicitur parricidii accusationem semper permitti, ita accipiendum, ut referatur ad quinquennium, quo perimitur accusatio SC. Silaniani; videaturque respondisse JC. ita: Quanquam accusatio SC. Silaniani quinquennio finitur, eorum tamen, qui parricidii poena teneri possunt, semper accusatio permittitur: Semper id est, intra annos xx. Quod attinet ad *L. 4. C. de apost.*, possumus sane hanc eodem modo interpretari, ut, nullis finita temporibus sit, nullo breviori tempore: quoniam post mortem, intra quinquennium dumtaxat accusationem permiserat *L. 2. eod. tit.* Sed si cui durior ea interpretatio videatur, is non inepte poterit ita respondere: specialiter exceptum a reliquis hoc crimen, quod et iu divinam maiestatem committitur, et in quo poenitentia locum non habet; ne, ut ait *L. 3. eod. tit.*, qui fidem, quam Deo dederant, polluerunt, commentitiis et concinnatis defensionibus uti possent. Dicendum porro, argumentum ab apostasia ad perduellionem non vale, et esse evidentem discriminis rationem: quod perduellionis crimine commisso bona speret fiscus, quem praescriptio annorum xx. excludit: at bona apostatae non fiscus speret, sed propinqui eius et liberi recte sentientes, quos ulla temporis praescriptione excludi iniquum foret, *d. L. 3. et 4. C. de apost.* (7).

(7) In crimine perduellionis analogiam iuris perpetuam persecutionem suadere, ac leges omnem eius suppressionem reprobare putat Bohemerius *ad Carpx. Quaest. 141. Obs. 1. in fin.* Verum in re criminali argumentationem ex iuris analogia admodum periculosam esse nemo non videt. Equidem ex *L. 5. C. h. l.* quam lateatus auctor in medium profert nulla statuti iuris ratio eruitur. *H*

Plura huiusmodi adduci possent singularia, sed ista praeicipua sunt, ex quibus de reliquis cordatus lector facile iudicare poterit. Ut igitur concludam, in quaestionibus maiestatis nequaquam ad extrav. Henrici recurrendum esse existimo, sed eas potius leges, quae libris Iustiniani continentur: nec temere admitenda esse singularia, nisi certis legum capitibus adductis probentur. Repeto tamen, quod iam ante in hoc cap. occupavi dicere, nempe si resp., aut Princeps in extremo sit, frustra legum auxilium exspectari; remque ferro ac solida vi, aut qua alia ratione, sine strepitu ac figura iudicii expediendam esse. Ita enim Agellus indicta causa necari voluit, qui noctu imminentibus Thebanis coitionem fecerant. Ita Gracchum seditiosas ad populum conciones habentem Scipionem Nasica vi sustulit. Ita C. Gracchus frater eius ab Ovimio Consule, Saturninus a Mario, Lepidus a Catulo atque Pompejo, Catilina ab Antonio et Cicerone oppressi, Seianus a Tiberio astu magis et dolo, quam Principali auctoritate subversus. Eodem modo Gallus a Constantio. Percussores quoque multi immittere non dubitarunt, quemadmodum ante paucos annos Secundus Ferdinandus duci Wallensteinio, et olim Alexander M. Parmenioni. Plenae denique sunt historiae exemplorum: quorum pleraque etsi iniqua ex parte videantur, utilitate tamen publica defenduntur, secundum illud Taciti *xiv. Annal. Habet aliquid ex iniquo omne magnum exemplum, quod contra singulos utilitate rependitur.*

Thuan. p.
1125 lib. 128.

Aelian. 14.
var. history
Flor. lib. 3. et
5. Sueton in
Tiber. Mar-
cell. lib. 4.
Curt. de reb.
gest. Alex.
Thuan. lib.
93. p. 369.
Quintil. de orat.
348.

lud potius animadverti oportet in bene constituta Republica haud convenire, ut eodem temporis praescriptio omnium criminum persecutionem perimat. In iis enim, quae graviora sunt, quibusque publica securitas maxime laeditur longioris temporis praescriptionem, quam in ceteris statuendam esse recte animadvertit Cl. Auctor *dei delicti e delle pene. §. 13.*

De Crimin. Tom. II.

15

CAPUT. V.

DE USU, AD EDICTA NONNULLA

III. Ordinum.

- | | |
|--|---|
| <ol style="list-style-type: none"> 1. <i>An crimen mai. in singulas provincias committatur?</i> 2. <i>An si quis Gubernatorem vel Deputatos etc. oppugnet?</i> 3. <i>Enumerantur edicta de Commerciiis cum hoste loquentia.</i> 4. <i>De his qui specie commercii hostilia agitant.</i> 5. <i>Enumerantur edicta in coitiones Populorum facta.</i> 6. <i>In quibus mores recesserint a poena perduellionis?</i> 7. <i>An liberis perduellis hodie reliquenda legitima?</i> 8. <i>In edicta in Pontificios facto omnem temporis praescriptionem excludant?</i> 9. <i>An Praetor multam petens submovetur annali praescriptione?</i> 10. <i>An multo solvenda pro pueris qui missae interfuerint?</i> 11. <i>Quae sit in Elitis exterior vestis et opperis Kleet.</i> | <ol style="list-style-type: none"> 12. <i>Beneficium vel Praebenda amissa cui applicetur?</i> 13. <i>Iure an iniuria aeterni prohibeantur hostibus comestum invehere?</i> 14. <i>Cur mercatoribus edicta temerantibus capitis poena remissa?</i> 15. <i>An secundum deprehensi capite plectendi?</i> 16. <i>An farina et legumina ad hostes exportari possint?</i> 17. <i>An in edictis conatus solus puniatur?</i> 18. <i>An in commissum cadant etiam merces licitae?</i> 19. <i>Quid si ab uno ex pluribus, aut domino navis ignorante merces illicitae immissae sint?</i> 20. <i>De praescriptione annali qua quaestio de commissis perimitur.</i> |
|--|---|

los. Simil. de
rep. Hev. 8
lib. 1. B. 1. 1
de rep. 7.
sect 71.

Fix iis, quae primo capite diximus omnibus facile constare potest, crimen maiestatis etiam in foederatas provincias committi. Quod si quis roget utrum in universas dumtaxat, an et singulas, intrepide respondendum, etiam in singulas. Coiverunt quippe in foedus partim sponte, partim bello subactae: omnes tamen aequo foedere. Quamobrem maiestas singulorum nequaquam est imminuta, totque sunt resp. liberae, atque summo impero pollentes, quot provinciae. Neque obest, quod de pace, bello, religione non nisi communibus consiliis atque suffragiis stant: id enim non propterea fit, quod una sit respublica, sed quod foedere sit exceptum. Plane, quemadmodum Helvetiorum tot sunt respublicae, quod pa-

gi: licet ex foederis formula de pace et bello non nisi communicatis consiliis decernant. Retinent interim potestatem condendi leges, creandi magistratus, supremam provocationem, aliasque maiestatis functiones atque iura. Sed nec obest, quod Barneveldius, qui- que cum eo conspiraverant, iudicio ab universis provinciis constituto damnati sint; id enim idcirco factum esse constat quod omnium provinciarum maiestatem ille violasset, atque ideo ab omnibus damnandus videretur. Summa enim criminum, quorum arguebatur haec fuit, quod foedus et leges fundamentales provinciarum dissolvere annisus esset, ut tenor sententiae contra cum latae aperte profitetur. Ita maiestatis damnati sunt plures huius civitatis cives, qui anno 1616 res novas in eadem civitate moliebantur: intererat enim totius provinciae, nihil in civitate per seditionem moveri.

Porro quemadmodum ex Lege Iulia et constitutione Arcadii maiestatis reus est, qui magistratum^a Pop. Rom., aut Senatores Principis occidit; ita non dubitandum, in foederatis provinciis maiestatis reos fieri posse, qui hostilia adversus Gubernatorem, Deputatos Ordinum, Senatores Ordinum, quos Senatores Status vocamus, machinati fuerint. Idem dicemus si qui *politicean* singularum civitatum convellere conentur: pertinet enim ad salutem totius provinciae, ne in oppidis quidem mutari per seditionem regiminis formam; soliusque Principis est, creare magistratus, aut eosdem extra ordinem mutare. Slatius quoque et reliqui factiosi damnati ab Hollandiis anno 1616^{xxxiii} Hanc praecipue ob causam damnati sunt, quod in necem Mauritiū Gubernatoris conspirassent: quanquam non esset obscurum, eo sublato plura quoque et maiora fuisse tentaturos?

Quod ad modos attinet, quibus maiestas laeditur, peculiaribus edictis nonnulli notantur. Et quoniam³ perpetuum est foederatis pro libertate et religione bellum, idcirco de commerciis cum hoste saepius et diligenter fuit cavendum. Primus quidem Licestrae Comes omne in universum cum Hispanis commercium

Meter. lib. 13
hist. Rheid.
lib. 5. et 16.

sustulit anno cldlxxxvi. sed magno cum gemitu foederatorum. Quamvis enim omnia religioni et libertati postponerent, videbant tamen sine copiosa mercatura et pecuniarum incremento, quibus precipue Hispani pollent, diu se libertatem tueri non posse: atque idcirco hoc edictum antiquari facile passi sunt. Ipsi postea Ordines Generales edicto promulgato anno cldlxcix commercio omni cum hoste, non suis tantum, sed et neutrarum partium gentibus interdixere: verum ne hoc quidem edictum diu valuit, docuitque magister usus quanquam bello inter se acerrimo foederati certent, cum tamen esse utrorumque rationem et indigentiam, ut non possint mutua ope commercioque carere. Itaque reditum est ad edicta anni 1591. et 1598 quibus et locorum et specierum exportandarum discrimina quaedam introducta sunt. Cautum enim Edicto Ordinum Generalium anno 1598. *art. 1. et 2.*, ut si quis commeatum, aut merces cuiuscuius generis intulisset Grevelingae Duykerckae, Nyporto, et reliquis Flandriae maritimis locis, is siquidem estraneus esset, navem atque merces absque omni spe veniae amitteret: sin foederatis subiectus, praeter navis merciumque commissum prima vice corporis coercitionem; secunda mortem et confiscationem omnium bonorum sustineret. Quod ad reliqua hostium loca, ad Rhenum et Mosam, alibive, in Belgio tamen sita, commercium permissum est hac lege, ut qui merces exportaturi sunt, impetrent ante commeatum, vulgo, *Licent ende Convoy brieveu*. Poena, si quis contra fecerit, praeter confiscationem rhedae, navis, merciumque, et sexcentorum Carolinorum: et si iterum deprehensus sit, exilium ann. xv. Quod ad Hispaniam attinet, reliquaque Hispaniae regna, atque ditiones, in iis negotiari sine fraude omnibus licet citra commeatum sive licentiam. Arma tamen, vela, rudentes, anchoras, malos, fruges apud foederatos natas nullis hostium portibus inferre licet, ut cautum Edicto anni 1591. Poena transgressoris, praeter confiscationem navis et mercium omnium, est arbitraria, pro qualitate admissi infligenda; ita tamen ut mercator minimum quadringentis

Carolinis, nauta ducentis multetur. Et hae quidem omnes poenae citra spem compositionis, seu praeccisa omni iudicantium gratia infligi iubentur, utque corpore luant, qui poenam pecuniariam egestate eludunt. Novissimo vero Edicto anni 1622. nullo facto discrimine inter Flandriae reliquosque hostium portus, cautum est, ut si quis fruges, arma, naves, reliquasque species armis, vel navibus fabricandis idoneas, cuicunque hostium orae subvehere annisus fuerit, praeter mercium navisque iacturam, obnoxius sit poenis arbitrariis; dumne minor sit poena in persona mercatoris quadringentis, in persona nautae ducentis Carolinis; nulla omnino ultimi supplicii facta mentione. Et commissi quidem poenam Edictum iis quoque comminatur, qui merces Hispanorum navibus suis transvehendas conduxerint. Accusationem tamen huius criminis non perpetuam, sed annalem Edictum largitur. Atque hactenus commercia, inter nos et Hispanos licita sunt; qua libertate si quis non contentus, sub specie commercii hostilia agitet, per literas, aut nuncium hostes certiores rerum nostrarum faciunt, ope, consilio iuvet, poenam perduellionis sustinet, ut praeter Edicta Ordinum Generalium cautum etiam Edicto huius provinciae anno 1621. *art. 1.* Eodemque Edicto *art. 7.*, qui hostium excursores et praedatores receptaverit, pro qualitate admissi extra ordinem punitur. Extra ordinem etiam puniuntur milites nostri, qui agros hostium salva guardia, seu insignibus Principis tutos populantur, aut praedatum excurrunt in terras neutrarum partium, Edicto Ordinum Generalium anni 1595. Damnum autem ab eis datum etiam tribuni militum et centuriones sarcire iubentur, quorum permissu, aut conniventia praedas egerint, Ed. Ord. Gener. anni 1629 et 1631. Qui vero privata auctoritate et manu militari abusi clarigationem fecerint, quam retorsionem et represalias vocamus, ii tanquam usurpatores principalis potestatis, laesae maiestatis damnantur, eodem Ed. an. 1639 *art. 7.*

Multa quoque in coitiones et conventicula Pontificiorum condita edicta sunt quibus tamen non om-

his coitio laesae maiestatis crimen est. Nam si tantum sacri faciendi caussa coierint, poenae pecunariae constitutae sunt. Quod si conciones contra remp. habitae sint, aut id actum, ut magistratui minus obtemperent subditi, pro qualitate admissi etiam capitis poena infligitur. Gravius agitur cum iis, qui collationes, quas collectas appellamus, fecerint. Auctores enim capite et publicatione honorum plectuntur: qui contulere aera his poena aexcentorum Carolinorum infligitur. Fratribus societatis Jesu, tanquam inratis hostibus, omnino provinciis foederatis interdicitur: quas si tertium ingressi fuerint, pro qualitate admissi capite et bonis multantur. Atque hae poenae ita sauciuntur, ut reus nulla se temporis praescriptione adversus eas tueri possit. Jus quoque de plano et absque figura processus dici iubetur, Edictis annorum 1612. 1622. 1641. Similibus quibusdam poenis tenentur illi, quos vulgus remonstrantes vocat, nisi quod his sacri celebrandi caussa certis ac destinatis locis coire liceat.

- 6 Porro, quantum ad poenam laesae maiestatis attinet, partim severiores iure Romano, partim leniores mores sunt. Severiores quantum ad genus ultimi supplicii: leniores, quantum ad liberos et bona. Jus enim Romanum honestiores gladio ferit, cum hodie frequentius vivi secuntur in partes locis patulis suspendendas. Apud Venetos laqueo necantur. Apud Gallos quatuor equis in diversa actis laniantur. Quam tamen poenam Livius aversatur, tanquam abhorrentem ab humanitate: ita enim desupplicio Metii Suffetii per quadrigas in diversa tendentes laniati: *Primum ultimumque illud supplicium apud Romanos exempli parum memoris legum humanarum fuit: in aliis gloriari licet, nulli gentium mitiores placuisse poenas.* Quantum ad liberos perducillis attinet, si hodie nec infames, nec intestabiles fiunt; itaque et bona materna, et quaecunque alia securi possident, publicanturque sola patris bona. Quia etiam civitates nonnullae singulari privilegio gaudent, ut aut bona omnino non publicentur, aut civis, cuius bona publicanda sunt, redimere ea certo pretio, et plerumque non magno possit,

Clar. S. laes.
mai. n. 8. Gig.
rub. de poen.
n. 8. et 18.
Thaun. lib.
89. p. 52.

Thaun. lib.
112. p. 547.

Tale est privilegium civitatis Delphensis, quo vir doctissimus publicationem bonorum a se defendisse dicitur, in hunc ferme modum conceptum: *Dat en yeghelijck poorter of porteresse binnen de selve Stede; verbeuren mach syns goets in geender maniere meer als LX. pont.* Id est: *Ne quis civis Delphensis ullo modo casuve maiore parte bonorum multetur, quam libris LX.* Hoc amplius locis, in quibus bona ob maiestatis crimen publicantur, liberis tamen conservandam esse legitimam portionem, non male dixeris. Aversantur enim iura municipalia, et restringunt bonorum publicationem quantum possunt. Quare si non statuto, aut fori usu contrarium obtinuerit, non putaverim satis pie ius municipale ad constitutionem Arcadii et Honorii trahi posse. Cur enim deficiente iure municipali ad legem sanguine scriptam recurramus: ac non potius ad aequissimum Hadriani rescriptum, qui generaliter, et sine distinctione criminum, ad liberos damnati portiones concessas pervenire voluit? *L. cum ratio 7. D. de bon damn.* Adeo enim valide ins naturae, liberis bona parentum addicens, sensibus hominum se insinuat, ut ne Triumviri quidem crudelissimi proposita proscriptionis tabula sustinuerint universa auferre, sed liberis proscriptorum maribus decimam feminis vicesimam reddituros se promiserint.

Verum enim vero cum in Edictis modo enumeratis nonnulla in controversiam deduci possint, operae pretium erit, ea ipsa paucis perstringere: Cum Edicta in coitiones et conventicula Pontificiorum facta anno 1622. et 1641. dicant: *Dat alle contraventien, niet teghenstaende eenigen laps van tydt, ghestrast sullen worden:* Id est: *Omnia contra Edictum admissa, nulla obstante temporis praescriptione puniri debere;* quaeri potest, de qua temporis praescriptione id sit intelligendum? Et prima quidem specie existimare quis poterat, verba infinitae significationis esse, adeoque ne vicenii quidem praescriptione reum tueri se posse. Sed re penitus considerata apparebit, nulla temporis praescriptione hic perinde dictum esse, at-

Conf. Velav.
3. §. 5. Am-
ster. 20. §. 1.
et 2. et 40. §.
§. 33. 41. 42.

Diem. lit. 4.

que in *L. ult. D. ad L. Pompei. de parric., L. qui falsam* 19. §. 1. *D. ad L. Cornel. de fals.*, nulla brevioris temporis praescriptione. Ceterum vicennium, quod in criminibus longissimum tempus est, non voluisse excedere Ordines inde patet, quod iisdem Edictis leviora quoque nonnulla peccata enumerentur, veluti, quod missam quis cantarit, quod interfuerit: quae admissa exacto vicennio vindicari, per quam absurdum foret. Itaque non est quod quis obiiciat, videri III. Ordines supradictis verbis confirmasse communem interpretum sententiam docentium maiestatis crimen ne viginti quidem annis perimi: non enim omnia admissa in Edictis perstricta in legem maiestatis incidunt: et est ipsa illa communis doctrina falsa, ut demonstravimus *cap. prae.* Quare concludo, verba haec Edicti referenda potius ad excludendam praescriptionem annalem, quae alioquin Praetori multam persequenti obstat, non advicennii praescriptionem, qua omnia crimina, breviori spatio non circumscripta, perimuntur. Deducunt quidem hodie-

9 que nonnulli in controversiam, an Praetor multam exigens annali praescriptione submoveri possit; sed vetus ius est, ut intra annum et sex hebdomadas multam exigere cogatur. Ita enim cautum Statutis anni MCCCCIX. *Item cenighe banne ende boeten, die den Schout verschinnen zijn van onser vrouvven lichtmisse naestcomende tot onser vrouvven lichtmissen over cen jaer, die sel die schout invinen binen disem selven jaer of sesvveckien daer nae, ende soo voort een jaer tot jaer, of darentends en felmen den schout daer an nit rechten.*

10 Secundo, cum eadem Edicta poenam Carolinorum xxv. irrogent omnibus qui missae interfuerint, dubitari potest, an in eo numero etiam pueri et infantes censendi, ita ut parentes multam pro eis solvere teneantur. Infantes, etiamsi a parentibus adducti fuerint, hac parte non contineri verius est: finis enim Edictorum est, ut quantum fieri potest, cohibeatur propagatio doctrinae superstitiosae: hac autem imbui infans aequit; quippe qui prorsus non intelligat quod agi-

Conf. Arg.
art. 252 gl. 2.
ut art. 178.
verb. paruu.
et iouv. lmb.
i. linst. 33.
lit. d.

tar. Adici et illud argumentum poterat, quod in nave vecturam iafans non debeat: partim quod vectura exigua sit, partim quod non utatur iis omnibus, quae ad navigantium usum parantur, *L. sed addes* 19. §. *si quis mulierem D. locat.* Cui consequens videbatur, nec multam pro infante deberi, quia ut maxime praesens sit, iis tamen, quae idololatriae causa parata sunt, non utitur. Sane si doctrinae puer iam capax sit, contineri eum edicto puto, nam et alia parte Edicti, parentes, tutores, qui liberos, aut pupillos ad Ignatii sectatores, aut hostium scholas studiorum causa miserint, pecuniariis quibusdam poenis plectuntur.

Tertio, cum eadem Edicta depsehsos in sacro pontificio privent exteriori veste, Belgice, *het opperste kleedt*: videndum est, quae vestes hae appellatione comprehendantur. Haud dubie pallia, et pallae, stolaeque continentur: illa virorum, hae mulierum, Belgis, *mantels ende huycken*: sed si sine palla, vel stola mulier ingressa sit, ut nunc matronae nobiles et locupletiores solent, quae stolatum pudorem plebeiis relinquunt: aut vir caligatus non palliatus introiverit, infra edicti censuram erit; utique si tenuior sit: ceterum si in fraudem edicti id fecerit, aestimationem vestimenti, quo tectus est, praestandum dixeris. Piculum sane maribus, mitram feminis non auferemus: multo minus zonam: tametsi enim utramque et mitram, et zonam. Ulpianus vesti adnumeret. *L. vestis* 23. §. *vestimenta D. de aur. et arg. legat.* Belgici tamen sermonis proprietas reelamat. Ita fascias quoque crurales vesti adnumerat *L. argumento* 25. *D. eod.*: quod Belgica lingua minime admittit. Mitras quidem J.C. Fuer cons. 115. n. 25. et alias in veste, alias in ornamentis numerant, prout vel tegendi, vel ornandi causa habentur, *d. 23. §. L.* ^{17.} *muliebria, d. L. 25. §. ornamentorum L. quamvis* 26. *D. eod.*, neutrae tamen ad Edictum pertinere videntur. Idem iudicamus de flammeo seu flammeolo, quae caput et faciem obnubere mulieres solent: nam nec hoc vestis exterioris appellatione contineri videtur. Capita vero illa, quae *Kovels* vocantur, vestis exterioris appellatione forte comprehendi possent: aequat e-

Spec. Sax.
lib. 3. art. 60.
in glos. Hed.
in vit. Davi-
dis Burg Ho-
stiens. lib. 7.
in 6a.

nim ea pallis statutum civitatis rubr. 23. art. 21. Sa-
xones *Gogels* vocant, et cum *Kappis* inter capitis te-
gumenta numerant. Fuit et virile indumentum Coss.
civitatis proprium, ut liquet ex notis doctissimi Bu-
chelii ad Hedam. Hortensius togas argenteas vertit,
sed male; toga enim talaris vestis est; *Kovel.* humerale
fuit, argenteis nolis ornatum, ut me docuit optimus
antiquitatumstrarum magister et vindex Cornelius
Boethius. In universum vero *het opporste kleedt*, ex-
tima seu exterior vestis est: extimum enim, ut Festus
ait, extremum significat, ita ut intimo sit contrarium.
Alio sensu summum vestimentum dixit Plautus in
Menaechm: *Summum me offactare oportet vestimen-
tum muliebre: nam ex isto loco spurcatur nasum o-
dore illutibili*. Quod si quis delicatulus vesti exteriori
gemmas, uniones, aurum, argentum insuta inte-
rave habuerit, accessionis vice vestimento cedunt, *d.*
L. vestis §. 1. et §. ult. Si tamen exentilia ista fuerint,
in ornamentis, non veste computantur, *L. argumen-
tum 25. §. pen. D. eod.*

- 12 Quarto, cum Edicta saepius laudata non modo sa-
crum illicitum peragentes, sed et celebrantes seu praes-
entes privent beneficio, si quod forte habuerint, in-
vestigandum est, amissum beneficium ad quem rever-
tatur? utrum ad fiscum, an ad eos, a quibus profec-
tum est? Prima specie videbatur dicendum, ad fi-
scum redire, undecunque profectum sit, fiscumque
eo frui, donec vixerit ille, cui ademptum est. Ita e-
nim si ususfructus fuerit in bonis condemnati, fiscus
utitur, fruitur donec condemnatus vixerit, *L. si po-
stulaverit 27. §. iubet D. ad L. Jul. de adult.*, nisi
forte reus capitis quoque damnetur, quo casu, perin-
de ac eo mortuo ad proprietarium revertitur, *arg. L.*
5. D. de bon. damn., *L. corruptionem C. de usufr.* Ve-
rum his non obstantibus, arbitror ex iure huius pro-
vinciae aliter respondendum: nempe cum iure pro-
vinciae bona damnatorum non publicentur, nisi ob
crimen maiestatis: maiestatis autem non illico teneat-
ur, qui vel peregit vel adoravit Sacrum; eoque sequens
est beneficium amissum ex hac causa reverti ad eos,

a quibus profectum est. Quod si vero cum surpestitio-
ne laesae maiestatis crimen coniunctum sit, tum be-
neficium fiscum occupabit, non ut fruatur donec con-
demnatus vixerit, sed ut Ordines, qui ius fisci habent,
idem beneficium alii conferant. Ita enim ipsi Ordines
nuper iudicarunt, cum vicarius pseudoepiscopi be-
neficio suo excidisset. Nec dubitandum sententiam
eorum ius facere, cum etiam sola interloquutio Prin-
cipis ius faciat, *L. 1. D. de constit. princ. L. ult. C. de
legib.* Ac licet provisio beneficii vacantis, ut Canoni-
stae loquuntur, ad Episcopum simul et Capitulum
spectet; ea tamen doctrina III. Ordinibus non obest:
in quorum potestate cum fuerit, collegia ista prorsus
tollere, quis dubitet, potuisse ius conferendi certo ca-
su sibi reservare? Quid quod Pontifex quoque in dan-
dis beneficiis autevertere antistites possit, quocunque
anni tempore vacent; qui minus Ordines, qui ciura-
to Pontifice summum in beneficiis ius habent? Acce-
dit quod beneficia nostratia degenerarint, emique et
vendi possunt: quae autem talia, ea confiscari pos-
sunt; ita tamen ut ius conferendi Ordines habeant,
non ut horas canonicas ipsi obeant. Itaque vel ex c.
felicis de poen. in 6. arguere ita possumus: Quidquid
in bonis perduellis est, id ad fiscum pertinet. Sunt
autem beneficia ista hodie in bonis: Ad fiscum igitur
transeant, necesse est.

Transeamus ad Edicta de commeatu, armis, mer-
cibus hostium oppidis non inferendis. In quibus il-
lud in primis excutiendum, quo iure III. Ordines ex-
teris quoque interdicat commercio cum maritimis
Flandriae oppidis, quae adhuc sub iugo Hispanorum
sunt, cum edicto anni 1598. §. 1. ita sanciunt, *Ende
voor die ingesetenen van andere rycken, landen, oste-
steden, op ee verbeunte van heure scepen ende goe-
deren, mede sonder eenige genade:* Atqui iure gen-
tium mare et litora maris omnibus patent, adeo ut
cuivis piscari, navigare, aedificare, insulam in mari
natam occupare liceat; Respondeo: tametsi naturalis
ratio dictet, communia gentibus litora esse debere,
non minus tamen gentium consensu receptum est, ut

Ang. Barbo-
s. tract. de ca-
non et dign.
cap. 13. n. 2.
2. Duar. lib. 5
de ben. esp:
10.

Liv. lib. 33.
cap. 48.

si quis armis, vel commeatu iuvare hostem velit, is ipse in hostium numero habeatur. Nam si in hostium numero sunt, qui publico civitatis consilio auxilia hosti submiserunt; utique non impune singulis licebit quod toti civitati non licet. Et quemadmodum leges belli nos cogunt, non solum munitiones hostium, portus, urbes, viros, naves, sed et fructus, et hoc genus alia aut praeripere, aut perdere, ut res opesque eorum quantum possunt; atterantur: ita etiam arma, annonam, naves, quae litora petunt hostium, interciperè licet, ne rebus necessariis illatis vires eorum adaugeantur. Praebuit sane haec disputatio contentionibus non modicis causam, cum alibi, tum in Belgio. Exorto enim eum Hispanis bello, cum Hollandi Selandique depraedarentur, quantum omnino navium vela in Hispaniam direxerat, Angli intercessere, dictitantes, sibi qui neutrarum essent partium, non posse adimi liberum cum hoste commercium. Foederati contra; iure gentium se uti: neque neutrarum esse partium, qui hostem commeatu, aut rebus necessariis iuvent. Ipsi quoque Angli, quod ius in se tum statui indignabantur, eo in alios postea usi sunt. Cum enim in societatem belli contra Hispanos gerendi venissent, non dubitarunt nautis neutrarum partium in Hispaniam tendentibus manus iniicere, commeatumque hosti omnibus modis intercludere. Et quamvis id valde durum videatur iis, qui neutrarum sunt partium, levant tamen duritiem denunciationes, atque interminationes, quae praecedere solent manus iniectionem: quibus si exteri non paruerint, sibi impudent, qui cum exitio aliorum negotiari non erubuerunt.

- 14 Dehinc videndum, cur Edictum anni 1598. tam lenè sit, ut poenis nec capitalibus transgressores feriat, ultimum vero supplicium non nisi iterum deprehensis irroget; cum tamen negari non possit incidere in primum caput maiestatis eos, qui hostes rebus necessariis adiuvant: quemadmodum et legibus Anglorum cautum memorat Bodinus, ut quisquis hosti quoque modo opem tulerit, perduellionis reus sit. Non

Reid hister.
lib. 1.

obtendemus hic illud, mercatores, qui hostilibus op-
 pidis res necessarias subvehunt, non hostili animo,
 sed lucri sui causa id facere: tametsi enim hoc colo-
 re Imp. Leo Nov. 63. videatur capitalem poenam
 negotiantibus remisisse; verius tamen est, capite se-
 cundo demonstravimus, hoc ipsum hostile esse, sa-
 lutem civitatis suis postponere commodis. Illud potius
 dicemus, nec merces omnes bello utiles, nec omni-
 bus orbis partibus aequè bellum fervere. Utilitatem
 praeterca mercaturae tantam esse, ut impossibile vi-
 deatur, omne omnino cum hostibus commercium
 capitali poena constituta prohibere. Denique tam sa-
 cram esse auri famem, tantumque hominum ea vexa-
 ri, ut si severius in singulos statuere velimus, pro-
 viuncias verti, splendidissimo cuique exitum parari ne-
 cesse sit. Sane quibus locis maxime bellum fervet,
 quae oppida obsidione a nobis cincta sunt; iis si quis
 res necessarias vel semel intulerit, nemo opinor nega-
 bit, perduellionem esse, et capitali animadversione
 dignum crimen.

Dubitari praeterea potest, an quoniam Edictum
 novum anni 1623. nullum facit poenae capitalis men-
 tionem, eo ipso videatur derogasse Edicto anni 1598.
 art. 1., qua parte iterum deprehensus ultimo supplicio,
 publicatione omnium bonorum plectitur? Verius est,
 non esse derogatum. Quidquid enim lege nova non
 est specialiter correctum, id relictum intelligitur con-
 stitutionibus veteris iuris: non est autem specialiter
 sublata poena capitalis; quare hodieque secundum
 deprehenso infligi poterit. Eadem ratione dicemus,
 tametsi Edicto novo nulla fiat mentio virgarum et
 coercitionis corporalis infligendae reo primum depre-
 hensio, nihil tamen obesse, quo minus haec quoque
 coercitio pro qualitate admissi locum habeat. Edictum
 enim novum non substituit in locum poenae corpora-
 lis pecunarias tantum poenas, sed reum pro qualitate
 admissi arbitratu iudicantium puniri iubet, ita tamen,
 ut ne poena infra 400., vel 200. Carolinos sit. Quo-
 ties vero poena arbitrio iudicantis relinquitur, atro-
 citate criminis flagitante, corporalem poenam infli-
 gere non prohibetur.

Potest etiam controversum, an cum Edictum prohibet

16 exportari frumenta in Belgio nata, eo ipso prohibeat

Guid. Pap. q.
373 Menoch.
cas. 386. n.
11. Boer. de-
cis. 177. n. 3.
Sainson. 1.
Turon. 5. gl.
4. lit. p. et §.
9. gl. 2.

etiam exportari farinam et legumina? Farina etsi proprie frumentum non est, sententia tamen Edicti continetur: alioqui fraus facile legi fieret, frumento ante ad molam delato. Legumina quoque frumenti appellatione non veniunt: sunt enim frumenta, quae arista continentur: legumina, quae siliqua, itaque nec lupini, nec faba, nec cicer, nec pisa frumenta sunt, sed fruges, *L. frugem* 77. *D. de V. S., L. 3. §. sive autem D. de pen. leg.* Quantum tamen an edictum attinet, legumina quoque ad id pertinere palam est: non enim frumenti, sed grani verbo Ordines utuntur, cum edicunt: *Oste andere greynen, in de vee-renichde Nederlan gevassen* Grani vox tam frumenta, quam legumina continent: et granaria Nonius vocat, loca in horreis, servandis seminum granis. Adhaec, cum enumerasset Edictum triticum, secale, hordeum, avenam, paucum, subiicit clausulam istam generalem: *aut alia grana in Belgio nata*; quibus verbis nisi legumina intelligas, nihil intelligere possis; quoniam praeter enumeratas species, frumenta alia in Belgio foedarato nulla sunt. Ex his apparet, quantum hallucinatus sit Ripa, qui existimavit, si statutum civitatis triticum exportari vetet, etiam legumina comprehendi, ob id, quod Glossographus in *L. triticum* 94. *D. de V. O.* perperam notaverat, tritici appellatione legumina contineri, idemque Latinis triticum esse, quod Italici bladium est. Atqui certum est, triticum frumenti speciem esse: Bladi autem verbum tam Belgis, quam Italici omnes fructus et redditus denotat: unde usum fructum quoque honorum *bladinghe* Belgae vocant.

Ripa tract. de
poste lit. de
rem. ad con-
ubert. n. 55.
Vid. Cuiac.
l. 94. *D. de*
V. O.

17

Menoch. cas.
560. n. 97. Al-
ciat. in c. 10.
de iud. n. 101
Grivell. dec.
81. Tit. tit.
C. Quae res
export. Clar.
§. fin. q. 82.
n. 40.

Adhuc notandum est, in Edictis hisce non esse locum quaestioni vulgatae; qua disputant interpretes, an statutum crimen puniens, etiam de conatu criminis sit intelligendum? Tametsi enim multis arideat sententia negans tanquam benignior; edictis tamen nostris ea minime est consentanea. Etenim cum ex edicto navis mercesque in commissum cadant, qui

dixerit, id fieri perfecto demum crimine, id est, cum navis iam hostilem portum tenet? imo vel maxime crimine coepto non consummato, id est, cum in ipso cursu navis intercipitur.

Sed nec illa nobis disputatio necessaria est, utrum in commissum dumtaxat cadant merces illicitae, an et licitae? deciditur enim quaestio expressis verbis edicti anni 1591. §. 16. cum ait: *Soi' vol die ghene, daer die faulte niet innegedaen, als innegedaden sal zijn verclaren voor veheurt.* Et tamen absque edicto verior quoque est eorum sententia, qui dicunt, omnes in commissum cadere: nam si navis quoque in commissum cadit, quantomagis merces in navem immis-
 11. §. *dominus D. de public.*, *L. 3. C. de naut. forn.* Nec probo Baldi et aliorum distinctionem, qui interesse putant, utrum licitae ab illicitis commode separari possint, necne: ut illo casu solae illicitae: hoc utraeque in commissum cadant. Loquuntur enim sine lege. Sed nec obest quod Quintilianus *declam.* 341., scribit; *Quod quis professus non est apud publicanos, pro commissio tenetur*: versatur enim Rhetor in alia quaestione: nempe si fur furtivam professus non sit, an fiscus iure commissi potior sit domino: nostram vero quaestionem ne attingit quidem, tantum abest, ut definiat. Saue, cum plures mercatores eandem onerarent navem, unus ex eis merce illicitas reliquis insciis, aut invitis immiserit, cuius solius merces publicabuntur: Nam et cum ex pluribus heredibus unus rem-
 19 munem publicanis celaverit, factum eius coheredibus non nocet, *L. fraudati §. 1. D. de pub. et vestig.* Et si domino navis ignorante immissae merces illicitae sint, navis dispendium non sustinet: semper enim cavendum, ne ex alterius admissio alius plectatur, *d. L. cotem §. dominus*, *L. pen. §. 1. D. locat.*; *L. si poena, L. cr. men. D. de poen.* Sed cum Edicta navem publicant, dubitari potest, an scapha quoque in commissum cadat? Non est quidem scapha navis pars, nec instrumentum, sed species, differens a nave magnitudine, *L. scapham 44. D. de Evict.*, *L. ult. D. de inets*

Bald. in d. l. n. Am. in e. Quae sine regul. verb. vectigalia n. 65. Perreg. 6. de iur. fise. tit. 6. n. 30. Aliter Mornac in l. pen. §. 1. D. locat. Boar. decis. 178. n. 24.

Bald. et Ae
dict. d. lof. *vel instrum. leg.*; tamen quia scapha pro accessione
utimur, et maiori navi inservit, idcirco recte respon-
sum puto, scapham una cum nave in commissum
cadere.

- 20 Postremo notandum, quantum ad accusationem at-
tinet, benigniora esse edicta haec civili iure. Jure
enim civili quaestio de commissis quinquennio fini-
tur, nisi lite res anticipetur, *L. 2. C. de vectig. et
commis*; at edicta anno eadem terminant. Qui quidem
annus continuus, non utilis est; utilis enim annus
Edictis et Statutis nostris non perinde cognitus est.
Contra duriora sunt edicta, quantum ad mercium
pretium attinet: nam ius civile pretium rerum, quae
in commissum ceciderunt, non exigit, si ipsae non
existant, nec dolo supprimantur, *d. L. 2.* At aedicta
nostra etiam pretium navis et mercium exigunt, fa-
ciuntque cuivis e populo accusandi potestatem; cogni-
tionem etiam cuivis iudici iurisdictionem ordinariam
habenti iure praeventionis concedant. Neque tamen
annalem praescriptionem obesse puto, quo minus illi
qui contra salutem patriae gravius deliquerit, ex
primo capite maiestatis laesae intra vicennium accu-
sari possint. Nec enim verosimile, atrocissimum sce-
lus tantulo spatio legumlatores perimere voluisse;
quin totam vindicandi rationem arbitrariam esse ius-
serunt: arbitrio autem boni iudicis nequaquam con-
venit, atrocissimi criminis reum tueri annali prae-
scriptione.

Finis tomus secundi.

I N D E X

CAPITUM ET SERIES ORDINATA MATERIARUM, QUAE SUB SINGULIS CAPITIBUS PERTRACTANTUR

IN TOM. II.

T I T. V

DE EXTRAORDINARIIS
CRIMINIBUS

C A P. I.

De partu abacto Pag. 3

<i>Ob nimiam multitudinem an liceat abortum facere</i>	ibid.
<i>Abactio partus publicum ne an extraordinarium crimen sit</i>	5
<i>Respondetur ad obiecta</i>	8
<i>Quid si non medicamentis : sed vi manuque abortus factus sit</i>	10
<i>Si mater , nisi abortu facto , servari non possit , an liceat eo casu abortum facere</i>	11

C A P. II.

De scopelismo Pag. 13

<i>Quid sit scopelismus</i>	ibid.
<i>An scopelismi intelligendus Job. 5. 23.</i>	14
<i>Quae poena scopelismi , et an capite puniri possit</i>	ibid.
<i>Quae sint scopelismo adfinia , et de tituli vel signi impositione</i>	16
<i>Quomodo moribus occurratur minis : et an cautio de non offendendo legibus probari possit</i>	15

C A P. III.

De Nili aggeribus non rumpendis Pag. 19

Perfossio aggerum Nili cur crimen ibid.*Quae poena huius criminis* ibid.*De usu, et an leges de Nilo loquentes ad alia
flumina produci possint* 21*An capita puniendi qui aggeres privatos ru-
perunt.* 22

C A P. IV.

De circulatoribus Pag. 23

Circulator unde dictus, et quid sit ibid.*De his qui serpentes circumferunt* ibid.*De his qui superstitione mentes terrent* 24*De circumforaneis, qui imperiti artis medica-
menta vendunt* ibid.*Quae actiones cum accusatione concurrant* 25

T I T. VI.

DE SEPULCRO VIOLATO.

C A P. I.

Quid sepulcrum, quid monumentum 26*Quid sit violare sepulcrum* ibid.*Concil. L. 2. h. t. cum L. 27. D. de iniur.* 27*De magnitudine huius criminis* 28*Si illatus sit mortuus, quo ius non erat, an im-
pune erui possit* 29*Si humatus sit, quem humare fas non erat, an
impune effodiatur* 30*An medici cadaver sectionis causa impune
effodere possint* 31

C A P. II.

De poena ibid.

Quae sit poena huius criminis ibid.*Particulae usque ad includant, an excludant.* 32*An hoc crimen publicum factum sit L. 4. C. h. t.* 34

<i>Quae iudicia cum hae accusatione concurrant</i>	239
<i>An lex poenalis extendi possit</i>	35
<i>Poena c. vel cc. aureorum an dividenda inter fiscum et actorem</i>	ibid.
<i>De concursu quid iudicandum</i>	36
<i>De usu huius tituli</i>	37

T I T. VII.

DE CONCUSSIONE.

C A P. I. 38

<i>Quid sit concussio, quantumque distet a latro- cinio, et rapina</i>	ibid.
<i>Que species concussionum</i>	ibid.
<i>Utrum concussio privatorum dumtaxat crimen sit, an eorum, qui in aliqua administratione sunt positi</i>	39

C A P. II.

<i>De poena</i>	Pag. 40
-----------------	---------

<i>Quae sit concussionis poena, et quando ulti- mum supplicium infligendum</i>	ibid.
<i>Quae iudicia cum hac accusatione concurrat, et in specie an concurrat actio metus</i>	41
<i>Uno horum iudiciorum electo, an perimantur reliqua</i>	42

T I T. VIII.

DE ABIGEIS

C A P. I. 43

<i>Abigeus qui sit</i>	ibid.
<i>Equi appellatione an equa contineatur</i>	ibid.
<i>Quot caprae requirantur</i>	44
<i>Quot muli, atque asini</i>	ibid.
<i>Quae praeterea requirantur, ut hoc crimen com- missum dicatur</i>	ibid.

De poena

Pag. 45

<i>Quae abigeorum poena</i>	ibid.
<i>Qui a stabulo abigunt, utrum lenius an plenius coercendi</i>	46
<i>In. L. 1. pr. h. t. per gladium, an ludus gladiatorius intelligendus</i>	47
<i>Quae iudicia concurrant</i>	ibid.

T I T. IX.

DE PRAEVARICATIONE

C A P. I.

48

<i>Praevaricator unde dictus</i>	ibid.
<i>Praevaricatoris definitio</i>	49
<i>An reus quoque, vel advocatus eius praevaricetur</i>	50
<i>An et in privatis iudiciis hoc crimen committatur</i>	ibid.
<i>An praevaricetur advocatus, cum cognitis secretis alterius, ad alterum transit.</i>	51
<i>An nuntiatores et procurator fisci in hoc crimen incidant.</i>	53

C A P. II.

De poena

Pag. 54

<i>Iudicium praevaricationis duplex, et quae utriusque poena</i>	ibid.
<i>Hodie omnis praevaricatio extra ordinem puniatur</i>	55
<i>Quae poena rei corrumpentis accusatore</i>	ibid.
<i>Si quis adversarium praevaricationis accusare nolit, an restituendus in integrum adversus rem iudicatam</i>	56

T I T. X.

DE RECEPTATORIBUS

C A P. I.

Pag. 56

<i>Qui receptatores</i>	ibid.
<i>An caupones et stabularii incidant in hoc crimen</i>	57

<i>An maritus, uxor, parentes, liberi, cognati,</i>	ibid.
<i>adfines</i>	ibid.
<i>Qui privati criminis reum susceperit, an teneatur</i>	ibid.

C A P. II.

<i>De poena</i>	Pag. 58
<i>Legum varietas de poenis receptatorum</i>	ibid.
<i>Tentatur conciliatio earundem legum</i>	59
<i>Respondetur contrariis</i>	ibid.

T I T. XI

DE FURIBUS BALNEARIIS

C A P. I. Pag. 61

<i>Qui fures nocturni; et cur improbiores habiti.</i>	ibid.
<i>Qui fures balnearii.</i>	62
<i>Qui saccularii</i>	63
<i>Qui directarii</i>	64
<i>Magi, an aliquid possint obiter</i>	ibid.
<i>Qui homolochi</i>	ibid.

C A P. II.

<i>De poena.</i>	Pag. 65
<i>Quae poena sacculariorum et reliquorum furum</i>	ibid.
<i>An et quando ultimo supplicio adfici possint</i>	ibid.
<i>De concursu publici iudicii cum extraordi-</i>	66
<i>nario</i>	

T I T. XII.

EXPILATAE HEREDITATIS

C A P. I. Pag. 66

<i>Cuiusmodi sit haec accusatio</i>	ibid.
<i>An eum aliis actionibus concurrere possit</i>	ibid.
<i>Qui non incidant in hoc crimen</i>	67
<i>An heres coheredem huius criminis reum facere</i>	68

C A P. II.

<i>De poena</i>	Pag. 70
<i>Quae sit huius criminis poena</i>	ibid.

<i>An corporalis infligi possit</i>	70
<i>An furti appellatione contineatur expilatio hereditatis</i>	ibid.
<i>Si legatarius expilet hereditatem an amittat legatum</i>	71
<i>Si tertius expilator res legatas abstulerit, an liberetur heres</i>	72
<i>Quae actiones cum accusatione concurrant</i>	ibid.

T I T. XIII.

STELLIONATUS

C A P. I.	Pag. 73
<i>Stellionatus unde dictus, et quid sit</i>	ibid.
<i>Enumerantur species</i>	ibid.
<i>Qui duobus obligavit omnia bona an incidant in hoc erimen</i>	74
<i>Conciliatur L. 21 de falsis cum L. 3. §. 1. h. tit.</i>	76
<i>An stellio qui sine periuro affirmat pignora vel rem vendendum suam esse</i>	77
<i>Quae praeterea species huc referantur ab interpretibus.</i>	78

C A P. II.

De Poena	Pag. 79
<i>Quae poena stellionatus</i>	ibid.
<i>De rei defensionibus obiter</i>	ibid.
<i>An satisfaciens creditoribus liberetur hoc crimine</i>	ibid.
<i>An condemnatus fiat infamis</i>	80

T I T. XIV.

DE TERMINO MOTO

C A P. I.	Pag. 81
<i>Terminus unde dictus, et quid significet</i>	ibid.
<i>Termini veteribus sacri</i>	ibid.
<i>Crimen termini moti qui incurrant</i>	82
<i>Quid arbutum, quid novale</i>	ibid.

C A P. II.

De poena.

82

<i>Quae poena termini moti</i>	ibid.
<i>Actio popularis ex lege agraria C. Caesaris</i>	
<i>an concurrat cum accusatione</i>	83

T I T. XV.

DE COLLEGIIIS ET CORPORIBUS

C A P. I.

Pag. 84

<i>Collegium quid, et quot personis constet</i>	ibid.
<i>Cohabitatio collegarum an necessaria</i>	85
<i>An necessaria arca communis atque sigillum</i>	ibid.
<i>Quid intersit inter collegium et corpus atque universitatem</i>	86
<i>Cur collegia sine principis permissu contrahere non liceat</i>	ibid.
<i>Enumerantur collegia licita</i>	88

C A P. II.

De poena

Pag. 89

<i>Quae poena collegii illiciti</i>	ibid.
<i>Utrum lex Julia de vi, an de maiestate concurrat cum hac accusatione</i>	ibid.

T I T. U L T.

DE RELIQUIS CRIMINIBUS
EXTRAORDINARIS.

C A P. I.

De periurio

Pag. 90

<i>Periurium an crimen, et cuiusmodi</i>	ibid.
<i>An praeter accusationem etiam civilis actio detur in peierantem</i>	94
<i>An heres puniendus periurii poena, si non impleat iusiurandum defuncti</i>	ibid.
<i>An pagani, iudaei, mennonistae etc.</i>	96
<i>An excusandi quibus metu aut dolo extortum est iusiurandum</i>	97

<i>An reus qui in iudicio peieravit</i>	98
<i>An excuset interdictum superioris, difficultas impossibilitas</i>	99

C A P. II.

<i>De expositione infantis</i>	Pag. <i>ibid.</i>
<i>Expositio crimen extraordinarium</i>	<i>ibid.</i>
<i>Quae poena</i>	100
<i>Tollere expositos quis debeat</i>	102
<i>Expositi an in dubio censendi legitimi</i>	<i>ibid.</i>

C A P. III.

<i>De improba mendicitate.</i>	Pag. 103
<i>Mendicitas improba an crimen, et quae eius poena</i>	<i>ibid.</i>
<i>Severitas ordinum in mendicos et Aegyptios</i>	104

C A P. IV.

<i>De carceris effractione</i>	Pag. 105
<i>An effractor carceris morte puniendus</i>	<i>ibid.</i>
<i>An muri carceris sancti</i>	107
<i>Quae iudici considerata in puniendis effractoribus</i>	108
<i>Quid si iniuste carceratus eripuerit</i>	<i>ibid.</i>
<i>Quid in eos statuendum, quorum dolo aut culpa reus evaserit</i>	109

C A P. V.

<i>De illicitis pignorationibus et emptionibus</i>	110
<i>De his qui liberos debitoris pignori accipiunt</i>	<i>ibid.</i>
<i>De his qui instrumenta agriculturae capiunt</i>	<i>ibid.</i>
<i>De represaliis</i>	111
<i>De emptione purpurae, serici, annonae militaris</i>	113
<i>De medico, monopoliis, conventionibus mercatorum vel opificum illicitis</i>	114
<i>Et an quae de his constituta producenda ad magistros advocatos, medicos, etc.</i>	115

C A P. VI.

De foeneratione, alea et ebrietate 116

Foeneratio non est crimen extraordinarium ibid.*De foeneratoribus, quo loco censendi* 117*Alea non est crimen, nisi vis ludendi causa facta sit* 118*Suas sicutulae et blanditiae an vis appellatione contineantur* 120*Nec ebrietas crimen extraordinarium est* ibid.

LIB. XLVIII. DIG. TIT. I.

DE PUBLICIS IUDICIIS

C A P. I.

Pag. 122

Quid sit publicum crimen ibid.*Per executionem accusationem intelligendam ostenditur* 123*Cur adiecta definitioni vox plerumque* 124*An omne crimen, quo principaliter numen offenditur, publicum* ibid.*Quomodo dividantur publica crimina* 127*Quae communia publicorum iudiciorum* ibid.

T I T. II.

AD LEG. JUL. MAIESTATIS

C A P. I.

Pag. 128

Maiestas unde, et quid crimen maiestatis ibid.*Rectene maiestas dividatur in divinam et humanam* 129*Quid sit maiestas, et qui eam habeant* ibid.*Quatenus crimen maiestatis admittatur in Principes superiorem agnoscentes* 130*Quid de foederatis dicendum: ad L. p. §. 1. D. de capt. et postlim. rever.* 131*An a subditis tantum committatur hoc crimen, et qui subditi* 132*An origo sufficiat, ut subditus quis dicatur* 135*An advenae subditi* ibid.

C A P. II.

Quibus modis crimen maiestatis committitur. Pag. 141

Cur sacrilegio proximum hoc crimen dicatur ibid.

Quid perduellio, quantum differat a reliquis speciebus 142

Duces hostium dimitens an perduellis 143

Obsides dimittens an perduellis 144

De seditione, et an omnes omnino seditiosi perduelles 145

An perduellio adversus solum Imp. Rom. committatur 149

De occidente Magistratum, et quid si privato odio fecerit 151

De his, qui hostem concitant, et hostibus manifestant secreta Reipublicae 153

De seditione vel tumultu militari 154

De descrendo, vel non deserendo imperio, exercitue 156

De adulterante tabulas publicas, vel incendente tabularium 158

De proditoribus, et an proditores qui ignavia, timore urbem hosti tradunt 159

De eo, qui bellum, aut privatus pro imperio quid gessit 161

De conspiratione, et iis, qui alterius patrocinio se commendant 164

De his qui hostes armis, commeatu etc. adiuvant et in specie de mercatoribus 165

Quid si uxor, parentes, liberi, cognati adfines hoc fecerint, an excusandi 168

De eo qui reum in vincula coniectum cmixerit 171

De reliquis huius criminis speciebus extra perduellionem. 172

C A P. III.

De poena et ad leg. 5. C. h. tit. 177

Quae fuerit poena leg. Juliae ibid.

	247
<i>Poena mortis an ad utrumque caput pertineat</i>	178
<i>Ac ad feminas quoque lex perduellionis</i>	179
<i>An voluntas sola puniatur poena perduellionis</i>	181
<i>Quid si reus iam ante defunctus sit</i>	182
<i>Quid si absit aut latitet</i>	183
<i>An ex secundo quoque capite leg. Juliae bona omnia fiscus occupet</i>	184
<i>An libertorum bona liberis sint salva</i>	ibid.
<i>Unde alimenta habituri sunt filii perduellis</i>	187
<i>Ostenditur iniquam esse in filios perduellis legem Arcadii</i>	189
<i>An ea pars legis sublata per L. 22. C. de poen.</i>	190
<i>An in leg. Arcadii filiorum verbo contineantur emancipati, adoptivi, naturales</i>	191
<i>An ante commissum crimen nati</i>	193
<i>An nepotes</i>	196
<i>Si filius perduellis sit, an pater quoque puniatur</i>	198
<i>An materna quoque bona, et cognatorum, et testamento delata fiscus occupet</i>	ibid.
<i>Quatenus vetet lex pro perduelle intercedere</i>	ibid.
<i>An filiae perduellis arceantur ab hereditatibus legitimis et testamentariis</i>	200
<i>Perduellis statim amittit rerum dominia</i>	201
<i>Quatenus crimen mariti noceat uxori et contra</i>	203
<i>Consciorum verbo an contineantur tantum qui pars factionis fuerunt</i>	204
<i>Quo praemio donentur indices</i>	210

C A P. IV.

<i>De his quae in iudicio Majestatis singulariter constituta dicuntur</i>	Pag. 211
<i>Quae singularia legibus enumerentur</i>	ibid.
<i>An generaliter verum in hoc iudicio recedi posse a regulis iuris</i>	212
<i>An cognitio pertineat ad solum principem</i>	214
<i>An hoc iudicio absens damnari possit</i>	215
<i>An testes admittantur inhabiles</i>	ibid.
<i>An unicus testis sufficiat ad reum torquendum</i>	216
<i>An reus ex indiciis damnari possit</i>	ibid.
<i>An de se confessus indicium contra alium faciat ad torturam</i>	217

<i>An condemnatus possit appellare</i>	218
<i>An perduellis ulla tutus sit praescriptione</i>	ibid.
<i>An necessario reip. tempore a regulis iuris recedere liceat.</i>	221
C A P. V.	
<i>De usu, ad Edicta nonnulla Ill. Ordinum</i>	222
<i>An crimen maiestatis in singulas provincias comittatur</i>	ibid.
<i>An si quis Gubernatorem vel deputatos oppugnet</i>	223
<i>Enumerantur edicta de commerciis cum hoste loquentia</i>	ibid.
<i>De his qui specie commercii hostilia agitant</i>	225
<i>Enumerantur edicta in coitiones papicolarum facta</i>	226
<i>In quibus mores recesserint a poena perduellionis</i>	ibid.
<i>An liberis perduellis hodie reliquenda legitima</i>	ibid.
<i>An edicta in Pontificios facta omnem temporis praescriptionem excludant</i>	227
<i>An Praeter multam petens submovetur annali praescriptione</i>	228
<i>An multa solvenda pro pueris qui missae interfuerint</i>	ibid.
<i>Quae sit in edictis exterior vestis et opperstickleet.</i>	229
<i>Beneficium vel praebenda amissa cui applicetur</i>	230
<i>Iure an iniuria exteri prohibeantur hostibus comitatum invehere</i>	231
<i>Cum mercatoribus edicta temerantibus capitis poena remissa</i>	232
<i>An secundum deprehensi capite plectendi</i>	233
<i>An farina et legumina ad hostes exportari possint</i>	234
<i>An in edictis conatus solus puniatur</i>	ibid.
<i>An in commissum cadant etiam merces licitae immissae sint</i>	235
<i>De praescriptione annali, qua quaestio de commissis perimuntur.</i>	236

FINIS.